







# ভারতে অলিকসন্দর ।

( সঙ্কিত )

ত্রীসত্যচরণশাস্ত্রী কর্তৃক প্রণীত

ও প্রকাশিত ।

“আয়ুর্ক্ষতি মর্শ্মানি আয়ুর্ভগ্নং প্রবচ্ছতি ।  
অর্জুনস্য প্রতিজ্ঞেদে নদৈন্যং নপলায়নম্ ।”

প্রথম সংস্করণ ।

কলিকাতা ।

সন . ১১৬



## কলিকাতা—

১৭ নং নন্দকুমার চৌধুরীর দ্বিতীয় লেন,

“কালিকা যন্ত্রে”

শ্রীশরচ্চন্দ্র চক্রবর্তী কর্তৃক মুদ্রিত ।



# উৎসর্গ।

মান্যবর

শ্রীযুক্ত শিবনারায়ণ মুখোপাধ্যায়

মহাশয়ের কর কন্মলেষু

উত্তরপাড়া।



## ভূমিকা ।

যিনি এই গ্রন্থের নায়ক, তিনি ইংরেজ মুখে আলেকজান্ডার নামে অভিহিত হন । গ্রীকবাসীরা আলেক্সান্দ্রস্ এইরূপ ভাবে উচ্চারণ করিয়া থাকেন । ইংরেজ আমাদের রাজা, সুলতান তাহাদের কাছে শিথিয়া আমরা আলেকজান্ডার উচ্চারণ করিয়া থাকি । মুসলমান সঙ্গ বশতঃ, আমরা তাহাদিগের প্রদত্ত নাম সেকেন্দার ও সময় সময় কহিয়া থাকি । আমাদের সম্রাট অশোক, এই নাম যে ভাবে উচ্চারণ করিয়াছিলেন, এবং পদ্ধত-গাত্রে যে ভাবে অঙ্কিত করিয়াছেন, আমরা তাহাই অনুকরণ করিয়া, আমাদের চিরভ্যস্ত আলেকজান্ডার এই নামের পরিবর্তে অলিকসন্দর নাম ব্যবহার করিলাম । সম্রাট, অলিকসন্দরকে অলিক্যসদল নামেও অভিহিত করিয়াছেন, প্রথমটির সহিত মূলের অনেকটা সাদৃশ্য থাকায় আমরা তাহাই গ্রহণ করিলাম ।

অলিকসন্দরের সহিত পুরুষ যে স্থানে যুদ্ধ হইয়াছিল বলিয়া, কথিত হয়, সেই স্থানদ্বয়, তক্ষশিলা, পাণিনির জন্মভূমি শালাতুর, পুরুষপুর প্রভৃতি দেখিয়া আসিয়াছি, যে রাস্তা দিয়া মেসিডন পুত্র ভারতবর্ষ হইতে গমন করিয়াছিলেন, হিংলাজের সেই পথ এবং সিন্ধুপ্রদেশ ভাল করিয়া দেখিবার বাসনা ছিল তাহা বটিয়া উঠে নাই ভবিষ্যতে তাহা পূর্ণ করিতে চেষ্টা করিব । পাঞ্জাব সীমান্ত প্রদেশে ভ্রমণ কালে তাহাদের কাছে অনুমাত্র ও সাহায্য পাইয়াছি এই সুযোগে তাহাদিগকে আন্তরিক ধন্যবাদ প্রদান করিতেছি । দক্ষিণেশ্বর ২রা কার্তিক । ১৩১৬ সাল ।

## চিত্রের সূচী

যুদ্ধক্ষেত্রে অলিকসন্দর	...	সম্মুখের পৃষ্ঠা
গ্রীক প্রাচীর ভাঙ্গিবার যন্ত্র	...	১১১ ”
এমনরূপে অলিকসন্দর	...	১১৫ ”
হারকুলিসরূপে      ঐ	...	”
অলিকসন্দর	...	১৪৭ ”
ঐ	...	১৮১ ..

# ভারতে অলিকসন্দর

## প্রথম ভাগ

### প্রথম অধ্যায়।

প্রায় ২৩ শত বৎসর অতীত হইতে চলিল, ইয়ুরোপের একটি ক্ষুদ্র জনপদের একজন লোকোত্তর পুরুষ অতি অল্প অর্থ ও লোকবল সংগ্রহ করিয়া সে সময়ের তাঁহাদের পরিজ্ঞাত পৃথিবীর প্রায় অধিকাংশ প্রদেশ করতলগত করিতে সমর্থ হইয়াছিলেন। তাঁহার ভারতের সীমান্ত প্রদেশে আগমন ও তথাকথিত জয়ের কথা, সেই সময় হইতে আরম্ভ করিয়া, বর্তমানকালেও ইয়ুরোপীয়েরা গর্বের সহিত আলোচনা করিয়া থাকেন। এ সম্বন্ধে ইয়ুরোপ খণ্ডের নানাদেশের মনীষিগণ, নানা ভাষায় অবিশ্রান্তভাবে গবেষণা করিলে ও, আমাদের দেশের কোনও প্রাচীন লেখক তাঁহার ধুমকেতুর ছায়া অকস্মাৎ উদয়ের কোন কথা লিপিবদ্ধ করেন নাই। কোন্ সুদূর অজ্ঞাত প্রদেশের অধিবাসী, আমাদের ভারতবর্ষের দুই চারিদিন শান্তিভঙ্গ করিতে

বা পয়াপ্ত ধন সম্পদের কয়দংশ অপহরণ করিয়া লইয়া যাইতে সমর্থ হইয়াছিল, সেই সকল অশান্তিপূর্ণ ঘটনা লিপিবদ্ধ করা আমাদের পূর্জেরা যুক্তিযুক্ত বিবেচনা করেন নাই। এই কাল সমুদ্রের অনন্ত তরঙ্গ প্রতি মুহূর্তে উৎপন্ন হইয়াই ক্রিয়ৎক্ষণ পরেই তাহা বিলীন হইয়া যাইতেছে। এইরূপ তরঙ্গের ঘাতপ্রতিঘাত গণনা, হিন্দুর সত্যাব বিরুদ্ধ, তাই তাঁহারা ইহ সংসারের ঘটনা পরম্পরা লিপিবদ্ধ করিবার ব্যর্থ চেষ্টা না করিয়া, পারলৌকিক উন্নতিকল্পে মনোনিবেশ করিতেন। স্বাধীন হিন্দুর এরূপ চেষ্টা প্রশংসাজনক হইতে পারে। কোন দস্যু বা তস্কর, সম্পন্ন গৃহস্থের যৎসামান্য বিষয় লুণ্ঠন করিয়া লইয়া গেলে, সেই সমৃদ্ধি সম্পন্ন ব্যক্তি যেরূপ অতি অল্পকাল মধ্যেই সেই দস্যুর অত্যাচারের কথা বিস্মৃত হইয়া থাকে, সেইরূপ অলিকসন্দর আদির ভারত আক্রমণ কথা, অতি অল্পকাল মধ্যেই আমাদের দেশের লোক ভুলিয়া গিয়াছিলেন। এই জন্তই আমাদের কোন গ্রন্থে অলিকসন্দরের কোনরূপ নামোল্লেখ নাই। এরূপ দস্যুর নাম কীর্ত্তন করাও বোধ হয় তাঁহারা পাপজনক বলিয়া বিবেচনা করিতেন। মনুষ্যপরমায়ু অল্পকালস্থায়ী, এই সঙ্ক্ষেপ সময়ে দস্যুকাহিনী চর্চা না করিয়া, তাঁহারা পুণ্যচরিত্র আলোচনা করিয়া সময় অতিবাহিত করিতেন। তাঁহাদিগের নামোল্লেখ না করিবার যে কোন কারণ থাকুক না কেন, তাহা জানিবার আমাদের বিশেষ আবশ্যক নাই। কিন্তু অলিকসন্দরের আক্রমণ রোধ করিবার জন্ত—প্রতি পদে তাঁহাকে বাঁধা দিবার জন্ত, তাঁহার প্রদত্ত সম্মান ও অপমানের প্রতি কিঞ্চিৎাত্র ক্রক্ষেপ না করিয়া স্বদেশের কল্যাণের জন্ত, ভারতবাসীরা কিরূপে আত্মোৎসর্গ



করিয়াছিলেন—তাহা আলোচনা করিলে শরীর কণ্টকিত হইয় উঠে—ভাবিলে মাথা ঘুরিয়া যায়। আমাদের দেশের ব্রাহ্মণাদি বর্ণ চতুষ্টয় একপ্রাণে যেরূপ ভাবে কার্য্য করিয়াছিলেন, বাস্তবিকই তাহা বিস্ময়ের বিষয়। ব্রাহ্মণগণ নিঃস্বার্থ ভাবে কার্য্য করিয়াছিলেন বলিয়াই বিপুল সেনাদল সহ অলিকসন্দরকে যৎপরোনাস্তি কষ্ট পাইতে হইয়াছিল। কিরূপে তিনি, কোনরূপে প্রাণ লইয়া প্রত্যাগমন করিতে সমর্থ হইয়াছিলেন, সংসারে বীতরাগ ব্রাহ্মণের কাছে, কিরূপে তিনি পরাজিত হইয়াছিলেন, নিঃস্ব ব্রাহ্মণকে সম্মান না করিয়া কিরূপে তিনি নিজের সম্মান বৃদ্ধি করিয়াছিলেন—আর কিরূপ বীরত্বের সহিত যুদ্ধ করিয়া তিনি সমরে শত্রুর অজেয় হইয়াছিলেন ইত্যাদি প্রাচীন কাহিনী সুপ্রাচীন হইলেও ইহা চির নূতন—ইহার আলোচনা আমাদের পক্ষে পুণ্যজনক। একজন যুবক ১২।১৩ বৎসরের চেষ্টায় এবং প্রায় ৩৩ বৎসর বয়ঃক্রমের ভিতর যে সকল অসাধারণ কার্য্য করিয়াছিলেন তাহা ইয়ুরোপের ইতিহাসে খুবই অদ্বুত ব্যাপার \*। এরূপ কার্য্য তৎপরতা, এরূপ অধ্যাবসায়, এরূপ সাহস, জনসাধারণের উপর অসাধারণ

\* \* অলিকসন্দর পাশব বলে যেরূপ জগৎকে মুগ্ধ করিতে চেষ্টা করিয়াছিলেন, সেইরূপ তাহা অপেক্ষা অল্পদিন ও অল্প বয়সের মধ্যে, আচার্য্যাপ্রবর শঙ্করাচার্য্য ধর্ম্ম জগতে যুগান্তর আনয়ন, এবং স্মীয় মত সংস্থাপন জগৎ অসংখ্য গ্রন্থ প্রণয়ন করিয়াছিলেন। তাহাও জগতের ইতিহাসে বিস্ময়জনক ব্যাপার। প্রভুপাদের ভ্রমণ ও ক্রোশ হিনাবে অলিকসন্দর অপেক্ষা নিতান্ত কম হইবে না। নরহস্তা বলিয়া অলিকসন্দরের নাম কালে যুগে সহিত উৎপেক্ষিত হইতে পারে, কিন্তু জ্ঞান রাজ্যের বৃদ্ধির সহিত শঙ্করের অনুশাসন সর্বত্র গৃহীত হইবে।

ক্ষমতা বিস্তার শক্তি, অতি অল্প লোকেরই মধ্যে দেখিতে পাওয়া যায়। নেপোলিয়ন প্রভৃতি পাশ্চাত্য বীরবৃন্দ, অলিকসন্দরের যুদ্ধ প্রণালী প্রভৃতি অমূল্য করিয়া কর্তব্য পথে অগসর হইতেন, এরূপ লোকান্তর পুরুষের জীবনী, বিশেষতঃ তাহার সহিত আমাদের ভারতবর্ষের কথার সহিত মিলিত আছে বলিয়া আমাদের ও আলোচনার বিষয় হইয়াছে। স্বাধীন হিন্দু যে কারণে অলিকসন্দরের কার্য্যকলাপ আলোচনা করেন নাই, বর্তমানকালে আমাদের সেরূপ কোন কারণই বিদ্যমান নাই, সুতরাং সর্বপ্রথম ও সর্বপ্রধান ইয়ুরোপীয় বীরের ভারত আক্রমণ, এবং ভারতবাসীর কাছে তিনি কিরূপ অভ্যর্থনা প্রাপ্ত হইয়াছিলেন, তাহা আমাদের অবশ্য জ্ঞাতব্য।

সজ্জেক্ষে আমরা সে সময়ের গ্রীসের অবস্থা বর্ণনা করিয়া প্রস্তাবিত বিষয় বলিতে প্রবৃত্ত হইব। সমগ্র গ্রীসের ভূমির পরিমাণ, আমাদের সুরহং বাঙ্গলার সহিত তুলনা হইতে পারেনা। ইহা আমাদের বর্তমান ময়মনসিংহজেলার তিন গুণ অপেক্ষা কিছু বড় হইতে পারে, কিন্তু এই ক্ষুদ্র গ্রীসের অতিক্ষুদ্রতম প্রদেশ শৌর্যো, বীর্যো, পরাক্রমে, পাণ্ডিত্যে, শিল্প-নিপুণতায়, সকল বিষয়েই ইয়ুরোপ খণ্ডে উচ্চস্থান অধিকার করিয়াছিল। যে গ্রীসের স্বভাব সংস্থান, প্রাচীন গ্রীসবাসীর চরিত্র গঠনের অকুল হইয়াছিল—প্রাতঃকালের বায়ু যাহা-দিগের নৌকা বহন করিয়া এসিয়ামাইনর অভিমুখে লইয়া যাইত, আবার স্বায়ংকালে তাহা আশ্রীয়েৱ গ্রায় বহন করিয়া গৃহে পৌঁছাইয়া দিত সেই বায়ু তো এখনও রহিয়াছে, কৈ জল—পথে গ্রীসের সে প্রাধাত্য নাই কেন? ভালদিনে গ্রীসের তট

হইতে, আমাদের এসিয়ার স্বর্ণপ্রসবিনী মৃত্তিকা দেখিতে পাওয়া যায়—ইহা অধিকার করিবার জন্ত, সে সময় গ্রীসবাসী সতৃষ্ণ-নয়নে দেখিয়া, দলে দলে আগমন করিত, এখন গ্রীকদের সে তৃষ্ণা, দরিদ্রের আকাঙ্ক্ষার আয় হৃদয়ে উঠিয়াই লীন হইয়া যাইতেছে কেন? সেকালে এক মুঠা জলপাই ও একটা সার্ডিন (Sardine) মাছে, তাহাদের ক্ষুন্নিবৃত্তি হইলেও, তাহারা বিশ্বসংসার গ্রাস করিবার জন্ত মুখব্যাধন করিয়াছিল—তাহাদের এখন সে ক্ষুধা কোথায়? খালি মাথায় ও খালি পা, অথবা কাষ্ঠপাছুকা পরিধান করিয়া, যাহারা গমনাগমন করিত, একখানি কটবস্ত্র ও উত্তরীয় হইলেই যাহাদের কাপড়ের অভাব পূর্ণ হইত, সেই তথাকথিত অসভ্যদের যে সৌন্দর্য্য জ্ঞান ছিল, সে জ্ঞান এখন সে দেশ হইতে কেন অন্তর্হত হইয়াছে? বায়ু ও আলোক বহুল পর্ণকুটীর হইতে সেকালের গ্রীসে যে সকল দেবপ্রকৃতির ব্যক্তি জন্মগ্রহণ করিয়া দেশকে ধন্য করিয়াছিল, এখন তাহা অপেক্ষা উত্তম গৃহ হইতে ভাল লোক জন্মগ্রহণ করে না কেন? এ সকল প্রশ্নের এক মাত্র উত্তর ভগবদ্ ইচ্ছা হইলেও, আমরা বলিব সেকালের প্রত্যেক গ্রীসবাসীর হৃদয়ে স্বদেশের গৌরব বৃদ্ধি করিবার প্রবল বাসনা প্রবাহিত হইত, প্রত্যেকে নিজের নিজের শক্তি অনুসারে নিন্দা বা প্রশংসার প্রতি ক্রক্ষেপ না করিয়া কার্য্য সকল কর্তব্য-বোধে সম্পাদান করিত। কাষেই গ্রীসের উন্নতি অনিবার্য্য হইয়াছিল।\* দেশের জনসাধারণের চিন্তা ও কার্য্য যদি স্বদেশের উন্নতি কল্পে চালিত হয়, তাহা হইলে তাহার গতিরোধ করা বড় সাধারণ কথা নহে। বরং বাধাপ্রাপ্ত হইলে পার্শ্বত্য নদীর আয় বেগবতী হইয়া থাকে।

মোসডোনিয়া, গ্রীসের উত্তর, ইহার পশ্চিমে ইলিরিয়া, পূর্বে থ্রেস, এবং ইজিয়ান সাগর। সেকালে ইহার অধিবাসের বাহুবলের হ্রাসবৃদ্ধির সহিত, ইহার আয়তনেরও হ্রাসবৃদ্ধি হইয়াছে। অনেক সময় ইহার আয়তন ও লোক সংখ্যা আমাদের ২৪ পরগণার আয়তন বা লোক সংখ্যাকে অতিক্রমণ করিতে সমর্থ হয় নাই। ধনবল বা জনবলেও ইহা অপেক্ষা বেশী ছিল বলিয়া বোধ হয় না। সমুদ্রের নিকটবর্তী ভূভাগ সমতল ও সজল—অধিকাংশ প্রদেশ ক্ষুদ্র ক্ষুদ্র পর্বতমালায় পরিবেষ্টিত। এদেশবাসীকে গ্রীকরা, বর্বর বলিয়া ঘৃণা করিত। ইহাদের ভাষা ও গ্রীক ভাষা হইতে অনেকটা স্বতন্ত্র। সেকালের মাসিদনেরা উকী পরিয়া শরীর চিত্রিত করিত—যে পর্য্যন্ত না কোন শত্রুকে হত্যা করিতে পারিত, সে পর্য্যন্ত শরীরে কোন ঘৃণিত চিহ্ন ধারণ করিয়া লোক সমাজে নিজের অক্ষমতা ব্যক্ত করিত। জাল ব্যতীত স্বহস্তে বস্ত্রবরাহ হত্যা করিতে না পারিলে তক্তপোষে শয়নের অধিকার হইত না। অল্প সংখ্যক থেসিলিয়ানকে বাহুবলে পরাস্ত করিয়া তাহারা আনন্দ লাভ করিত। অলিকসন্দের পিতা ফিলিপের পূর্বেও ইহার কন্মঠ ও সুদক্ষ অস্থারোহী বলিয়া বিশেষ খ্যাতিলাভ করিয়াছিল। সৈনিক বৃত্তি তাহারা প্রীতির সহিত গ্রহণ করিত—অতি সাহস, বিপদে অবিস্মৃতা প্রভৃতি তাহাদের জাতীয় গুণ। ফিলিপ এই সকল সমরনিপুণ মাসিদনকে সুশিক্ষিত করিয়া যুদ্ধে শত্রুগণের অজেয় করিয়াছিলেন। সর্বত্রই উপাদান প্রচুর পরিমাণে বর্তমান-ধাকিতে পারে, কিন্তু যে মহাপুরুষ নিজের বুদ্ধিবলে অশিক্ষিতকে সুশিক্ষিত—ভীককে সাহসী, অলসকে কন্মঠ, জনগণ ভিন্ন ভিন্ন

মতাববন্দী হইলেও যিনি জাতীয়ভাবে সকলকে একত্র করিতে সমর্থ হন, সেই পুরুষপ্রবর জননায়ক পদে আকৃষ্ট হইয়া থাকেন। ফিলিপ বা অলিকসন্দের পূর্বে ও মাসিদনদের পূর্বোক্ত গুণ সকল যথেষ্টরূপে বর্তমান ছিল বা আছে, কিন্তু সে দেশে তাঁহাদের মতন কারুকর না থাকায়, এই সকল উপাদানের ফলভোগ করিতে সমর্থ হন নাই। তাই তাহা উৎপন্ন হইয়াই আপন আপনি বিনষ্ট হইয়াছে ও হইতেছে। এই জগুই ফিলিপ বা অলিকসন্দের অদ্ভুতকর্মা বলিয়া বিবেচিত হইয়া থাকেন। বর্তমান কালেও সেই মাসিদনরা বর্তমান রহিয়াছে—ইহার লোক সংখ্যা বরং পূর্বাপেক্ষা অধিক হইলেও হইতে পারে, কিন্তু ইহার আর সে গৌরব নাই—এখন ইহা এসিয়াবাসীর অধীনতায় অবস্থান করিতেছে। যে দেশের অল্প সংখ্যক লোক বীরদর্পে জগৎকে মুগ্ধ করিয়াছিল, বর্তমান কালে সেই দেশের অধিবাসী পরাধীনতার দুর্কিসহ দুঃখ ভোগ করিতেছে।

তাহারা এখন নিজেদের দুঃখ দূর করিবার জগু অগ্নের রূপাকর্ষপ্রার্থী হইয়াছে। হায় ভগবান! পৃথিবীতে যেন কোন জাতিকে পরাধীনতার নিদারুণ দুঃখ ভোগ করিতে না হয়। তাহাদের বর্তমান দুঃখের কথা পাঠ করিলে আমরা পরাধীন আমাদেরও হৃদয় বিচলিত হইয়া থাকে।

আমরা যে সময়ের কথা বলিতেছি সে সময় গ্রীস অনেক গুলি ক্ষুদ্র ক্ষুদ্র রাজ্যে বিভক্ত ছিল। ইহাদিগের মধ্যে কোনটি রাজতন্ত্রের, কোনটি প্রজাতন্ত্রের, কোনটি বা সম্রাট ব্যক্তিগণ কর্তৃক পরিচালিত হইত। ইহাদের মধ্যে পরস্পর বিদ্বেষ, বিবাদ, বিশৃঙ্খলা সর্বদাই উপস্থিত থাকিত। এই সকল রাজ্যের মধ্যে

সে সময় এথেনীয় সাধারণ-তত্ত্ব দুর্বল হইলেও মাসিদনদিগের বিশেষ চিন্তার বিষয় হইয়াছিল। একজন বাগ্যব্যবসায়ী কস্ম-কার পুত্র—রাজপুত্র ও রাজার সহিত কিরূপ বাগ্যযুদ্ধে প্রবৃত্ত হইয়াছিলেন—এবং সেকালে লেখনী, তলবায়ের উপর কিরূপ প্রাধাত্য সংস্থাপন করিয়াছিল তাহা বিশ্বয়জনক ব্যাপার। কেবলমাত্র বক্তৃতায় দেশ উদ্ধার বা রক্ষা হয় না একথা ইয়ুরোপের সর্বশ্রেষ্ঠ বক্তা ডিমস্থিনিসের বাগ্যযুদ্ধে সপ্রমাণ হইয়াছে। বাক্যযুদ্ধে যদি জাতি বড় হইত, তাহা হইলে সে সময় এথিনীয় নৌশক্তি সামান্য রোডসের নৌশক্তি অপেক্ষা উৎকর্ষলাভ করিতে পারিত, কিন্তু তাহা হয় নাই বরং অনেকের অপেক্ষা এথিনীয় নৌশক্তি দুর্বলই ছিল। সেই রূপ সৈন্যবলে এথেনস্, সে সময়ের থেবস্ বা স্পার্টা অপেক্ষা হীনবলই ছিলেন। যুদ্ধবিগ্রহের আবশ্যক হইলে এথিনীয় প্রজাতন্ত্র সৈন্য ভাড়া করিয়া যুদ্ধবিগ্রহ করিত। সে সময় ইহার প্রজামণ্ডলীর অধিকাংশ কৃষিকার্য্যের দ্বারা জীবিকা অর্জন করিত। এথেনস্বাসীরা ব্যবসা বাণিজ্য করিয়া কোনরূপে দিন গুজরাণ করিত। রাজ্যের আয় অত্যন্ত হীন অবস্থাকে প্রাপ্ত হইয়াছিল। অনেক সময় ৩৪৬ টালান্টাও সংগ্রহ হইত না। এই অর্থ রাজ্যের অভাব মোচন করিতেও পর্যাপ্ত হইত না। এথেন্সের করদ রাজ্য হইতে যে অর্থ সংগ্রহ হইত তাহাও যথেষ্ট পরিমাণে হ্রাস হইয়াছিল। ২০।৫০ টালান্ট যাহাও বা পাওয়া যাইত তাহাও সকল সময় সংগ্রহ করা কঠিন হইয়া উঠিত। জনবল বা অর্থবল উভয়েই এথেন্স হীনবল ছিলেন, কাষেই যুদ্ধের দ্রব্য সংগ্রহ, বা সৈন্যদিগের বেতন, বা উপযুক্তরূপ পরিচ্ছদাদি যথাসময়ে

প্রদান করিতে সমর্থ হইত না। জ্ঞানচর্চায় এগেন্সবাসী অদ্বিতীয় হইলেও এ জ্ঞান তাহাদিগের স্বাধীনতা রক্ষা করিতে সমর্থ হয় নাই। স্বদেশবাসী ফিলিপ বা তাহার পুত্রের হস্তে কোনরূপে নিষ্কৃতি পাইলেও রোমকদিগের নিকট হইতে কোনরূপে পরিত্রাণ লাভ করিতে পারে নাই। কেবলমাত্র জ্ঞান-চর্চা বা অর্থ উপার্জন দ্বারা স্বাধীনতা সংরক্ষিত হয় না—ইহার সহিত যদি ক্ষাত্রবলের অভাব হয় তাহা হইলে সে জ্ঞান অজ্ঞান এবং অর্থ অনর্থের কারণ স্বরূপ হইয়া থাকে।

দক্ষিণ গ্রীসে সুবিখ্যাত লিকোনিয়া প্রদেশ, এই প্রদেশে ইউরো-তস নদীর তটে, বীরপ্রসবিনী স্পার্টা নগরী—স্পার্টার গোরব বহুদিন হইল অন্তর্হত হইলে ও ইহার অদ্ভুত বীরত্ব কাহিনী স্পার্টাকে জগতের কাছে চিরকাল চির নূতন করিয়া পরিচিত করিবে। এখানে থেমিসটক্লিস, বা পেরিক্লিসের জায় ঘোড়া বা প্রখ্যাতনামা দার্শনিক জন্মগ্রহণ না করিলেও স্পার্টাবাসীর স্বাধীনতা সংরক্ষণ জন্য অদ্ভুত আত্মত্যাগ—পারসীক আক্রমণে গ্রীক-বাসী বিপন্ন হইলে স্পার্টানরাই সেই বিপদে গ্রীসকে রক্ষা করিয়া খ্যাতি অর্জন করিয়াছিল।

স্পার্টানদের শিক্ষা আমাদের সে কালের ক্ষত্রিয়দের শিক্ষার অল্পরূপ—যুদ্ধই তাহাদের জীবিকা, এ জন্য সর্বদা তাহারা যুদ্ধের জন্য প্রস্তুত থাকিতে শিক্ষিত হইত। স্পার্টান বালক ভূমিষ্ঠ হইলেই, তাহাকে পঞ্চায়ৎ সভায় লইয়া যাওয়া হইত। পরীক্ষায় শিশু হোনাঙ্গ, বা রুগ্ন বলিয়া বিবেচিত হইলে তাহাকে পর্বতের উপর রাখিয়া দেওয়া হইত, ইহাতেই সে ইহলীলা সম্বরণ করিত। বলা বাহুল্য যে, এই পরীক্ষায় উত্তীর্ণ দৃঢ়কায় ও নীরোগ

বালক ভবিষ্যতে স্বদেশের কল্যাণকল্পে সুস্থমনে শরীর উৎসর্গ করিতে সমর্থ হইত। আমাদের দেশের সে কালের বালকেরা ঘেরূপ গুরুগৃহে অবস্থান করিয়া বিদ্যা শিক্ষা করিত, সেইরূপ সপ্তম বর্ষীয় স্পার্টান বালককে তাহার পিতা মাতার নিকট হইতে আনয়ন করিয়া শিক্ষা প্রদান করা হইত। অতঃ শিক্ষা অপেক্ষা শারীরিক শিক্ষাই তাহাদের বিশেষ লক্ষ্যের বিষয় হইয়াছিল। আজ্ঞা প্রতিপালন, শারীরিক ক্লেশ সহিষ্ণুতা প্রভৃতি বিষয়ে তাহারা বিশেষরূপে শিক্ষিত হইত। শীত ও গ্রীষ্মকালে তাহাদিগকে নগ্নপদে থাকিতে হইত—গাত্রাবরণের জ্ঞান একখানি মাত্র বস্ত্র পাইত, খড়ের উপর শয়ন করিতে হইত। স্নানের জ্ঞান তাহাদিগকে শীতল জল ব্যবহার করিতে হইত। বালকগণকে খুব তাড়াতাড়ি—অল্প পরিমাণে কদম্ন ভোজন করিতে অভ্যস্ত করান হইত। তাহারা আপনা আপনি ঘুসো ঘুসি, লাতালতি করিয়া ক্রিড়া করিত। বালকগণ কিরূপ ক্লেশ সহিষ্ণু হইয়াছে সময় সময় তাহার পরীক্ষা করা হইত। আর্তিমিস উৎসবে, দেবীর প্রতিমার সমক্ষে বালককে প্রহার করা হইত—ইহাতে সময় সময় প্রহৃত বালক মৃত্যুমুখে পতিত হইত—এরূপ দারুণভাবে প্রহৃত হইয়াও বালক রোদন করিত না। বালকদিগকে প্রায়ই আহার প্রদান করা হইত না। তাহাদিগকে আহার সংগ্রহ করিয়া লইতে হইত। আহার সংগ্রহ কালে যদি কোন বালক ধৃত হইত, তাহা হইলে তাহাকে বিশেষরূপে নিগৃহীত হইতে হইত। এক সময় একটি বালক একটা শৃগাল শিশু অপহরণ করে, পাছে কেহ টের পায় এজ্ঞ সে কাপড় ঢাকা দিয়া পেটের কাছে লুকাইয়া রাখে শৃগাল শিশু তীক্ষ্ণ নখরাঘাতে



বালকের অদ্ববহির্গত করিলেও সে অবিকৃত বদনে যত্ননা সহ্য করিয়াছিল ! যুদ্ধের শঙ্কটজনক অবস্থায় কেমন করিয়া পলায়ন করিতে হয়, সে বিষয়ও তাহার শিক্ষা পাইত । সকল বিষয়েই তাহার কঠোর শৃঙ্খলাবদ্ধ থাকিত । গমনকালে তাহার নিম্নে দৃষ্টি রাখিয়া প্রস্তুত মূর্তির ন্যায় নিস্তব্ধভাবে এদিক ওদিক না দেখিয়া গমন করিত । বয়ঃক্রমের আজ্ঞা তাহাদের সর্বথা পালনীয় ছিল । ভোজনকালে তাহাদের কথা কহা নিষিদ্ধ ছিল একজন শিক্ষকের অধীনতায় শত বালকও অবস্থান করিত—শত বালক থাকিলেও কোনরূপ বিগৃহ্মলা লক্ষিত হইত না ।

স্পার্টানদের ১৭ বৎসরের সময় সৈনিক জীবন আরম্ভ হইত, এবং ৬০ বৎসরের সময় ইহার অবসান হইত । এই সুদীর্ঘ সময়ের অধিকাংশ কাল তাহার সেনানিবাসে সৈনিকগণের শয়ন ভোজন, ব্যায়াম প্রভৃতির অনুষ্ঠান করিত । প্রত্যেক অঙ্গ প্রত্যঙ্গকে কন্ঠ ও বলিষ্ঠ করিবার জন্ত তাহার যথেষ্ট চেষ্টা করিত । তাহার নিজের ইচ্ছা অনুসারে গৃহের সুখ স্বচ্ছন্দতা ভোগ করিতে পারিত না । ব্যবসা, বাণিজ্য, কৃষি প্রভৃতি ও তাহাদের নিষিদ্ধ ছিল ।

গ্রীসের অন্ত প্রদেশের কন্ঠাগণকে, যেরূপ অন্দের ভিতর চরকা কাটিয়া, কাপড় বুনিয়া, সময় যাপন করিতে হইত, স্পার্টায় সেরূপ করিতে হইত না । বলিষ্ঠ পুত্রের জননী হইতে সমর্থ হইবে বলিয়া স্পার্টার কন্ঠাগণ বালকদের ন্যায় ব্যায়াম চর্চা করিত । তাহার দৌড়ান—লাফান—পাতর ছোঁড়া—লাঠি খেলা প্রভৃতিতে সুনিপুণ হইত । সেকালের স্পার্টান স্রমণীগণ গ্রীসের মধ্যে বলিষ্ঠ ও সাহসী বলিয়া বিশেষ খ্যাতি লাভ

করিয়াছিল। তাহারা ইচ্ছা অনুসারে স্বামীর সহিত মিলিত হইতে সমর্থ হইত না। সময় সময় স্ত্রীলোকেরা পুরুষের ত্রায় পরিচ্ছদ পরিধান করিয়া সেনানিবাসে স্বামীর সহিত সাক্ষাৎ করিতে যাইত। পুত্র বীর্য্যবান হইবে এই অভিপ্রায়ে পিতা ক্ষেত্রজ সন্তান উৎপাদন করাইয়া লইতে লজ্জিত হইত না। স্ত্রীলোকেরা পুরুষগণকে যুদ্ধ কালে উৎসাহিত করিত। “কাপুরুষের জননী” এই দুইটি কথা অপেক্ষা স্ত্রীলোকদের পক্ষে অল্প কোন কঠোর গালি স্পাটার অভিধানে কথিত হয় নাই। এক সময় একজন স্পাটান যুদ্ধ হইতে কাপুরুষের ত্রায় পলায়ন করিয়া আইসে। এই অপরাধে তাহার স্নেহময়ী জননী তাহাকে হত্যা করিয়া বলেন “ইউরোতার জল গাধার পানের জন্ত প্রবাহিত হয় না।” অপর এক সময় একটি বৃদ্ধের পাঁচটি পুত্র সমরক্ষেত্রে বীরশয্যা গ্রহণ করে। এই দুঃসংবাদ তাহার কোন পরিচিত প্রদান করিলে তিনি উৎকণ্ঠায় সহিত জিজ্ঞাসা করিলেন “স্পাটার জয় হইয়াছে ত? প্রত্যুত্তরে “হাঁ” এই কথা শুনিয়া বৃদ্ধা বলিলেন “ভগবানকে তবে ধন্যবাদ দিন।”

সজ্জেক্ষেপে স্পাটার অভিজাতদিগের কথা কথিত হইল। ইহা ছাড়া তথায় পেরিইওসী ও হেলট নামক আরো দুই শ্রেণীর লোক ছিল। প্রথমোক্তেরা ব্যবসা বাণিজ্য লইয়া থাকিত। নিজেদের গ্রাম শাসন করিবার ও অধিকার প্রাপ্ত হইত এবং স্পাটার শাসনকর্তাকে কর প্রদান করিয়া জাতীয় ধনভাণ্ডার পরিপূরণ করিত। শেষোক্ত হেলট বা দাসেরা স্বীয় প্রভুর জ্ঞাত কৃষিকার্য্য আদি সমস্ত নির্বাহ করিত—ইহাদের অবস্থা অত্যন্ত জঘন্য ছিল। ইহাদের প্রতি স্পাটানদের বিভিন্নীকাপ্রদ

দুর্ব্যবহারের কথা পাঠ করা যায়। ইহাদের সংখ্যা স্পার্টানদের অপেক্ষা দশগুণ বেশী হইলেও মত্তমোহিত সর্পের ঝায় ইহারা নির্বীৰ্য্য প্রায় ছিল।

এথেন্স। এথিনীয় বালক জন্মগ্রহণ করিলে সে তাহার পিতার ইচ্ছা অনুসারে গৃহীত বা পরিত্যক্ত হইত। বর্জ্জনীয় শিশুকে দ্বারদেশের সম্মুখ ভাগে রাখা হইলে অনেক সময় অযুত্রে মারা যাইত, কখন বা কেহ ক্রুপা করিয়া লইয়া গিয়া তাহাকে পুরুষানুক্রমে দাস করিয়া জীবিত রাখিত। পৃথিবীর এই দারুণ জীবন সংগ্রামে দেশে কোটি কোটি অকর্মণ্য, জীর্ণ, শীর্ণ, গর্দভের ঝায় ভারবাহী, অথবা বিলাস পরায়ণ মেদ সর্বস্ব কাপুরুষ থাকা অপেক্ষা মানুষের মতন মানুষ, তাহা অল্প সংখ্যক ও দেশের পক্ষে গৌরবজনক সে বিষয়ে সন্দেহ নাই। কত সন্মুখে একজন গ্রীসীয় গ্রন্থকার লিখিয়াছেন, পিতা অত্যন্ত দরিদ্র হইলেও পুত্র রক্ষিত হয়, কিন্তু ধনবান পিতা ও কন্যাকে পরিত্যাগ করিয়া থাকে। বালক, সাত বৎসর পর্য্যন্ত মার কাছে অন্তরমহলে অবস্থান করে, তারপর কিছুদিন গুরুমহাশয়ের নিকট ( ইহারা প্রায় কৃতদাসই হইয়া থাকে ) আদব কায়দা শিক্ষা করিয়া থাকে। বালক ছুটু মি করিলে গুরু মহাশয় প্রহার করিবার অধিকারও প্রাপ্ত হইতেন। এইরূপ কিছুদিন শিক্ষার পর বালককে বিছালয়ে পাঠান হইত। সে তথায় লিখিতে পড়িতে ও গান করিতে শিক্ষিত হইত। বালিকারা বাড়ীর ভিতর কাপড় বোনা, সূতা কাটা, গুরুজনের আজ্ঞা প্রতিশালন করিতে শিক্ষিত হইত। প্রায় ১৫ বৎসরের সময় তাহারা বিবাহিত হইত। বিবাহ ব্যাপারে . তাহাদের কোন মতামত লওয়া হইত না। তাহার পিতার ইচ্ছা ।

অনুসারে সমস্ত নির্বাহ হইত। প্রায়ই পিতার বন্ধু বা প্রতিবেশীর পুত্রের সহিত বিবাহ কার্য সম্পন্ন হইত—এথেন্সবাসী ব্যতীত কোন বিদেশীকে তাহারা প্রায় কণা সম্প্রদান করিত না। বাড়ির ভিতরেই স্ত্রীলোকেরা অবস্থান করিত। ধর্ম্যকার্য্য ব্যতীত তাহারা ঘরের বাহিরে যাইত না, বা আত্মীয় ব্যতীত কেহ বাড়ির ভিতর যাইতে পারিত না। সেকালের কি স্পার্টান, কি এথেনিয়ন সকলে সম্ভব অনুসারে ব্রহ্মচর্য্য প্রতিপালন করিত। ব্যক্তিবিশেষের বিরুদ্ধে ইহার প্রতিকূল প্রমাণ পাওয়া গেলেও জনসাধারণ সংযতচিত্ত ছিল। এই জ্ঞা তাহারা বীর্য্যসম্পন্ন বলবান ও দৃঢ়ব্রত হইয়াছিল।

সে কালের গ্রীসবাসীকে পিতৃ মাতৃ ভক্ত হইতে বিশেষরূপে শিক্ষিত করা হইত। পিতৃদ্রোহী পুত্র সমাজে যেরূপ নিন্দিত হইত, সেইরূপ স্বদেশের শাসন অধিকার হইতেও সে বঞ্চিত হইত। বিচার কার্য্যে নিযুক্ত হইবার পূর্বে নির্বাচিত ব্যক্তিকে, পিতা মাতার প্রতি অসদ্ব্যবহার করেন নাই, তাহাকে এরূপ প্রমাণ প্রদান করিতে হইত। যদি কোন ব্যক্তি পিতামাতাকে গ্রাসাচ্ছাদন না করিত, তাহা হইলে সে সাধারণে বক্তৃতা করিবার অধিকার প্রাপ্ত হইত না। এই সকল সদগুণসম্পন্ন ছিল বলিয়া গ্রীস সেকালে সবিশেষ শক্তিশালী হইয়াছিল—জগৎমধ্যে অভূত-পূর্বে প্রতিষ্ঠা সংস্থাপন করিতে সমর্থ হইয়াছিল। এই গ্রীস যখন বিলাসপরায়ণ হইয়া অকর্ম্মণ্য হইয়াছিল—ব্রহ্মচর্য্য বিমুখ হইয়া হীনবীর্য্য হইয়াছিল, তখন তাহাদিগকে এই দারুণ পাপের প্রায়শ্চিত্ত স্বরূপ পরাধীনতা শৃঙ্খলে আবদ্ধ হইতে হইয়াছিল—

‘‘দুর্ভিক্ষে বিশেষরূপে জর্জরিত হইতে হইয়াছিল কি না, জানি না,

কিন্তু তাহাদিগকে “ম্যালেরিয়ায়” প্রপীড়িত হইতে হইয়াছিল।  
এ কথা আমরা অবগত আছি ।

## দ্বিতীয় অধ্যায়

এসিয়াবাসীর সহিত ইয়ুরোপবাসীর অহিনকুল সম্বন্ধ । অতি  
প্রাচীনকালে আমাদের এই জম্বুদ্বীপের অধিবাসীরা, অসভ্য  
ইয়ুরোপীয়দিগকে পরাজয় করিয়া, তাহাদের দেশ অধিকার  
করেন । সেই সকল ইয়ুরোপজ্ঞেতাদিগের ভাব ও ভাষা অনু-  
শীলন করিয়া বর্ত্তমান কালের ইয়ুরোপীয় পণ্ডিতেরা বিবেচনা  
করেন তাহারা আমাদের আর্য্য জাতির একটি শাখা । বহুদিন  
আমাদের সম্ভ্রষ্ট এবং অদর্শন জগৎ তাহারা স্বেচ্ছায় প্রাপ্ত  
হইয়াছে । এ কথা ভগবান মনুর সময় হইতে বর্ত্তমান কালেও  
আলোচিত হইয়া থাকে । তাহারা আমাদের এসিয়াবাসীর  
সন্তান সন্ততি হইলে ও কিন্তু তাহারা আমাদের অসভ্য, বর্ব্বর  
প্রভৃতি আখ্যায় সম্বোধন করিতে ভুলিয়া বাইত না, বা অবকাশ  
পাইলে আমাদের দেশ জয়, আমাদের প্রতি অত্যাচার করিয়া  
এসিয়াবাসীকে ধ্বংস করিতে পশ্চাৎ পদ হইত না ও হয় নাই ।  
অপুর পক্ষে এসিয়াবাসীরাও পতঙ্গপালের ত্রায় অসংখ্য দলে  
বিভক্ত হইয়া ইয়ুরোপ খণ্ডকে ব্যতিব্যস্ত করিয়াছে, আটলান্টি-  
কের তট পর্য্যন্ত ভূভাগ অধিকার করিয়াছে, জ্ঞান বিতরণ করিয়া  
ইয়ুরোপের বর্ত্তমান সভ্যতার ভিত্তি স্থাপন করিয়াছে ।

পারশ্বপতি জারেকসাসের গ্রীস আক্রমণের পর হইতে.  
গ্রীকগণের হৃদয়ে বৈরনির্য্যাতন স্পৃহা স্থান লাভ করে । এই

ইচ্ছা সমগ্র জাতির ইচ্ছা হইলেও গ্রীসবাসী পরস্পর বিবাদ বিসম্বাদে লিপ্ত থাকায়—উপযুক্ত ব্যক্তি দ্বারা জাতীয় ইচ্ছা সম্বন্ধিত ও পরিচালিত না হওয়াতে, অনেক দিন ইহা প্রস্তুত অবস্থায় অবস্থান করে। ব্যক্তিগত বাসনার জ্বাল, জাতীয় বাসনা ও প্রনষ্ট হয় না, অনুকূল অবকাশ পাইলেই উহা উভয়েতেই বিকাশ পাইয়া থাকে। দশসহস্র গ্রীকের প্রত্যাবর্তনের পর গ্রীকদের চোখের পরদা খুলিয়া খুলিয়া গেল, বৈরানল সঙ্কুচিত হইল। এই অভিযানে গ্রীকেরা পারস্য সাম্রাজ্যের আভ্যন্তরিক বিষয় অবগত হইল—রাস্তা, ঘাট, মাট প্রত্যক্ষ করিল, পারসিক মোহ দূর হইল। গ্রীসে নূতন যুগের আবির্ভাব হইল, পারস্যের অর্থ বা বাহুবলের উপকথা আর গ্রীকবাসীকে ভুলাইয়া রাখিতে সমর্থ হইল না। বর্তমান কালে পাশ্চাত্য শক্তি প্রাচ্যের হস্তে নিগৃহীত হইয়া ভবিষ্যতে যাহাতে এসিয়াবাসীর হস্তে বিশেষরূপে লাঞ্চিত না হয়, সে জন্ত তাহারা যেমন এখন হইতেই উপায় উদ্ভাবন করিতেছেন, সেইরূপ যদি দশ সহস্র গ্রীকের প্রত্যাবর্তনের পর পারস্য সম্রাট বা তাহার স্বদেশবাসী নিজেদের দুর্বলতা দূর করিতে সমর্থ হইতেন, তাহা হইলে এসিয়াবাসীকে অলিকসন্দরের হস্তে নিপীড়িত হইতে হইত না।\*

---

\* Events are occurring in the Far East which deserve the most attentive estimation of Europe, and a prudent recollection of that mighty Oriental torrent which once overran Russia and conquered Christian lands up to the borders of Austria and Italy. We are too apt to despise unaggressive, unwarlike, agricultural people, spread over a wide territory, who, however, on sufficient provocation, can, with training and expert leaders, become as dashing as the

আমরা পূর্বে বলিয়াছি যে গ্রীসদেশ কতকগুলি ক্ষুদ্র ক্ষুদ্র জনপদে বিভক্ত ছিল । একে ক্ষুদ্র, তাহার উপর বিবাদ বিসম্বাদ থাকায়, তাহারা সমর নিপুন হইলেও নৌযুদ্ধে ও স্থলযুদ্ধে অদ্ভুত বীরত্ব দেখাইলেও পারসীকদের বড় কিছুই করিতে পারে নাই । ইহা ব্যতীত গ্রীক রাজ্যের নাগরিক যোদ্ধাদের সংখ্যাও খুব কম ছিল । সেকালে স্পার্টা ও এথেন্স বাহুবলে গ্রীসের লীর্ষ-স্থানীয় ছিল । এরেষ্টোটারেল সময় প্রথমোক্তের নয় সহস্র এবং শেষোক্তের নাগরিকের সংখ্যা ২০।৩০ হাজারের বেশী হইবে না । লুকাত্রা ( Lucra ) ক্ষেত্রে ৭ শত স্পার্টান এবং চিরোনিয়া ( Chaeronea ) ক্ষেত্রে ৩ সহস্র এথেনবাসী নিহত হওয়াতে উভয় রাজ্য হীনবল হইয়া পড়ে । এরূপ অবস্থায় গ্রীসবাসীর এসিয়া আক্রমণ কল্পনা আকাশ কুসুমের তায় অলীক হইলেও পারসিকেরা গ্রীসের ক্ষমতাশালী ব্যক্তিগণকে প্রচুর অর্থ প্রদান করিয়া নানা প্রকার ষড়যন্ত্রের অবতারণা করাইয়া ছিল । পারস্যের অর্থে যে সকল ব্যক্তি পরিপুষ্ট হইত, তাহাদের মধ্যে এথেন্সের ডিমস্‌থিনিস বিশেষ উল্লেখযোগ্য, ইনি মাসিদনের ফিলিপের বিরুদ্ধে অনলবার্ষিক বক্তৃতা দ্বারা বিশেষ খ্যাতিলাভ করেন ।

French under Napoleon, as well—ordered and stubborn as the Ironsides of Cromwell. There is a power in the East which, compelled by Western aggression, as foolish as it is unjust, on its territory, may in days to come rouse itself into expansive energy, and surpass the irruption of Janghiz khan. Strength and intelligence will be the Chief factors, *sub divo*, in establishing the nation of the future upon a basis as secure as may be,

Hon. R. Russell.

মাসিদনের অধিপতি ফিলিপ, সৈন্ত বিষয়ক সংস্কার করিয়া সৈন্তগণকে সমর দুর্জয় করিয়াছিলেন। তিনি ভাড়াটে বা সধের সৈন্তের পরিবর্তে বেতনভূক্ত স্থায়ী সৈন্ত নিযুক্ত করিয়া তাহাদিগকে যুদ্ধ বিদ্যায় সুনিপুণ করিয়াছিলেন। ফিলিপই ইয়ুরোপ খণ্ডে বেতনভূক্ত স্থায়ী সৈন্তের প্রবর্তক। এই সকল সৈন্তগণকে তিনি সময় সময় প্রচুর পুরস্কার এবং সম্মান প্রদান করিয়া তাহাদিগের হৃদয়ে জাতীয় ভাবের অঙ্কুর উৎপাদন করেন। জাতি বা সৈন্ত একদিনে গঠিত হয় না। ফিলিপ, মধ্যবিত্ত গৃহস্থের বালকগণকে রাজধানীতে আনয়ন করিয়া শিক্ষা প্রদান করিতেন—যুদ্ধকালে এই সকল যুবক, সৈন্তচালনা করিয়া শত্রুদিগের ভীতি উৎপাদন করিত। ইহাদিগের মধ্যে বিলাসিতার লেশমাত্রও ছিল না। একজন সেনানী শীতকালে—সে শীত আমাদের দেশের শীত অপেক্ষা অনেক বেশী—গরম জলে স্নান করিয়াছিল বলিয়া, সে ফিলিপ কর্তৃক অত্যন্ত ভৎসিত হইয়াছিল! একজনের সঙ্গে স্ত্রীলোক ছিল বলিয়া সে পদচ্যুত হয়। ফিলিপ, এরূপ কঠোরতা অবলম্বন না করিলে তাঁহার সৈন্ত কখনই দিগ্বিজয় করিতে সমর্থ হইত না। ফিলিপ, অশ্বারোহী ও পদাতিক উভয় সৈন্তেরই সংস্কার সাধন করিয়াছিলেন। অলিকসন্দর, যে সৈন্ত লইয়া এসিয়া বিজয়ে বহির্গত হন, সে সৈন্ত ফিলিপের সৈন্ত, যে সৈন্তবলে তিনি গ্রাণিকস্ ক্ষেত্রে পারসীকগণকে পরাভূত করিতে সমর্থ হইয়াছিলেন তাহা ফিলিপেরই সৈন্ত—ফিলিপের সেনানীরাই অলিকসন্দরের প্রধান সহায় ছিল। অলিকসন্দরের সেনানীরা ফিলিপের সেনানীদের প্রতিচ্ছায়া স্বরূপ ছিল বলিলে অত্যুক্তি হয় না।



ফিলিপ, সৈন্যগণকে “রাজসহচর” “রাজপার্ষদ” ইত্যাদি নামে অভিহিত করিয়া তাহাদিগকে গৌরবান্বিত করিতেন। এই রূপ যে সৈন্য যুদ্ধক্ষেত্রে সর্বাগ্রে গমন করিয়া শত্রু সৈন্যকে প্রহার করিত—যুদ্ধের ভীতিপ্রদ প্রদেশে গমন করিয়া বীরত্ব দেখাইত, সে এবং অত্যাচর কৃতকর্ম্মা যোদ্ধা কেহ বা দ্বিগুণ বেতন কেহ বা অর্থ পুরস্কার ইত্যাদি লাভ করিয়া কৃতকৃতার্থ হইত। মেসিডোনিয়ান ব্যতীত যে কোন যোগ্য ব্যক্তি এ সম্মানে বঞ্চিত হইত না। ফিলিপের সৈন্য, আশঙ্কাদর্শী বুদ্ধিমান এথেনিয়ান, বা কঠোরকর্ম্মা স্পার্টান অপেক্ষা যুদ্ধকালে দক্ষতা দেখাইতে সমর্থ হইত।

দূরদর্শী রাজনীতিবিৎ ফিলিপ, ধীরে ধীরে গ্রীকগণকে সাম, দান ও ভেদের দ্বারা নিজের পক্ষপাতী কারয়াছিলেন। যেখানে উক্ত উপায়ত্রয় ব্যর্থ হইয়াছিল, সেইখানে তিনি দণ্ড প্রয়োগ করিয়া স্বকার্য্য সাধন করিয়াছিলেন। যুষ ও ষড়যন্ত্র, ফিলিপের প্রধান অস্ত্র, এই অস্ত্রের সাহায্যে কার্য্য সম্পন্ন হইলে, তিনি অসিকোষ মুক্ত করিতেন না, কিন্তু ইহা ব্যর্থ হইলে দণ্ড প্রয়োগে শত্রুজয় করিতেন। এইরূপে ফিলিপ, স্পার্টা ব্যতীত গ্রীসের অগ্র সমস্ত জনপদকে নিজের পক্ষভুক্ত করিয়া একছত্রি হন। ইহার ফলে করিথের জাতীয় সমিতিতে ফিলিপ সমস্ত গ্রীসের নায়ক-প্রধান হইয়া পারশ্বের বিরুদ্ধে পূর্ব-সঞ্চিত ক্রোধবহি উদ্দীর্ণ করিতে মনস্থ করেন।

বলুবান কাল ফিলিপের ইচ্ছা পূর্ণ করিলেন না। যিনি অনেক ক্রোশে গ্রীসের অনেক ভাগিয়া চূর্ণ করিয়া একত্ৰা সম্পাদন করিলেন, যিনি শত্রু সংহার করিবার জন্ত তীক্ষ্ণধার অস্ত্র, শস্ত্র ও

সমরনিপুন সৈন্যবল প্রস্তুত করিলেন, তিনি তাঁহার স্ত্রী ও পুত্র প্রেরিত ঘাতকের হস্তে ৪৫ বৎসর বয়ঃক্রমে অকালে—ডিমনি-থিনিসের “পেলার বর্বর”—মানবলীলা সম্বরণ করেন ।

ফিলিপ মরিয়্যা গেলেন বটে, কিন্তু অলিকসন্দরের জন্ম ( ১ ) শক্তিশালী সেনা প্রস্তুত—( ২ ) সামুদ্রিক বন্দর অর্জন এবং ( ৩ ) পারস্যের বিরুদ্ধে গ্রীসের সমস্ত শক্তিকে একত্র করিয়া দিলেন ।

ফিলিপের মৃত্যুর সময়, অলিকসন্দর বিংশতি বৎসর বয়ঃক্রমে পদার্পণ করেন । অলিকসন্দর গ্রীক-রাজ এপিবোতের কন্যা অলিমফিয়ার গর্ভে জন্মগ্রহণ করেন । ফিলিপের সহিত অলিমফিয়ার যৌবনের প্রারম্ভে প্রণয় হইয়াছিল,কালে এই প্রণয় পরিণয়ে পরিণত হয় । অলিকসন্দরের জননী অদ্ভুত প্রকৃতির লোক ছিলেন । তিনি বড় বড় সাপ লইয়া খেলা করিতেন, শয়ন-কালেও তাঁহার পার্শ্বে সাপ শয়ন করিয়া থাকিত । ইহা ব্যতীত তিনি বড়ই কোপন স্বভাব ছিলেন, সেকালের অনেকের ধারণা মিশ্রদেশের জনৈক ফলিত জ্যোতিষীর ঔরসে অলিকসন্দরের জন্ম হয় । এই সকল কারণেই হউক, অথবা তাঁহার চরিত্রগত দোষের জন্মই হউক, ফিলিপ তাঁহাকে দেখিতে পারিতেন না, তাঁহার সঙ্গ পরিত্যাগ করিয়াছিলেন, এবং অলিকসন্দরকে সভ্যমাধ্যে জারজ বলিতেও লজ্জিত হইতেন না । অলিকসন্দরের জন্ম সম্বন্ধে এরূপ কথিত হয় যে অলিমফিয়া স্বপ্নে দেখিয়াছিলেন, তাঁহার উদরের উপর বজ্র পতিত হইয়া চতুর্দিকে বহুদূর পর্য্যন্ত স্থান দগ্ধ করিয়া অস্তিত্ব হত হয়—ফিলিপও স্বপ্ন দেখেন যেন তিনি অলিমফিয়া গর্ভ সিংহ অঙ্কিত সিলমোহর দ্বারা চিহ্নিত করিয়াছেন ।

গ্রীসের স্বপ্নতত্ত্বজ্ঞ পণ্ডিতেরা উপরোক্ত স্বপ্নে স্থির করেন, যে অলিম্পিয়ার গর্ভজাত বালক একজন অসাধারণ শক্তিশালী হইবে ।

অলিকসন্দর খৃষ্টের ৩৬৫ বৎসর পূর্বে মেসিডোনিয়ার পেলা নগরে অক্টোবর মাসের প্রথম ভাগে জল ঝড়যুক্ত রাত্রিতে জন্মগ্রহণ করেন । এরূপ কথিত আছে যে, এই রাত্রে ইফিসুস নগরের ডিয়ানা দেবীর মন্দিরে আগুন লাগে—অনেকের ধারণা এ আগুনে কেবল মন্দির পোড়েনি ইহাতে এসিয়ার কপাল পোড়ার প্রারম্ভ হয় । এস্থানের ডিয়ানার অদ্ভুত মন্দির প্রাচীন-কালের সপ্ত আশ্চর্য্য-কীর্তির মধ্যে একতর বলিয়া পরিগণিত হইয়া থাকে ।

ফিলিপ, পুত্রলাভের সহিত শত্রুগণের উপর তাঁহার সেনানীর বিজয়লাভ, এবং ওলিম্পিয়া উৎসবে ষোড়দৌড়ে তাঁহার অশ্বের জয়লাভ সংবাদে নিজেকে পরম ভাগ্যবান বিবেচনা করিয়া ছিলেন । দক্ষিণ গ্রীসে পীসা নগরীর নিকট ওলিম্পিয়া ক্ষেত্রে প্রতি চারি বৎসর অন্তর গ্রীসের সর্বশ্রেষ্ঠ উৎসবের অনুষ্ঠান হইত—এই উৎসবের সময় সকল প্রদেশের গ্রীসবাসী পরস্পর শত্রুতা পরিত্যাগ করিয়া একমত হইয়া এই উৎসবে যোগ দিত । এখানে নূতন গ্রন্থ পাঠ—কবির লড়াই—ব্যায়াম মল্লক্রীড়া, ষোড়দৌড়, গাড়িদৌড় প্রভৃতিতে যিনি যিনি শ্রেষ্ঠ লাভ করিতে পারিতেন, সেই সেই ভাগ্যবানের নাম, অতি অল্প সময়ের মধ্যে সমগ্র গ্রীসের ঘরে ঘরে প্রচারিত হইত । তাহার সম্মানের অবধি থাকিত না, অধিবাসীর সম্মানের সহিত তাহার জন্মভূমিও সাধারণের নিকট সুপরিচিত হইত এবং দেবতার আয় স্নে ব্যক্তি

পূজিত হইত । এরূপ উৎসব ক্ষেত্রে জয়লাভের সহিত অলিম্-  
ফিয়ার পুত্র প্রসব, এবং সেনানী পারমিনিওর, ইলিরিয়ান্ পুরাজয়  
ঘটনা ফিলিপের সৌভাগ্য বিশেষরূপে স্মরণ করিয়াছিল ।  
দৈবজ্ঞরাও এরূপ পুত্র শত্রুর অজেয় হইবে বলিয়া ফিলিপকে  
বিশেষরূপে আশ্বাসিত করিয়াছিল ।

অলিকসন্দরের বাল্যজীবনীর কথা বিশেষ কিছু জানা যায়  
না । এরূপ কথিত আছে যে ফিলিপ, সুপ্রসিদ্ধ দার্শনিক  
এরেষ্টোটালকে পুত্রের জন্ম সংবাদ প্রদান করিয়াছিলেন, কেহ  
কেহ ইহা অমূলক বলিয়া উড়াইয়া দেন । সম্ভবতঃ রাজ-শিষ্যের  
পঞ্চদশ বৎসর বয়স্কের সময় তিনি উপদেশ দিতে আরম্ভ  
করিয়াছিলেন । এরেষ্টোটালের পিতা মাসিডন রাজপরিবারের  
গৃহচিকিৎসক ছিলেন । এরূপ অবস্থায় তাঁহার সময় সময় অলিক-  
সন্দরের বাল্যশিক্ষা পর্য্যবেক্ষণ নিতান্ত অসম্ভবও নহে ।  
এরেষ্টোটাল শিক্ষাদান সময় তিন ভাগে বিভক্ত করিয়াছেন ।  
প্রথম, জন্ম হইতে সপ্তম বর্ষ, দ্বিতীয় অষ্টমের আরম্ভ হইতে  
অষ্টাদশের শেষ, এবং তৃতীয় কাল একশ বৎসর পর্য্যন্ত ।  
এরেষ্টোটাল বলেন, প্রথমে শিশুর খাদ্য ও শরীরের প্রতি বিশেষ  
লক্ষ্য রাখা উচিত, শিশু যাহাতে শীতসহিষ্ণু হয়, সে জল শীতল  
জল অথবা অল্প পরিমাণে শীতবস্ত্র ব্যবহার করিতে অভ্যস্ত করান  
উচিত । যাহাতে খারাপ না শেখে সে জল চোক ও কাণের  
উপর বিশেষ নজর দেওয়া উচিত । সম্ভবপর খেলার সময়ও  
যাহাতে বুদ্ধিবৃত্তির বিকাশ হয়, এরূপভাবে শিশুকে খেলাইতে  
দিতে বলেন । অলিম্ফিয়ার, লিয়ননেটাস নামক একজন আত্মীয়,  
অলিকসন্দরকে বাল্যকালে রক্ষণাবেক্ষণ করিতেন—ইনি

একজন কঠোর নীতিপরায়ণ ছিলেন। সম্ভবতঃ ইহার শিক্ষায় অলিকসন্দরের শরীর সুদৃঢ় বলবান ও কস্মঠ হইয়াছিল। লাইসিমেক্স নামক একজন ব্যক্তির হস্তে অলিকসন্দরের শিক্ষার ভার আর্পিত হয়। প্লুটার্ক, ইহাকে বড় ভাল চক্ষে দেখেন নাই—রাজাদের মোসাহেবেরা রাজা ও রাজপুত্রগণকে ইতিহাস প্রসিদ্ধ ব্যক্তির সহিত যেরূপ তুলনা করিয়া আনন্দ করিয়া থাকে, ইনিও সেইরূপ অলিকসন্দরকে হোমরের বীর এচিলসের সহিত তুলনা করিয়া আমোদ প্রকাশ করিত। এই সময় হইতে অলিকসন্দরের হৃদয়ে হোমর প্রীতি অঙ্কুরিত হয় কিনা তাহা আমরা অবগত নহি।

এরিষ্টটেলের মতানুসারে দ্বিতীয় শিক্ষা অর্থাৎ ৮ হইতে ১৭ বৎসর পর্য্যন্ত যে শিক্ষা দেওয়া হয় তাহার প্রথম ভাগে সাহিত্য-ব্যায়াম—সংগীত এবং চিত্র সম্বন্ধে শিক্ষা দেওয়া হইত। ব্যাকরণ, পদ্য, গদ্য ও ইতিহাস সাহিত্যের মধ্যে অন্তর্ভুক্ত হইত। ব্যায়ামে-শরীরের দৃঢ়তা, সুন্দর গঠন, কস্মনিপুণতা প্রভৃতি বর্দ্ধিত হইয়া থাকে। তিনি বালকগণের প্রথম অবস্থায় উৎকট ব্যায়ামের পক্ষপাতি ছিলেন না। ইহাতে শরীর গঠনের ব্যাঘাত জন্মাইয়া থাকে। এ বিষয়ে তিনি হিসাব দেখাইয়া বলেন যে ওলিম্পিক্ উৎসবে যাহারা জয়লাভ করিয়াছেন, তাহাদিগের মধ্যে দুই তিন জন ব্যতীত আর কেহ যৌবন প্রৌঢ় উভয় অবস্থায় জয়যুক্ত হইতে সমর্থ হন নাই। কচিছেলের মাথায় শিক্ষার বোঝা দেওয়া, বা তাহার দ্বারা অতিরিক্ত ব্যায়াম করান শরীর গঠনের পক্ষে অত্যন্ত ক্ষতিজনক। সৌন্দর্য্যজ্ঞানহীন মানুষ অন্ধের সমান বলিলে অতুক্তি হয় না। সৌন্দর্য্যজ্ঞান

ধাহাতে বর্দ্ধিত হয় সে বিষয়ে গ্রীক শিক্ষকগণ ছাত্রের বাল্যকাল হইতে চোক ফুটাইয়া দিতেন। চিত্রাঙ্কণ বিষয়ক শিক্ষাও ছাত্রগণকে বেশ ভাল রূপই দেওয়া হইত। প্রাচীন গ্রীসের সৌন্দর্য্যজ্ঞান ইতিহাস প্রসিদ্ধ, ভাস্কর কার্য্যে গ্রীক অদ্বিতীয় স্থান অধিকার করিয়াছিল। ছাত্রকে কণ্ঠ সঙ্গীত এবং যন্ত্র-সঙ্গীত উভয়ই শিক্ষা দেওয়া হইত। বালকের শিক্ষার ইহা একটি অঙ্গ বলিয়া বিবেচিত হইত। শিশু যেরূপ ঝুমঝুমির শব্দে আনন্দ প্রকাশ করিয়া থাকে। সেইরূপ শ্রান্ত মানুষ সঙ্গীত শ্রবণ করিয়া প্রফুল্লিত হইয়া থাকে।

অলিকসন্দরের যে সময় একাদশ বৎসর বয়স্ক্রম, সে সময় ডিমস্থিনিস, এসচিনিস এবং আরো আর্টজেন এথেন্সের শীর্ষস্থানীয় ব্যক্তি, রাজকার্য্যের জ্ঞাত ফিলিপের দরবারে আগমন করেন। রাজকার্য্যের পর ফিলিপ সমাগত এথেন্সবাসীর কাছে তাঁহার পুত্রের পরিচয় প্রদান করেন। অলিকসন্দর বীণা (হার্প) যন্ত্র বাজাইয়া এবং নাটকের স্থান বিশেষ আকর্ষণ করিয়া নিজের শিক্ষার পরিচয় প্রদান করেন। ডিমস্থিনিস রাজপুত্রের উচ্চারণ গত দোষ ধরিলেও একাদশ বৎসরের বালকের পক্ষে ইহা সামান্য প্রশংসার কথা নহে।

খৃষ্টের ৩৪২ পূর্বে অলিকসন্দারের পঞ্চদশ বৎসর বয়স্ক্রমের সময় এরিষ্টটেল রাজকুমারের শিক্ষার ভার স্বয়ং গ্রহণ করেন, এবং তাঁহার এসিয়া গমনের পূর্বে সময় পর্য্যন্ত তাঁহার নিকট অবস্থান করিয়াছিলেন। এরিষ্টটেল, ইয়ুরোপের প্রাচীন যুগের 'একজন' অসাধারণ প্রতিভাসম্পন্ন ব্যক্তি। তিনি ণায় দর্শন, প্রকৃতি বিজ্ঞান, রাজনীতি প্রভৃতি বিষয়ক অতি উৎকৃষ্ট গ্রন্থ রচনা

করিয়া ইয়ুরোপীয় বিজ্ঞানের ভিত্তি সংস্থাপন করিয়াছেন।  
এরূপ ব্যক্তি, অলিকসন্দরের ন্যায় অসাধারণ মেধা সম্পন্ন ছাত্রকে  
শুশিক্ষিত করিবেন, তাহা কিছু আশ্চর্য্যের কথা নহে। রাজগুরু  
শিষ্যকে নানা বিষয়ের শিক্ষার সহিত তাঁহার পূর্বতন প্রভুর  
হত্যার প্রতিশোধ জ্ঞাত পারম্প্রপতির বিরুদ্ধে অলিকসন্দরের  
হৃদয়ে এ সময়ে বীজ বপনও সম্ভবতঃ করিয়া থাকিবেন। \*

এরিস্টটেল, অলিকসন্দরকে যে সকল কাব্যের রসাস্বাদন  
করাইয়াছিলেন, তাহার মধ্যে অমরকবি হোমরের ইলিয়দ কাব্য  
সর্বপ্রধান। অলিকসন্দর ইহা পাঠ করিয়া বীররসে বিভোর  
হইয়াছিলেন।

ইলিয়াদের যুদ্ধস্থলের দারুণ দৃশ্য, সমস্ত বিশ্ব ব্রহ্মাণ্ড গ্রাস  
করিবার জ্ঞাত যেন যুদ্ধদেবী বিকট বদনব্যাদন করিয়া গভীর  
গর্জন করিয়া অগ্রসর হইতেছেন, শব্দনাশ করিবার জ্ঞাত গ্রীক-  
দিগের হ্রস্বত ক্রোধাগ্নি, যেন আকাশ পাতাল ভস্মীভূত করিবার  
জ্ঞাত লক্ লক্ করিয়া চতুর্দিকে প্রসারিত হইতেছে। কোন  
স্থানে বা অগ্নিকুণ্ড ভীষণ আকার ধারণ করিয়া শশীহর্য্য ধূমে  
আচ্ছাদিত করিয়া ঘন ঘন বজ্রধোষে সমস্ত দিক বিদিক  
আলোড়িত করিয়া ক্রোধাগ্নির উগ্র শিখায় জগৎ ঝলসিয়া  
ফেলিতেছে, ইলিয়াদের এই সকল ঘোরতর ভয়ঙ্কর দৃশ্য  
অলিকসন্দরের বড়ই প্রীতিপ্রদ ছিল। তিনি প্রাণের সখার  
ন্যায় আজীবন সমরজ্ঞানের আধার এই ইলিয়দেকে সঙ্গে লইয়া

\* এরিস্টটেল কিছুদিন আতারনিয়ায় অধিপতি হারমিয়াসের কাছে  
অবস্থান করেন। এরূপ কথিত হয় যে পারস্যপতি আর্তারজেরেক্সাস  
ইহাকে অস্ত্রায় পূর্বক হত্যা করেন।

বেড়াইয়াছিলেন—শয়নকালে পাছে সঙ্গচ্যুত হন এই জ্ঞান অলিকসন্দর ইহা তলবারের সহিত শিয়রে করিয়া শয়ন করিতেন। এই ইলিয়দের সঙ্গ ফলে অলিকসন্দর জগজ্জ্যেতা হইয়াছিলেন। অলিকসন্দর, পারশ্বাধিপত্যকে পরাজয় করিয়া তাঁহার বহুমূল্য রত্নখচিত যে রত্নাধার প্রাপ্ত হন, সেই রত্নাধারে তাঁহার অমূল্য রত্ন ইলিয়াদ রক্ষা করিয়া সেই রত্নাধারের মূল্য বৃদ্ধি করিয়াছিলেন, সেই গ্রন্থখানি অলিকসন্দরের আজীবন সহচররূপে অবস্থান করে। অলিকসন্দর সাধারণতঃ রাজনীতি, সমাজনীতি, লোকযাত্রা প্রভৃতি লৌকিক বিদ্যায় অভিজ্ঞ হইয়াছিলেন, পারলৌকিক বিষয়ক জ্ঞান তিনি তাঁহার গুরুর কাছে কিছু পাইয়াছিলেন বলিয়া বোধ হয় না, তাহা যদি পাইতেন তাহা হইলে তাঁহার পাশব প্রবৃত্তি সকল উত্তরকালে কখনই সীমা অতিক্রমণ করিয়া বৃদ্ধি পাইতনা।

অলিকসন্দরের উচ্চ আশা, বাল্যকাল হইতে বদ্ধমূল হইয়াছিল। ফিলিপের বিজয়বার্তা যখন আনীত হইত, তখন ইহা শ্রবণ করিয়া অলিকসন্দর সঙ্গী বালকগণকে বলিতেন “বাবা যদি সব জয় করিলেন তবে আমরা কি জয় করিব ?” ইত্যাদি বলিয়া আক্ষেপ করিতেন।

“আমি বড়মানুষের ছেলে” অলিকসন্দরের হৃদয়ে এভাবটাও বেশ ছিল, এর বাপ ফিলিপের এভাব বড় ছিল না। তিনি ওলিম্পিক উৎসবে যোগ দিতে পশ্চাৎপদ হইতেন না। অলিকসন্দর দৌড়াইতে খুব মজবুত ছিলেন। এক সময় তাহাকে ওলিম্পিক উৎসবে দৌড়িবার জ্ঞান কেহ অনুরোধ করেন, প্রত্যুত্তরে অলিকসন্দর বলেন “যদি কোন রাজপুত্র



আমার প্রতিদ্বন্দ্বি হন তাহা হইলে আমি দৌড়াইতে প্রস্তুত আছি। গ্রীসের ওলিম্পিক উৎসব জনসাধারণের জাতীয় সম্পত্তি—একজন দরিদ্র গ্রীকবাসীর যেকোন অধিকার ছিল, একজন রাজার তাহা অপেক্ষা কিছু বেশী অধিকার ছিল না। একবার পারশ্বপতি এখানে তাঁহার রথ পাঠাইতে চাহিয়াছিলেন কিন্তু বৈদেশিকবলিয়া তিনি প্রতিদ্বন্দ্বী পদলাভ করিতে সমর্থ হন নাই।

অলিকসন্দরের প্রতিভা বিবয়ক গল্পে কথিত হয়—এক সময় পারশ্ব দূত রাজধানীতে আগমন করেন, সে সময় ফিলিপ স্থানান্তরে অবস্থান করিতেছিলেন। অলিকসন্দর দূতকে সন্ত্রমের সহিত গ্রহণ করিয়া প্রবীণের ন্যায় আলাপ করেন, তিনি পারশ্বপতির স্বভাব চরিত্র, তাঁহার সৈন্যবল, শত্রুর সহিত তিনি কিরূপ ব্যবহার করেন, সে প্রদেশের রাস্তা ঘাট ও দূরত্ব বিষয়ক নানাপ্রকার প্রশ্ন করিয়া সকলকে মুগ্ধ করিয়াছিলেন।

এক সময় একজন লোক ফিলিপকে একটা ঘোড়া বিক্রয় করিতে আগমন করে, ঘোড়া সকলের পছন্দ হইল, ১৩ টালান্ট (প্রায় ৩৮ হাজার টাকা) দাম স্থির হইল। পরীক্ষার জন্য সকলে ময়দানে সমবেত হইলেন। এ সময় ঘোড়াটা অত্যন্ত দুষ্টুমি করিতে লাগিল, পিঠে কাহাকেও চড়িতে দিল না, তাহাকে সহিসদের ধরিয়া রাখাও দায় হইয়াউঠিল। ফিলিপ ঘোড়ার অবস্থা দেখিয়া দূর করিয়া দিতে আজ্ঞা করিলেন। অলিকসন্দর অবস্থা ভাল করিয়া দেখিতেছিলেন, তিনি পিতাকে ঘোড়া ফিরাইয়া দিতে দেখিয়া বলিলেন “একটু নিপু-

‘গতা.ও কুশলতা না থাকার জন্ত এমন ঘোড়া হাতছাড়া হইল ।’ ফিলিপ প্রথমে এ কথার উপর লক্ষ্য করিলেন না। কিন্তু বারংবার এই কথা বলায় তিনি একটু বিরক্ত হইয়া বলিলেন যুবকেরা মনে করে তারা যেন বুড়োদের চেয়ে সকল বিষয়ে বেশী বোঝে । অলিকসন্দর প্রত্যুত্তরে “কিছু কিছু বোঝে” উত্তর দিলেন । ফিলিপ বলিলেন, “তুমি যদি চড়িতে না পার তাহা হইলে তোমার প্রগল্ভতার জন্ত কি হারিবে ? উত্তরে বলিলেন “ইহার মূল্য” এই কথায় পার্শ্বের সকলে হাসিতে লাগিল অলিকসন্দর ক্ষণবিলম্ব না করিয়া ঘোড়ার লাগাম ধরিয়া তাহাকে সূর্য্যের দিকে মুখ ফিরাইয়া ধরিল । ঘোড়াটা নিজের ছায়া দেখিয়া ভয় পাইতেছিল—নিজের অঙ্গ সঞ্চালনের সহিত ছায়াটা আরো সঞ্চালিত হইতেছিল, ইহাতে সে আরো বিভীষিকাগ্রস্ত হইতেছিল । অলিকসন্দর, ঘোড়ার ভয়ের কারণ বুঝিতে পারিয়াছিলেন, তাই ঘোড়া যাহাতে ছায়া দেখিতে না পায়, সূর্য্যের দিকে মুখ ফিরাইয়া ধরেন এবং আন্তে আন্তে পিট চাপড়াইয়া, মিষ্ট কথা কহিয়া, তাহাকে শান্ত করেন । অলিকসন্দর নির্ভয়ে লাফাইয়া ঘোড়ার উপর দৃঢ়ভাবে উপবেশন করিয়া অতি দ্রুতবেগে ঘোড়াকে দৌড় করান । ফিলিপ প্রভৃতি প্রথমে অত্যন্ত ভীত হইয়াছিলেন, তারপর যখন নিরীক্সে বালক প্রত্যাগমন করিল তখন সকলের আত্মাদের সীমা রহিল না । ফিলিপ সাগ্রহণ্যনে পুত্রকে আলিঙ্গন করিয়া বলেন “পুত্র তুমি স্বতন্ত্র রাজ্য সংস্থাপন কর মাসিদিন তোমার পক্ষে অত্যন্ত ক্ষুদ্র ।” অলিকসন্দরের এই ঘোড়ার নাম বুকেফেলস বা রুষ-শীর্ষ । এই

ঘোড়ায় চড়িয়া অলিকসন্দর বহুযুদ্ধে জয়লাভ করেন। এই ঘোড়ার সাহায্যে তাঁহার প্রাণ অনেকবার রক্ষিত হইয়াছিল। অবশেষে এই ঘোড়া আমাদের দেশে পঞ্চভ লাভ করে। প্লুটার্ক বলেন এই ঘটনার পর ফিলিপ পুত্রকে এরিষ্টটেলের হস্তে বিদ্যা শিক্ষার জন্ত সমর্পণ করেন।

এরিষ্টটেল, রাজধানীর কোলাহল বিবর্জিত স্থায়ী জন্মভূমি ষ্টিয়াগিরা নামক গ্রামে, নিয়ার্কস, তুরময় প্রভৃতির সহিত আলিকসন্দরকে নানা বিষয়িনী শিক্ষা প্রদান করিয়াছিলেন। এ স্থানে তিনি চার বৎসর অধ্যয়ণ করিয়াছিলেন।

অধ্যয়ন সাঙ্গ হইবার পূর্বেই, সময় সময় অলিকসন্দরকে, পিতার অনুপস্থিতকালে রাজকাব্য পরিদর্শন করিতে হইত। অলিকসন্দরের ষোড়শ বৎসর বয়স্কের সময় ফিলিপ ব্যাজণ্টাইন (বর্তমান কনিষ্টান্টনোপল) প্রদেশে যুদ্ধ করিতে গমন করেন। পিতার অনুপস্থিত কালে পুত্র রাজ্য রক্ষক নিযুক্ত হইলেন। ৩৩৯ খৃঃ পূঃ অব্দে বালক অলিকসন্দর, শত্রু সংহার করিবার জন্ত সর্ব প্রথম অস্ত্রগ্রহণ করেন বলিয়া ইহা ঐতিহাসিকদিগের কাছে বিশেষরূপে অরণীয়, হইয়াছে। ফিলিপ দূরতর প্রদেশ যুদ্ধে নিযুক্ত রহিয়াছেন দেখিয়া ইলিরিয়ার অধিবাসীরা তাঁহার বিরুদ্ধে অস্ত্রধারণ করেন। বিদ্রোহীরা মনে করিয়াছিল এ সময় ফিলিপ ও তাঁহার রণনিপুন সেনানীগণ কেহই পেলাতে উপস্থিত নাই, এসময় যুদ্ধ আরম্ভ করিলে তাহারা নিশ্চয়ই বিজয় লাভ করিবে, কিন্তু তাহাদের আশা পূর্ণ হইল না—অলিকসন্দর বিদ্রোহের কথা শ্রবণ করিবামাত্র একদল সৈন্ত লইয়া তাহাদের বিরুদ্ধে যাত্রা করেন। তাঁহার এই হাতেখড়ি—

অসিধারণের দিনে বিজয় শ্রী তাঁহার অঙ্গগতা হন । শত্রুগণকে তিনি সম্পূর্ণরূপে পরাজয় করিলেন, তাহাদের গ্রাম ও নগর তাঁহার ক্রোধবহি হইতে রক্ষা পাইল না । বিদ্রোহীরা সমুচিত শিক্ষাপ্রাপ্ত হইল । অলিকসন্দর তাঁহার এই বিজয়ের স্মৃতিস্বরূপ এখানে একটি নগর স্থাপন করেন, ইহার নাম হইল আলেকজেন্ডার পলিস বা আলেকজেন্ডারপুর ।

যুদ্ধস্থল হইতে প্রত্যাগমন করিয়া, বালক আবার রাজকাৰ্য্যের ভারগ্রহণ করিলেন । এই সময় পারস্যপতির দূত পেলাতে উপস্থিত হন । অলিকসন্দর কিছুতেই পশ্চাৎপদ হইবার পাত্র নহেন, তিনি দূতকে যথোচিত সম্মানের সহিত দরবার মধ্যে গ্রহণ করিলেন । প্রবীণের ত্রায় আলাপ পরিচয় করিলেন— ইহাতে বালকহের লেশমাত্রও প্রকাশ পাইল না । তিনি পারস্যপতির স্তবচরিত্র, তাঁহার সৈন্যবল, শত্রুর সহিত তিনি কিরূপ ব্যবহার করেন—সে প্রদেশের রাস্তাঘাট ও তাহার দূরত্ব বিষয়ক নানা প্রকার প্রশ্ন করিয়া সকলকে মুগ্ধ করিয়াছিলেন । এই সকল প্রশ্ন দেখিয়া অনেকে এই সময় হইতে অলিকসন্দরের হৃদয়ে এসিয়া বিজয় বাসনা অঙ্কুরিত হইয়াছিল কল্পনা করিয়া থাকেন ।

ফিলিপের বাহুবলের দিন দিন বৃদ্ধি পাওয়াতে, এথেন্সবাসীর হৃদয়ে উদ্বেগের লক্ষণ সকল ধীরে ধীরে প্রকাশিত হয় । ইহার সহিত ডিমস্থেনিস প্রমুখ বক্তাগণের ফিলিপের বিরুদ্ধে অনল-বর্ষি বক্তৃতায় এথেন্সবাসী অত্যন্ত উত্তেজিত হয় । এই সময় 'ফিলিপ', ইলৈতিয়া নামক একটি ক্ষুদ্র নগর অধিকার করিয়া তাঁহার সেনানিবাস গড়বন্দি করিয়া সুরক্ষিত করেন । ইলৈতিয়া,

এথেন্স রাজ্যের সীমান্ত প্রদেশ হইতে প্রায় তিরিস এবং এথেন্স নগর হইতে প্রায় ৪৫ ক্রোশ দূর । ফিলিপের ইলৈতিয়া অধিকার সংবাদ এথেন্সে আনীত হইলে—এথেনীয়নরা অত্যন্ত শঙ্কিত হন, তাঁহারা ফিলিপের এথেনীয় রাজ্য আক্রমণের ছুরতিসন্ধি কল্পনা করিতে লাগিলেন । ডিমস্থিনিসের দল বৃদ্ধি পাইতে লাগিল যুদ্ধের জ্ঞাত সকলেই উৎসুক হইল । দলে পরিপুষ্ট হইবার জ্ঞাত ডিমস্থিনিস, থেবে গমন করিলেন, থেববাসীরা প্রথমে ডিমস্থিনিসের কথায় কান দেয় নাই, ধীরে ধীরে তাঁহার কথায় মুগ্ধ হইয়া ফিলিপের বিরুদ্ধে তাহারা এথেন্সবাসীর সহিত মিলিত হয় । ডিমস্থিনিস এ সময়ে জনসাধারণের হৃদয়রাজ্যের অধিকার স্বরূপ হন, তাঁহার কথায় কি থেব, কি এথেন্সবাসী, সকলেই পরিচালিত হইতে ছিল—যে থেববাসী ইতিপূর্বে ফিলিপের পক্ষ অবলম্বন করিয়াছিল তাহারা এক্ষণে বক্তার কথায় মুগ্ধ হইয়া, তাঁহার বিরুদ্ধাচরণে প্রবৃত্ত হইল ।

চ্যারোনিয়াক্ষেত্রে গ্রীসের বাহুবলের পরীক্ষা হইল । এক দিকে ফিলিপ অপর দিকে থেব—এথেন্স প্রভৃতি, এক্ষেত্রে যদি গ্রীস জয়যুক্ত হইতেন তাহা হইলে সম্ভবতঃ অলিকন্দরের ভাবী দিগ্‌বিজয় আদি ঘটনা হইত কি না, সে বিষয় সন্দেহ হইয়া থাকে । এজ্ঞ এই যুদ্ধকে অনেকে পৃথিবীর একটি প্রধান যুদ্ধ বলিয়া কীর্ত্তন করিয়া থাকেন । এ যুদ্ধে ফিলিপের সহিত তিরিস হাজার উৎকৃষ্ট পদাতিক এবং দুইহাজার অশ্বারোহীসেনা আগমন করিয়াছিল । সম্মিলিত গ্রীক সেনা ও উক্ত সংখ্যার সমতুল্যই ছিল । সম সংখ্যক হইলেও গ্রীক সেনা, ফিলিপ সেনার আয় সমরনিপুন বা ক্লেশ-সহিষ্ণু ছিল না । গ্রীক সেনার অধি-

কাংশ ভাড়াটে এবং সখের নাগরিক সেনা—ডিম্‌হিনিস ও স্বদেশের গৌরব রক্ষার জন্ত যুদ্ধ করিতে গমন করিয়াছিলেন। বক্তৃতাকালে তিনি যেরূপ তেজস্বিতা ও নির্ভিকতা দেখাইতেন, যুদ্ধকালে তিনি তাহার সম্পূর্ণ বিপরীতভাবে দেখাইয়াছিলেন— তিনি সর্বপ্রথমে রণে ভঙ্গ দিয়া অস্ত্রশত্রু পরিত্যাগ করিয়া কাপুরুষের তায় পলায়ন করিয়াছিলেন। এই ঘোরতর যুদ্ধে গ্রীকগণ অকাতরে যুদ্ধ করিলেও বিজয় লক্ষ্মী ফিলিপের অঙ্গগতা হন। অলিকসন্দর এই যুদ্ধে যথেষ্ট বীরত্ব দেখাইয়াছিলেন। গ্রীকবাসীর পরাজয়ের সহিত ফিলিপের উচ্চ আশার দ্বার অনর্গল হইল, এথেন্স ও থেবের দর্পচূর্ণ হইল, কাবেই আর কেই ফিলিপের বিরুদ্ধে দাঁড়াইতে সাহসী হইল না। সম্ভবতঃ ৩২৮ খৃঃপূঃ ভাদ্র মাসে এই যুদ্ধ হইয়াছিল।

এই যুদ্ধে প্রায় তিন হাজার এথেন্সবাসী এবং প্রায় এতগুলি থেববাসী নিহত বা বন্দী হইয়াছিল। এই তিন হাজার বা ছয় হাজার লোকের অভাবে গ্রীসবাসী একেবারে হীনবীর্য হইয়া পড়িল। ইহা বড়ই আশ্চর্যের কথা, সে সময়ের এথেন্সবাসী লিখিতে, পড়িতে, বক্তৃতা, করিতে বা ভাস্কর কার্যে, অথবা সভ্যতা ভব্যতা সকল বিষয়েই মেসিডনবাসী অপেক্ষা অনেক অংশে শ্রেষ্ঠ ছিল। এ শ্রেষ্ঠতা তাহাদিগের সম্মান রক্ষা করিতে সমর্থ হয় নাই—এ শ্রেষ্ঠতার সহিত যদি তাহাদিগের বাহুবলের বৃদ্ধি প্রাপ্ত হইত, তাহা হইলে আর তাহাদিগকে অসভ্য মাসিডনিয়ার হস্তে লাজ্জিত হইতে হইত না।

এরূপ কথিত আছে যে এই যুদ্ধের পর ফিলিপ পক্ষীয় যে সকল লোক সন্ধিসংস্থাপনের জন্ত এথেন্সে গমন করিয়াছিলেন,

তাহাদের সহিত অলিকমন্দ ও গমন করিয়াছিলেন । ইহাতে অলিকমন্দরের জ্ঞানের সীমা অনেকটা বৃদ্ধি পাইয়াছিল সে বিষয় সন্দেহ নাই । ফিলিপ, পুত্রের প্রতিভা দেখিয়া যথেষ্ট আনন্দিত হইলেন । জনসাধারণ পুত্রকে “রাজা” এবং পিতাকে “সেনানী” বলিয়া সম্বোধন করিত । পুত্র সাধারণের প্রীতির পাত্র হইয়াছে দেখিয়া, পিতার আনন্দের সীমা থাকিত না । পিতাকে ক্রান্ত এ আনন্দ বড় বেশীদিন ভোগ করিতে হয় নাই ।

স্পার্টাব্যতীত সমগ্র গ্রীস এখন ফিলিপের অধীনতা স্বীকার করিল । স্পার্টা অধীনতা স্বীকার না করিলেও তাহার এরূপ ক্ষমতা ছিল না যে, সে ফিলিপের বিরুদ্ধাচরণ করিতে সমর্থ হয় । চারোনিয়া যুদ্ধের প্রায় একবৎসর পরে কোরিন্থ নগরে এক মহাসভার অধিবেশন হয় । স্পার্টা ব্যতীত সমগ্র গ্রীসের প্রতিনিধিবর্গ এই সভায় ফিলিপকে পারস্ত্রপতির বিরুদ্ধে সেনানী-প্রধান পদে নিযুক্ত করেন । এই সভা অধিবেশনের এক বৎসর পরে, আমাদের এসিয়ার বিরুদ্ধে ফিলিপ যাত্রা করিবেন, এইরূপ স্থির হইল । সকল দেশই নিজের নিজের সামর্থ্য অনুসারে ধন বল ও জনবল দিয়া সাহায্য করিতে প্রতিশ্রুত হইলেন ।

মানুষ বিভিন্ন মতাবলম্বী হইলেও, সাধারণ বিপদ ও সম্পদ কিন্তু অনেক সময় তাহাকে এক মতাবলম্বী করিয়া থাকে । সে সময়, সকলে একচিত্ত হইয়া বিপদ দূর, বা সম্পদ সাধনের চেষ্টা করিয়া থাকে । সম্ভবতঃ ফিলিপ ও মনে করিয়া থাকি-  
বেন যে, বর্তমানে তিনি বিভিন্ন প্রকৃতির গ্রীসবাসীর হৃদয়ের সহানুভূতি না পাইলেও কালে সর্বদা একত্র অবস্থান, এবং সাধারণ বিপদ ও সম্পদে সকলে সুখী ও দুঃখী হইতে শিখিয়া

তাহারা তখন তাঁহার প্রতি আন্তরিক সহানুভূতি প্রকাশ করিতে বাধ্য হইবে ।

মানুষ সংসার ক্ষেত্রে বিশেষ সাফল্য লাভ করিলে, অনেক সময় তাহার বুদ্ধি ভ্রংশ হইয়া থাকে, নিজের পূর্ব অবস্থা ভুলিয়া যায়—নিজের উপর তাহার একটা ভ্রম বিশ্বাস উৎপন্ন হইয়া থাকে । গ্রীসের উপর অনন্য-সাধারণ বিজয় লাভের সহিত ফিলিপের মস্তিষ্ক বিকৃত হইয়াছিল । তাঁহার বিবাহিতা স্ত্রী এবং বহু সংখ্যক উপপত্নী বর্তমান থাকিলেও, তিনি এসময় দার সংগ্রহ করিতে বিরত হন নাই । এক দিने এসিয়া বিদারণের জন্য অস্ত্র শস্ত্র সংগ্রহ হইতেছিল, অপরদিকে তাঁহার শত্রুর বিদারণের কারণ স্বরূপ দার সংগ্রহ বাস্তবিকই অপূর্ণ হইয়াছিল । আলোকের নিচে বেরূপ অন্ধকার স্থান লাভ করে, সেইরূপ ধনবানদের কাছে এক প্রকার নিকৃষ্ট জীব আশ্রয় গ্রহণ করিয়া থাকে । ফিলিপের কাছেও এই সকল জীবেরা আশ্রয় লাভে বঞ্চিত হয় নাই । ফিলিপের বিবাহ, তাহার সমর্থন করিল এবং এই স্ত্রীর পত্নের সন্তান সিংহাসনের উত্তরাধিকারী বলিয়া তাহারা ঘোষণা করিতে লাগিল । ইহার সহিত ফিলিপও যোগ দিলেন, তিনি সকলের সমক্ষে আলিকসন্দরের জননীকে ব্যাভচারিণী, পুত্রকে জারজ, ইত্যাদি শব্দে অভিহিত করিতে লাগিলেন । ইহার ফল ফলিল, পিতা পুত্রে, স্বামী স্ত্রীতে বিষম বিরোধ উপস্থিত হইল । একদিন মদ্যপান কালে, একজন পারিষদ বলিল, এইবার এই রানীর গর্ভে যে পুত্র জন্ম গ্রহণ করিবে, সে এই সিংহাসনে উপবেশন করিবে । এই শব্দ অলিকসন্দরের কণ্ঠ কুহরে প্রবেশ করিলে, তিনি বলিলেন “তবে আমি



কি জারজ” এই কথা বলিয়া তিনি মদিরা পাত্র বক্তার মুখে নিক্ষেপ করেন। মদ্যপানে বিহ্বল ক্রোধোন্মত্ত ফিলিপ এই দৃশ্য দেখিয়া পুত্রকে হত্যা করিবার জ্ঞা যে সময় কোষমুক্ত অসিহস্তে “টেবিল” অতিক্রমণ করিবেন, সে সময় তাঁহার পদস্থলন হওয়াতে পড়িয়া যান। আলিকসন্দর পিতাকে পড়িয়া যাইতে দেখিয়া সমবেত বক্তিবর্গকে সম্বোধন করিয়া বলেন, “দেখুন যিনি ও টেবিল হইতে এ টেবিলে না পড়িয়া আসিতে পারেন না, তিনিই আবার সরিং-সাগর-শৈল-সঙ্কুল ইয়ুরোপ হইতে এশিয়াতে গমন করিবার জ্ঞা প্রস্তুত হই-তেছেন! “এই ঘটনার পর রাজনীতে অবস্থান করা আলিক-সন্দর যুক্তি যুক্ত বিবেচনা করিলেন না। তিনি তাঁহার জননী সহ স্থানান্তরে গমন করিলেন। স্থানান্তরে অবস্থান করিলেও বিবাদের হাস হইল না বরং দিন দিন বৃদ্ধি পাইতে লাগিল। ফিলিপের গৃহ-কলহের কথা সর্বত্র প্রচারিত হইল। ফিলিপ কর্তৃক আলিকসন্দরের সহচর ও বন্ধুগণ নিগৃহীত হইতে লাগিল, ফিলিপের গৃহ অশান্তি পরিপূর্ণ হইয়া উঠিল।

এই সময় একজন সম্ভ্রান্ত গ্রীক ফিলিপের আতিথ্য গ্রহণ করেন। একদিন নানা কথার পর ফিলিপ তাঁহাকে গ্রীসের শান্তির কথা জিজ্ঞাসা করেন। প্রত্যুত্তরে তিনি বলেন যিনি নিজের গৃহ অশান্তি পরিপূর্ণ করিয়াছেন, গ্রীসের শান্তির কথা জিজ্ঞাসা করিতে তিনি অধিকারী বটে? গ্রীক পণ্ডিতের এই তীব্র তিরস্কারে ফিলিপ লজ্জিত হন এবং পুত্র কলত্রের সহিত যাহাতে পুনরায় মিলন হয়, সে জ্ঞা তিনি তাঁহাকে সম্বাস্ত হইতে অনুরোধ করেন। ইহার মধ্যস্থতায় স্ত্রী পুত্রের সহিত মিলন

হইল বটে কিন্তু অন্তরের মিলন হইল না, বিবাদের কারণ দূর না হওয়াতে এ মিলন স্থায়ী হইল না ।

ফিলিপের হৃদয়ের দুর্বলতার সহিত তাঁহার নূতন স্ত্রী ও তাহার পরিজনবর্গের ক্ষমতা বিশেষ রূপে বৃদ্ধি পাইয়া ছিল । তাহার ক্ষমতার অপব্যবহার করিয়া সকলের যথেষ্ট উদ্বেগের কারণ হইয়াছিল । ইহাদের আজ্ঞারূপে পউসেনিয়াস নামক এক ব্যক্তি বিশেষ রূপে নিগৃহীত হয় । সে এই অবমাননার বিচারপ্রার্থী হইয়া ফিলিপের নিকট গমন করে । এই দিন রাজবাটিতে বিশেষ উৎসব ছিল । ফিলিপের কন্যার বিবাহ—এবং এশিয়া বিজয়ে গমন উপলক্ষে এই উৎসবের মাত্রা খুব বাড়িয়া গিয়াছিল । ফিলিপ, নাটকঅভিনয় দেখিতে যাইবার সময় পউসেনিয়াস কর্তৃক নিহত হন । ইহার সহিত আরো কএকজন লোক ছিল, তাহাদিগের মধ্যে কেহ কেহ ফিলিপের রক্ষীগণ কর্তৃক নিহত হন । ফিলিপের জীবন নাটকের অভিনয় এইরূপে শেষ হয় । এই অভিনয়ে, ফিলিপের সহধর্মিণী অলিমফিয়া এবং দিগ্বিজয়ী পুত্র অলিকসন্দর বিশেষরূপে লিপ্ত ছিলেন বলিয়া সে কালের লোকেরা কীর্তন করিয়াছেন ।

ফিলিপ, সমস্ত গ্রীস বাসীকে একমতাবলম্বী করিয়া স্বয়ং তাহাদিগের সেনানী প্রধান হইয়া পারশ্ব পতির বিরুদ্ধে গমন করিবেন ইত্যাদি কত স্বপ্নই দেখিয়া ছিলেন, শ্রীভগবান কিন্তু ষাতকের শানিত অস্ত্রে ৬৬ বৎসর বয়স্কের সময় তাঁহার সে স্বপ্ন ভাঙ্গিয়াদেন ।

ফিলিপের যতই কেন দোষ থাকুক না, তিনি জাতীয় শত্রু পারস্যের বিরুদ্ধে বিভিন্ন প্রকৃতির সমস্ত গ্রীসবাসীকে এক

সে দেশে য়ণার সহিত পাঠিত হইবে। ৩৭

করিয়াছিলেন, তিনি পারসীক মোহ দূর করিয়া জাতীয় গৌরব বুদ্ধির জন্ম—সমস্ত গ্রীস বাসীকে সম্মিলিত করিয়াছিলেন, ইহা তাঁহার পক্ষে সামান্য প্রশংসার কথা নহে। মোহ দূর হইলে, অজ্ঞান আর ভয় দেখাইতে সমর্থ হয় না। কিছু দিন পূর্বে যে গ্রীসবাসী পারস্যের শোকবল ও ধন বল দেখিয়া বিভীষিকা-গ্রস্ত হইত, সেই গ্রীসবাসী এক্ষণে উপযুক্ত বাস্তবিক নৈতৃত্বে পারস্য জয়ের কল্পনা কার্যে পরিণত করিতে সচেষ্ট হইল।

যে দেশের রমণী পতির মৃত্যুর পর অগ্নি-প্রবেশ করিয়া পতির অঙ্গগমন করে, যে দেশের অবলা কঠোর বৈধব্যব্রত অবলম্বন করিয়া পতি দেবতার পূজা করিয়া থাকে। যে দেশের লোক পিতার তৃপ্তির জন্য রাজ ঐশ্বর্য্য পরিত্যাগ করিয়া আজীবন ব্রহ্মচর্য্য অবলম্বন করে, যে দেশবাসী পিতার আদেশ পরিপালন জন্য সহাস্য বদনে বনে গমন করে, যে দেশের পুত্র পিতার সন্তোষের জন্য অবিকৃত বদনে দুঃখময় জরাকেও গ্রহণ করিয়া থাকে, যে দেশের জনগণ, পিতাপরিতুষ্ট হইলে সমস্ত দেবতা তুষ্ট হইবে বিবেচনা করিয়া যাহার সেবা করিয়া থাকে, সে দেশের লোকের কাছে ওলিম্পিয়া বা অলিকসন্দরের এই পাপ কথা য়ণার সহিত পাঠিত হইবে সে কথা বলাই বাহুল্য।

## চতুর্থ অধ্যায়।

. ফিলিপের পঞ্চম প্রাপ্তির পর, সকলের দৃষ্টি অলিকসন্দরের উপর পতিত হইল। মাসিছুনিয়ার সিংহাসন লাভের আশা, দুই একজন হৃদয়ে পোষণ করিলেও, অলিকসন্দরের কমনীয়

মুখশ্রী, ও অসাধারণ শক্তির কাছে, তাহাদের আশা ফলবতী হয় নাই। প্রাচীন লেখকেরা বলেন, অলিকসন্দরের মুখশ্রী 'অত্যন্ত হৃদয়গ্রাহী ছিল—চক্ষুদ্বয় রহৎ ও উজ্জ্বল, ইহাতেই যেন তাঁহার সমস্ত শক্তি নিহিত ছিল। মুখ ও চিবুক, লক্ষ্য করিবার বিষয়। সে কালের লেখকেরা অলিকসন্দরকে পশুভাব বিবর্জিত বলিয়া বর্ণন করিয়াছেন, কিন্তু মুখ ও চিবুক একটু ভাল করিয়া দেখিলে সে কথার উপর সন্দেহ উপস্থিত হইয়া থাকে। সত্য বটে জীবনের প্রথম অবস্থায় অলিকসন্দর, ইন্দ্রিয় জয় করিয়াছিলেন, এবং ইহারই ফলে তিনি অসাধারণ বিজয় লাভে সমর্থ হইয়াছিলেন, তার পর কিন্তু অজিতেন্দ্রিয়তার সহিত তাঁহার অধঃপতনের আরম্ভ হইয়াছিল। অলিকসন্দর স্বভাবতঃ একটু বাম দিকে মাতা হেলাইয়া রাখিতেন—তাঁহার শরীর ও নিশ্বাস হইতে একটু স্তম্ভুর গন্ধ বাহির হইত।

অলিকসন্দরের চরিত্রে একটি বিষয় বিশেষরূপে বিকাশ-প্রাপ্ত হইয়াছে, তাহা তাঁহার “আমিত্ব” এই আমিত্বের প্রসার তাঁহাতে এরূপ বৃদ্ধি পাইয়াছিল যে, তাহা সাধারণতঃ মনুষ্য মধ্যে দেখিতে পাওয়া যায় না। প্রথম, ফিলিপের ন্যায় অসাধারণ ব্যক্তির পুত্র হওয়াতেও তাঁহার এই আমিত্বের বৃদ্ধির পক্ষে অনেকটা সাহায্য করিয়াছে, দ্বিতীয় এরিষ্টটেলের ন্যায় ব্যক্তির কাছে শিক্ষা লাভে ও তাঁহার আমিত্ব পরিবর্দ্ধিত হইয়াছে। তৃতীয় অল্প বয়সে স্বাধীনভাবে কার্য্য করিয়া সফলতার সহিত তাঁহার আমিত্ব যথেষ্ট বৃদ্ধি পাইয়াছে, চতুর্থ মোসাছেবের দল ইহার। ধনবানদের যেরূপ মাথা বিগড়াইয়া দেয়, সেরূপ আর কেহ দিতে পারে না। অলিকসন্দরের কাছে এইরূপ মোসাছেবের

দল বড় কম ঘোটে নাই। এই সকল কারণে অলিকসন্দরের আমিষের প্রসার ও অভূতভাবে বর্দ্ধিত হইয়াছিল। আমিষের প্রসারের সহিত তাঁহার পারশ্বজয়ের বাসনা হৃদয়ে বদ্ধ মূল হয়, পারস্যপতিকে জয় করিয়া তাঁহার ভারত জয়ের আশা অঙ্কুরিত হয়। এইরূপে তাঁহার আমিষের সম্প্রসারণ হইয়াছিল।

অলিকসন্দর কুড়ি বৎসর বয়স্কের সময় পৈত্রিক সিংহাসনে উপবেশন করেন। তিনি তাঁহার স্বভাবসিদ্ধ হৃদয়গ্রাহী বাগ্মীতায় এসিয়া বিজয়ের জ্ঞাত বদ্ধপরিকর সৈন্যমণ্ডলী ও উপস্থিত সম্ভ্রান্ত জনগণকে তাঁহার পক্ষপাতী করেন। সকলে বুঝিল মাসিদন রাজ্যে কেবল নামেই রাজ পরিবর্তন হইয়াছে, কোনরূপ নীতির পরিবর্তন হয় নাই—চ্যারোনিয়া বিজয়ী সৈন্যের মধ্যে কেবল মাত্র একজন লোকের অভাব হইয়াছে, সে অভাব তাঁহা অপেক্ষা যোগ্যতর ব্যক্তি দ্বারা পরিপূরিত হইয়াছে, সুতরাং ফিলিপের অভাবজনিত উদ্বেগ কাহাকেও অবসাদ গ্রস্ত করিতে সমর্থ হয় নাই।

অলিকসন্দর, নিরুপদ্রবে সিংহাসন অধিকার করিলেন বটে, কিন্তু তাঁহার রাজ্যের চতুঃপাশ্বে ঘোরতর অশান্তির চিহ্ন সকল লক্ষিত হইতে লাগিল। ফিলিপ যে সকল অসভ্যজাতি পরাজয় করিয়াছিলেন, তাহারা অলিকসন্দরের বিরুদ্ধে অন্ত্রধারণ করিল। খেবপ্রমুখ গ্রীসবাসীরা ও ফিলিপের সন্ধি বন্ধন ছিন্ন করিয়া স্বতন্ত্রতা! অবলম্বন করিবার উদ্যোগ করিতে লাগিল। এই সঙ্কট সময়ে অনেকে অলিকসন্দরকে মৃত্যুত্যাগ অবলম্বন করিতে পরামর্শ প্রদান করেন। তাঁহারা, পার্শ্বত্যাগ অসভ্যবান্দীকে 'মিষ্ট' কথায় ডুট, এবং পরাধীনতায় অনভ্যন্ত গ্রীক—বাসীর প্রতি দণ্ড

প্রয়োগ না করিয়া তাহাদিগকে সাম বা দানের দ্বারা বশীভূত করিতে অনুরোধ করেন। অলিকসন্দর বুঝিলেন, এসময় মৃত্যু অবলম্বন করিলে শত্রুগণ প্রবল হইবে এবং তিনিও মিত্রগণ-মধ্যে অকর্মণ্য বলিয়া খ্যাতি লাভ করিবেন। তাই তিনি মৃত্যু পরিত্যাগ করিয়া বজ্রের ছায়া, শব্দ প্রতিগোচর হইবার পূর্বেই তিনি শত্রুগণ মধ্যে আপতিত হইয়া তাহাদিগকে সমূলে ধ্বংস করিয়া ছিলেন। অলিকসন্দর যে সময় ড্যানুবের তটে অসাধারণ শূরতা ও ধীরতা দেখাইয়া শত্রু ও মিত্র উভয়কে মোহিত করিতে ছিলেন, সে সময় খেবনগরে একরূপ জনরব প্রচারিত হয় যে, অলিকসন্দর শত্রুর সহিত যুদ্ধকালে মৃত্যুমুখে পতিত হইয়াছেন। এই জনরবের সহিত মাসিদনের শত্রুগণ, অলিকসন্দরের অধীনতা পাশ ছিন্ন করিয়া স্বাভাবিকতা লাভের জন্ত অস্ত্রধারণ করে।

খেবের অস্ত্রধারণের কথা অবগত হইলে, অলিকসন্দর ড্যানুব প্রদেশে অবস্থান করা যুক্তিযুক্ত বিবেচনা করিলেন না। তিনি জানিতেন, যুদ্ধকালে গ্রীসের কোন রাজশক্তি তাহার পক্ষ অবলম্বন করিবেনা—স্পার্টানরা প্রকাণ্ডভাবেই তাহার প্রতিকূল আচরণ করিয়া থাকে—এথেনীয়দের মনের ভাব ও বড় ভাল নহে, তাহাদের প্রধান বক্তা তাঁহাকে “বালক” ছোঁড়া” ইত্যাদি অবজ্ঞাসূচক শব্দে অভিহিত করিতেছে। একরূপ অবস্থায় তিনি আর ড্যানুব প্রদেশে অবস্থান করা যুক্তি যুক্ত বিবেচনা করিলেন না। যাহাতে গ্রীকগণ একত্র মিলিত হইয়া তাঁহার বিরুদ্ধে অস্ত্রধারণ করিতে না পারে, সেই জন্ত তিনি দ্রুতগতিতে পার্শ্ব পথ অবলম্বন করিয়া ৬৭ দিনের মধ্যে খেবের ৩৩০ ক্রোশ দূরে বায়ুকোনে একটি নগরে সমস্ত সৈন্য সহ উপস্থিত হন।

থেববাসীরা সৈন্তসহ অলিকসন্দরের আগমন কথা অবগত হইলে, কেহ ইহা বিশ্বাস করিল না, কেহ মনে করিল এন্টিপিটার আসিয়াছে, কেই বলিল অলিকসন্দর বটে কিন্তু এ স্বতন্ত্র অলিকসন্দর বলিয়া উপেক্ষা করিতে লাগিল। অলিকসন্দর পর দিবস থেবের উপকণ্ঠে সৈন্ত সহ উপস্থিত হইলেন। বিদ্রোহের প্রধান নায়ক ফোনিয় ও প্রোথাইটিস নামক ব্যক্তিদ্বয়কে তাঁহার হস্তে অর্পণ করিলে পর সমস্ত বিষয় মিটমাট হইবে, ইহা তিনি থেববাসীকে অবগত করাইলেন। প্রত্যুত্তরে থেববাসী এন্টিপিটার ও ফিলটকে, তাঁহাদের হস্তে প্রদান করিতে কহিয়া, গ্রীসের স্বাধীনতা সংরক্ষণ জন্ত ঢাক বাজাইয়া সকলকে অহ্বান করেন। এই রূপে যুদ্ধ আরম্ভ হইয়াছিল। কেহ কেহ কহেন অলিকসন্দর কূটনীতির অনুসরণ করিয়া, ছলনা করিয়া থেব আক্রমণ করেন।

থেববাসী প্রাণের আশা পরিত্যাগ করিয়া ঘোরতর বিক্রমে যুদ্ধ করিল, কিন্তু অলিকসন্দরের যুদ্ধনিপুণ সৈন্তগণের কাছে তাহাদের সমস্ত চেষ্টা ব্যর্থ হইল। থেব সমূলে ধ্বংস প্রাপ্ত হইল, ইহার বাড়ি ঘরের আর কোন চিহ্ন রহিল না। অলিকসন্দরের ক্রোধ বহ্নিতে ছয় হাজার, কেহ বলেন দশ হাজার, যোদ্ধা ভস্মীভূত এবং তিরিশ হাজার বন্দী হইল। পরের অধীনতা স্বীকার করে নাই বলিয়া থেববাসী বন্দী ও নিগৃহীত হইল, এবং এই সকল নর হত্যা করিয়া অলিকসন্দর মহাবীর বলিয়া ক্ষুণ্ণতে পরিচিত হইলেন। অলিকসন্দরের সৈন্তগণের অত্যাচার ও অবিচারের সীমা ছিলনা। একজন বীরাজনার কাছে অলিকসন্দরের সৈনিক কিরূপ ভাবে লাঞ্চিত হইয়াছিল

তাহা আমরা এখানে উল্লেখ করিব। অলিকসন্দরের সৈন্তগণ একজন খেবের ধনবতী রমণীর যথা সর্বস্ব ধন রহ লুণ্ঠন করে, অবশেষে সেই সেনাদলের সেনানায়ক তাহার সতীত্ব রহ নষ্ট করিয়া, তাহার পার্শ্ব ধনরহ কোথায় আছে তাহা অবগত হইবার জন্ত পীড়ন করে। নগর অধিকারের পূর্বে বাগানের কূপের ভিতর তিনি তাঁহার বহুমূল্য ধন রহ নিক্ষেপ করিয়াছেন। এই কথা শুনিয়া সেনানী তাঁহাকে কূপ দেখাইবার জন্ত আদেশ করেন। কূপ দেখাইলে সেনানী স্বয়ং তাহার ভিতর অবতরণ করিলে রমণী প্রস্তর নিক্ষেপ করিয়া তাহাকে হত্যা করে। এই দৃশ্য সৈন্তগণ দূর হইতে দেখিতে পাইলে, সেই রমণীকে দৃঢ়রূপে বন্ধন করিয়া অলিকসন্দরের কাছে লইয়া যায়। অলিকসন্দর রমণীর আকার দেখিয়া তাঁহার পরিচয় জিজ্ঞাসা করেন। প্রত্যুত্তরে রমণী বলিলেন “যিনি গ্রীসের স্বাধীনতা রক্ষার জন্ত সৈন্তসকল পরিচালনা করিয়া চ্যারোনিয়া ক্ষেত্রে ফিলিপের সহিত যুদ্ধ করিয়া সমর শয্যা গ্রহণ করিয়াছেন, আমি সেই থিওজিনিসের ভগিনী”—অলিকসন্দর রমণীর ব্যবহারও প্রত্যুত্তরে প্রশংসা করিয়া পুত্রগণ সহ তাঁহাকে মুক্তি প্রদান করেন। এরূপ কথিত হয় অলিকসন্দর কবির পিণ্ডারের সম্ভতিগণের প্রতি, আর যাহারা তাঁহার পক্ষপাতী ছিলেন তাঁহাদের প্রতি অনুকম্পা দেখাইয়াছিলেন। যে নগরের তিরিশ হাজার অধিবাসী কৃতদাসরূপে বিক্রীত হইয়া, অলিকসন্দরের কোষাগারে ১৫ লক্ষ ৫ হাজার টাকা নীত হইয়াছিল, সে নগরের দু দশ জন লোক কেমন করিয়া বিজৈতার নিকট সম্মান গ্রহণ করিতে অগ্রসর হইয়াছিল, তাহা বুঝা বুদ্ধির আগো-



চর। তাহাদিগের মধ্যে কাহারও যদি কিঞ্চিৎমাত্র মনুষ্যই বর্তমান থাকিত তাহা হইলে তিনি, অলিকসন্দের সম্মান স্বণার সহিত পরিত্যাগ করিতেন। স্বর্গপর লোক সকল দেশে ও সকল সময়েই দেখিতে পাওয়া যায়। খেব,দিওদিনিস ও হারকিউলিসের জন্মভূমি হইলেও স্বার্থান্ধ কাপুরুষকেও প্রসব করিয়াছিল।

যাহারা খেবকে, অলিকসন্দের বিরুদ্ধে উত্তেজিত করিয়াছিল, ইহার ধ্বংস সংবাদ শুনিয়া তাহাদের বুদ্ধি ভ্রংশ হইয়া পড়িল—তাহাদিগকে না পাছে খেবের গতি প্রাপ্ত হইতে হয় এই চিন্তায় তাহারা আকুলিত হইয়া পড়িল। ইহার সহিত তাহাদের মাসিদিন বিদ্রোহ ও চাপা পড়িয়া গেল। রাজভক্ত দলের আবির্ভাব হইল যাহারা (আর্কেডিয়ানরা) ইতি পূর্বে খেবের সাহায্যের জন্ত সৈন্য পাঠাইতেছিল, তাহারাই এক্ষণে তাহাদের সাহায্যকারীদের উপর মৃত্যুদণ্ড প্রচার করিল! অপরদিকে এথেন্সবাসীরা অলিকসন্দের কুশল কামনা করিয়া তাঁহার কাছে দূত প্রেরণ করিল। অলিকসন্দর, সকল গোলযোগের মূল কারণ, ডিমস্থিনিস আদি বক্তাগণকে তাঁহার হস্তে প্রদান করিবার জন্য আদেশ পত্র প্রেরণ করেন। এথিনিয়নদের অনেক অনুরোধে তিনি তাহাদিগকে ক্ষমা করিয়াছিলেন।

২১ বৎসরের এক জন বালকের প্রতাপে গ্রীসবাসী অস্থির হইয়াছিল। অথবা তাহার স্তব স্তুতি করিতে তাহারা কিছুমাত্র ইতস্ততঃ করিল না। অলিকসন্দর ক্ষিপ্ৰগতিতে শত্রু সকল আক্রমণ ও তাহাদিগকে বিপর্যস্ত করিয়াছিলেন বলিয়া, তিনি তাঁহার শত্রু ও মিত্র সকলের কাছেই অসাধারণ বলিয়া প্রীতিভাজ

হইলেন। তিনি শত্রুকে বিচার করিবার সময় না দিয়া তাহা-  
দিগকে আক্রমণ করিয়াছিলেন বলিয়াই এরূপ লোকোত্তর  
বিজয় লাভে সমর্থ হইয়াছিলেন। শীঘ্রগতি ও অকস্মাৎ  
আক্রমণ যুদ্ধে জয় লাভের মূলমন্ত্র। অলিকসন্দর এই মূল মন্ত্রে  
সিদ্ধিলাভ করিয়াছিলেন, তাই বিজয় তাঁহাকে ভজনা করিয়া-  
ছিল।

অলিকসন্দারের বাসনা সফল হইল। খেবকে উগ্র দণ্ড  
প্রদান করায় সমস্ত গ্রীস ভয়ে তাঁহাকে ভজনা করিল। আবার  
করিছে মহাসভার অধিবেশন হইল, এ সভায়, একুশ বৎসরের  
অলিকসন্দর সমস্ত গ্রীসের সেনানী-প্রধান পদে বরিত হইয়া  
সকলকে পারশ্ব পতির বিরুদ্ধে লইয়া যাইতে প্রতিশ্রুত হইলেন।  
এই সভায় গ্রীসের প্রত্যেক রাজ্য হইতে প্রধান প্রধান ব্যক্তি  
ব্যতীত প্রসিদ্ধ দার্শনিক পণ্ডিত, এবং রাজনীতিকগণ ও আগ-  
মন করিয়া অলিকসন্দরকে সম্মাননা করেন। স্বার্থের তাড়-  
নায় এই সকল ব্যক্তি, যে সময় অলিকসন্দরের কীর্তি কথা  
মুক্তকণ্ঠে কীর্ত্তন করিতে ছিলেন, ঠিক সেই সময়ে আর একজন  
তত্ত্বদর্শী মহাপুরুষ করিছের উপকণ্ঠে অবস্থান করিয়া নিজের  
চিন্তায় নিমগ্ন ছিলেন। এই সাধু পুরুষের নাম ডায়োজিনিস।  
অলিকসন্দার মনে করিয়া ছিলেন, ডায়োজিনিস ও তাঁহার কাছে  
উপস্থিত হইয়া তাঁহার সম্বন্ধনা করিবেন। কিন্তু তাহা হইল  
না—গুণগ্রাহী অলিকসন্দরই তাঁহার কাছে গমন করিয়া নিজের  
সম্মান বৃদ্ধি করিয়াছিলেন। অলিকসন্দর যে সময় ডায়োজিনিসের  
কাছে উপস্থিত হন, সে সময় তিনি রোদ পোহাইতে ছিলেন।  
অলিকসন্দর বিশেষ শ্রদ্ধার সহিত আলাপ করিয়া, তাঁহার কোন

অভাব দূর করিবার আকাঙ্ক্ষা প্রকাশ করেন । নিস্পৃহ ডায়োজিনিস স্কেবল মাত্র সূর্য্যের আড়াল ছাড়াইয়া দাঁড়াইতে অনু-রোধ করেন । সাধুর ব্যবহার দেখিয়া যে সময় অলিকসন্দের মোসাহেবেরা তাঁহাকে নিতান্ত নির্দোষ বিবেচনা করিতে-ছিলেন, সে সময় সাধুর ব্যবহারে সম্মোহিত অলিকসন্দের বলিয়া-ছিলেন । “অলিকসন্দের না হইলে আমার ডায়োজিনিস হইতে সাধ হয় ।” স্পৃহাশূন্তের কাছে জগতের ঐশ্বর্য্য ভূণের গায় বিবেচিত হইয়া থাকে, স্মৃতাং ডায়োজিনিসের কাছে অলিকসন্দেরের অনুগ্রহ অকিঞ্চিৎকর হইবে ইহা কিছু আশ্চর্য্যের কথা নহে । ভোগসর্ব্বপ ইয়ুরোপীয়দের কাছে এই ঘটনা আশ্চর্য্যজনক হইলেও অধঃপতিত ভারতবাসীর কাছে একরূপ ঘটনা বড় আশ্চর্য্যের কথা নহে, এখনও প্রকৃত ব্রাহ্মণ-সাধু-সন্ন্যাসীর কাছে রাজ সম্মান ঘৃণার সহিত উপেক্ষিত হইয়া থাকে ।

## পঞ্চম অধ্যায় ।



• উত্তোগী পুরুষসিংহ লক্ষ্মীকে প্রাপ্ত হইয়া থাকেন—আর হত-ভাগা কাপুরুষগণ দৈব অভিশপ্ত অর্থ প্রদান করিবেন বলিয়া নিশ্চিতভাবে অবস্থান করিয়া থাকে । অলিকসন্দের এক বৎসর পূর্বে যখন পৈত্রিক সিংহাসনে আরোহণ করেন, সে সময় তিনি ষাটটি মাত্র ট্যালেন্ট মুদ্রা এবং কয়েকটি রৌপ্য পাত্র রাজকোষে প্রাপ্ত হন ইহার সহিত তিনি পাঁচশত ট্যালেন্ট পৈত্রিক ঋণ ও

প্রাপ্ত হইয়াছিলেন। এরূপ অবস্থায় অত্র লোকে পতিত হইলে ঋণের দায়ে এবং শত্রুগণের আক্রমণে কিংকর্তব্য বিমূঢ় হইয়া পড়ে। পুরুষ কিন্তু বিপদে পতিত হইলে, পশুর ত্রায় অবস্থান না করিয়া, মানুষের ত্রায় বিপদের সম্মুখীন হইয়া নিজের প্রাধান্য সংস্থাপন করিয়া থাকেন। অলিকসন্দর মানুষ ছিলেন, আর সঙ্গে সঙ্গে তিনি দেশের লোককেও মানুষ করিয়াছিলেন। তাঁহার সঙ্গত্বে তাঁহার দেশবাসীও বিপদকালে কাপুরুষের ত্রায় অবস্থান না করিয়া, স্বদেশের গৌরব অর্জন করিয়াছেন। অলিকসন্দর মানুষ ছিলেন বলিয়াই সমগ্র গ্রীসবাসীকে মানুষের ত্রায় পরিচালনা করিতে সমর্থ হইয়াছিলেন। অনেক সময় মানুষ, পশু প্রকৃতি অনুসরণ করিয়া থাকে। একবার ভয় হৃদয়ে বদ্ধমূল হইলে, দেশভুক্ত লোক বিভীষিকাগ্রস্ত হইয়া থাকে। সে ভয়ের কারণ অতি সামান্য হইলেও তাহা দূর করিতে, তাহাদের প্রচুর শক্তি থাকিলেও, কিন্তু তাহার হস্তপদ শিথিল হইয়া পড়ে। বক্তৃতা বা লেখার ক্ষেত্রে মানুষ ত্রিভুবন কাঁপাইতে সমর্থ হইলেও, কিন্তু নিজের হৃৎকম্প দূর করিবার সময়, সে বিহ্বল হইয়া পড়ে। গ্রীসের অবস্থা ঠিক এইরূপ হইয়াছিল, যে গ্রীস সকলের গুরুস্থানীয় ছিল, যে এথেন্স সকল বিষয়ে শ্রেষ্ঠত্ব লাভ করিয়াছিল, সেই গ্রীসবাসী, থেব খবংসের পর খেন ক্লীবত্কে প্রাপ্ত হইল। নিজেদের দৈর্ঘ্য দূর করিতে সমর্থ হইল না। বিংশতি বর্ষীয় বালক পরিচালিত বর্করদের হস্তে লাজ্জিত হইল। যে গ্রীসবাসী, পারস্যপৃথিবীর বিপুলবাহিনী রোধ করিতে সমর্থ হইয়াছিল, ভয়বিহ্বল চিত্ত সেই গ্রীকবাসী এক্ষণে একজন্ম বালকের ইচ্ছা অনুসারে পুতুলের ত্রায় উঠিতে ও বসিতে

লাগিল । বুদ্ধিমান অলিকসন্দর, এথেন্সবানীর স্বাধীনতার উপর হস্তক্ষেপ, বা ডিমস্থিনিস প্রমুখ বক্তাদের উপর কোনরূপ দণ্ড-বিধান না করিয়া, তাঁহাদের হৃদয়রঞ্জন করিতে চেষ্টা করেন । এথেনীয়রা কিন্তু ভিতরে ভিতরে পারস্য পতির সহিত মিলিত হইয়া মাসিদনের সর্বনাশ করিতে বড় কম চেষ্টিত ছিলেন না ।

করিত্বের সভা হইতে অলিকসন্দর স্বীয় রাজধানীতে গমন করিয়া এসিয়া গমনের উদ্যোগ করিতে লাগিলেন । ৩৩৪ খৃঃ পূঃ বসন্ত কালের প্রথমভাগে অলিকসন্দরের উদ্যোগ পর্বের সমাপ্ত হয় । এই অল্প বালকের এ সময়ের অবস্থা ভাবিলে শরীর লোমাক্ষিত হইয়া উঠে । তাঁহার আকাশের ঝায় উচ্চ আশা, চিন্তা করিলে স্বপ্নরাজ্যে বিচরণ করিতেছি বলিয়া ভ্রম হইয়া থাকে । আমরা নিশ্চেষ্ট পক্ষ, এবং স্বপ্নরাজ্যের অধিবাসী বলিয়াই, আমাদের এই মতিভ্রম হইয়া থাকে । বাস্তবিকপক্ষে ইহাতে বিস্মিত হইবার কিছুই কারণ নাই । শ্রীভগবান আমাদের প্রত্যেকেই সকল প্রকার সদৃশ্যে বিভূষিত করিয়াছেন, আমরা তাহার সদ্যবহার করি না বলিয়াই আমরা তাহার ফলভোগে বঞ্চিত হইয়াছি মাত্র ।

অলিকসন্দর, এন্টিপিটারকে মাসিদদের এবং গ্রীসের তত্ত্বাবধারক পদে নিযুক্ত করিলেন । আলেকসন্দর যে কার্য্যে ব্রতী হইলেন, সে কার্য্যের তুলনায় তাঁহার অর্থ বা লোকবল খুব কমই ছিল । অর্থবল সম্বন্ধে এরূপ কথিত আছে, এ সময় অলিকসন্দরের কাছে মোটে সত্তরটি মাত্র ট্যালাণ্ট বর্তমান ছিল । অতঃপর একজন বলেন যে, এক মাস সৈন্যগণের ব্যয় নির্বাহ করিতে সমর্থ হন, এরূপ মাত্র অর্থ তাঁহার নিকটে ছিল । অপর একজন.

বলেন, অলিকসন্দর এসিয়া বিজয়ের জন্ত দুইশত ট্যালেন্ট ধান গ্রহণ করিয়া এই অদ্ভুত কার্য্যে ত্রতী হইয়াছিলেন। অলিকসন্দর দুই এক মাসের ব্যয় নির্বাহ করিতে সমর্থ হন এইরূপ অর্থ লইয়া জন্মভূমি হইতে বহুদূরে বিদেশে একজন প্রবলপরাক্রান্ত নরপতির বিরুদ্ধে যুদ্ধ করিতে যাত্রা করিলেন। অলিকসন্দরের জনবলও বড় বেশী ছিল না কেহ, বলেন ৩০ হাজার পদাতিক, ৪ হাজার ৫ শত অশ্বরোহী, অথ কেহ বলেন ৩৩ হাজার পদাতিক, এবং ৫ হাজার অশ্বরোহী, এসিয়া বিজয়ের জন্ত অলিকসন্দরের অনুগমন করিয়াছিল। কি ধনবল, কি জনবল, অলিকসন্দর সকল বিষয়ে নগণ্য হইলেও তিনি হৃদয়ের বলে সর্বাপেক্ষা বলীয়ান ছিলেন। পারস্যপতি, ধনবলে বা জনবলে সর্বাপেক্ষা বলীয়ান হইলেও, তিনি হৃদয়ের বলে মাসিদিনপতির কাছে পরাভূত হইয়াছিলেন। তাহা না হইলে তিনি একদিনে মুষ্টিমেয় ইয়ুরোপায়কে এক ফুৎকারে ধুলির ণায় উড়াইয়া দিতে পারিতেন। হৃদয়ের বল না থাকিলে মানুষ পশু অপেক্ষা অধম হইয়া থাকে।

অলিকসন্দর যাত্রা করিবার পূর্বে, তাঁহার সহচরগণের মধ্যে কাহাকে এ গ্রামের, কাহাকেও গ্রামের রাজস্ব প্রদান করেন। এইরূপে রাজ্যের প্রায় সমস্ত স্থান প্রদত্ত হইলে, অলিকসন্দরের একজন সহচর সেনানী তাঁহাকে জিজ্ঞাসা করেন, সবইত আপনি দিয়া ফেলিলেন, নিজের জন্ত কি রাখিলেন? প্রত্যুত্তরে অলিকসন্দর বলিলেন, “আশা”। বালকের এই কথা শুনিয়া বয়স্ক সৈনিক পুরুষের মস্তক লজ্জায় অবনত হইল। তাঁহার ভিতর দিয়া যেন এক অদ্ভুত শক্তি প্রবাহিত হইল—চৈতন্য প্রাপ্তির পর

তিনি বলিলেন, “আমরা আপনার যুদ্ধযাত্রা জনিত ক্লেশের এবং জয় পরাজয় জনিত সুখদুঃখের ভাগগ্রাহী, অতএব আমাদের আপনার আশার ভাগগ্রাহী করুন” ইহা বলিয়া তিনি স্বীয়রুতি প্রত্যাখান করেন এইরূপে অনেকেই ভূমি সম্পত্তি প্রত্যর্পণ করিয়াছিলেন ।

অলিকসন্দর আশা দেবীর এক নিষ্ঠ ভক্ত, একনিষ্ঠ না হইলে সফলতা লাভ অসম্ভব—অলিকসন্দর বিদেশে নানাপ্রকার প্রতি-কূলতার মধ্যবর্তী হইলেও প্রায় সর্বত্র সাফল্যলাভ করিয়াছেন । কোন স্থানেই তাঁহাকে খাণ্ডদ্রব্য, রাস্তা, ঘাট প্রভৃতির জন্ত বিশেষ অসুবিধা ভোগ করিতে হয় নাই । অথচ তাঁহার প্রতি-দন্দী পারসীকগণকে নিজের দেশে, খাণ্ডদ্রব্যের অভাব এবং রাস্তা ঘাট প্রভৃতির জন্ত বিশেষ অসুবিধা ভোগ করিতে হইয়াছিল । যোগ্য সর্বত্রই জয়যুক্ত এবং অযোগ্য নিজের গৃহেও নিগৃহীত হইয়া থাকে । ইতিহাস সকলকে যোগ্য হইতে শিক্ষা প্রদান করিয়া থাকেন । যিনি এ উপদেশ গ্রহণ করিতে বিলম্ব করেন গৃহ্য ও তাহাকে অবিলম্বে গ্রাস করিয়া থাকে । তাই পারসীকরা অযোগ্য হওয়ার জন্ত নিন্দনীয় পরাভবকে প্রাপ্ত হইয়াছিল ।

অলিকসন্দরের এ অভিযান, একটু ভাল করিয়া অধ্যয়ন করিলে দেখিতে পাওয়া যায় যে, নৌবলে হীনবল হইলেও স্থল-যুদ্ধে প্রাধান্য প্রতিষ্ঠা করিতে সমর্থ হওয়া যাইতে পারে । সে সময় পারসীকেরা, অলিকসন্দর অপেক্ষা বহুগুণে নৌবলে বলীয়ান ছিলেন । তাঁহাদিগের নৌবল কোন কার্যেই আসে নাই । পারসীকেরা, জলপথে মিসিডোনিয়া আক্রমণ করিয়া অলিক-সন্দরকে ব্যতিব্যস্ত করিতে পারিত, কিন্তু তাহা তাহারা করিতে

পারে নাই। অলিকসন্দরের বাহুবলের কাছে পরাজিত হওয়াতে তাহারা বিতীষিকা গ্রস্ত হইয়াছিল, তাহাদের বাহুবল ও বুদ্ধিবল যেন লোপ পাইয়াছিল। স্থলযুদ্ধে যদি বিশেষ প্রতিষ্ঠা লাভ করা যায়, তাহা হইলে, শত্রু নৌবলে বিশেষ বলবান হইলেও সমুদ্রের উপকূলবর্তী ভূভাগে সময় সময় কিছু উপদ্রব ব্যতীত বড় কিছু করিতে পারে না।

পারস্য জয়ে বহির্গত হইবার পূর্বে অলিকসন্দরের গুরুজনবর্গ তাঁহাকে কিছুদিন বিলম্ব করিতে পরামর্শ প্রদান করেন। অলিকসন্দরের এ পর্য্যন্ত সন্তান সন্ততি জন্মগ্রহণ করে নাই। তাঁহারা বলেন, যদি যুদ্ধস্থলে দৈবক্রমে প্রাণ বিনষ্ট হয়, সে সময় সিংহাসনের উত্তরাধিকারী না থাকিলে রাজ্যমধ্যে ঘোরতর বিশৃঙ্খলা উপস্থিত হইবে, তখন তাঁহার জয়ের কোন মূল্য থাকিবে না। বিজিগীষু অলিকসন্দরের নিকট এ সকল যুক্তি কোনরূপ স্থান লাভ করিতে সমর্থ হইল না। যিনি স্বদেশের শত্রু ধ্বংস করিতে বদ্ধ পরিকর, তিনি নিজের ক্ষুদ্র স্বার্থের দিকে দৃষ্টিক্ষেপ না করিয়া স্বদেশের গৌরব সাধনের জন্ত দ্রুতবেগে অগ্রসর হইয়া থাকেন। আমাদের ভারতবর্ষের একজন দিগ্বিজয়ী রাজাকে সাংসারিক মায়া মমতার কথা স্মরণ করাইয়া গৃহে থাকিতে অনু-রোধ করিলে, কবি তাঁহার মুখ দিয়া বলাইয়াছেন যে, “ভগবান সূর্য্যনারায়ণ সমস্ত জগৎ প্রদক্ষিণ না করিয়া যেরূপ সন্ধ্যাদেবীর উপাসনা করেন না, সেইরূপ অসমাপ্তক্রিয় বিজিগীষু মনস্বীর হৃদয়ে কখন স্ত্রী চিন্তা স্থানলাভ করিতে সমর্থ হয় না।” \* অনুশ্র

\* অসমাপ্ত জিগীষয়া স্ত্রীচিন্তা কস্মিন্মনস্বিনঃ ।

‘অনাক্রমা জগৎকুরুং নো সন্ধ্যাং ভজতি রবিঃ ॥ ১৪৪

রাজতরঙ্গিণী চতুর্থস্তরঙ্গঃ ॥



প্রকৃতি সকল দেশেই সমান। যে হৃদয়ে শত্রুকৃত অবমাননার প্রতিশোধ লইবার প্রবল বাসনা স্থান লাভ করিয়াছে, অথবা স্বদেশের গৌরব দিগান্তরে প্রতিষ্ঠা করিবার পবিত্র চেষ্টা যে হৃদয়কে ব্যাকুলিত করে, সে হৃদয়ে স্ত্রী পুত্রের ক্ষুদ্র চিন্তা স্থান লাভ করিয়া মনুষ্যকে কখন কর্তব্য পথ হইতে বিচলিত করিতে সমর্থ হয় না। সে সময় স্ত্রী পুত্রের চিন্তা ক্ষণকালের জ্ঞাও অলিকসন্দরকে কর্তব্য পথ হইতে স্থলিত করিতে সমর্থ হয় নাই। অলিকসন্দর, এন্টিপিটারের হস্তে রাজ্য রক্ষার জ্ঞা ১২ হাজার পদাতিক এবং দেড় হাজার অশ্বারোহী সৈন্য রাখিয়া এসিয়া বিজয়ের জ্ঞা বহির্গত হন।

একশদিন পথ অতিক্রমণের পর, অলিকসন্দর, হেলিসপন্ট বা দারদেনেলিসের তট ভূমিতে উপস্থিত হন। ইহার দৈর্ঘ্য প্রায় ৪০ মাইল এবং বিস্তার ৯ হইতে ৪৫ মাইল হইবে। ইহার তট উচ্চ না হওয়াতে পারাপারের পক্ষে বিশেষ অসুবিধাজনক নহে। যে স্থানে সেতু নির্মাণ করিয়া পারস্বপতি জেরাকশাস ইয়ুরোপ আক্রমণ করিয়াছিলেন, অলিকসন্দরও সেইস্থান হইতে এসিয়াতে গমন করেন। চতুর্দশ শতাব্দীতে এসিয়াবাসীরা এই স্থানে পার হইয়া দলে দলে গমন করিয়া ইয়ুরোপীয়গণকে পরাস্ত করিয়া ইয়ুরোপীয় ভূমি অধিকার করেন। গত শতাব্দীর প্রথম ভাগে ইংরেজ কবি বাইরণ ইহা সন্তরণ করিয়া পার হইয়াছিলেন। এই স্থান এইরূপ নানা কারণে পৃথিবীর সাহিত্যে স্মরণীয় স্থান লাভ করিয়াছে।

অলিকসন্দর, দারদেনেলিসের তটে বেদী নির্মাণ এবং ইয়ুরোপের অধিষ্ঠাতৃ দেবতার পূজা করিয়া সৈন্যগণসহ যাত্রা

করিলেন। সমুদ্র পার হইবার জন্ত ১৬০ খানি যুদ্ধ জাহাজ ব্যতীত আরো কতকগুলি বাণিজ্য জাহাজও উপস্থিত হইয়াছিল। এথিনিয়নরা এই সকল জাহাজের মধ্যে কুড়ি খানি যুদ্ধ জাহাজ প্রেরণ করিয়া অলিকসন্দরের তুষ্টি সাধন করিয়াছিল। অলিকসন্দর, পারমিনিওর উপর সৈন্ত পরিচালন ভার প্রদান করিয়া, স্বয়ং ট্রয়ক্ষেত্রে প্রাচীন যোদ্ধাদের সমাধিভূমি দর্শন এবং তাঁহাদিগের পূজা করিতে মনস্থ করিলেন। অলিকসন্দর, অস্ত্র শস্ত্রে বিভূষিত হইয়া সর্বপ্রথমে নৌকা হইতে লক্ষ্যপ্রদান করিয়া এসিয়ার ভূমিতে বর্ষা বিদ্ধ করিয়া অবতরণ করিলেন। এ স্থানেও তিনি নিজের গৌরব জ্ঞাপনের জন্ত বেদী নির্মাণ করিয়াছিলেন। এস্থান হইতে তিনি এচিলিসের সমাধি দর্শন করিয়া তাহা পত্র পুষ্পে শোভিত করিয়াছিলেন। যে মন্দিরে ট্রয়ের যোদ্ধাগণের অস্ত্র শস্ত্র রক্ষিত হইয়াছিল, অলিকসন্দর, নিজের এক প্রস্থ অস্ত্র শস্ত্র তথায় রাখিয়া দেন, এবং প্রাচীন অস্ত্র শস্ত্রেরও কিছু গ্রহণ করেন। এই সকল অস্ত্র শস্ত্র এক জন ব্যক্তি সকলের অগ্রে বহন করিয়া যুদ্ধস্থলে গমন করিত। ইহাতে তাঁহার অনুযাত্রীগণ বিবেচনা করিত অলিকসন্দর প্রাচীন যোদ্ধাদের শ্রায় অজ্ঞেয় এবং সেই সকল স্বর্গীয় যোদ্ধাগণ তাঁহাকে যুদ্ধকালে রক্ষা করিয়া থাকেন। অলিকসন্দর যে সময় প্রাচীন যোদ্ধাগণের কীর্তিকলাপ দর্শন, এবং তাঁহাদের বীরত্বব্যঞ্জক গাথা সকল আবৃত্তি করিয়া, তাঁহাদের পদানুসরণ করিবার জন্য অধীর হইতে ছিলেন, সেই সময়ে তাঁহার কাছে পারসীক সৈন্যের যুদ্ধের জন্য আগমন কথা আনীত হইয়াছিল। তিনি ক্ষণবিলম্ব না করিয়া তাঁহার সৈন্যগণের সহিত মিলিত হইলেন। দেখিলেন

গেণিকস্ নামক একটা ক্ষুদ্র নদীর অপর পারে পারস্যীকগণ যুদ্ধ সজ্জায় সজ্জিত হইয়া অবস্থান করিতেছে ।

পারসীকেরা এমনই রাজত্ব করিতেছিলেন যে, অলিকসন্দরের এসিয়া আক্রমণের কথা পূর্বে কিছুমাত্র টের পান নাই । তাহা হইলে তাহারা সমুদ্রের তটে তাঁহাকে বাধা প্রদান করিত । তাহা হইল না, পারসীকেরা বিব্রত হইয়া পড়িল, তাহাদের মধ্যে মতভেদ উপস্থিত হইল, এক পক্ষ বলিলেন, শত্রুর পথের গ্রাম ও নগর অগ্নিযোগে ধ্বংস করিয়া ফেলা হউক, জলাশয় সকল দূষিত করা হউক, তাহা হইলে বিনাযুদ্ধে খাণ্ড দ্রব্য এবং পানীয় অভাবে যখন শত্রুকুল অবসন্ন হইবে, তখন বরং তাহাদিগকে আক্রমণ করিয়া সমূলে উৎপাটিত করা যাইবে । অপর পক্ষ বলিলেন, আমরা দেশের রক্ষক, আমরা যদি ভয়ঙ্কর হইয়া দেশকে মরুভূমিতে পরিণত করি, তাহা হইলে প্রজাদিগকে কে রক্ষা করিবে ? প্রজাদিগের একটি ভণ্ড নষ্ট না করিয়া যুদ্ধ করা তাঁহারা শ্রেয়স্কর জ্ঞান করিলেন । প্রথমোক্ত পক্ষের সহপদেষ্টা অগ্রাহ্য করিয়া অনীতিবিদের ত্রায় তাঁহারা যুদ্ধ করিতে প্রস্তুত হইলেন । পারস্যীকসৈন্যসংখ্যা নিতাণ্ড কম ছিল না একজন (এরিয়ান) বলেন, তাহাদের প্রায় বিশ হাজার পদাতিক এবং এতগুলি অশ্বরোহী ছিল । ডিওডোরস সিকুলস নামক আর একজন ঐতিহাসিক বলেন, গেণিকাসে পারস্যীকদিগের দশ হাজার অশ্বরোহী এবং এক লক্ষ পদাতিক সৈন্য অবস্থান করিতেছিল । আর একজন সত্যপ্রিয় ইতিহাস লেখক (যস্টিন) বলেন সর্বশুদ্ধ ছয় লক্ষ পারস্যীক সৈন্য অলিকসন্দরের গতিরোধ করিবার জন্ত গেণিকস নদীর তটে

সমবেত হইয়াছিল। এই সকল ঐতিহাসিক মহাশয়দিগের ধারণা, আমরা এসিয়াবাসী যেন পশুরদল। আমাদের জন সংখ্যা যতই কেন বেশী হউক না, আমাদেরকে ধ্বংস করিতে যেন কিছুমাত্র তাঁহারা ইতস্ততঃ বোধ করেন না। সেই জন্ত তাঁহারা যুদ্ধস্থলে আমাদের এসিয়াবাসীর জনসংখ্যা অত্যন্ত অধিক মাত্রায় বর্ণন করিয়া নিজেদের ভুজবলও কল্পনাবলের পরিচয় প্রদান করিয়া থাকেন।

অলিকসন্দর যেন দেববলে বলীয়ান হইয়া, সেই দিনেই শত্রুসৈন্য আক্রমণ করিবার জন্ত প্রস্তুত হইলেন। অলিকসন্দরের অন্ততম সেনানী, বহুদর্শী পারমিনিও এত শীঘ্র শত্রুগণকে আক্রমণ না করিয়া নদীর পারেই অবস্থান করিতে পরামর্শ প্রদান করেন। তিনি যুক্তি দেখাইয়া বলেন পারসীকদের পদাতিকের সংখ্যা কম, সুতরাং তাহারা আমাদের অতি নিকটে অবস্থান করিবে না। তাহারা চলিয়া গেলে আমরা অক্লেশে পরপারে বাইতে সক্ষম হইব। ইহা ব্যতীত নদীর তট অত্যন্ত উচ্চ, আর সকল স্থানে পার হওয়াও সুবিধাজনক নহে। এরূপ অবস্থায় আমরা দলবদ্ধ হইয়া পার হইতে পারিব না, পারসীক অখারোহীরা, নদীর উচ্চ তট হইতে আমাদের আক্রমণ করিলে, আমাদেরকে বিপর্যয় হইতে হইবে। প্রথম আক্রমণে যদি আমরা বিফলকাম হই, তাহা হইলে আমাদের ভবিষ্যৎ কার্য কলাপের পরিবর্তন করিতে হইবে। ফিলিপের বিজ্ঞ সেনানীর উপদেশ, অলিকসন্দরের ভাল লাগিল না, তিনি বলিলেন আমি আপনার কথা সমস্তই বুঝিলাম, যে ব্যক্তি অবলীলাক্রমে সমুদ্র উত্তীর্ণ হইয়া আগমন করিল, ঐ ক্ষুদ্র নদী

যদি তাহার ক্ষণমাত্রও গতিরোধ করিতে সমর্থ হয়, তাহা হইলে ইহা অপেক্ষা লজ্জার কথা আর কি হইতে পারে ? অনিবার্য। গতি মাসিদিন সৈন্তের, এবং বিপদ সমুদ্রে অবগাহন করিবার আমার উৎকট বাসনা ! এই উভয়ের পক্ষেই ইহা প্রতিকূল উপদেশ । আর এক কথা, আমরা যদি অপেক্ষা করি, আমাদের ভীতি পারসীকদের হৃদয় হইতে চলিয়া যাইবে, আর আমাদেরই পক্ষে তাহার যুদ্ধে সমতুল্য বলিয়া গ্রহণ করিবে । সুতরাং অপেক্ষা না করিয়া যুদ্ধে জয়লাভ করিতে হইবে । তাহা হইলে আমাদের ভয়ে তাহারা বিভীষিকাগ্রস্ত হইবে ।” অলিকসন্দারের কথা অনুসারে যুদ্ধ করাই স্থির হইল ।

পারসীকরা প্রায় দুই শত বৎসর হইতে গ্রীকদিগের সহিত যুদ্ধ করিয়া তাহাদের রণনীতি বিষয়ক অভিজ্ঞতা যথেষ্ট লাভ করিয়াছিল । তাহারা বালক অলিকসন্দরের ভয়ে ভীত হইয়া দেশ ত্যাগ করিয়া পলায়ন করে নাই । পারসীক সৈন্তের মধ্যে গ্রীক ভাড়াটে সৈন্তের সংখ্যা বড় কম ছিল না । পারসীক অধিরোহী সৈন্ত নদীর তটে শত্রুর গতিরোধ করিবার জ্ঞান দৃঢ়তার সহিত অবস্থান করিতেছিল—ইহাদের পশ্চাৎভাগে পুহাডের কাছে গ্রীক ভাড়াটে সৈন্ত ওমারীস নামক পারসীক সেনানীর অধীনে যুদ্ধের জ্ঞান অবস্থান করিতেছিল ।

মাসিদিন সৈন্ত আট ব্রিগেড বা ভাগে বিভক্ত ছিল । ইহার প্রত্যেক ভাগে দুই হাজার সৈন্ত একজন সেনানী কর্তৃক পরিচালিত হইত । এই আট জন সমান পদস্থ সেনানী, আবশ্যক অনুসারে কখন পৃথক ভাবে, কখন বা মিলিত হইয়া কার্য্য করিত । এই দুই হাজার সৈন্ত দুই রেজিমেন্টে বিভক্ত

হইত। তাহাদের নায়কও দুইজন নিযুক্ত হইত। প্রত্যেক রেজিমেন্ট আবার পাঁচ শত করিয়া দুই দলে বিভক্ত হইয়া দুই জন দলপতি কর্তৃক পরিচালিত হইত। ইহার প্রত্যেক দল, আবার আটটি ক্ষুদ্র দলে বিভক্ত হইত, তাহাদের সেই আট দলে আটজন নায়ক অবস্থান করিত। সমস্ত সৈন্য দুই পক্ষে বিভক্ত হইত। অলিকসন্দর, প্রায় অধিকাংশ সময় দক্ষিণ পক্ষের শেষ ভাগে পরিচালনা করিতেন। যুদ্ধক্ষেত্র অনুসারে এই সকল ত্রিগেড কখন কখন বাম ভাগে কখন বা দক্ষিণ ভাগে রাখা হইত। সেনানী পার্মিনিও বাম পক্ষের সেনাপতিত্বে নিযুক্ত হইলেন। স্বয়ং অলিকসন্দর, দক্ষিণ পক্ষ পরিচালনা করেন। নদীর উভয়পক্ষের সৈন্যগণ ক্রিয়াক্ষণ নির্বাহক হইয়া পরস্পর নিরীক্ষণ করিতে লাগিল। অলিকসন্দরের সেনানীগণ নদীর তটে বেশীক্ষণ অপেক্ষা না করিয়া সৈন্যগণসহ নদীমধ্যে অবতরণ করিলেন। তিনিও নিশ্চিণ্ত হইয়া থাকিতে পারিলেন না—চতুর্দিকে রণবাদ্য বাজিয়া উঠিল, যুদ্ধ দেবতার নাম কীৰ্ত্তনে ডুমুল কোলাহল উপস্থিত হইল। কাপুরুষগণের মধ্যে ও যেন অস্থায়ী উন্মত্ততা আসিয়া তাহাদের যুদ্ধভীতি দূর করিয়া দিল। যে স্থানে পারসীক সেনানীগণ সমবেত হইয়া যুদ্ধ পরিচালনা করিতেছিলেন, যে স্থানে পারসীকগণ দৃঢ়তার সহিত অবস্থান করিয়া শত্রুর আগমনের অপেক্ষা করিতেছিলেন, অলিকসন্দর, সেই দিকে গমন করিবার জ্ঞান নদীমধ্যে অবতরণ করিলেন। পারসীকগণ তটের উপর হইতে শত্রু সৈন্যের উপর অজস্র অস্ত্রশব্দ লাঠি প্রভৃতি নিক্ষেপ করিতে লাগিল। মাসিদন সৈন্য দীর্ঘ - বর

আবরণে আত্মরক্ষা করিয়া ২৪ফিট লম্বা বর্ষা দ্বারা পারসীকগণকে আক্রমণ করিতে লাগিল। অলিকসন্দর ঘোরতর পরাক্রমে প্রচণ্ডবেগে সকলের অগ্রবর্তী হইয়া পারসীকদিগকে আক্রমণ করিলেন। ইতিপূর্বে যে মাসিদন সৈন্য একটু ইতস্ততঃ করিতে ছিল, তাহারা তাহাদের নেতার উদাহরণে অনুপ্রাণিত হইয়া, বজ্রবেগে পারসীকদিগকে আক্রমণ করিল। এই ঘোরতর যুদ্ধকালে শত্রুর প্রহারে মাসিদন পতির অন্ত্রশস্ত্র, ছিন্ন ভিন্ন হইয়া যায়। এই ঘোরতর যুদ্ধকালে অলিকসন্দর যে সময় অগ্নের সহিত যুদ্ধে নিযুক্ত ছিলেন, সে সময় একজন পারসীক সেনানী শানিত খড়্গ উত্তোলন করিয়া তাঁহার মস্তক স্ফুট্যত করিবার উপক্রম করেন। এই ঘোর সঙ্কট সময়ে অলিকসন্দরের ক্রীতস্ নামক সহচর সৈন্য সেই পারসীককে দ্বিখণ্ড করিয়া প্রভুর প্রাণ রক্ষা করেন।

মাসিদন সৈন্যের ক্ষিপ্ৰকারিতা, ক্লেশসহিষ্ণুতা শূরতা ও ধীরতার প্রভাবে অলিকসন্দর নদীর তটে শত্রু সৈন্যকে স্থানচ্যুত করিয়া সমতল ভূভাগে গমন করিতে সমর্থ হইলেন। এরমধ্যে সমস্ত গ্রীক সৈন্য নদীপার হইয়া শত্রু সৈন্যের উভয় পক্ষ ঘোরতর বিক্রমে আক্রমণ করিল। পারসীক সৈন্য কোনরূপে তাহাদের প্রভাব সহ্য করিতে সমর্থ হইল না। দীর্ঘ ভল্লের ঘোরতর আঘাতে পারসীক অশ্ব ও অশ্বারোহী ব্যতিব্যস্ত হইয়া পড়িল। অলিকসন্দরের ভীষণ আক্রমণে পারসীক সৈন্যের মধ্যভাগ যুদ্ধে পরাংমুখ হইল। ইহাদের দুর্বলতায় পার্শ্বদ্বয় অধিকতর দুর্বল হইয়া পড়িল। আর তাহারা কোনরূপে যুদ্ধস্থলে অবস্থান করিতে সমর্থ হইল না। ধীরে ধীরে তাহারা পলায়নপর হইল। পারসীকদের যে সকল ভাড়াটে

গ্রীক সৈন্য পশ্চাৎভাগে অবস্থান করিতেছিল, এইবার অলিকসন্দর তাহাদিগকে আক্রমণ করিলেন । আকাশের মেঘ যেরূপ অল্প সময়ের মধ্যে নানাপ্রকার দৃশ্য দেখাইয়া বিলীন হইয়া যায় সেইরূপ অল্প সময়ের মধ্যে পারসীক সৈন্যের নানা অবস্থায়, পারসীক গ্রীক সৈন্যের চিত্তব্রংশ হইয়া পড়ে । তাহারা অলিকসন্দর ও তাহার সৈন্যগণ কর্তৃক নিদারুণভাবে আক্রান্ত এবং তাহাদিগের সেনানীর মৃত্যুতে তাহাদের বুদ্ধিশুদ্ধি বিলুপ্ত হইয়া যায় । এই সকল স্বদেশদ্রোহী গ্রীক, অলিকসন্দরের হস্তে বিশেষরূপে নিগৃহীত হইয়াছিল । তাহারা মৃতদেহের মধ্যে লুকাইয়া প্রাণরক্ষা করিয়াছিল, তাহারাই জীবনরক্ষা করিতে সমর্থ হইয়াছিল । এই সকল স্বদেশদ্রোহী জীবনলাভ করিলেও, লৌহ গৃহ্মলে আবদ্ধ করিয়া অলিকসন্দর, তাহাদিগকে মাসিদনে প্রেরণ করিয়াছিলেন । যে সকল নরাদম স্বজাতী ও স্বদেশের বিরুদ্ধে অস্ত্রধারণ করে তাহাদের কি গতি হইয়া থাকে ইহারাই তাহার উজ্জ্বল দৃষ্টান্ত । এই উদাহরণ দেখিয়া বাহাতে না অগ্ৰগ্রীসবাসী স্বদেশের বিরুদ্ধে অস্ত্রধারণ না করে সে জন্ত তাহাদিগকে তিনি যেসিদোনিয়াতে আবদ্ধ করিয়া রাখেন । যিনি স্বদেশের গৌরব বৃদ্ধির জন্ত অস্ত্রগ্রহণ করেন সেই লোকোত্তর পুরুষের বিরুদ্ধে যে কোন স্বদেশবাসী বাধাপ্রদান করিবে, তাহাকে নির্দয়ভাবে শিক্ষা প্রদান করা উচিত । ইহা কোনরূপে চূর্ণীয় হইতে পারে না ।

যুদ্ধের প্রথমভাগে বিজয় শ্রী, পারসীক দিগেরই পক্ষপাতী হইয়াছিলেন । কিন্তু অলিকসন্দরের একনিষ্ঠ উপাসনায় প্রসন্ন হইয়া অবশেষে তিনি তাঁহাকেই আলিঙ্গন করিয়াছিলেন ।

অলিকসন্দরের উদাহরণে অনুপ্রাণিত হইয়া তাঁহার সেনাও



সেনানীগণ মৃত্যুভয় পরিত্যাগ করিয়া যেক্রপভাবে যুদ্ধ করিয়াছিলেন, যদি পারসীকগণ সেইরূপ দৃঢ়তার সহিত যুদ্ধ করিতেন তাহা হইলে নদীর গর্ভ হইতে আর মাসিহুনিয়ানদিগকে উঠিতে হইত না কিন্তু তাহা না, হওয়াতে অলিকসন্দের উত্থান এবং পারসীকদের পতন হইয়াছে ।

সত্যপ্রিয় ইয়ুরোপীয় ঐতিহাসিকেরা বলেন এই বোরতর যুদ্ধে বালকবীরের ২৫জন সহচর সৈন্য ৬০জন অশ্বারোহী ৩০জন পদাতিক পঞ্চম লাভ করিয়াছিল । অপরপক্ষে প্লুতর্ক বলেন পারসীকদের ২০হাজার পদাতিক এবং আড়াইহাজার অশ্বারোহী ইহলোক পরিত্যাগ করে । ডিওডোরস্ বলেন, দশহাজার পদাতিক ও দুই হাজার অশ্বারোহী, এবিয়ানের মতে, দুই হাজার ব্যতীত সমস্ত পদাতিক এবং এক হাজার অশ্বারোহী সৈন্য মৃত্যুমুখে পতিত হয় । ইয়ুরোপীয় লেখকদিগের বর্ণনা অতিরঞ্জিত হইলেও ইহাতে বুঝা যায় যে এসিয়াবাসীরা নেতার দোষে পরাজিত হইলেও তাহারা মৃত্যুভয়ে বিভীষিকাগ্রস্ত হয় নাই, বা যুদ্ধ না করিয়াই রণে পৃষ্ঠপ্রদর্শন করে নাই ।

যুদ্ধে জয়লাভের সহিত অলিকসন্দের অদৃষ্ট পরিবর্তন হইল তাঁহার একমাত্র আশ্রয় আশার সফলতার সহিত, শত্রু ধনাগার পরিপূর্ণ, হৃর্তিক্ষ স্মৃতিক্ষে পরিণত, এবং কুহেলিকা পরিপূর্ণ গন্তব্য পথ, যেন সূর্য্যরশ্মিতে উদ্ভাসিত হইল । ইতিপূর্বে যাহারা তাঁহাকে বাধা দিবার জন্য অঙ্গপাণি হইয়া উপস্থিত হইয়াছিল, এক্ষণে তাহারা ই তাঁহাকে ধনজন দিয়া পরিপুষ্ট করিতে লাগিল । এইরূপে অল্প সময়ের মধ্যে অলিকসন্দের সে প্রদেশ হস্তগত করিয়া তথাকার প্রচলিত প্রথা অনুসারে শাসন ব্যবস্থা বিধি বদ্ধ

কারলেন। রাজপরিবর্তন হইল মাত্র, এ পরিবর্তনে প্রজা সাধারণ নিজেদের ক্ষতিবৃদ্ধি কিছুই বুঝিতে পারিল না। পারস্য-রাজের পরিবর্তে তাহারা মাসিদনের অধিশ্বরকে রাজস্ব প্রদান করিতে লাগিল। তাহারাই তাঁহার রসদ যোগাইতে লাগিল, অলিকসন্দরের কোন অভাব রহিল না। বিজয়লাভে উল্লসিত হইয়া তিনি অধিকতর উৎসাহের সহিত কার্য্য সকল সম্পন্ন করিবার জগ্গ অগ্রসর হইলেন।

অলিকসন্দর, পারসীকদের সহিত প্রথম যুদ্ধে অনন্তসাধারণ জয়লাভে আত্মাদিত হইলেও তিনি নিজের দেশের কথা ভুলিয়া যান নাই। তিনি জানিতেন বাহিরের প্রবল শত্রু অপেক্ষা গৃহের দুর্বল শত্রু ও অত্যন্ত ভয়ঙ্কর, সে মন্ডস্থানে সময়ে এবং অসময়ে দারুণ আঘাত করিবার যেরূপ সুযোগপ্রাপ্ত হইয়া থাকে, সেরূপ অত্বে কোনরূপে প্রাপ্ত হয় না। গ্রীসের বিভিন্ন জনপদের বিভিন্ন প্রকৃতির জনগণের হৃদয়, বাহাতে তাঁহার বিরুদ্ধ চিন্তায় কলুষিত না হয়, ইহার পরিবর্তে বাহাতে জাতীয় শত্রুর বিমর্দনজনিত গৌরবে সকলে নিজেকে গৌরবান্বিত বিবেচনা করেন, এজন্য বুদ্ধিমান অলিকসন্দর গ্রীক জনসাধারণের উদ্দেশে বিজয়লব্ধ পারসীকদিগের তিন শত যুদ্ধ সজ্জা এথেন্সে প্রেরণ করেন। তাহাতে লিখিত হইয়াছিল যে “এসিয়ায় অবস্থিত বর্বরদিগের নিকট হইতে গৃহীত দ্রব্য সমূহ স্পার্টাবাসী ব্যভীত সমস্ত গ্রীকবাসীর উদ্দেশে ফিলিপ পুত্র অলিকসন্দর কর্তৃক উৎসর্গীকৃত হইল।” অলিকসন্দর এই গুঢ়ার্থ পূর্ণ বাক্যে যেন প্রকাশ করিতেছেন বৃক্ষস্থিত পক্ষীর যেরূপ বৃক্ষেতে অধিকার নাই, ঐকি যেন সেইরূপ এসিয়ায় অবস্থানকারীর এসিয়ার উপ

তাহাদের কোনরূপ স্বামিত্ব বা মমত্ব নাই ; সুতরাং সেই সকল বৈদেশিকদিগকে বলপূর্ব্বক দূর করিয়া, তাহাদের যথাসর্ব্ব্ব লুণ্ঠনে কোনরূপ পাপ নাই। ইহাতে যেন সকলের সমান অধিকার আছে। সেই জন্য সমস্ত গ্রীসবাসীর উদ্দেশে মৃত এসিয়াবাসীর যুদ্ধসজ্জা উৎসর্গীকৃত হইয়াছে। যে ফিলিপকে, এথেন্সবাসী বর্কর, অসভ্য, বলিয়া উপেক্ষা করিত, তাহারই পুত্র অলিকসন্দর কর্তৃক এসিয়ার ধন রত্ন যখন লুণ্ঠিত হইল, তখন গ্রাঙ্গের সুসভ্য এথেন্স প্রভৃতির অধিবাসীর দ্বারা কোন্ কোন্ কার্য্য না সাধিত হইতে পারে? অলিকসন্দর, এথেন্সবাসীর তুষ্টিসাধনে যত্নপর হইলেও, এথেনীয়রা মনে মনে পারশ্ব সন্মাতের অভ্যুদয় আকাঙ্ক্ষা করিতেছিল। তাহারা অলিকসন্দরের সাহায্যে জাহাজ প্রদান করিলেও, কিন্তু প্রথম সুযোগে তাঁহার পক্ষ পরিত্যাগ করিয়া পারশ্বপতির সহিত সম্মিলিত হইবার জন্ত সচেষ্ট ছিলেন।

অলিকসন্দর লুণ্ঠিত দ্রব্য প্রেরণ ব্যতীত এই যুদ্ধে তাঁহার যে সকল সহচর সৈন্য মৃত্যুমুখে পতিত হইয়াছিল, তাহাদিগের ধাতুময়ী মূর্ত্তি লাইসিপসের দ্বারা প্রস্তুত করাইয়া স্বদেশের দেবমন্দিরে সংস্থাপন করান। তাহাদের ভুজবলের উপর নির্ভর করিয়া অলিকসন্দর অপূর্ব্ব বিজয় শ্রীলাভ করিয়াছিলেন— অলিকসন্দর, তাহাদের ধাতুময়ী মূর্ত্তি, স্বীয় প্রধান শিল্পী দ্বারা প্রস্তুত করাইয়া গুণের সমাদর করিয়াছিলেন। তাহাদের আকৃতি ও প্রতিকৃতি কালক্রমে ধুলায় পরিণত হইলেও তাহাদের কীৰ্ত্তি চিরকাল নূতনভাবে, ইয়ুরোপ ও এসিয়া উভয় দেশের, অধিবাসীর কাছে স্মরণীয় বলিয়া গৃহীত হইবে। জনকতক মীথ্র

•মৃত্যুভয় পরিত্যাগ করিয়া কর্তব্যপথে অগ্রসর হইয়াছিলেন বলিয়া তাঁহারা অসাধারণ কার্য্য সকল সম্পন্ন করিয়াছিলেন । পৃথিবীর অদৃষ্ট চক্র যদৃচ্ছাক্রমে তাঁহারা পরিবর্তন করিতে সমর্থ হইয়াছিলেন, এ কথা তাঁহাদের ইতিহাস যেন চিরকাল বজ্রনির্ঘোষে উপদেশ প্রদান করিবে ।

## ষষ্ঠ অধ্যায়

এসিয়া মাইনরের সামুদ্রিক প্রদেশ, গ্রীক উপনিবেশে অধ্যুষিত ছিল । এসকল স্থানের গ্রীকগণ, অনেক সময় পারস্যপাণ্ডিত্য সহিত যুদ্ধ করিয়া, নিজেদের স্বাভাব্য রক্ষা করিত । আবার অনেক সময়, বৈতসর্য্য অবলম্বন করিয়া, নিজেদের অস্তিত্ব রক্ষা করিয়া প্রাধান্য প্রতিষ্ঠার জন্ত সূযোগের অপেক্ষা করিত । গ্রোণকসে, অলিকসন্দরের জয়লাভের সহিত, উপনিবেশিক গ্রীকদিগের চিত্তচাকল্য উপস্থিত হইল । তাহারা প্রথম সূযোগে বিদেশী অধীনতা পাশ দূরে নিক্ষেপ করিয়া, স্বদেশবাসীর সহিত মিলিত হইল । অলিকসন্দর স্বয়ং শীঘ্রগতিতে লিডিয়া অভিযুখে গমন করিতে লাগিলেন । তাঁহার অগ্ৰতম সেনানী পারমিনিওকে নিকটবর্তী প্রদেশ ও দুর্গ সকল জয় করিবার জন্ত প্রেরণ করেন । তিনি অল্প আয়াসে বিপক্ষদিগের দুর্গ জয় করিয়া অলিকসন্দরের নামের বিভীষিকা শত্রুগণের হৃদয়ে বদ্ধমূল করেন ।

অলিকসন্দর, লিডিয়ার রাজধানী সারডিসের ৭০ ষ্টেড অর্থাৎ সাড়ে চার, ক্রোশ দূরে উপস্থিত হইলে, তথাকার দুর্গাধ্যক্ষ এবং প্রধান প্রধান নাগরিকগণ তাঁহার হস্তে ধনাদির সহিত দুর্গ এবং নগর সমর্পণ করেন। মানুষের হৃদয়ে একবার বিজাতীয় বিভীষিকা প্রবেশ করিলে তাহাকে কর্তব্য ভ্রষ্ট করিয়া ফেলে, বিভীষিকাগ্রস্ত ব্যক্তি কোনরূপ কুৎসিত কার্য্য করিতে সঙ্কুচিত হয় না। পারসীক দুর্গাধ্যক্ষ নিজের সম্মান, বা নিজের রাজার দিকে না দেখিয়া অলিকসন্দরের পদতলে লুপ্ত হইল। বালকবীর, দুর্গাধিপকে সস্ত্রমের সহিত গ্রহণ করিয়া নাগরিকগণকে যথাবিধি সংকার করিলেন। তাঁহারা, তাঁহাদের প্রাচীন প্রথা অনুসারে শাসন অধিকার লাভ এবং পারম্প্রপতিকে যেরূপ ভাবে রাজস্ব প্রদান করিতেন, সেইরূপ তাঁহাকেও প্রদান করিয়া নিষ্কৃতি লাভ করেন। অলিকসন্দর এ স্থানের সুদূর দুর্গ অধিকার করিয়া, তাহাতে স্বীয় সৈন্য রক্ষা এবং রাজস্ব সংগ্রহ বিষয়ক ব্যবস্থা বিধিবদ্ধ করিয়া ইফিসুস্ অভিযুখে যাত্রা করেন।

অলিকসন্দরের জয়ের কথা শুনিয়া, ইফিসুসের পারসীক কন্সচারী এবং অলিকসন্দরদেবী গ্রীকগণ এস্থান পরিত্যাগ করিয়া পলায়ন করে। পারসীকদের গমনের পর, যে সকল গ্রীক, পারসীক শাসনের পক্ষপাতী ছিল, তাহাদের উপর অগ্র গৌরব যথেষ্ট অত্যাচার করিতে আরম্ভ করিল। অলিকসন্দর, ইফিসুসে আগমন করিয়া অত্যাচারের স্রোতরোধ করিয়া দিলেন, আসন্নমৃত্যু হইতে তাহারা রক্ষা পাইল। তাঁহার সদয় ব্যবহারে শত্রু ও মিত্র সকলেই তাঁহার অনুরক্ত হইল। অলিকসন্দর, ইফিসুসবাসীকে সাধারণতন্ত্র অনুসারে শাসিত হইবার অধিকার প্রদান করেন।

• ইফিসুসের আর্টিমিস বা দিয়ানা বিশেষ বিখ্যাত। অলিক-সন্দরের জন্মরাত্রি, হিরোডাস নামক একজন ব্যক্তি দ্বিতীয় হইবার জন্ত এখানকার মন্দির পোড়াইয়া দেয়। এই দিয়ানার মন্দির, পুরাকালের সপ্তমাণ্ডর্য্য কীর্তির মধ্যে একটি বলিয়া পরিগণিত হইত। দিয়ানা, অসতীর অগণন্য হইলেও ইনি ইয়ুরোপীয় সতীত্বের অধিষ্ঠাত্রী দেবী, ইঁহার প্রণয় পাত্র অনেকে হইলেও ইনি অবিবাহিত। ইনি পুরুষের পরিচ্ছদ পরিধান করিয়া ধনুর্ধার হস্তে কুকুর সঙ্গে লইয়া বনে বনে শিকার করিয়া বেড়ান। দেবীর মন্দিরের ছরাবস্থা দেখিয়া অলিকসন্দর মন্দির নির্মাণ করিবার সমস্ত ব্যয় বহন করিতে প্রতিশ্রুত হইয়াছিলেন। কিন্তু ইফিসুসের অধিবাসীরা “দেবতা কখন দেবতার মন্দির প্রতিষ্ঠা করেন না।” এই কথা কহিয়া অলিকসন্দরের তুষ্টি সাধন করিয়াছিলেন। অলিকসন্দর মনে করিয়াছিলেন, মন্দির গাত্রে স্বীয় নাম খোদিত করিয়া দিবেন, কিন্তু তিনি সে সঙ্কল্প পরিত্যাগ করিয়া ঘাঁহার দ্বারা আলেকজেন্দ্রিয়া স্থাপন করিয়াছিলেন, সেই প্রসিদ্ধ শিল্পী ডিও-ক্রেটসের তত্ত্বাবধানে এখানকার মন্দির নির্মাণ করাইয়া, অদ্বুত পদার্থের মধ্যে পরিগণিত করেন। এসময়ের অলিকসন্দরের চরিত্র অনুশীলন করিলে দেখিতে পাওয়া যায় যে, এখনও তাঁহাতে বিশেষ কোন দুগ্ধ আশ্রয় করিতে সমর্থ হয় নাই। তাঁহার দুর্বলতার মধ্যে এই যে, তাঁহাকে দেবতা বা দেবপুত্র বলিলে তিনি গলিয়া পড়িতেন, তাঁহার মাথা ঘুরিয়া যাইক। তিনি এরিষ্টটলের নিকট শিক্ষিত হইলেও এ দোষ হইতে মুক্ত ছিলেন না।<sup>১৮</sup> দুষ্টের অত্যাচার হইতে নগর রক্ষা, সারেমাহের সহিত

আর্টিমিসের পূজা ইত্যাদি কার্যে তিনি সাধারণের শ্রদ্ধার পাত্র হন । এ অঞ্চলের অত্যাচার যে সকল নগর পারসীকদের অধিকার ভুক্ত ছিল—তাহার গ্রীক নাগরিকগণ, অলিকসন্দের সম্মুখে উপস্থিত হইয়া নগর সমর্পণ করিতে লাগিলেন ।

অলিকসন্দর, ইফিসুসে অযথা বিলম্ব না করিয়া, মেলিটসে অভিযুগে যাত্রা করিলেন । অলিকসন্দের আগমন কথা শুনিয়া, এখানকার পারসীক কণ্ঠচারীর হৃৎকম্প উপস্থিত হইল । তিনি সকল সময় সর্বত্র তাহার শত্রুর প্রতিমূর্তি দেখিতে লাগিলেন ।

দারা ( দারায়াস ) র কন্ঠচারী, যে সময় অলিকসন্দের হস্তে নগর সমর্পণ করিবার জন্ত পত্র ব্যবহার করিতেছিলেন, সে সময় তিনি তাহার সাহায্যের জন্ত চারশত পারসীক জাহাজের আগমন কথা অবগত হন । ইহাতে তিনি তাহার পূর্ব সঙ্কল্প পরিত্যাগ করিয়া যুদ্ধ করিতে প্রস্তুত হইলেন । অলিকসন্দের সৈন্যগণ বাহিরের নগর অধিকার করিয়া, ভিতরের নগর অধিকার করিবার জন্ত অবরোধ করিতে প্রবৃত্ত হইল । পারসীকেরা নৌবলে যথেষ্ট শক্তিশালী ছিলেন । ফিনিসিয়ান, সাইপ্রিয়ান প্রভৃতি অভিজ্ঞ নাবিকগণ তাহাদের নৌকা সকল পরিচালনা করিত । ইহাদের আগমন কথা শুনিয়া দারার কন্ঠচারীর হৃদয়ে শক্তি সঞ্চার হইল । পারসীক রণতরী আসিবার পূর্বেই গ্রীক নৌ সেনানী ১৬০ খানা জাহাজ লইয়া মেলিটসের নিকটবর্তী একটি দ্বীপে কবচকার করেন । অলিকসন্দরও কিছু অশ্বারোহী তাহাদের সাহায্যের জন্ত প্রেরণ করেন । পারসীকেরা বাহাতে মেলিটসের বন্দরে উপস্থিত হইতে না পারে তাহারা তাহার চেষ্টা করিতে লাগিল এসময় সেনানী পার্সিনিও

অলিকসন্দরকে, জলযুদ্ধ করিবার জন্ত পরামর্শ প্রদান করেন। তিনি ইহার সমর্থনে বলেন, যদি জলযুদ্ধে জয়লাভ করা যায় তাহা হইলে তাঁহাদের যথেষ্ট লাভ হইবে। বিশেষতঃ যখন একটা চিল, (জিগল) তাঁহাদের জাহাজের দিকে মুখ ফিরাইয়া সমুদ্রের তটে বসিয়া ছিল, তখন এই লক্ষণে বোধ হইতেছে যে তাঁহাদের জলযুদ্ধে জয়লাভ হইবে। অলিকসন্দর, ইহার প্রত্যুত্তরে বলেন, জলযুদ্ধে আমরা অনভ্যস্ত যদি আমরা ইহাতে পরাজিত হই, তাহা হইলে দক্ষিণ গ্রীসবাসীরা আমাদের বিরুদ্ধে অস্ত্রধারণ করিবে। আর চিলের কথা যাহা কথিত হইল, তাহাতে বোধ হইতেছে স্থলপথেই আমরা জয়যুক্ত হইব। ধীরে ধীরে আমরা পারসীকদের সামুদ্রিক নগর সকল হস্তগত করিতে পারিলে অগত্যা তাহারা হীনবল হইবে, খাদ্যাদি অভাবে তাহারা অবসন্ন হইবে, সুতরাং এই কএকখানি জাহাজ লইয়া পারসীকদের সম্মুখীন হওয়া আমি যুক্তিযুক্ত বোধ করিনা। অলিকসন্দরের কথা গৃহীত হইল। পারসীকরা, গ্রীকদিগকে লোভ দেখাইয়া একটু গভীর সমুদ্রে লইয়া যাইবার যথেষ্ট চেষ্টা করিল। গ্রীকেরা বুঝিয়াছিল এ লোভে তাহাদের মৃত্যু অনিবার্য্য তাই তাহারা প্রলোভনে যুদ্ধ না হইয়া পারসীক জাহাজের অনুসরণে প্রবৃত্ত হয় নাই। একদিন গ্রীক জাহাজের নাবিকগণ, যখন জাহাজ পরিত্যাগ করিরা কাষ্ঠাদি সংগ্রহ জন্ত স্থলে গমন করিয়াছিল, সেই অবকাশে, পারসীকরা পাঁচখানি জাহাজ, গ্রীকদিগকে আক্রমণ করিবার জন্ত প্রেরণ করেন। অলিকসন্দর তাহাদের অভিসন্ধি বুঝিতে পারিয়া নিকটে যে সকল মাঝি মাল্লা ছিল, তাহাদিগকে সংগ্রহ করিয়া যুদ্ধ করিবার জন্ত দশ খানা জাহাজ



প্রেরণ করেন । গ্রীকদিগকে সতর্ক দেখিয়া পারসীকরা পলায়ণে প্রবৃত্ত হইল । গ্রীকদিগের অধিকতর দ্রুতগামী জাহাজ, পারসীকদের একখানি মন্থরগামী জাহাজ গ্রহণ করিয়া প্রত্যাগমন করে ।

অলিকসন্দর দৃঢ়তা ও অধ্যবসায়ের সহিত নগর অবরোধে প্রবৃত্ত হইলে, মালিটসের অধিবাসীরা তাহাদের একজন বিশিষ্ট সম্ভ্রান্ত অধিবাসীকে নগর সমর্পণের প্রস্তাব করিবার জন্ত অলিকসন্দরের নিকট প্রেরণ করেন । অলিকসন্দর তাহাকে অবিলম্বে ফিরিয়া যাইতে কহিয়া কহিলেন যে, তিনি কল্য প্রাতঃকালে নগর আক্রমণ করিবেন, নগরবাসী যেন যথাশক্তি অতুসারে নগর রক্ষা করিতে প্রবৃত্ত হয় । পরদিবস প্রাতঃকালে প্রাচীর-ধ্বংসী যজ্ঞ সকল দুর্গ প্রাচীরের সমীপে নীত হইয়া, তাহা ধ্বংস করিতে আরম্ভ করিল । অলিকসন্দরকে নগর আক্রমণ করিতে দেখিয়া, জলপথে পারসীক জাহাজ যাহাতে নাগরিকগণকে সাহায্য করিতে সমর্থ না হয়, সে জন্ত গ্রীক রণতরী সকল জলপথ অবরোধ করিয়া যুদ্ধ করিতে প্রবৃত্ত হইল । জলে ও স্থলে উভয়দিক হইতে অবরুদ্ধ হইয়া নাগরিকগণ অত্যন্ত বিপন্ন হইয়া পড়িল । তাহারা যথেষ্ট যুদ্ধ করিয়াও কোনরূপে আত্মরক্ষা করিতে সুমর্থ হইল না । পারসীকপক্ষীয় গ্রীক সৈন্যগণ যুদ্ধে ভঙ্গ দিয়া পলায়ণ পর হইল । তাহাদের অধিকাংশই মাসিনদের হস্তে নিহত হইল, অবশিষ্ট কোনরূপে সাতার কাটিয়া প্রাণ লইয়া নিকটবর্তী দ্বীপে গমন করিতে সমর্থ হইয়াছিল । অলিকসন্দর প্রাচীরের ভঙ্গ স্থান দিয়া গমন করিয়া নগর অধিকার করিলেন । যেসকল সৈন্য পলাইয়া গিয়াছিল, তাহাদিগকে অতুসরণ করিলে,

তাহারা প্রাণপণ করিয়া পুনরায় যুদ্ধ করিতে আরম্ভ করিল । অলিকসন্দর তাহাদের স্বামিভক্তি ও বীরত্বে মুগ্ধ হইয়া তাহাদিগকে অভয়দান করেন । তাহার অলিকসন্দরের অনুরোধে তাহার সৈন্তশ্রেণীভুক্ত হইয়া, মিত্ররূপে পরিণত হইয়াছিল । প্রায় দুই মাস পূর্বে গ্রেনিকসে যে অপরাধে গ্রীক সৈন্ত শৃঙ্খলিত হইয়াছিল, এক্ষণে সেই অপরাধে তাহারা কৃপালাভ করিল । অলিকসন্দর নগরবাসীকে স্বায়ম শাসন প্রদান করিয়া তাহাদের প্রতি অনুগ্রহ প্রকাশ করিলেন । এখানে অবস্থান কালে অলিকসন্দর তাহার রণতরী দ্বারা বিশেষ কোন কার্য্য হইবে না বিবেচনা করিয়া সে সমস্ত নষ্ট করিয়া ফেলেন । এ সময় তাহার অর্থাভাবও হইয়াছিল, ইহা ব্যতীত শক্তিশালী পারসীকগণকে তাহার এই ক্ষুদ্র নৌশক্তিদ্বারা কখনই পরাভব করিতে সমর্থ হইবেন না, আর তিনি যখন নিজে যুগপৎ জলে ও স্থলে থাকিতে সমর্থ হইবে না, তখন তাহার এ ক্ষুদ্র বহর না রাখাই যুক্তিযুক্ত বিবেচনা করেন । যদি আহাৰ্য্য বা লোক সংগ্রহ বিষয়ে বাধাপ্রদান করা যাইতে পারে, তাহা হইলে নৌশক্তি না থাকিলেও স্থলপথে বিশেষ প্রাধান্য লাভ করা হয় । লুটপাট করিয়া বোম্বেষ্টেরা দুই চারি দিনের জগ্ন খাজ সংগ্রহ হইতে পারে, কিন্তু স্থলপথে যে শক্তি বদ্ধমূল হইয়াছে তাহাকে উৎপাঠন করা কেবলমাত্র নৌশক্তির সাধ্যের অতীত, এই সকল ভাবিয়া বোধ হয় বালকবীর স্থলপথে নিজের শক্তি সংস্থাপনে যত্নশীল হইয়াছিলেন ।

গ্রেনিকসের পরাজয় ও সেনানীগণের নিধনবার্তা, দারার কাছে নীত হইলে, তিনি প্রসিদ্ধ গ্রীকবীর মেমনকে প্রধান

সেনানী পদে নিযুক্ত করেন। যেমন, হেলিকারনেসস বা বর্তমান দেবরুম নামক স্থানের দুর্গাদি সকল সংস্কার করিয়া আশু যুদ্ধের জন্ত গ্রীক ও পারসীক সৈন্য সকল সংগ্রহ করিয়া প্রস্তুত হইতে ছিলেন। এ সংবাদ অলিকন্দরের কাছে নীত হইলে তিনি আমিষ লুন্ড শ্যেনের জায় শীঘ্র গতিতে তাহার উদ্দেশ্যে যাত্রা করিলেন।

হেলিকারনেসস, কেরিয়া প্রদেশের রাজধানী। ইহা প্রাচীন ঐতিহাসিক হিরোডোটস এবং ডিওনিসিসের জন্মভূমি বলিয়া বিশেষরূপে প্রসিদ্ধ। এ স্থানের দুর্গ সুদৃঢ়, ও সমুদ্রতটে অবস্থিত। স্থলের দিকে বিস্তৃত ও গভীর পরিখা থাকায় ইহা বিপক্ষের পক্ষে অত্যন্ত দুর্গম, ইহার উপর নানাদেশীয় গ্রীকগণ কর্তৃক সুরক্ষিত হওয়াতে ইহাকে অধিকতর দুর্গম করিয়াছিল। অলিকন্দর ইহার ৫ ষ্টেড অর্থাৎ প্রায় অর্ধমাইল দূরে শিবির সংস্থাপন করিয়া নগর অবরোধের আয়োজন করিতে লাগিলেন। অলিকন্দর সর্বপ্রথমে দুর্গের পরিখা মৃত্তিকাবারা পরিপূর্ণ করিয়া ফেলিলেন। তদনন্তর কাষ্ঠময় মঞ্চ সকল প্রাচীরের নিকট লইয়া গিয়া তাহার উপর হইতে দুর্গ আক্রমণ করিতে লাগিলেন। দারার পক্ষীয় বীরেরা ও সময় সময়, নগর হইতে বহির্গত হইয়া দমনব বিক্রমে অলিকন্দরের সৈন্য মর্দন করিতে লাগিল। এই সকল শত্রুসেনানীর মধ্যে অলিকন্দরের একজন স্বদেশ বাসীও কতিপয় এথেন্সবাসী বিশেষ বীরত্ব দেখাইয়া যমলোকের অতিথি হইয়াছিলেন। অলিকন্দরকে এ নগর অবরোধকালে বড় কম বেগ পাইতে হয় নাই। তিনি যে সকল কাষ্ঠমঞ্চ, দুর্গ আক্রমণ, ও প্রাচীর ভাঙ্গিবার জন্ত পাঠাইতে লাগিলেন, দুর্গবাসীরা উপর

হুইতে প্রস্তরাদি নিক্ষেপ এবং তাহাতে অগ্নিপ্রদান করিয়া ভূমি-  
 স্যাৎ করিতে লাগিল। উপর হুইতে এরূপ ভাবে „আক্রান্ত  
 হইলে ও অলিকসন্দর ও তাঁহার সৈন্যগণের অধ্যবসায় ও  
 পরাক্রমের কাছে, পারসীকদের সমস্ত উত্তম বিফল হইয়া গেল।  
 প্রবল আক্রমণে স্থানে স্থানে প্রাচীর ভাঙ্গিয়া গেল। পারসীকেরা  
 বিপুল উত্তমে ভঙ্গ সংস্কার করিলেও তাহারা মেসিডোনিয়ানদের  
 পতিরোধ করিতে সমর্থ হইল না। ডিওডোরস বলেন, পার-  
 সীক সেনানীগণ যখন দেখিলেন নগররক্ষা অসম্ভব তখন একদিন  
 প্রাতঃকালে দুর্গের দ্বার সকল উদঘাটন পূর্বক সমস্ত সৈন্য মিলিত  
 হইয়া অলিকসন্দরের কাঠমঞ্চ সকল ধ্বংস করিবার জন্ত বাহগত  
 হন। সম্মুখভাগে অবস্থিত অলিকসন্দারের অনভিজ্ঞ যুবক  
 সৈন্য সকল ইহাদের ঘোরতর আক্রমণে ছত্রভঙ্গ হইয়া পড়ে,  
 কিন্তু ফিলিপের অভিজ্ঞ সৈন্য সকল আক্রমণ করিলে, পারসীকদের  
 এথিনিয়ন নেতা এথিলেট নিহত এবং তাঁহার অনুচরগণ দুর্গ-  
 মধ্যে পলায়ন করিয়া প্রাণরক্ষা করে। দুর্গের এরূপ শোচনীয়  
 অবস্থায় কর্তব্য নিদ্ধারণ করিবার জন্ত মেমন প্রমুখ পারসীক  
 সেনানীগণ একত্র হইয়া স্থির করিলেন যে, শত্রু আক্রমণ রোধ  
 করিবার জন্ত যে সকল কাঠমঞ্চ নির্মিত হইয়াছিল, তাহাতে  
 এবং অনাগারে এক্ষণে অগ্নি প্রদান করাই কর্তব্য। এসবল  
 উপকরণ শত্রু হস্তে পতিত হইলে তাহারা অধিকতর শক্তিশালী  
 হইবে, এবং শত্রুরাই ঐ সকল প্রহরণ প্রহারে তাঁহাদিগকে  
 জঞ্জরিত করিবে বিবেচনা করিয়া নিশীথ রাত্রে তাহারা ইহাতে  
 অগ্নি প্রদান করেন। অগ্নিযোগে অত্যান্য গৃহও ভস্ম হইয়া  
 গেল। ১০ মেমন প্রমুখ সেনানীগণ নৌকাযোগে পলায়ন করিয়া

আত্মরক্ষা করেন। দারার ছরদৃষ্ট বশতঃ কিছুদিন পরে মেমন যখন পারস্যীক রণতরী লইয়া মেসিডোনিয়া আক্রমণ করিবার উদ্যোগ করিতেছিলেন, সে সময় তিনি রুগ্ন হইয়া ইহলীলা সম্বরণ করেন।

প্রাতঃকালে ফিলিপ পুত্র নগর অধিকার করিয়া, নিকটবর্তী স্থান সকল অধিকার করিবার জ্ঞা সেনানীগণকে চতুর্দিকে প্রেরণ করেন। তিনি স্বয়ং ফেরিজিয়া নগর আক্রমণ করিয়া তাহা ভূমিস্বাং করিয়া ফেলেন। অলিকসন্দার, কেরিয়া প্রদেশের সিংহাসনে, তাঁহার প্রতিনিধি স্বরূপ আদা নামী রাজকণ্ঠকে অভিভূত করেন। এক্ষণে কথিত হয় আদা অলিমফিয়া পুত্রকে পুত্ররূপে গ্রহণ করিয়াছিলেন এবং তিনি ও তাঁহাকে মা বলিয়া সম্বোধন করিতেন। আদা, স্নেহবশতঃ নানা প্রকার খাদ্য দ্রব্য অলিকসন্দরে কাছে প্রেরণ করিতেন। অলিকসন্দর যখন এ স্থান পরিত্যাগ করিয়া স্থানান্তরে গমন করেন, সে সময় আদা স্বীয় সুদৃশ্যশ্রদ্ধ কন্মনিপুণপাচক সকল অলিকসন্দরের কাছে প্রেরণ করেন। অলিকসন্দর তাহাদিগকে প্রত্যাখ্যান করিয়া বলেন, তাঁহার বাল্য শিক্ষক লিওনেটস, তাঁহাকে উৎকৃষ্ট পাচক প্রদান করিয়াছেন—প্রাতঃকালে যথেষ্ট পরিমাণে ভ্রমণ করার অভ্যাস থাকায় তাঁহার মধ্যাহ্নভোজ্য সুস্বাদু হইয়া থাকে, রাত্রিকালে লঘুপাক ভোজ্য গ্রহণ করিয়া থাকেন। পাছে অলিমফিয়া, শয্যা ও পরিচ্ছদ সম্বন্ধে বেশী বস্তাদি প্রদান করেন, এজন্য লিওনিটস সে দিকেও তীক্ষ্ণদৃষ্টি প্রদান করিতেন। এ জন্য শয়নভোজনের জন্য তাঁহার আড়ম্বরের দরকার হয় না। অলিকসন্দার যে পর্য্যন্ত এইরূপ সংযমী ছিলেন সে পর্য্যন্ত তিনি সর্বত্র

জয়যুক্ত হইয়াছিলেন—কালে তাঁহার অসংখ্যের বুদ্ধির সহিত তাঁহার অধঃপতনের দ্বারও অনর্গল হইয়াছিল।

দেখিতে ২ গৃহকাল অতীত হইতে চলিল, শীত সমাগমনের সময় উপস্থিত হইল। যে সকল সেনা ও সেনানী এই অভিযানের পূর্বে বিবাহিত হইয়াছে, অলিকসন্দর তাহাদিগকে গৃহে গমনের অঙ্কমতি প্রদান করেন। ইহাতে তাঁহার দূরদর্শিতা যথেষ্টরূপে পরিলক্ষিত হইয়া থাকে। সৈনিকগণের স্বদেশে প্রত্যাগমনে, দেশের অভ্যাগত্রে ক্ষুদ্র গ্রামের ভিতরেও অলিকসন্দরের বিজয়বার্তা প্রচারিত হইবার সুযোগ প্রাপ্ত হইল। গৃহে অবস্থিত জনগণ রণস্থল হইতে সমাগত বীররন্দের নিকট বিজয়লব্ধ দ্রব্য সকল দেখিয়া, তাহাদের পৌরুষ-জনক বৃত্তি সকল বিকাশ প্রাপ্ত হইল। সকলেই অলিকসন্দরের সহিত মিলিত হইয়া সমৃদ্ধি ও সম্মান লাভের জন্য উৎসুক হইল। সে সময় গৃহে অবস্থান করা যেন কাপুরুষের লক্ষণ বলিয়া সাধারণে বিবেচিত হইতে লাগিল। এ সময়ের অলিকসন্দর চরিত্রে বাস্তবিকই রমণীয় পরিলক্ষিত হইয়া থাকে। এ সময় অলিকসন্দরে ব্রহ্মচর্য্য সম্পূর্ণরূপে প্রতিষ্ঠিত ছিল। আহার বিহারে তিনি পরিমিতাচারী ছিলেন। সেই জন্য কি তাঁহার কার্য্য সকল সকলের সুখপ্রদ হইয়াছিল? সেই জন্য কি তাঁহার হৃদয় সঙ্কীর্ণতার পরিবর্তে উন্নতভাব ধারণ করিয়াছিল? অথবা রাজনীতিকগণ যে রূপ ভাবকার্য্য সাধনের জন্য কমনীয়-রূপ ধারণ করিয়া সাধারণকে প্রভাবিত থাকে, সেইরূপ কি অলিকসন্দরের, এশিয়া মাইনরের নাগরিকগণের প্রতি সদয়ব্যবহার, রাজ্যী আদার সহিত সামাজিক সম্বন্ধ, প্রভৃতি শিষ্টাচার সকল

রাজনীতিক চাল কি না এ বিষয়ে অনেক সময় সন্দেহ হইয়া থাকেন ।

দারুণ শীত ও অলিকসন্দের গতি রোধ করিতে সমর্থ হইল না । তিনি স্থান হইতে স্থানান্তরে বিদ্যুৎগতিতে গমন করিয়া নগর সকল আক্রমণ করিতে লাগিলেন । সাধনা দ্বারা মানুষ সিদ্ধিলাভ করিয়া থাকে । অলিকসন্দের এই সকল অসাধারণ কার্য্য করিয়াছিলেন বলিয়াই তাঁহার নামের প্রতাপে নাগ্নরিকগণ নগর সমর্পণ করিতে লাগিলেন । ভূপতিগণ তাঁহার চরণপ্রান্তে ভূপতিত হইতে লাগিলেন । এই সময়ে প্রায় ৩০৪০টা নগর তিনি করতলগত করিতে সমর্থ হইয়াছিলেন । এই সকল নগরের মধ্যে সমুদ্র তটে অবস্থিত নগরের সংখ্যাই বেশী । এই সকল অধীন হওয়াতে পারসীকদের নৌশক্তি একেবারে সঙ্কুচিত হইয়া ছিল । যে সকল রাজদূত তাঁহার অনুগ্রহপ্রার্থী হইয়া আগমন করিয়াছিল অলিকসন্দের তাহাদের দেশ অধিকার করিয়া যথেষ্ট অনুগ্রহ প্রকাশ করেন । যে সকল রাজগুবর্গ রত্নোজ্জ্বল কিরীট পাঠাইয়া তাঁহার মস্তক শোভিত করিয়াছিল, বলা বাহুল্য তাঁহাদের কুললক্ষ্মী তাঁহাদিগকে পরিত্যাগ করিয়া অলিকসন্দেরই অঙ্কগতা হইয়াছিলেন ।

অলিকসন্দের যে সময় সমুদ্র তটে ফেসিলিসে অবস্থান করিতে ছিলেন, সে সময় তাঁহার বিরুদ্ধে অলিকসন্দের নামা তাঁহার একজন সেনানী পারশুরাজের সহিত ষড়যন্ত্র করিতেছিল । এই লোকটা তাঁহার পিতৃহত্যা করিয়া সর্বপ্রথম অলিকসন্দেরকে রাজা বলিয়া অভিবাদন করিয়াছিল বলিয়া, সে বিশেষরূপে সংকৃত হইয়াছিল । এ ব্যক্তি সংকৃত ও প্রধান পদে নিযুক্ত হওয়াতে

অনেকে মনে করেন অলিকসন্দরের ইঙ্গিতেই ফিলিপহত্যা সাধিত হইয়াছিল। পারশ্বপতি দারার সহিত ইহার পত্র ব্যবহার হইয়াছিল। পারশ্বপতি ইহার কাছে প্রস্তাব করিয়া পাঠান যে অলিকসন্দরকে কোনরূপে হত্যা করিতে পারিলে, তিনি তাহাকে মেসিডোনিয়ার রাজা করিয়া দিবেন, আর এক হাজার স্বর্ণ টেলেট অর্থাৎ প্রায় চল্লিশ লক্ষ টাকা প্রদান করিবেন। যে লোকটা এই প্রস্তাব লইয়া অলিকসন্দরের সেনানীর কাছে গমন করিতেছিল, সে সন্দেহ ক্রমে পারমিনিও কর্তৃক ধৃত হইয়া অলিকসন্দরের কাছে নীত হইয়া ছিল। অলিকসন্দর, সংবাদ বাহকের পরিণামের কথা অবগত হইয়া পাছে বিদ্রোহ বা সৈন্যগণ সহ পারসীক পক্ষে অবলম্বন করে, এই আশঙ্কায় তাঁহার এক জন কর্মচারীকে সেই দেশবাসীর পরিচ্ছদ পরিধান করাইয়া গোপনভাবে পারমিনিওর কাছে প্রেরণ করেন। প্রেরিত লোক, পাছে কোনরূপে শত্রু হস্তে পতিত হয়, এই ভয়ে অলিকসন্দর, কোনরূপ লিখিত পত্র প্রদান না করিয়া তাহাকে সুযোগ ক্রমে বন্দী করিতে মৌখিক উপদেশ প্রদান করিয়া ছিলেন। যথা সময়ে অলিকসন্দর বন্দী হইয়া ছিল এবং পরে পারমিনিওর পুত্র ফিলোটের হত্যার পর ইহার ও হত্যা সাধিত হয়।

অলিকসন্দর, ফেসিলিস হইতে পারগা নামকস্থানে সৈন্যগণকে প্রেরণ করিয়া, স্বয়ং কতকগুলি সৈন্য লইয়া পার্শ্বের পাদদেশ ও সমুদ্রের তট ভূমি দিয়া যে অতি বিপদজনক রাস্তা আছে, সেই রাস্তা দিয়া গমন করেন। এ রাস্তা দিয়া যাইলে অতি অল্প সময়ে গন্তব্য স্থানে উপনীত হওয়া যায়। অধিকাংশ সময়



এ পথ সমুদ্রজলে নিমগ্ন থাকায়, কেহ বড় এপথ দিয়া যাইতে সাহসী হয় না। সৌভাগ্য ক্রমে অলিকসন্দর সৈন্তসহ এপথ উত্তীর্ণ হইয়াছিলেন। একত্র সে কালের অনেকে তাঁহাকে ঈশ্বরের বিশেষ অনুগ্রহীত বলিয়া বিবেচনা করিতেন। অলিকসন্দরের গমনের সহিত দেশ ও নগর সকল তাঁহার অধিকার ভুক্ত হইতে লাগিল। যাহরা তাঁহার বিপক্ষতা আচরণ করিবার সক্ষম করিয়াছিল। তাহাদিগকে তিনি অকস্মাৎ আক্রমণ করিয়া তাহাদিগের বুদ্ধিবিপর্য্যয় করিতে লাগিলেন। অলিকসন্দর সে সময় কখন ভূমধ্য সাগরের তট ভূমে অবস্থান করিয়া শত্রুসৈন্ত মন্থন করিতেছিলেন, কখন বা কৃষ্ণসাগরের নিকটবর্তী প্রদেশে উপস্থিত হইয়া সকল কে বিষয়ে অভিভূত করিতে ছিলেন। অলিকসন্দর কৃষ্ণসাগরের নিকটবর্তী গরডিয়ামে অবস্থানকালে যে সকল বিবাহিত সৈন্ত দেশে গমন করিয়াছিল, তাহারা তাঁহার সহিত এই স্থানে মিলিত হয়। এই সকল সৈন্তের সহিত তিন হাজার মাসিদন পদাতিক এবং প্রায় ছয় শত অথারোহী আগমন করিয়াছিল। এখানে অবস্থান কালে তিনি গর্ডানগ্রহী ছিন্ন করিয়া এসিয়ার ভাবী অধিকার বলিয়া সকলের হৃদয়ে স্থান অধিকার করিয়াছিলেন। সে প্রদেশের জন সাধারণের এক্রপ ধারণা ছিল, যে কেহ এই গ্রহি খুলিতে সক্ষম হইবেন, তিনি এসিয়ার অধিকার হইতে সমর্থ হইবেন। অলিকসন্দর এই গ্রহি কোনরূপে খুলিতে সমর্থ না হইলে অবশেষে পার্শ্বস্থিত খড়্গদ্বার তাহা ছিন্ন করিয়া সকলকে মুক্ত করিয়াছিলেন।

অলিকসন্দর যে সময় গর্ডিয়মে অবস্থান করিতেছিলেন, সে সময় এথিনিয় দূত তাঁহার কাছে উপস্থিত হইয়া যে সকল

এথেন্সবাসী গ্রাণিকস যুদ্ধে বন্দী হইয়া মেসিদোনিয়ায় শৃঙ্খলিত হইয়া অবস্থান করিতেছে, তাহাদের মুক্তির প্রার্থনা করেন। পাছে তাহারা পুনরায় পারসীকদের সহিত মিলিত হইয়া, তাঁহার বিরুদ্ধে অঙ্গধারণ করে এই আশঙ্কা করিয়া তিনি দূতকে সময়াস্তরে তাঁহার সহিত সাক্ষাৎ করিতে অনুরোধ করেন। কুর্তিয়স্ বলেন, অলিকসন্দর মিশ্রদেশ হইতে প্রত্যাগমন করিলে সিরিয়াতে এথেনিয়ন দূত পুনরায় তাঁহার সহিত সাক্ষাৎ করেন এবং এসময় দূতের অনুরোধে বন্দীগণ মুক্তিলাভ করিয়াছিল।

## সপ্তম অধ্যায়

দেখিতে দেখিতে আবার বসন্তের আবির্ভাব হইল। অলিকসন্দরের অভিযানের প্রথম এবং জীবনের একুশ বৎসর অতীত হইল। বাইস বৎসরের একটা ছেলে এসিয়াধণ্ডে যেক্রপ নর-হত্যার শ্রোত প্রবাহিত, কত শত সহস্র, তাহার মত লোককে ছুঃখ সাগরে নিমগ্ন করিয়াছিল, সেক্রপ আর কেহ করিতে পারে নাই। পার্থিনিও প্রভৃতি সেনানী ও সৈন্তগণ সহ অলিকসন্দর আবার যুদ্ধ ক্ষেত্রে অবতরণ করিলেন। গরডিয়ম পরিত্যাগ করিয়া দক্ষিণাভিমুখে গমন কালে পশ্চিমধ্যে প্যাফলাগোমিয়া প্রদেশের দূত তাঁহার নিকট উপস্থিত হয়। এপ্রদেশ প্রচুর শক্তিশালী হইলেও, যুদ্ধক্ষেত্রে প্রায় লক্ষ অধারোহী লইয়া বাইতে

সমর্থ হইলেও, তাহারা অলিকসন্দের ভয়প্রদ নামের প্রভাবে সঙ্কোচিত হইয়া পড়িল। একবার সঙ্কোচিত হইলে, একবার পেশল হৃদয়ে ভয় প্রবেশ করিলে, সুদৃঢ় হস্ত পদাদি ও অবসর হইয়া পড়ে, তখন মানুষ নিজের শক্তি সামর্থের কথা সম্পূর্ণরূপে ভুলিয়া গিয়া থাকে। বিনা অস্ত্র প্রয়োগে, এক বিন্দু রক্তপাত না করিয়া, অলিকসন্দের প্যাফাগোনিয়াপ্রদেশ হস্তগত করিলেন। তিনি এ প্রদেশের শাসন ভার নিজের লোকের হস্তে অর্পণ করিয়া, ক্যাপাডোসিয়া অভিযুগে গমন করেন। এখানেও ভাগ্য লক্ষী তাঁহার প্রতি সুপ্রসন্না হইলেন। পূর্বের ত্যায় এপ্রদেশও বিনা আয়াশে তিনি প্রাপ্ত হইয়াছিলেন। ক্যাপাডোসিয়া হইতে সিলিসিয়াতে যাইতে হইলে টরস পর্বতের সঙ্কীর্ণ পথ অতিক্রমণ করিয়া গমন করিতে হয়। ইহা সমুদ্র হইতে প্রায় ৩ হাজার ৬ শত ফিট উচ্চ, এরূপ স্থল সুরক্ষিত হইলে অগ্নি লোকের সাহায্যে বহু সংখ্যক সৈন্যের গতি রোধ করিতে পারা যায়। পারসীকেরা, অলিকসন্দের গতি রোধ করিবার জন্য এই সঙ্কট বন্ধুর সুরক্ষিত করিয়াছিলেন। কোন কঠিন কার্য উপস্থিত হইলে অলিকসন্দের, কর্মচারীদের উপর নির্ভর করিয়া নিশ্চিন্ত থাকিতেন না। নিকটে পারমিনিওর ত্যায় অভিজ্ঞ সেনানী থাকিলে ও তিনি তাঁহার উপর একাধিক ভার প্রদান না করিয়া নিজেই সামান্য সৈনিকের ত্যায় সকলের অগ্রগামী হইয়া সকলকে পরিচালনা করিয়া বিপদ সমুদ্রে অবগাহন করিলেন। এরূপ করিতেন বলিয়াই তিনি সর্বত্র বিজয়শ্রীলাভ করিতেন। ইহাই তাঁহার সফলতা লাভের একতম গোপনীয় রহস্য। বিপদের সম্মুখীন হইতে অভ্যস্ত না হইলে দেবতারা সুপ্রসন্ন হন না।

যাহার নামের প্রতাপে শত্রুকুল অস্থ পৱিত্যাগ করিয়া বশুতা স্বীকার করিয়া থাকে, সঙ্কটবন্ধুর প্রহরী সকল, তাঁহাকে স্বয়ং আগমন করিতে দেখিয়া বিহ্বল হইয়া পড়িল । তাহারা নিজেদের প্রাণরক্ষায় ব্যতিব্যস্ত হইয়া কর্তব্য ভুলিয়া গিয়া পলায়নে প্রবৃত্ত হইল । অলিকসন্দর বিনা বাধায় এই দুর্গমস্থল অধিকার করিয়া সৈন্যগণসহ সিলিসিয়াতে অবতরণ করিলেন । দারার কর্মচারী এসময় বিপক্ষের আক্রমণ হইতে তারমুস নগর রক্ষা করিবার উদ্যোগ করিতেছিলেন । যখন তিনি শুনিলেন, সঙ্কটপথ অলিকসন্দর হস্তগত করিয়াছেন, তখন যাহাতে নগরের ধন ধাতু, শত্রুর হস্তে পতিত না হয়, সে জ্ঞাত্ত তিনি স্বয়ং ইহা লুণ্ঠন করিতে সঙ্কল্প করেন । চরমুখে একথা অলিকসন্দরের কর্ণগোচর হইতে বিন্দু হইল না । তিনি বিদ্রোহগতিতে পারসীক কর্মচারীর সঙ্কল্পকার্য্যে পরিণত হইবার পূর্বেই, নগরের উপর বজ্রের ন্যায় আপতিত হইলেন । অলিকসন্দরের আগমন সংবাদ শুনিয়াই পারসীককর্মচারী প্রাণভয়ে বিহ্বল হইয়া পলায়ন করিয়াছিলেন । অলিকসন্দর বায়ুবেগে আগমন করার অত্যন্ত শ্রান্ত হইয়া পড়িয়াছিলেন । সূর্য্যের উত্তাপে তাঁহার শরীর ঘর্ম্মাক্ত হইয়াছিল । তিনি কিঞ্চিৎমাত্র অপেক্ষা না করিয়া নগর মধ্যবাহিনী নদীর শীতল ও স্বচ্ছজলে অবগাহন করিয়া স্নান করিতে আরম্ভ করিলেন । ইহার ফল ফলিল, প্রবল জ্বর আসিয়া তাঁহাকে অধিকার করিল ।

ইহার সহিত অনিদ্রা, অস্থিরতা, মুচ্ছা, প্রভৃতি উপসর্গ আসিয়া ইহাকে অধিকতর প্রবল করিয়া তুলিল । চিকিৎসকও সঙ্গীগণ তাঁহার জীবনের আশা পৱিত্যাগ করিয়া হতাশ হইয়া পড়িলেন ।

রাজবৈষ্ণু ফিলিপ, রাজার জীবনের আশা পরিত্যাগ করেন নাই । তিনি অনুমান করিয়াছিলেন, কোঠপরিষ্কার করাইতে পারিলে জ্বরও ইহার সহিত উপসর্গ সকল কমিয়া যাইবে । অলিকসন্দর, তাঁহাকে ঔষধ প্রস্তুত করিতে আজ্ঞা করিলেন । এই সময় পারমিনিও একখানি পত্র অলিকসন্দরের হস্তে প্রদান করেন । তাহাতে লিখিত হইয়া ছিল যে “ফিলিপ, পারম্পতির উৎকোচে বশীভূত হইয়া ঔষধের সহিত বিষ প্রদান করিয়া প্রাণনাশ করিবে” । অলিকসন্দর পত্রপাঠ করিয়া কিছুমাত্র বিচলিত হইলেন না । ফিলিপ ঔষধ প্রস্তুত করিয়া আনিলে তিনি তাঁহাকে পত্রখনি পাঠ করিতে দিয়া স্বয়ং অবিকৃত বদনে ধীরে ধীরে ঔষধ পান করিতে লাগিলেন । পত্রপাঠকালে ফিলিপের মুখে কোনরূপ ভীতির লক্ষণ দেখিতে পাওয়া গেল না । ফিলিপ যে নির্দোষ ইহা বুঝিতে কাহারও বাকি রহিল না । অল্প সময়ের মধ্যে অলিকসন্দর সম্পূর্ণরূপে আরোগ্য লাভ করেন । এ সময়ের অলিকসন্দর চরিত্র অতীব বিশ্বয়জনক, তিনি বোধ হয় বিবেচনা করিয়াছিলেন, যে স্বদেশবাসীর কল্যাণ-কল্পে তিনি জীবন উৎসর্গ করিয়াছেন, সেই স্বদেশবাসী যদি নিজের দুইদিনের নারকীয় উন্নতির জন্ত, বিপক্ষ প্রদত্ত অর্থে মোহিত হইয়া তাঁহার হত্যা চেষ্টা করেন, তাহা হইলে এরূপ অবস্থায় মৃত্যুই আলিঙ্গনের বিষয় । সেইজন্য কি তিনি নির্ভয়চিত্তে ঔষধ পান করিয়াছিলেন ? সে যাহাহউক এ সময় অলিকসন্দর, তাঁহার পক্ষের লোকের উপর অটল বিশ্বাস অনন্ত সাধারণ, কিছুদিন পরে এই চরিত্র কিরূপ কলুষিত ঘৃণিত ও নীচত্বকে প্রাপ্ত হইয়াছিল তাহাও দেখাবার বিষয় । নয়বৎসর পরে হিপাস্তিয়ন, জরে, পঞ্চুর্ন লাভ

করিলে তাঁহার চিকিৎসককে অলিকসন্দর নির্দয়রূপ নিহত করিয়া শমন সদনে প্রেরণ করেন !

অনতিকাল মধ্যে, অলিকসন্দর সম্পূর্ণরূপে আরোগ্য লাভ করিলেন । তিনি পার্মিনিওকে প্রধান ২ গিরিপথ সকল পারসীকদের অধিকার করিবার পূর্বে অধিকার করিতে প্রেরণ করিলেন । অলিকসন্দর স্বয়ং দুর্বল হইলে ও তারশুস পরিত্যাগ করিয়া আফ্রিএলম নগর অধিকার করিয়া, সোলী নগর হস্তগত করেন । এ স্থানের নাগরিকরা পারসীকদের প্রতি আত্মগত্যা দেখাইত, এই অপরাধে তাহাদিগকে দুইশত রোপ ট্যালাণ্ট অর্থাৎ আমাদের বর্তমান মুদ্রায় ৭লক্ষ ২৬হাজার টাকা দণ্ড প্রদান করিতে হইয়াছিল । যে সকল সিলিসিয়াবাসী পর্বতে আশ্রয় লইয়া অলিকসন্দরের প্রতিপক্ষতা করিতেছিল, তিনি তাহাদিগকে দমন করিবার জন্ত এস্থান হইতে যাত্রা করেন । সপ্তাহকালের মধ্যে তিনি শত্রুগণকে পরাজিত এবং রাজব্যবহারে তাহাদিগকে তাঁহার অহুগত করিয়া সোলী নগরে প্রত্যাগমন করেন । এস্থানে অবস্থানকালে তিনি তাঁহার সেনাপতিগণের বিজয়বাহ্তা শ্রবণ করিয়া সবিশেষ উৎফুল্ল হন । তাঁহার উৎকট রোগ হইতে আরোগ্য লাভ, এবং সেনানীগণের বিজয় লাভের জন্ত তিনি এই নগরে কএকদিন উৎসবের অনুষ্ঠান করেন । ইহাতে নৃত্যগীত ও নানাপ্রকার ব্যায়াম প্রদর্শিত হইয়াছিল । এ দেশের অধিবাসীরা অলিকসন্দরের রূপায় স্বরাজ্য শাসনের ভারপ্রাপ্ত হইয়া কৃতকৃতার্থ হইয়াছিল । এ স্থান হইতে তিনি সানুস নগরে উপস্থিত হইয়া প্রতিপক্ষগণকে দণ্ড এবং স্বপক্ষীয়দিগকে সম্বৰ্দ্ধনা করিয়া নিজের শক্তি প্রতিষ্ঠা করিয়াছিলেন ।

অলিকসন্দর যে সময় বিধম জ্বরে অভিভূত হইয়া শয্যা-  
শায়ী হইয়াছিলেন, সে সময় তাঁহার অসুখের কথা দারার  
কাছে নীত হইয়াছিল। দারা প্রচুর সৈন্য সঙ্গে লইয়া অলিক-  
সন্দরকে আক্রমণ করিবার জ্ঞতা শীঘ্রগতিতে আগমন করেন।  
তিনি ইউফ্রেটীস নদীতে নৌসেতু প্রস্তুত করিয়া বিপুল সেনাসহ  
উত্তীর্ণ হন। নদী পার হইতে এই বিশাল সেনার পাঁচদিন সময়  
অতিবাহিত হইয়াছিল। প্লুতাকও এগ্রিয়ান বলেন, দারার সহিত  
৬লক্ষ যোদ্ধা আগমন করিয়াছিল, অপর পক্ষে ডিওডোরস্ ও  
জষ্টিন বলেন যে ৪ লক্ষ পদাতিক এবং এক লক্ষ অধারোহী  
সৈন্য অলিকসন্দরের বিরুদ্ধে যুদ্ধ করিবার জ্ঞতা আগমন করিয়া-  
ছিল। এই বিপুল লোকসমষ্টির আহাৰ্য্য দ্রব্যাদি লইয়া যাইবার  
জ্ঞতাও বড় কম সংখ্যক অধাদি পশুর প্রয়োজন হয় নাই। কেবল  
মাত্র পারশ্ব সন্নাটের ধনরত্ন বহন করিয়া লইয়া যাইবার জ্ঞতা  
৬শত অশ্বতর এবং তিন শত উষ্ট্র নিযুক্ত হইয়াছিল। পারশ্বপতি  
এই বিপুল বাহিনী লইয়া মসপটমিয়ার সমতলক্ষেত্রে অলিকসন্দ-  
রের সহিত বাহুবলের পরীক্ষা করিতে প্রথমতঃ মনন করিয়া-  
ছিলেন। মাস্তুষের যখন বুদ্ধিবিপর্যয় উপস্থিত হইয়া থাকে,  
তখন সে ছোটকে বড় এবং বড়কে ছোট বিবেচনা করিয়া  
প্রতারণিত হয়। পারশ্বপতি বিবেচনা করিলেন, অলিকসন্দর  
তাঁহার বহুল সৈন্যসহ আগমন কথা শ্রবণ করিয়া বিভীষিকাগ্রস্ত  
হইয়াছেন, সুতরাং তিনি তাঁহার ভয় ভাঙ্গিবার পূর্বেই তাঁহাকে  
আক্রমণ করিয়া সমূলে ধ্বংস করিবার জ্ঞতা অগ্রসর হইলেন।  
ইহার প্রতিকূলে যে কেহ পরামর্শ প্রদান করিলেন তাহা দারা-  
রুচিকর হইল না।

সিলিসিয়াতে গমন করিতে হইলে দুইটি গিরিপথ অতিক্রম করিতে হয়। প্রথম সমুদ্রকূলবর্তী সিরিয়া ঘাটি, ইহা দক্ষিণদিকে, উত্তর দিকে এমিনিক ঘাটি, ইউফ্রেটীস নদীর তটবর্তী ভূভাগ হইতে আগমন করিতে হইলে এই ঘাটি অতিক্রম করিতে হয়। দারা এমিনিক ঘাটি অতিক্রমণ করিয়া পর্বত ও সাগরের মধ্যবর্তী সংকীর্ণ ভূভাগে অবতরণ করেন। দারা মনে করিয়াছিলেন, তাঁহার এই বিপুলবাহিনী দ্বারা অলিকসন্দরের সৈন্য বেষ্টিত করিয়া বন্দী করিয়া লইবেন। একটি সামান্য ঘটনা তাঁহার এই কল্পনাকে অধিকতর বৃদ্ধি করিয়া দিয়াছিল। অলিকসন্দর ইতিপূর্বে ইসস অধিকার করিয়া কতকগুলি রুথ সৈনিক এখানে পরিত্যাগ করিয়া যান, দারা তাহাদিগকে অনায়াসে হস্তগত করিতে সমর্থ হইয়া নিজেকে অলিকসন্দর বিজয়ী বিবেচনা করিতে লাগিলেন। দারা যখন এইরূপ কাল্পনিক সুখে অভিভূত ছিলেন, সে সময় অলিকসন্দর দারাকে আক্রমণ করিবার জ্ঞা, জল-ঝড়ের বাধা না মানিয়া সিরিয়াঘাটি অতিক্রমণ করিতে-ছিলেন। হটাৎ সৈন্যসহ দারার পশ্চাতে আগমন সংবাদের উপর বিশ্বাস স্থাপন না করিয়া, অলিকসন্দর তাঁহার কতিপয় সহচর সৈন্যকে নৌকা করিয়া দেখিবার জ্ঞা প্রেরণ করেন। তাহারা দূর হইতে দারার বিপুল সৈন্য দেখিয়া প্রত্যাগমন করিয়া সমস্ত সংবাদ প্রদান করিল। ইতিমধ্যে দারার হস্তে নিগৃহীত সৈনিকগণও অলিকসন্দরের কাছে আগমন করিয়া দারার উৎপীড়িত কথা নিবেদন করিল।

দারার নিকটে আগমন কথা নিশ্চয়রূপে অবগত হইয়া, অলিকসন্দর তাঁহার পদাতিক অধারোহী সৈন্যের সেনাপতি-



গণ, এবং বন্ধুভাবে সমাগত গ্রীকদলপতিগণকে আহ্বান করিয়া, তাঁহাদিগের অতীত ও বর্তমান অবস্থা বুঝাইয়া দিয়া বলিলেন, “আপনারা ইতিপূর্বে বহুসংখ্যক যথেষ্ট বিপজ্জনক কার্য্য সম্পন্ন করিয়া আসিয়াছেন, সেইসকল অতীত কার্য্য স্মরণ করিয়া আপনারা এক্ষণে বর্তমান বিপদ উত্তীর্ণ হইবার জন্য বদ্ধপরিকর হউন । এক্ষণে আপনাদিগকে, আপনাদিগের সেই পরাজিত শত্রুর সম্মুখীন হইতে হইবে । বিধাতা যেন আমাদিগের সাহায্যের জন্য দারাকে বিস্তৃত ভূমি হইতে সংকীর্ণ স্থানে আনয়ন করিয়াছেন । ইহাতে আক্রমণ করিবার পক্ষে যথেষ্ট অনুকূলতা সাধিত হইবে, অথচ দারার অগণিত সৈন্যসকল স্থানের সংকীর্ণতার জন্য যুদ্ধকালে অকর্ম্মণ্য হইয়া পড়িবে । শত্রুসৈন্য বাহুবলে বা ধৈর্য্যে তাঁহাদের সমকক্ষ কোনরূপেই হইতে পারে না—পারসীক এবং তাহাদের সাহায্যকারী অত্যাচারী সৈনিকগণ ব্যাসনের দাস উদ্যমবিহীন ; অপর পক্ষে মামিদনের বীরগণ, বহুদিন হইতে শ্রমজনক ও বিপদপূর্ণ কার্য্যে অভ্যস্ত এবং স্বাধীন, এই সকল মুক্তপুরুষের সহিত যুদ্ধকালে পারসীক দাসগণ কখন অবস্থান করিতে সমর্থ হইবে না । আর এক কথা, যে সকল গ্রীকগণ শত্রুসহ মিলিত হইয়া আমাদের সহিত যুদ্ধ করিবার জন্য আগমন করিয়াছে, তাহাদের উদ্দেশ্য আর আমাদের উদ্দেশ্য দুইটি সম্পূর্ণ বিভিন্ন । তাহারা অকিঞ্চিৎকর বেতন লোভে যুদ্ধ হইয়াছে, সে বেতনও যথেষ্ট নহে । আর আমরা স্বতঃ প্ররুত হইয়া স্বদেশের চিরশত্রুকে ধ্বংস করিবার জন্য অসিকোষ যুদ্ধ করিয়াছি—স্বদেশের গৌরব বৃদ্ধি করিবার জন্য চিরস্থায়ী কৈৰ্ত্তি সংস্থাপন করিবার জন্য এই নখর শরীরকে উৎসর্গ করিয়াছি । আমাদের সহিত ইয়ুবোপের

সর্বপ্রধান বলিষ্ঠ ও যুদ্ধপ্রিয় জাতি সকল অবস্থান করিতেছে। ইহাদিগের সহিত এসিয়ার দুর্বল, চিরকারী, যুদ্ধবিমুখ জাতির যুদ্ধের পরিণাম যে কিরূপ হইবে, তাহা সহজে অনুমান করা যাইতে পারে। ইহা ব্যতীত দারা স্বয়ং যখন আমাদের বিরুদ্ধে সমর ক্ষেত্রে অবতরণ করিয়াছে, তখন ইহাতেই আমাদের শ্রেষ্ঠত্ব প্রতিপন্ন হইতেছে। আর এক কথা আমরা যত বেশী বিপদের সম্মুখীন হইব, আমাদের পুরস্কারের পরিমাণ ও ততই বাড়িয়া যাইবে। এখন আমাদের দারার প্রতিনিধি সেনানীর সহিত যুদ্ধ করিতে হইবে না—অথবা গ্রেনী—কসের অধারোহী কিম্বা বিশ হাজার ভাড়াটে গ্রীক সেনার সম্মুখীন হইতে হইবেনা। এখন আমাদের দারা পরিচালিত সমগ্র পারস্য সাম্রাজ্যের নানা জাতীয় সৈন্যের বাহুবল পরীক্ষা করিতে হইবে—এই পরীক্ষার অবসানে আর আমাদের কিছুই করিতে হইবে না। কেবলমাত্র সমগ্র এসিয়ার অধিকার গ্রহণ করিতে হইবে। আর আমাদের বহুদিনের সহচর ক্রেশকে বিদায় দিতে হইবে।” এই সকল কহিয়া অলিকসন্দর সমষ্টিগত সেনানীগণের অধ্যবসায়, যুদ্ধে অবিমুখতা, ধৈর্য্য, বীরত্ব প্রভৃতি গুণাবলী উল্লেখ করিয়া প্রশংসা করিলেন। তার পর যে সকল বীরবৃন্দ যুদ্ধকালে অদ্ভুত কার্য্য সম্পন্ন করিয়াছিলেন, সেই সকল বীরের প্রত্যেকের নামোল্লেখ করিয়া তাঁহাদের রণপাণ্ডিত্য অতিমানুষ অবদান পরম্পরা কীর্ত্তন করিয়া সকলকে সমুত্তেজিত করিয়া তুলিলেন। অনন্তর তিনি যেনেফন ও দশ হাজার গ্রীকের কথা সকলকে শ্রবণ করাইয়া বলিলেন, তাঁহারা সংখ্যায় ও বীরত্বে আমাদের সৈন্তের কোন-

রূপ সমকক্ষ না হইলে, ও তাঁহাদিগের সহিত আমাদিগের ন্যায় বিগুসিয়ান, ফিলোপনিসিয়ান, ফ্রেসিয়ান অথারোহী না থাকিলেও তাহারা পারসীকগণকে পরাস্ত করিয়া গন্তব্য স্থানে উপস্থিত হইতে সমর্থ হইয়াছিল ।” ইত্যাদি এবং অন্যান্য তৎকালোচিৎ বাক্যে অলিকসন্দর সেনানীগণকে সমুৎসাহিত করিয়াছিলেন । শ্রোতৃবর্গ অলিকসন্দরের কথায় যুদ্ধের জন্ম এরূপ অধীর হইয়াছিল, যে ক্ষণবিলম্বও তাহাদিগেরপক্ষে ক্রেশ জনক হইয়াছিল । আলেকজন্দর সেনা ও সেনানীগণকে ভোজন করিতে আজ্ঞা দিয়া যুদ্ধের জন্য প্রস্তুত হইতে আদেশ দিলেন । ঘাটির অবস্থা অবগত হইবার জন্য, তিনি কতকগুলি অথারোহী ও ধনুধারীকে তদভিমুখে প্রেরণ করিলেন । তিনি স্বয়ং সমস্ত সৈন্য পরিচালনা করিয়া নিশীথ রাত্রে পুনরায় ঘাটি অধিকার করেন । যাহাতে শত্রু অকস্মাৎ আক্রমণ করিতে না পারে সেজন্য উপযুক্ত প্রহরীগণকে যথা স্থানে অবস্থান করিতে আদেশ করিলেন ।

অলিকসন্দর সেনানীগণকে উৎসাহিত করিবার জন্য, মুখে যাই বলুন না কেন, তিনি বিপদের গুরুত্ব যথাযথ অনুভব করিতে সমর্থ হইয়াছিলেন । বিজয় লাভে অসমর্থ হইলেও তাঁহার এ পরাজয় ও শ্লাঘনীয় বোধে চিরদিন স্মরণীয় হইত, এবিষয়ে সন্দেহ নাই । অলিকসন্দর জয় ও পরাজয় উভয়ের জন্ম প্রস্তুত হইয়া, পর্বতের শিখরদেশে মশালের আলোক সাহায্যে অধিরোহণ করিয়া জয়লাভের জন্য ভগবানের উদ্দেশে উপাসনা করেন । সৈন্যগণ যুদ্ধসজ্জাতেই কিয়ৎক্ষণ বিশ্রাম করিয়া সূর্য্যোদয়ের পূর্বে গমন করিতে আদিষ্ট হইল ।

সূর্যোদয়ের সহিত আপন আপন নির্দিষ্ট স্থান সেনানীগণ অধিকার করিল। এস্থান হইতে দারা প্রায় দেড় বাইল দূরে অবস্থান করিতেছিলেন, অগ্রে অবস্থিত সৈনিক যুদ্ধে, একথা অবগত হইয়া অলিকসন্দর সৈন্যগণকে অপেক্ষা করিতে আদেশ দিয়া যুদ্ধের জ্ঞাত্য ব্যুহরচনা করিতে প্রবৃত্ত হইলেন।

দারা, কৃষকদিগের যুদ্ধে, অলিকসন্দর তাঁহাকে আক্রমণ করিতে আসিতেছেন, একথা শুনিয়া কোনরূপে তাহাতে বিশ্বাস স্থাপনকরিতে প্রবৃত্ত হইলেন না।—যাহার তিনি পশ্চাৎ অনুসরণ করিতেছেন,—যে তাঁহার বিপুলবাহিনীর ভয়ে পলায়নে প্রবৃত্ত হইয়াছে, সে যে তাঁহাকে আক্রমণ করিতে আসিবে, একথা তাঁহার মনে প্রথমে কোনরূপ স্থানলাভ করিল না। সৈন্য সকল যদৃচ্ছাক্রমে গমন করিতে প্রস্তুত হইতেছিল, এরূপ অবস্থায় অকস্মাৎ তাহাদিগকে যুদ্ধ করিতে হইবে, ইহাতে তাহাদিগের মধ্যে বেশ চাঞ্চল্য দেখা দিল। যুদ্ধের জ্ঞাত্য প্রস্তুত হইবার সময়, পারসীকদের মধ্যে বিশৃঙ্খলা উপস্থিত হইল। দারা প্রথমে মনে করিয়াছিলেন, পাহাড় অধিকার করিয়া এক দল শত্রুর সম্মুখ, অপর দল পশ্চাৎ ভাগ আক্রমণ করিবে। অপর এক ভাগ তাঁহার বামভাগে সমুদ্রের তটে অবস্থান করিয়া শত্রুসৈন্য আক্রমণ করিতে আদিষ্ট হইল। আর বিশ হাজার তীরন্দাজ উভয় সৈন্যের মধ্যবর্তী পিনারস নামক নদী অতিক্রমণ করিয়া যুদ্ধ করিবার জ্ঞাত্য অনুজ্ঞাত হইল। দারার দূরদৃষ্ট ক্রমে তাঁহার আজ্ঞানুসারে কার্য্য হইল না। কোন বিভাগ ভীকৃত্য বশত তাঁহার আদেশ প্রতিপালন করিতে বিলম্ব করিল। আর যাহারা কার্য্য করিল, তাহারা পূর্ণ হৃদয়ে

না করায়, সমস্ত সৈন্য মধ্যে ঘোরতর বিশৃঙ্খলা উপস্থিত হইল । যেখানে শৃঙ্খলা, যেখানে কর্তব্য প্রতিপালনে অনুরাগ, যেখানে বীরগণ অকাতরে শোণিতধারা প্রবাহিত করিয়া স্বদেশের গৌরব অর্জনের জন্ত বদ্ধপরিকর, সেখানে অভিনেতা পুরুষগণের সংখ্যা অতি অল্প পরিমাণে হইলেও বিজয়শ্রী তাঁহাদিগকেই আলিঙ্গন করিয়া থাকেন ।

অলিকসন্দর, তাঁহার অভেদ্য বাহিনীকে সম্মুখভাগে স্থাপন করিয়া পার্মিনিও পুত্র নিকানরকে দক্ষিণ ভাগে রক্ষা করিলেন, তাঁহার নিকট পর্য্যায়ক্রমে কেইনস্, পার্দিকা, মিলেগার, তুরময়, আমিস্তাস প্রভৃতি বীরগণ স্বীয় স্বীয় বাহিনী লইয়া শত্রুপক্ষ আক্রমণ করিবার জন্ত অবস্থান করিলেন । বামভাগে সমুদ্রের দিকে ক্রিতিরস ও পার্মিনিও নামক অভিজ্ঞ সেনানী দ্বয়ের জন্ত নির্দিষ্ট হইল ।

উভয় সেনা পরস্পরের নিক্ষিপ্ত তীরের বর্হিদেশে অবস্থান করিলেও পরস্পরের দৃষ্টির বিষয়ীভূত হইল । পারসীকদিগের অগ্রবর্তী সৈনিকগণ শত্রুগণকে দেখিয়া, পরস্পর বিধম স্বরে চীৎকার করিয়া উঠিল । গ্রীকগণ এক স্বরে তাহার প্রভুত্তর প্রদান করিল—বোধ হইল যেন অসংখ্য সৈন্য কণ্ঠ হইতে সেই স্বর নিঃসৃত হইয়াছে, তাহা পর্বতে ও বনে প্রতিধ্বনিত হইয়া সে প্রদেশকে অত্যন্ত মুখরিত করিয়া তুলিল । শত্রুগণ এই স্বর শ্রবণ করিয়া, সন্মোহিত হইয়া মনে করিল ইহারা সংখ্যাতেও বড় কম নহে । অলিকসন্দর, সৈন্যগণকে গর্জন করিতে দেখিয়া তাহারা পাছে যুদ্ধের পূর্বেই এইরূপ চীৎকার করিয়া ক্লান্ত হইয়া পড়ে, এজন্ত শব্দ করিতে নিষেধ করিয়াছিলেন । অলিক-

সন্দর, অখারোহণ করিয়া নানাদেশীয় সমবেত গ্রীক সেনার অগ্রবর্তী হইয়া, তাহাদের প্রত্যেক জাতিকে লক্ষ্য করিয়া উত্তেজিত করিয়া ছিলেন। মাসিডুনিয়ানদিগকে, তাহাদিগেরপূর্ব বীর্য্য অরণ করাইয়া বলিলেন “বীরহের ইতিহাসে তোমাদের দুর্জয় সাহস সুপ্রতিষ্ঠালাভ করিয়াছে, ইয়ুরোপীয় বহু যুদ্ধে তোমরা বিজয়শ্রী অনেকবার লাভ করিয়াছ। এক্ষণে তোমরা আমার সহিত স্বতঃপ্রবৃত্ত হইয়া এবং সুদূর প্রাচ্যভূমি পদানত করিবার জ্ঞা মিলিত হইয়াছে। ভীম পরাক্রম হারকুলিস এবং প্রবলপ্রতাপ ব্যাকস্ যে প্রদেশে কখন গমন করিতে সমর্থ হন নাই, তোমরা সে দেশেও গমন করিয়া তাহা অধীনে আনয়ন করিয়া এক অভিনব সাম্রাজ্য সংস্থাপন করিবে। কেবলমাত্র পারস্যকরাই এ সাম্রাজ্যের অধিবাসী হইবে না, পরন্তু সকলজাতিই ইহার অন্তর্ভুক্ত হইবে। আমাদের পরাজিত দেশের মধ্যে ব্যাক্ত্রিয়া (বহ্লিক) ভারতবর্ষ প্রভৃতি দেশ পরিগণিত হইবে। এই যুদ্ধে বিজয়লাভের সহিততোমরা বহুবিধ অভাবনীয় বহুমূল্য দ্রব্য হস্তগত করিতে সমর্থ হইব। ইলিরিয়ম বা থ্রেসের অন্তর্ভুক্ত পার্শ্ববর্তী ভূমি, তোমাদের পরিশ্রমের পুরস্কার স্বরূপ হইবে না। পরন্তু প্রাচ্যদেশের প্রচুর ধনরত্নরাজী পরিপূর্ণ তাণ্ডার গৃহের দ্বার তোমাদের জ্ঞা উদ্বাটিত হইবে। ইহার জ্ঞা তোমাদিগকে যে বিশেষরূপে অস্ত্র চালনা করিতে হইবে বলিয়া আমার বোধ হয় না। ঐ দেখ ইহার মধ্যেই শত্রুসৈন্য মধ্যে চাঞ্চল্য দেখাদিয়াছে, তাহারা যেন বিভীষিকাগ্রস্ত হইয়াছে। ঢালের ধাক্কাতেই আমরা জয় শ্রীলাভ করিতে পারিব, বলিয়া আমার বোধ হইতেছে। অলিকসন্দর, তাহার পিতার এথেন্স

বিজয়ের কথা স্বরণ করাইয়া দিয়া, তিনি নিজেদের খেবসংস এবং অষ্ঠাণ্ড বিজয় লাভের কথা স্বরণ করাইয়া দিলেন—  
 গ্রেনিকসের যুদ্ধের কথা কহিয়া, বহু সংখ্যক এসিয়ার নগর তাহাদের বীরত্বে কিরূপে পদতলগত হইয়াছে, সে সকল কথা উল্লেখ করিয়া তিনি ম্যাসিডনিয়ার যোদ্ধাগণকে যুদ্ধের জন্ত উন্মত্ত করিয়া তুলিলেন । অলিকসন্দর, গ্রীক সৈনিকগণের মধ্যগত হইয়া তাহাদিগের উদ্দেশে বলিলেন “ঐ দেখ বর্ষর দিগের সৈন্ত সকল, আমাদিগের পুরোভাগে অবস্থান করিতেছে । ইতিপূর্বে, ইহার দারা ও জারাক্সেস কর্তৃক পরিচালিত হইয়া গ্রীকবাসীর বিরুদ্ধে যুদ্ধ করিয়াছিল—ইহার তোমাদের জল ও স্থল কলুষিত ও অপবিত্র করিয়াছিল—ইহার তোমাদের প্রেয় প্রস্রবণ ও ভোজ্যদ্রব্য সকল বিধ্বংস করিয়া অত্যাচারের পরাকর্ষ্য দেখাইয়াছিল । ইহারাই তোমাদের গ্রাম ও নগর সকল লুণ্ঠন, এবং দেবালয় সকল অগ্নিযোগে ভগ্নাভূত করিয়া বর্ষরতার এক শেষ প্রকাশ করিয়াছিল, ইত্যাদি কহিয়া অলিকসন্দর, লুণ্ঠনাদি কার্যে সুনিপুণ ইলিরিয়া এবং থ্রেস দেশবাসীর মধ্যবর্তী হইয়া তাহাদিগের উদ্দেশে বলিলেন “শত্রুসৈন্ত নিরীক্ষণ করিয়া দেখ, ইহার কেমন বহুমূল্য বস্ত্রে ও অলঙ্কারে পরিশোভিত হইয়াছে, ইহাদের শারীরে বর্ণ নাই—এই সকল স্বীভাবাপন্ন ব্যক্তিদিগের নিকট হইতে বহুমূল্য দ্রব্য সকল গ্রহণ করিবার জন্ত উত্তম কর । তোমাদের তৃণশূণ্ড, গুহ, শীতল, তুষার পর্কিতের পরিবর্তে, পারস্যের উপাদেয় ফল ফুল পরিপূর্ণ উর্বর ভূমি গ্রহণ করিবার জন্ত বন্ধপরিকর হও।” অলিকসন্দর যখন প্রত্যেক সেনানী ও সৈন্তগণকে লক্ষ্য করিয়া যুদ্ধের

জ্ঞাৎসাহিত করিতেছিলেন, সেই সময় পারসীক সৈন্য তাঁহাদিগকে আক্রমণ করিবার জ্ঞাৎসর হয়।<sup>১</sup> অল্পক্ষণের মধ্যে এই বিপুল সেনাসমষ্টি পরস্পর দ্বন্দ্বযুদ্ধে প্রবৃত্ত হইল। পারসীকগণ সংকীর্ণ স্থানে বহুসংখ্যক অবস্থান করায় তাহাদের অস্ত্রচালনায় অত্যন্ত অসুবিধা উপস্থিত হইল—এরূপ অসুবিধা হইলেও তাহারা যুদ্ধ করিতে পরাংমুখ হয় নাই।

পারস্তপতির গ্রীক সৈন্যগণ, ভীম পরাক্রমে মাসিডুনিয়ান বাহিনী আক্রমণ করিয়া বিপর্যস্ত করিয়া তুলিয়াছিল। এ সময় বিজয়লক্ষী দারার অক্ষশায়িনী হইল বলিয়া বোধ হইল। এসময় যদি পারসীকগণ অপরদিকে দৃঢ়তার সহিত যুদ্ধ করিত, তাহা হইলে অলিকসন্দরের নাম গন্ধ চিরকালের জ্ঞাৎসেইস্থানে অন্তর্হত হইত। মাসিডুনিয়ানগণ, গ্রীকদিগের সহিত তাহাদিগের পূর্ব শত্রুতা অরণ করিয়া, ঘোরতররূপে যুদ্ধ করিতে প্রবৃত্ত হইল। এই সময়ের ঘোরতর যুদ্ধে, সেলুকস পুত্র গুলোমি প্রমুখ যোদ্ধাগণ প্রচণ্ডকার্য্য সম্পন্ন করিয়া পঞ্চত্ন লাভ করেন। অলিকসন্দর, স্বহস্তে দারাকে নিধন করিবার জ্ঞাৎস, শত্রুসৈন্য-সমুদ্রে অবগাহন করেন।—দারাকে রক্ষা করিবার জ্ঞাৎস সম্রাট পারসীক কৰ্ম্মচারীগণ অকাতরে শরীর বিসর্জন করিয়া, প্রভু-ভক্তির পরাকর্ষ্য প্রদর্শন করেন। পারসীক সৈন্য ঘোরতর বিক্রমে যুদ্ধ করিলেও তাঁহারা বিজয়শ্রীলাভ করিতে সমর্থ হইলেন না। শত্রুর প্রচণ্ড আক্রমণে যখন পারসীক সৈন্য রণে ভঙ্গ দিয়া পলায়নে প্রবৃত্ত হইল, যখন রণস্থলে অবস্থান করিলে অলিকসন্দরের হস্তে দারার বন্দী বা নিহত হইবার সম্ভাবনা বিবেচিত হইল, তখন পারস্তপতি যখন আ



অবস্থান করা শ্রেয়স্কর নহে বিবেচনা করিয়া, অথারোহণ করিয়া কাপুরুষের ছায়, প্রাণ অপেক্ষা প্রিয়তর, সম্মান পরিত্যাগ করিয়া প্রাণ লইয়া পলায়ন করিলেন। এতদিনের পরিশ্রম, উত্তম—আশা—সম্মান একদিনের কয়েক মুহূর্তের কাপুরুষ-তায় ধূলায় মিলাইয়া গেল। অপর পক্ষে অলিকসন্দর, ধন, জন বলে বলীয়ান হইলেন, এবং তাঁহার উন্নত আশা অধিকতর উন্নত হইল।

এই যুদ্ধের পূর্বে, যে সকল গ্রীসবাসী প্রবল প্রতাপ এসিয়ার নামেই সম্বোধিত হইয়াছিল, তাহাদিগের সে মোহ দূর হইতে আরম্ভ হইল। হঠকারিতার জগুই দারাকে এই দুর্দশাগ্রস্ত হইতে হইয়াছিল। তিনি যদি তাঁহার নৌবল সাহায্যে, অথবা বিপুল বাহিনী দ্বারা অলিকসন্দরের সংবাদ আদান প্রদান এবং খাদ্যাদি প্রাপ্তি পক্ষে বাধা দিয়া তাঁহাদিগকে বিপন্ন করিতে পারিতেন, তাহা হইলে তাঁহার শোচনীয় পরিণাম তত শীঘ্র কখনই হইত না। তিনি মসপটামিয়ার সমতলক্ষেত্র পরিত্যাগ করিয়া, এবং অলিকসন্দরের কোনরূপ সংবাদ না রাখিয়া কেবলমাত্র নিজের তথা কথিত শ্রেষ্ঠতার উপর নির্ভর করিয়া এই দশা কে প্রাপ্ত হইয়াছেন।

° ইসসক্ষেত্রে যুদ্ধ বেশী না হইলেও, মনুষ্য হত্যা যথেষ্টরূপে হইয়াছিল। পারসীক পক্ষীয় প্রায় একলক্ষ পদাতিক এবং দশ হাজার অথারোহী, এই ক্ষেত্রে চিরনিদ্রায় শয়ন করিয়া-ছিলেন।।০ একরূপ কথিত হয় দারাকে অল্পসরণকালে একটী নদী শবদেহে একরূপ পরিপূর্ণ হইয়াছিল যে. তাহা অভিক্রমণকালে তাহাদের উপর দিয়া গমনাগমন করিতে হইয়াছিল। ৪০।৫০

হাজার দৃঢ়প্রতিজ্ঞ—প্রাণ প্রদান করিয়াও অভিষ্ট সাধনে কৃত-  
নিশ্চয় পুরুষের হস্তে যে, একলক্ষ পদাতিক এবং দশ হাজার  
অধারোহী নিহত এবং প্রায় পাঁচলক্ষ সৈনিক যে পরাভূত হইয়া  
প্রাণ লইয়া পলায়ন করিবে ইহা কিছু আশ্চর্য্য নহে। যেখানে  
পুরুষ, একপ্রাণে—চামড়ার সূখ দুঃখের প্রতি ক্রক্ষেপ না করিয়া,  
কার্য্য করিতে অগ্রসর হন, সেখানে তাঁহাদের প্রতিকূলে বিশ্ব-  
ব্রহ্মাণ্ড দণ্ডায়মান হইলেও, সেই লোকোত্তর পুরুষগণ অসামান্য  
সফলতা লাভ করিয়া জগৎমধ্যে প্রপূজিত হইয়া থাকেন। এই  
ঘোরতর সংগ্রামে অলিকসন্দরের পক্ষীয় পাঁচশত চারজন আহত,  
এবং একশত ৮২ জন যুদ্ধবীর সুরলোকে গমন করিয়াছিল।  
এই যুদ্ধে জয়লাভ করিয়া অলিকসন্দর যেরূপ প্রধান লাভ  
করিয়াছিলেন, তাহার তুলনায় এই হতাহতের সংখ্যা কিছুই নহে  
ইহা বলাই বাহুল্য।

একটা ছেলের অবিশ্বাস্যকারিতার ফলে যে দারাকে জীপুত্র  
মাতা প্রভৃতিকে পরিত্যাগ করিয়া প্রাণ লইয়া পলায়ন করিতে  
হইবে, ইহা তিনি স্বপ্নেও চিন্তা করিতে পারেন নাই। যুদ্ধস্থল  
পরিত্যাগ করিয়া, দারা অতি অল্প সংখ্যক সংচর সহ পলায়ন  
করিতে প্রবৃত্ত হইলেন। রাত্রির অন্ধকার, তাঁহার এই কার্য্যের  
সহায়তা করিয়াছিল। এরূপ কথিত হয়, দারা যে ঘোটকীতে  
আরোহণ করিয়াছিল, সেই ঘোটকী তাহার নবপ্রসূত সাবকের  
অনুরাগে অতি দ্রুতবেগে গৃহ উদ্দেশ্যে গমন করিয়াছিল।  
এজন্য পরিশ্রান্ত অলিকসন্দর ও তাঁহার সৈনিকগণ দারার অনু-  
সরণ করিঙে সমর্থ হয় নাই। এইজন্য দারাও নির্বিঘ্নে নিরাপদ  
স্থানে গমন করিতে পারিয়াছিলেন।

দারার ৪ হাজার টালান্ট বা ১ কোটি ১২ লক্ষ পঞ্চাশহাজার টাকা এবং বিলাসদ্রব্য পরিপূর্ণ সুন্দর সুন্দর শিবির সকল বিজেতার করতলগত হইল। যুদ্ধোপযোগী দ্রব্যসম্ভার অপেক্ষা স্বর্ণ ও রৌপ্যপাত্র এবং নানা প্রকার বহুমূল্য বস্ত্রে এই সকল শিবির পরিপূর্ণ ছিল। দারার মাতা, স্ত্রীপুত্র কন্যা ও দুর্ভাগ্য বশতঃ বিজেতার হস্তগত হইয়াছিলেন। অলিকসন্দর তাঁহাদিগের প্রতি যথেষ্ট সজ্ঞতা দেখাইয়াছিলেন—পাছে তাঁহারা অবমানিত হন, এজন্য তিনি স্বয়ং গমন, বা অন্য কাহাকেও তাঁহাদের শিবিরে যাইতে আজ্ঞা প্রদান করেন নাই। দারার মহিষী এসিয়ার মধ্যে অনিন্দ্যসুন্দরী বলিয়া সে সময়ে কীর্তিত হইতেন। তাঁহার সৌন্দর্য্যের কথা, অলিকসন্দর তাঁহার কাছে কীর্ত্তন করিতে নিষেধ করিয়া দেন। দারার অনুসরণ হইতে অলিকসন্দর প্রত্যাগমন করিলে, শকটে পারস্ত পতির পরিত্যক্ত পরিচ্ছদ ও ধনুক আনীত হইয়াছিল। পারসীক শিবিরের কর্মচারীরা ইহা দেখিয়া তাহাদের অধিপতির মৃত্যু হইয়াছে অনুমান করিয়া দারার জননীর কাছে এই সংবাদ প্রেরণ করে। ইহাতে তাঁহাদিগের মধ্যে ক্রন্দন রোল উপস্থিত হয়। অলিকসন্দরের জজ্ঞা দেশে তরবারির আঘাতে কাটীয়া গেলেও তিনি যখন তাঁহার সহচরগণের ভোজন সময়ে উপস্থিত থাকিয়া তাঁহাদিগকে সম্বর্দ্ধনা করিতে ছিলেন। সেই সময় সহসা এই রোদনধ্বনি তাঁহাদের প্রতিগোচর হয়। ইহার কারণ অবগত হইলে তিনি তাঁহার একজন বিশ্বস্তব্যক্তিকে “দারার মৃত্যু হয় নাই” এই সংবাদ প্রেরণ করিয়া তাঁহাদিগকে আশ্বস্ত করেন। পরদিন প্রাতঃকালে অলিকসন্দর তাঁহার তুল্য পরিচ্ছদ ও অবয়ব প্রাপ্ত

এক বন্ধুসহ দারার মাতাকে দেখিতে গমন করেন। দারার জননী, বন্ধুকে, অলিকসন্দর ভ্রমে অবনত হইয়া অভিবাদন করিলে পর তিনি স্বীয় ভ্রম বুঝিতে পারিয়া লজ্জিত হন। অলিকসন্দর তাঁহাকে লজ্জিত হইতে দেখিয়া বলেন, “হিপাস্টিয়ান ও একজন অলিকসন্দর” অর্থাৎ বন্ধুর শরীর পৃথক হইলেও প্রাণ এক বলিয়া কথিত হইয়া থাকে। অলিকসন্দর দুর্দশাপন্ন দারার জননীকে “রাজ্ঞী” “জননী” ইত্যাদি শব্দে সম্বোধন করিয়া, এবং নিহত সম্রাট পারসীক যোদ্ধাগণকে সামরিক প্রথায় সমাহিত করিয়া, যথেষ্ট মহত্তার পরিচয় দিয়াছিলেন। খৃঃ পূঃ, ৩৩ অব্দের কার্তিকমাসে এই যুদ্ধ সংঘটিত হইয়াছিল।

যুদ্ধে বিজয় লাভ করিয়া অদূরদর্শী সেনাপতির জায় উৎসবে নিমগ্ন না থাকিয়া অলিকসন্দর সেনানী পার্শ্বিনীকে দামাস্কাস অভিমুখে প্রেরণ করেন। এ স্থানে দারার অধিকাংশ ধনসম্পত্তি এবং যুদ্ধোপযোগী দ্রব্য সকল রক্ষিত হইয়াছিল। পার্শ্বিনীও অনায়াসে সেই সকল দ্রব্য হস্তগত করিয়া রাজধনভাণ্ডার পরিপূর্ণ করেন। ইহার সহিত দারার নর্তকী, পাচক প্রভৃতি এবং সম্রাট কৰ্মচারীদের পরিজন সকল এবং গ্রীস হইতে সমাগত দূত সকল ও তাঁহার হস্তে আপতিত হয়।

অলিকসন্দর স্বয়ং সমুদ্রের তটস্থ ভূভাগ অধিকার করিয়া, মারাথস নামক স্থানে উপনীত হন। এ স্থানে দারারদূত তাঁহার কাছে আগমন করিয়া, স্বীয় প্রভুর জননী, পত্নী, প্রভৃতির মুক্তি প্রার্থনা করিয়া পত্র এবং বক্তব্য নিবেদন করেন। পত্রে লিখিত হইয়াছিল যে, “অলিকসন্দরের উচিত তাঁহার মাতা, স্ত্রী ও সমস্ত গণের মুক্তি প্রদান করা, এজন্য সমস্ত মাসিদোনিয়ার যত

মূল্য তত অর্থ প্রদান করিতেও প্রস্তুত । সাম্রাজ্য সম্বন্ধে অলিক-সন্দের কোনরূপ অভিপ্রায় থাকিলে, তিনি অতিক্ষেত্রে আর একবার পরীক্ষা করিবেন । অলিকসন্দার যদি সংপরামর্শ গ্রহণ করেন, তাহা হইলে পরের রাজ্য পরিত্যাগ করিয়া তাঁহার নিজের রাজ্য সমুদ্বিষ্টে অবস্থান করা উচিত । যদি এরূপ করেন তাহা হইলে তিনি দারাকে বন্ধুরূপে প্রাপ্ত হইতে পারেন । বিশ্বাস স্থাপনের জন্ত কার্য্য করিতে প্রস্তুত আছেন । অলিক-সন্দের এ পত্রের প্রত্যুত্তরে লিখিলেন—রাজা অলিকসন্দের নিকট হইতে দারার কাছে ।

তুমি যে দারার নামগ্রহণ করিয়াছ, তিনি আইওনিয়ার গ্রীক ঔপনিবেশিক এবং হেলিসপন্ট এর উপকূল নিবাসী গ্রীকগণকে নির্দয়রূপে নিহত করিয়াছিলেন । অনন্তর তিনি সমুদ্র উত্তীর্ণ হইয়া মেসিডন এবং গ্রীসদেশ আক্রমণ করেন । তারপর, সেই বংশোদ্ভব জারাক্সাস অগণিত বর্ষের সহ আমাদিগকে আক্রমণ করিয়াছিলেন । যদিও তিনি নৌযুদ্ধে পরাস্ত হইয়াছিলেন, তথাপিও তিনি মার্দনিয়নগণকে গ্রীসে রাখিয়া যান, তাহারা তাহার অবর্তমানে, গ্রাম ও নগর সমূহ লুণ্ঠন, শস্যক্ষেত্র সকল দহন করিয়াছিল । আর কে না অবগত আছে, তোমার অর্থে পরিপুষ্ট জনগণ কর্তৃক আমার পিতা নিহত হইয়াছেন । তোমরা কূটনীতি অনুসরণ করিয়া যুদ্ধ পরিচালনা কর, অস্ত্রের অভাব না থাকিলেও, তুমি তোমার শত্রুর মস্তক অর্থের বিনিময়ে ক্রয় করিতে চেষ্টা করিয়া থাক । সুস্প্রতি তুমি বহু সৈন্যসহ অবস্থান করিলেও, আমাকে হত্যা করিবার জন্ত সহস্র ট্যাণাণ্ট প্রদান করিতে স্বীকৃত হইয়াছিলে । আমি প্রথমে শত্রুতায় প্রবৃত্ত হই

নাই; এরূপ ভাবে যাহারা শত্রুতা করে, তাহাদিগকে সমূলে ধ্বংস করিবার জন্ত আমি অস্ত্রধারণ করিয়াছি। বিধাতা ঈশ্বরের পক্ষপাতী। এসিয়ার বহু প্রদেশ আমার রাজ্যের অন্তর্ভুক্ত হইয়াছে, এবং স্বয়ং তোমার উপরও জয়লাভ করিতে সমর্থ হইয়াছি। যুদ্ধনীতি অনুসারে তুমি আমার সহিত ব্যবহার কর নাই, তজ্জন্ত আমার নিকট তুমি সদয় ব্যবহার প্রত্যাশা করিতে পার না। তথাপিও যদি তুমি অনুগ্রহ প্রার্থী হইয়া আমার নিকট উপস্থিত হও, তাহা হইলে আমি স্বীকার করিতেছি যে, তোমার মাতা স্ত্রী ও সন্ততিগণকে বিনা অর্থে মুক্তি প্রদান করিব। কেমন করিয়া জয় করিতে হয়, এবং কিরূপেই বা পরাজিতের দুঃখ বিমোচন করিতে হয়, তাহা আমি অবগত আছি। আমার নিকটে আসিতে কি তুমি ভীত হও? এখানে আসিলে তোমার গমনাগমনের কোনরূপ প্রতিবন্ধক উপস্থিত হইবে না। তোমার বিশ্বাসের জন্ত প্রতিভূ প্রেরণ করিতে প্রস্তুত আছি। ভবিষ্যতে যখন পত্র লিখিবে তখন স্বরণ রাখিবে যে, একজন রাজাকে লিখিতেছে না, কিন্তু তোমার রাজাকে লিখিতেছে। থারসিপস কোনরূপ কথা বলিতে নিষিদ্ধ হইয়া এইপত্র লইয়া দারার নিকট গমন করিয়াছিল।

যুদ্ধের পূর্বে যে সকল এথিনিয়ন, স্পার্টান ও থেববাসী "দূত মেসিনদের বিপক্ষে দারার সাহায্য প্রাপ্তি বাসনায় আগমন করিয়াছিল, পার্মিনিও তাহাদিকে বন্দী করিয়া অলিকসন্দর সমীপে প্রেরণ করেন। এই সকল সম্ভ্রান্ত বংশীয় বিশিষ্ট ব্যক্তি অলিকসন্দরের নিকট আনীত হইলে, তিনি স্পার্টান ব্যতীত থেব ও এথেন্সবাসীকে মুক্তি প্রদান করেন। প্রথমোক্তদের

সম্বন্ধে তিনি বলেন, যাহাদের দেশ, মিসরদনবাসীরা সম্পূর্ণরূপে ধ্বংস করিয়া ফেলিয়াছে, যাহারা তাহাদের কৃতদাসরূপে পরিণত হইয়াছে, তাহারা যে নিজেদের প্রাচীন গৌরব পুনঃ প্রতিষ্ঠার জন্ত, আমাদের শত্রুর সহিত মিলিত হইবে, ইহা কিছু অস্বাভাবিক নহে, ইহা কহিয়া তিনি তাহাদিগকে মুক্তি প্রদান করেন । এবং ব্যক্তিগত ভাবে এক জনের উচ্চাংশের জন্ত, অপরকে অলিমফিক ক্রিড়ায় জয়লাভের জন্ত সম্মানিত করেন । অলিকসন্দর, এথেন্সের প্রতি সন্তোষ, এবং তাঁহার পিতাকে সম্মান দেখাইবার জন্ত এথিনিয়ন ইপিক্রেতসকে নিজের সহচররূপে নিযুক্ত করেন । ইপিক্রেতস আ-মৃত্যু বিশেষ পদমর্যাদার সহিত, অলিকসন্দরের কাছে অবস্থান করিয়াছিলেন । মৃত্যুর পর অলিকসন্দর, তাঁহার অস্থি দেশে স্বজনগণের নিকট পাঠাইয়া দিয়াছিলেন । স্পার্টানদের সহিত শত্রুতা থাকায়, স্পার্টানবাসী কিছুদিন বন্দীভাবে অবস্থান করেন । কালক্রমে তিনিও মুক্তিলাভ করিয়াছিলেন । বিপুল পারসীকসৈন্যের পরাজয়ের পর হইতে, ভূমধ্য সাগরের পূর্বকূলবর্তী যে সকল ক্ষুদ্র ক্ষুদ্র রাজ্য ছিল, ক্রমে ক্রমে টায়রি ব্যতীত প্রায় সকল জনপদই, অলিকসন্দরের অধীনতা স্বীকার করিয়া নিজের দুই চারিদিনের অস্তিত্ব রক্ষা করে । অলিকসন্দর, এই সকল প্রদেশ করতলগত করিয়া নিজের অধীনস্থ ব্যক্তিকে শাসনকাৰ্য্যে নিযুক্ত করেন ।

অলিকসন্দরের, বিজয় লাভের পর ফিনিসিয়ার ক্ষুদ্র ক্ষুদ্র নৃত্তিগণ স্বর্ণ মুকুট প্রভৃতি প্রেরণ পূর্বক তাঁহার সম্বন্ধনা করিয়া বগ্নতা স্বীকার করেন । তাইরি নগর হইতেও স্বর্ণ মুকুট প্রভৃতি উপসংহার দ্রব্য প্রেরিত

হইয়াছিল। অলিকসন্দর তাইরির লোককে সন্ত্রমের সহিত গ্রহণ করিলেন; এবং স্বয়ং গমন করিয়া তথাকার হারকুলীয়েকে পূজা করিবার বাসনা বিজ্ঞাপন করেন। তাইরিবাসী ইহা অবগত হইয়া চিন্তিত হইল—তাহারা মনে করিল, অলিকসন্দার কিছু একাকী আগমন করিবেন না। আসিলে তিনি সৈন্যগণসহ আগমন করিবেন, সুতরাং একবার নগর অধিকার করিয়া আবার যে তিনি ইহা পরিত্যাগ করিবেন, ইহা কখনই সম্ভবপর নহে। তাইবাসীরা অলিকসন্দরের ইচ্ছার প্রতিকূলে দণ্ডায়মান হইল। তাহারা প্রথমে, যুদ্ধজনিত নানা প্রকার অশান্তি ভোগ করা অপেক্ষা উপর উপর বশ্যতা স্বীকারে কুণ্ঠিত হয় নাই। কিন্তু যখন প্রত্যক্ষভাবে অলিকসন্দরের অধীনে অবস্থান করিতে হইবে, তাহারা এ কথা অবগত হয়, তখন তাহারা পুরুষের মতন আপনাদের স্বাধীনতা রক্ষা করিবার জন্য প্রস্তুত হইল। অসাধারণ অধ্যবসায়ের সহিত তাইরি বাসীরা অলিকসন্দরের প্রচণ্ড আক্রমণ হইতে সুদীর্ঘ সাতমাসকাল স্বর্গীয় স্বাধীনতা রক্ষা করিতে সমর্থ হইয়াছিল। এই অবরোধে, অলিকসন্দরের অভীষ্ট সাধনের জন্য দৃঢ়তা—কার্য্যসিদ্ধি বিষয়ে সন্দেহ শূন্যতা—অনন্ত সাধারণ বীরত্ব প্রদর্শনে ব্যাগ্রতা, প্রভৃতি শ্রেষ্ঠত্ব প্রতিপাদকগুণ সকল অতি সুন্দররূপে বিকাশ প্রাপ্ত হইয়াছিল।

অলিকসন্দর যখন অবগত হইলেন, যে তাইরী বাসীরা তাঁহাকে তাহাদের নগরে প্রবেশ করিতে বাধা প্রদান করিবে, এবং তাহা রক্ষা করিবার জন্য প্রস্তুত হইতেছে, তখন তিনি কি কর্তব্য ইহা নির্ধারণ করিবার জন্য, তাঁহার সমাগত সেনানী



ও সহচরগণকে আহ্বান করিয়া পাঠান। তাঁহারা সকলে সমবেত হইলে, অলিকসন্দর তাইরির অবস্থা বর্ণন করিয়া বলেন যে “পারসীকরা যে পর্য্যন্ত সমুদ্রের আধিপত্য করিতে থাকিবে, সে পর্য্যন্ত আমাদের মিশ্রদেশ অধিকার করিতে যাওয়া যুক্তিযুক্ত হইতে পারে না। গ্রীসের আভ্যন্তরিক অবস্থা পর্যালোচনা করিয়া দেখিলে, সাইপ্রস ও মিশ্রদেশে পারসীক ক্ষমতা অক্ষুণ্ণভাবে থাকিতে দিয়া, এবং তাইরির গ্রায় সন্ধিগ্ন মিত্রকে পশ্চাতে রাখিয়া, দারার অনুসরণে দূরতর প্রদেশে গমন করাও কখনই শ্রেয়স্কর হইতে পারে না। আমরা যদি সমস্ত সৈন্যসহ ব্যাবিলন অভিমুখে গমন এবং দারার অনুসরণ করি, তাহা হইলে পারসীকরা নিশ্চয়ই সামুদ্রিক প্রদেশ সকল পুনরায় জয় করিবে। তাহারা প্রচুর সৈন্যসহ আমাদের দেশ আক্রমণ করিয়া এদেশের পরিবর্তে তথায় যুদ্ধ নাটক অভিনয় করিবে। স্পার্টানরা প্রকাণ্ডভাবে আমাদের সহিত যুদ্ধ করিতেছে, এথেন্স-বাসীর মনের ভিতর দুর্ব্বাসনা পোষণ করিতেছে, এবং ভয়ে তাহারা আমাদের প্রতি ভক্তি দেখাইতেছে। এক্ষণে অবস্থায় আমরা যদি তাইরি অধিকার করিতে পারি, তাহা হইলে ফিনিসিয়া আমাদের করতলগত হইবে, ইহাদের সমস্ত নৌবল অ আমাদের আজ্ঞাবহ হইবে, ইহারাই পারসীক নৌশক্তির মেরু-দণ্ড স্বরূপ, ইহাদের পোত সংখ্যাও বড় কম নহে ; ইহাদের নগর যদি আমাদের হস্তগত হয়, তাহা হইলে ইহারা কিছু পরের জন্ত বিপন্ন হইতে যাইবে না। ইহার পর সাইপ্রস, অনতিবিলম্বে বা অল্প আয়াসে আমাদের অধিকার ভুক্ত হইবে। ফিনিসীয় নৌশক্তির সাহায্যে, আমরা সামুদ্রিক আধিপত্য লাভ করিতে

সমর্থ হইবে। তখন মিশ্রদেশ অধিকার আমাদের সহজসাধ্য হইবে। মিশ্রদেশ বিজয়ের পর গ্রীসের বা আমাদের দেশের ভাবনা আর ভাবিতে হইবে না। তখন পারস্যের সমস্ত নৌশক্তি এবং ইউফ্রেটিস পর্যন্ত সমস্ত দেশ, আমাদের আজ্ঞাসারে পরিচালিত হইবে। তখন আমরা স্বচ্ছন্দক্রমে ব্যাবিলন অভিমুখে গমন করিতে পারিব, এবং আমাদের কীর্তিও তখন অধিকতর বর্দ্ধিত হইবেন।”

অলিকসন্দর তাঁহার সহচরগণকে তাঁহার গায় সকল প্রকার বিপদকে তুচ্ছজ্ঞান করিতে শিক্ষিত করিয়াছিলেন—যে সকল যোদ্ধা ধর্মপ্রচারকদিগের গায় আংশিক ভাবে উন্নত হয়, সে সৈন্য দ্বারা যে কোন দুঃসাহসিক কার্য সম্পূর্ণরূপে নিষ্পন্ন করিতে পারা যায়। তাঁহার কার্যের গুরুত্বেরদিকে না দেখিয়া, প্রাণ প্রদান করিয়াও কার্যসিদ্ধির জন্য অগ্রসর হইয়া থাকে। অলিকসন্দর এইরূপ সৈন্য গঠন করিতে পারিয়া ছিলেন বলিয়াই তাঁহাদের সাহায্যে অদ্ভুত কার্য সকল সম্পন্ন করিতে সমর্থ হইয়াছিলেন। অলিক সন্দরের প্রস্তাব আগ্রহের সহিত সৈনিকগণ কর্তৃক গৃহীত হইল। তাঁহারা তাঁহির অভিমুখে গমন কারবার আজ্ঞালাভ ঔৎসুক্যের সহিত প্রতীক্ষা করিতে লাগিল।

ভূমধ্যসাগরের পূর্বে এবং সিরিয়ার উপকূলে একটা দ্বীপে তাইরিনগর মিশ্রিত হইয়াছিল। সে সময় সমুদ্রের তট হইতে ইহা প্রায় অর্ধমাইল দূরে অবস্থিত ছিল। এ স্থানে সমুদ্রের গভীরতা স্থানে স্থানে ১৭।১৮ ফীট অপেক্ষা ন্যূন ছিলনা। পূর্বে তাইরিনগর সমুদ্রের তটের উপর নির্মিত হইয়াছিল, একবার সমীপবর্তী নরপতির

সহিত যুদ্ধ আরম্ভ হওয়াতে, তাহারা প্রাচীন নগর পরিত্যাগ করিয়া সমুদ্র পরিবেষ্টিত দ্বীপকে, উচ্চ প্রাচীরে সুদৃঢ় করিয়া নিবাস করিতে আরম্ভ করে। প্রাচীন নগরের স্মরণ অট্টালিকা, নগরপ্রাচীর, প্রভৃতি নষ্ট হইয়া স্তূপে পরিণত হয়। বাণিজ্যের জন্ত এই নগর সেকালে অত্যন্ত সমৃদ্ধি সম্পন্ন হইয়াছিল। এবং এই জন্তই ইহারা পোত-বলেও শ্রেষ্ঠত্ব লাভ করিয়াছিল। ভূমধ্যসাগরের চতুর্দিকে এরূপ স্থান ছিল না, যে স্থানে ইহারা গমন করিয়া পণ্যদ্রব্যের আদান প্রদান না করিয়াছিল। ইহারা যেরূপ শক্তিশালী ও সমৃদ্ধি সম্পন্ন ছিল সেইরূপ শাহসী ও স্বাধীনতাপ্রিয় ছিল। শাহসী হইলেও ইহারা নিজের বাণিজ্য অক্ষুন্ন রাখিবার জন্ত পরের সহিত বিপদে প্রবৃত্ত হইত না, সকলের সহিত সম্ভাব রাখিতে চেষ্টা করিত।

তাইরিবাসীরা যখন অলিকসন্দরকে তাহাদের নগরে প্রবেশ করিতে সম্মতি প্রদান করিলেন না, তখন তিনি সমস্ত সৈন্যসহ তাইরির সম্মুখে সমুদ্রের তটে শিবির সংস্থাপন করিলেন। সমুদ্র অতিক্রমণ এবং ছুরারোহ প্রাচীর ভেদ করিয়া তাইরি অধিকার বড় সামান্য কথা নহে। শত্রু নৌবলে বলিয়ান স্মৃতরাং অবরুদ্ধ হইলেও তাহারা অগ্নাদির অভাবে অবসন্ন হইয়া পড়িবে না। অতুলোক হইলে তাইরি বিজয় বাসনা পরিত্যাগ করিতে বাধ্য হইতেন, কিন্তু অলিকসন্দরে তাহার বিপরীত প্রতিভাত হইল। বাধার গুরুত্ব অনুসারে তাহার উৎসাহ, অব্যবশায় ক্রেশসহিষ্ণুতা ও বর্ধিত হইল। তিনি অর্দ্ধমাইল বা ক্রোশের চতুর্থাংশ সমুদ্রে সেতু প্রস্তুত করিয়া তাইরি অধিকার করিতে মনস্থ করিলেন।

অলিকসন্দারের ইচ্ছার সহিত সেতুবন্ধন কার্য আরম্ভ হইল। প্রাচীন তাইরির ভগ্নস্তম্ভ হইতে সুরহং শীলাখণ্ড এবং অদূরবর্তী পর্বত হইতে প্রকাণ্ড প্রকাণ্ড বৃক্ষ সকল আনীত হইয়া সমুদ্রের উপর যোজক প্রস্তুত হইতে লাগিল। প্রথম প্রথম অনেকে অলিকসন্দারের এই কার্য্যকে বাতুলতার বিজৃম্ভণ বলিয়া উপেক্ষা প্রদর্শন করে। কিন্তু যখন, তিনি কিয়দংশ সেতু নির্মাণকার্য্য সমাধা করেন, তখন তাইরিবাসীরা ঘোরতর পরাক্রমে জলে ও স্থলে উভয়পথে অলিকসন্দারের জনগণকে বাধা প্রদান করিতে আরম্ভ করে। তাহারা প্রাচীরের উপর প্রস্তর নিক্ষেপক যন্ত্র সকল সংস্থাপন করিয়া, প্রচণ্ডবেগে প্রস্তর সকল সেতু কার্য্যে নিযুক্ত লোকেদের উপর নিক্ষেপ করিতে লাগিল। অলিকসন্দরও সুদীর্ঘ প্রস্তর নিক্ষেপক যন্ত্র প্রস্তুত করিয়া, তাহাদের আক্রমণের প্রতিরোধ করিতে লাগিলেন। তাইরিবাসীরা সময়ে সময়ে নৌকাযোগে আক্রমণ করিয়া শত্রুসৈন্য ব্যতিব্যস্ত করিতে লাগিলেন। কখন তাঁহারা সুরহং নৌকায় কাষ্ঠ, তুণ, শণ, প্রভৃতি দাহ পদার্থ তৈলসিক্ত করিয়া, অনুকূল বায়ুবেগে সেতুর কাছে লইয়া তাহাতে অগ্নিপ্রদান করিয়া অল্প নৌকাযোগে প্রত্যাগমন করে। অনুকূল বায়ুসংযোগে দাহমান নৌকা, সেতু সংলগ্ন হইয়া প্রস্তর নিক্ষেপক যন্ত্র সকল ভগ্নীভূত করিয়া দেয়। এইরূপে তাহারা যতবাধা প্রদান করিতে লাগিল—অলিকসন্দারের উত্তমও তত বৃদ্ধি পাইয়া তাঁহাকে শত্রুগণের অজ্ঞেয় করিয়া তুলিল। অলিকসন্দর, বহু সংখ্যক সূত্রের নিযুক্ত করিয়া অগণিত যন্ত্র নির্মাণ করিয়া বিপুল পরাক্রমের সহিত জলস্থলে সকল প্রকারে শত্রুগণকে আক্রমণ করিতে লাগিলেন।

এই সময় সমুদ্র যেন রূপাপরতন্ত্র হইয়া বিপন্ন তাইরিবাসীকে সাহায্য করিবার জন্ত দণ্ডায়মান হইলেন। প্রবল ঝটিকায় উত্তীত তরঙ্গের আঘাতে বৃহৎ বৃহৎ প্রস্তর খণ্ড দূরে নিক্ষিপ্ত হইল—অতিক্রমশে নিবদ্ধ কাষ্ঠ সকল প্রবলতরঙ্গে স্রুদূরে নীত হইল। অতি অল্প সময়ের মধ্যে বহুদিনের পরিশ্রম বিফল হইয়া গেল। তরঙ্গের প্রবল আঘাত হইতে রক্ষা করিবার জন্ত অলিক-সন্দর পূর্ব অপেক্ষা আরো বিস্তৃত করিয়া সেতু প্রস্তুত করিলেন। ইহা আক্রমণ করিবার পক্ষেও সুবিধা জনক হইল। বিপক্ষ নিক্ষিপ্ত প্রস্তর, অগ্নি ও অগ্নি হইতে রক্ষা করিবার জন্ত গোমহিষ প্রভৃতি পশুর আদ্র চর্ম্মের অন্তরালে কান্নকরগণ অবস্থান করিয়া কার্য্য করিতে লাগিল। সেতু যত নগরের নিকটবর্ত্তী হইল, পরস্পরের উত্তম বিফল করিবার জন্ত উভয় পক্ষে ঘোরতর প্রতিহিংসা পরায়ণ হইয়া, পরস্পর প্রচণ্ড পরাক্রমে আক্রমণ করিয়াছিল। অলিকসন্দর বহু সংখ্যক নোকা সংগ্রহ করিয়া, যুদ্ধকুশল তাইরি সাংঘাতিকগণকে, জলপথে দ্বীপের অপর ভাগে যুদ্ধে নিযুক্ত করিয়া সেতুকার্য্য ক্ষিপ্রহস্তে প্রস্তুত করিতে লাগিলেন। তাইরিবাসীরা বধন দেখিল সেতু প্রায় শেষ হইয়া আসিয়াছে, এইবার শত্রুরা প্রাচীর ভেদ করিয়া নগর আক্রমণের চেষ্টা করিবে, এইবার স্বাধীনতা রক্ষার জন্ত তাহাদিগকে প্রবল শত্রুর সম্মুখীন হইয়া প্রাণপণে যুদ্ধ করিতে হইবে, এই সঙ্কট সময়ে স্ত্রী, পুত্র, বৃদ্ধ, বৃদ্ধা প্রভৃতি দেখিয়া পাছে তাহাদের হৃদয়ে কাতরতা উপস্থিত হয় ; এবং পরাজিত হইলে শত্রুর নৃশংস অত্যাচার হইতে তাহাদিগকে রক্ষা করিবার জন্ত ; তাহারা তাহাদিগকে, তাহাদের

কার্ণেজ নামক উপনিবেশে প্রেরণ করিয়াছিল। দেখিতে দেখিতে সেতু দ্বীপের সহিত মিলিত হইল। তাইরিবাসীরা প্রাচীরের উপর হইতে ঘোরতর বিক্রমে অস্ত্র, শস্ত্র, প্রস্তর, প্রভৃতি নিক্ষেপ করিয়া গ্রীকগণকে আক্রমণ করিল। অলিকসন্দর, সকলের অগ্রবর্তী এবং সকল প্রকার বিপদের সন্মুখীন হইয়া অদ্ভুত পরাক্রমে আক্রমণ করিলেন। অলিকসন্দরের যত্ন হইতে প্রস্তরাদি নিক্ষিপ্ত হইয়া তাইরিবাসীকে ব্যতিব্যস্ত করিয়া তুলিল। যত্ন নিক্ষিপ্ত যুদ্ধের আঘাতে প্রাচীরের এক স্থান ভগ্ন হইয়া পড়িল—প্রাচীর ভগ্নের সহিত তাইরিবাসীর কপাল ও ভাস্কিয়া পড়িল। সেই ভগ্নস্থান রক্ষা করিবার জন্ত তাইরিবাসীরা যথেষ্ট চেষ্টা করিল। শতশত, সহস্র সহস্র, যোদ্ধা অকাতরে তথায় প্রাণ পরিত্যাগ, এবং শোণিত সমুদ্র প্রবাহিত করিয়াও তাহারা কোনরূপে অলিকসন্দরের প্রচণ্ড গতিরোধ করিতে সমর্থ হইল না।

প্রাচীর ভগ্ন হইলে, যুগপৎ নৌকা ও সেতু হইতে তাইরি আক্রমণ করা হইল। এই ভীষণ সংগ্রামে অলিকসন্দর স্বয়ং সকলের অগ্রবর্তী হইয়া, কে কিরূপ সাহস প্রদর্শন করেন তাহা প্রত্যক্ষ করিয়া সৈন্যগণকে পরিচালনা করিতে ছিলেন। আদমিতস্ নামক তাঁহার একদল সেনানী সকল বিপদ তুচ্ছ করিয়া শত্রু মিত্র সকলের সমক্ষে অদ্ভুত কার্য্য সম্পন্ন করিয়া প্রাচীরোপরি উপস্থিত হন। প্রাচীরের উপর উঠিয়া যখন তিনি জয়শব্দে তাঁহার সহচর যোদ্ধাগণকে তাঁহার নিকট আসিবার জন্ত উৎসাহিত করিতেছিলেন, সেই সময় তিনি বিপদ প্রেরিত ভল্লবিদ্ধ হইয়া সেই স্থানেই সুরলোকে

গমন করেন। তাঁহার এই কাপুরুষদিগের ভীতিপ্রদ ভীষণ পরিণাম, দেখিয়া কাহারও হৃদয়ে কিছুমাত্র ভীতির সঞ্চার হইল না। সকলেই সেই স্পৃহনীয় স্থান অধিকার করিবার জন্ত, যেন স্পর্কার সহিত পরস্পর পরস্পরকে অতিক্রম করিয়া অগ্রসর হইতে লাগিলেন। আদমিতসের পরে অলিকসন্দর স্বয়ং সেই স্থানে আরোহণ করিয়া সকলের বিশ্বয় উৎপাদন করেন। পার্কত্য নদীর প্রবল বেগ, বাধাপ্রাপ্ত হইলে তাহা বেরূপ ঘোরতর গর্জ্জন পুরঃসর দিগ্ভ্রমল নিনাদিত করিতে করিতে বহৎ বহৎ উপল খণ্ডকে দূরে নিক্ষেপ করিয়া গমন করে, সেইরূপ অলিকসন্দরের সৈন্তগণ সেই ক্ষুদ্র পথ দিয়া প্রবল বেগে সমস্ত বাধা ছিন্ন ভিন্ন করিয়া তাইরি মধ্যে প্রবেশ করেন। বণিক তাইরিবাসীরা কোনরূপে স্বাধীনতা রক্ষা করিতে না পারিলেও তাঁহাদের সেই পবিত্র অবদান পরম্পরা চিরকাল মনুষ্য সমাজে আগ্রহের সহিত পঠিত ও অনুকৃত হইবে।

অলিকসন্দরের সহিত, স্বাধীনতা সংরক্ষণ জন্ত এই ঘোরতর যুদ্ধে আট হাজার তাইরিবাসী বীরলোক প্রাপ্ত হইয়াছিলেন। ইহা ব্যতীত দুই হাজার তাইরিয়নকে, দানব হৃদয় অলিকসন্দর কীলকবিদ্ধ পূর্বক নিহত করিয়া নিজের স্বরূপের যথার্থ পরিচয় প্রদান করেন। নিজের দেশের স্বাধীনতা রক্ষার জন্ত বিপক্ষের বিরুদ্ধে দেশবাসী সকলেরই সর্বতোভাবে যত্ন করা উচিত। তাইরিয়ানরা এই ভাবে প্রণোদিত হইয়া, শত্রুর সহিত সামর্থ অনুসারে ঘোরতরযুদ্ধ করিয়াছিলেন। জয় পরাজয় অদৃষ্ট সাপেক্ষ তাঁহারা পরাজিত হইলেও স্বাধীনতা রক্ষার জন্ত, তাঁহাদের আত্মত্যাগ কথা চিরকাল মনুষ্য সমাজে অভিনবরূপে কীর্ত্তিত

হইবে। এইরূপ প্রচণ্ডতা প্রদর্শন করিয়াও অলিকসন্দের পাশব হৃদয় পরিতৃপ্ত হইল না। তিনি প্রায় ৩০ হাজার তাইরি বাসী ও তাহাদের যেতন ভুক্ত সৈনিকগণকে দাসরূপে বিক্রয় করিয়া যথেষ্ট অর্থ সংগ্রহ করিতে সমর্থ হইয়াছিলেন।

অবরোধের প্রথম হইতে শেষ পর্য্যন্ত সময়ের মধ্যে, প্রায় ৪০ শত মাসিহুনিয়ান সৈন্য পঞ্চম লাভ করিয়াছিল। ৩৩২ খৃঃ পূঃ শ্রাবণ মাসে তাইরি অলিকসন্দের হস্তগত হয়। তিনি হারকুলিসের পূজা উপলক্ষে কয়েক দিন এখানে যথেষ্ট উৎসবের অনুষ্ঠান করেন। অলিকসন্দর যে সময় তাইরি অবরোধে অন্তিম বিঘ্নে চিত্ত ছিলেন, সে সময় একজন দূত পত্রসহ দারার নিকট হইতে আগমন করেন। দারা লিখিয়াছিলেন যে তাঁহার মাতা, স্ত্রী ও সন্ততি সকল প্রত্যাৰ্পণ করিলে তিনি দশ হাজার ট্যালান্ট বা বর্তমান মুদ্রায় ৩ কোটি ৬৬ লক্ষ টাকা, ইউফেট্রিসের তট হইতে গ্রীসসাগর পর্য্যন্ত সমস্ত ভূভাগ প্রাপ্ত হইবেন। অধিকন্তু দারা তাঁহার কণ্ঠা স্তাতিরাকে অলিকসন্দের হস্তে প্রদান করিয়া বিবাহ কার্য্য সম্পন্ন করাইবেন। তাহা হইলে উভয়ে মিত্রতা পাশে আবদ্ধ হইবেন। অলিকসন্দর ইহার প্রত্যাশ্বরে এরূপ মর্মে লিখিয়া পাঠান “দারার নিকট তিনি অর্থ, অথবা সমস্ত রাজ্যের পরিবর্তে অর্দ্ধরাজ্য মাত্র প্রাপ্তি কামনা করেন না—রাজ্য ও অর্থ সমস্তই আমার। তিনি দারার সম্পূর্ণ অনভিমতে তাঁহার কণ্ঠাকে বিবাহ করিতে পারেন। ইহাতে দারা সম্পূর্ণ আপত্তি উত্থাপন করিলেও যে তাহা ব্যর্থ হইবে একথা বলাই বাহুল্য। যে প্রদেশ দারার হস্তচ্যুত হইয়াছে, সে প্রদেশ তিনি কেমন করিয়া অপরকে



প্রদান করিবেন । দারা যদি আমার ভদ্র ব্যবহার পাইতে ইচ্ছা করেন, তাহা হইলে তিনি স্বয়ং আমার নিকট উপস্থিত হউন ।” এই পত্র যখন লিখিত হয় তখন প্রাচীন সেনানী পারমিণিও বলেন “আমি যদি অলিকসন্দর হইতাম, তাহা হইলে দারার প্রস্তাব গ্রহণ করিতাম ।” বাহুবল গর্ভিত দ্বাবিংশ বৎসর বয়স্ক অলিকসন্দর বলেন “আমি যদি পারমিণিও হইতাম তাহাইলে এরূপ করিতাম, কিন্তু আমি অলিকসন্দর বলিয়া এরূপ পত্র প্রেরণ করিলাম ।” এই পত্র দারার কাছে নীত হইলে তিনি সন্ধির আশায় জলাঞ্জলি দিয়া আবার যুদ্ধের জন্ত প্রস্তুত হইতে লাগিলেন ।

ইহুদিদের ইতিহাস লেখক যোসেফ, ইনি অলিকসন্দরের প্রায় তিনশত বৎসর পরে বর্তমান ছিলেন । তিনি তাঁহার ইতিহাসে লিখিয়াছেন যে, অলিকসন্দর যেসময় তাইরি অবরোধ করেন ; সে সময় আহাৰ্য্য দ্রব্য সংগ্রহের জন্ত যুডিয়া প্রভৃতি প্রদেশে লোক প্রেরণ করেন । প্রেরিত লোক জেরুজেলামে উপস্থিত হইলে, তথাকার ইহুদীরা “তাঁহার পারম্প্রপতি দারার অধীন স্মৃতাং অনাদি প্রদান করিয়া তাহারা অলিকসন্দরের কোনরূপ সাহায্য করিতে পারে না” ইত্যাদি কহিয়া সেই লোককে তাহাদের নগর হইতে চলিয়া যাইতে আদেশ করে । সে সময় অলিকসন্দর, এই অবমাননা নীরবে সহ করিয়াছিলেন । এক্ষণে তাহার প্রতিশোধ গ্রহণ করিবার জন্ত জেরুজেলাম অভিযুগে যাত্রা করিলেন ।

তাইরি পতনের পর হইতেই অলিকসন্দরের অতুল ক্ষমতা এবং প্রচণ্ডতার কথা এ সকল প্রদেশের সর্বত্র প্রচারিত

হইয়াছিল। ক্রুদ্ধ অলিকসন্দর, জেরুজেলাম ধ্বংস করিবার জন্ত অগ্রসর হইলেন। এরূপ অবস্থায় জেরুজেলাম রক্ষা করা বড় সামান্য কথা নহে। নগরপাল ও নাগরিকেরা অলিকসন্দরের আগমন কথা শুনিয়া বিভীষিকাগ্রস্ত হইলেন। নগরপাল পুরুষার্থের উপর নির্ভর না করিয়া, দৈবের উপর নির্ভর করিয়া ঈশ্বরের উদ্দেশে পূজা পাঠ আরম্ভ করিলেন। সেই দিন নগরপাল রাতে স্বপ্নে অনুজ্ঞাত হইলেন যে “অলিকসন্দরকে বাধা না দিয়া, তাঁহাকে অভ্যর্থনা করিয়া সমাদরে আহ্বান করিয়া আন। নগর পথ পুষ্পময় করিয়া সুসজ্জিত কর, পুরোহিত বেশে নাগরিকগণসহ নগর হইতে বহির্গত হইয়া তাঁহার প্রভুত্বাগমন কর” এই স্বপ্ন অনুসারে নগরপাল, নগর মধ্যে উৎসবের অনুষ্ঠান করিয়া অলিকসন্দরকে আনয়ন করিবার জন্ত নগর বহির্দেশে গমন করেন। অলিকসন্দর নগর ধ্বংস করিবার উদ্দেশে আগমন করিতেছিলেন। ইহাদিগকে আগমন করিতে দেখিয়া, তিনি প্রধান পুরোহিতের কাছে গমন করেন ; এবং যথেষ্ট সন্মান দেখাইয়া তাঁহার সম্বন্ধনা করেন। পারসিণিও প্রভৃতি তাঁহারপ্রধান সেনানীগণ, অকস্মাৎ তাঁহার এরূপ চরিত্র পরিবর্তনের কারণ জিজ্ঞাসা করিলে, তিনি বলেন, এসিয়া বিজয়ে বহির্গত হইবার পূর্বে তিনি স্বপ্নে দেখিয়াছিলেন, একজন ধর্ম্মযাজক, তাঁহাকে এসিয়া বিজয়ের জন্ত আহ্বান করিয়া বলেন, তিনি অনায়াসে পারস্ত বিজয়ে সমর্থ হইবেন এবং শ্রীভগবান তাহার সহায়তা করিবেন। স্বপ্নে দৃষ্ট ব্যক্তির সহিত ইহার কোন পার্থক্য নাই। তিনি যেরূপ পধিচ্ছদপরিধান করিয়াছিলেন, যেরূপ অঙ্গভঙ্গী দেখাইয়াছিলেন, ইহাতেও অবিকল সেই সকল

প্রত্যক্ষ করিতেছি । অলিকসন্দর নাগরিকগণের সহিত মিলিত হইয়া নগরে প্রবেশ করেন । সুচতুর নগরপাল, যদি ঐরূপ উপায় অবলম্বন না করিতেন, তাহা হইলে জেরুজেলাম ভগ্নস্থাপে পরিণত হইত তাহাতে সন্দেহ নাই । মেসিডনপতির জেরুজেলামে গমনের কথা কোন গ্রীক গ্রন্থে বর্ণিত হয় নাই ।


জেরুজেলাম হইতে অলিকসন্দর মিশ্রদেশ অভিযুগ্মে যাত্রা করেন । মিশ্রদেশে প্রবেশের পূর্বে, তিনি গাজানামকস্থান অব-  
রোধ করিয়া হস্তগত করেন । এই স্থান গ্রহণ জ্ঞাতি তিনি যেরূপ অসাধারণ অধ্যবসায়, নির্ভীকতা, দৃঢ়তা, প্রহতি দেবদুল্লভ গুণ সকল দেখাইয়াছিলেন, সে জ্ঞাতি তাঁহার বীরত্ব কাহিনী চিরকাল আগ্রহের সহিত গীত হইবে । অপর পক্ষে, তিনি যেরূপ তাঁহার নারকীয় প্ররত্তির পরিচয় প্রদান করিয়াছিলেন, তাহা চিরকাল বর্ণনার সহিত উপেক্ষিত হইবে । তাঁহার বীরত্ব গাথা, কলঙ্কিত হইলেও, তাহার অনুশীলনে পাপস্পর্শ করিলেও, আমরা সেই হৃদয়োন্মত্তাজনক বীরত্বকাহিনী না কহিয়া থাকিতে পারিলাম না ।

গাজা ভূমধ্যসাগরের পূর্ব উপকূলে, সিরিয়া দেশে সেকালে ইহা বাণিজ্যের জ্ঞাতি প্রচুর ধনধাণ্ডে পরিপূর্ণ ছিল । যে মরুভূমি মিশ্র ও সিরিয়া দেশের মধ্যভাগে অবস্থিত । গাজা তাহারই পার্শ্বে নির্মিত হইয়াছিল । অলিকসন্দর গাজার নিকটবর্তী হইলে, কোন্ উপায় অনুসারে ইহা হস্তগত করিবেন, সে বিষয় কর্মচারীদের সহিত পরামর্শ করেন । গাজা, উচ্চভূমির উপর সংস্থাপিত এবং দুরাক্রম্য প্রাচীর পরিবেষ্টিত হওয়াতে ইহা বিপক্ষের দুরাধর্ম হইয়াছে । যান্ত্রিকগণ, গাজার অবস্থা উত্তমরূপে পর্য্যবেক্ষণ করিয়া অভিযতি প্রদান করেন যে,

বলপূর্বক প্রাচীর অধিকার করা সম্পূর্ণ অসম্ভব । অলিকসন্দর, অসম্ভবকে সম্ভবে পরিণত করিয়া থাকেন । তিনি যন্ত্রপরিচালক-দিগের নিকট হইতে এরূপ উত্তর প্রাপ্ত হওয়াতে, তাঁহার অধ্যবসায় ও উৎসাহ, যেন সহস্র গুণে বাড়িয়া উঠিল । যে স্থান সর্বাধিক কঠিন ও বিপদজনক ; অলিকসন্দর সেই স্থান হইতে নগর আক্রমণ করিবার জ্ঞতা প্রস্তুত হইতে লাগিলেন । ইহাতে সফলতার সহিত তাঁহার শত্রুগণ হৃদয়ে ঘোরতর নৈরাশ্য উপস্থিত হইবে, এবং তাঁহাদের কীৰ্ত্তিও চতুর্দিকে স্প্রসারিত হইবে । এই আশায় উৎসাহিত হইয়া, অলিকসন্দর নগরের দক্ষিণদিকে মৃত্তিকা স্তুপাকার করিয়া প্রাচীরসম উচ্চ করিলেন । এই স্তুপের উপর তাইরি হইতে আগত প্রাচীর ধ্বংসো বৃহৎ বৃহৎ যন্ত্র সকল স্থাপন করিয়া নগর আক্রমণে প্রবৃত্ত হইলেন ।

দারার, বেতিস নামক একজন খোজা, এসময় গাজার শাসন-কর্তা ছিলেন । তিনি অত্যাচাৰ শাসনকর্তার উদাহরণ অনুসরণ না করিয়া, পুরুষেরায়া পৌরুষ দেখাইয়া প্রচণ্ড পরাক্রমে অলিক-সন্দরের বিপক্ষে দণ্ডায়মান হইলেন । অলিকসন্দর, নগর আক্রমণে প্রবৃত্ত হইলে, বেতিস তাঁহার নব নিযুক্ত আরব সৈনিকগণ সহ উন্নত প্রাচীর হইতে নিয়ন্ত্র মাসিদিনদিগকে ঘোরতর বিক্রমে আক্রমণ করিতে লাগিলেন—তাঁহারা এ আক্রমণ বেগ কোনরূপে সহ্য করিতে সমর্থ হইল না । মৃত্তিকাস্তুপ হইতে যে যেদিকে পাইল সে সেই দিকে পলায়ন করিয়া প্রাণ রক্ষা করিতে প্রবৃত্ত হইল । প্রজ্বলিত মসাল হস্তে আরবগণ যন্ত্র সকল ভয়ানক করিবার উপক্রম করিল । অলিকসন্দর, মেসিদিনদিগের পলায়ন এবং আরবদিগের অতিসাহস দেখিয়া

আর স্থির থাকিতে পারিলেন না। তিনি সকলের অগ্রবর্তী হইয়া, সকলকে উৎসাহিত করিয়া, শত্রুগণকে ঘোরতররূপে আক্রমণ করিলেন। এই সময় তিনি শত্রু নিক্ষিপ্ত ভীষণ ভল্লাবাতে আহত হন—ইহাতে তাঁহাকে অনেকদিন কষ্ট পাইতে হইয়াছিল।



স্তূপ সকল আরো উন্নত করিয়া, অলিকসন্দর আরো ঘোরতর বিক্রমে নগরের উপর অগ্নি, প্রস্তর, মুদার প্রভৃতি নিক্ষেপ করিতে

লাগিলেন।—স্থানে স্থানে প্রাচীরের নিয়ত্ বালুকা খনন করিয়া প্রাচীর ভাঙ্গিয়া ফেলিবার চেষ্টা করিতে লাগিলেন। বেতিস পরিচালিত গাজার সৈনিকগণও কোনরূপে উৎসাহহীন না হইয়া, ঘোরতররূপে প্রতিক্ষণ শত্রু সৈন্যের উপর মুসলধারে প্রস্তরাদি নিক্ষেপ করিতে লাগিলেন। বালুকা খনন করায় স্থানে স্থানে প্রাচীর ভাঙ্গিয়া পড়িয়া গেল, মাসিদনেরা সেই স্থান দিয়া নগর আক্রমণ করিবার জন্য বিশেষ চেষ্টা করিল, কিন্তু গাজাবাসীর বাহুবলের কাছে, এইরূপ তিনবার চেষ্টা বিফল হইয়া গিয়াছিল। কোনরূপে নগর অধিকারে কৃতকার্য হইতে না পারিলে, অলিকসন্দর প্রাচীরের আরো বহুস্থান ভাঙ্গিয়া ফেলিলেন, কতকগুলি সৈন্য রজ্জু আরোহিণী যোগে প্রাচীর আরোহণ করিয়া আক্রমণ করিল, অপর সৈন্যসহ অলিকসন্দর স্বয়ং ভগ্নস্থান দিয়া প্রবেশ করিয়া প্রচণ্ডবেগে অগ্রসর হইতে লাগিলেন। নিওণ্ডলিমস্ নামক একজন সহচর যোদ্ধা, সর্বপ্রথমে প্রাচীরে আরোহণ করিয়া শত্রুগণকে আক্রমণ করিলেন। তাঁহার উদাহরণে অনুরূপিত হইয়া বহুসংখ্যক যোদ্ধা, প্রাচীর অতিক্রমণ করিয়া নগরমধ্যে প্রবেশ করেন। ইহারা নগর দ্বার উদ্বাটন করিয়াদিলে, দলে দলে অলিকসন্দরের সৈন্যগণ ঘোরতররূপে গাজাবাসীকে আক্রমণ করিতে লাগিলেন। গাজাবাসী যখন দেখিলেন, নগর রক্ষার আর কোন উপায় নাই, তখন তাঁহারা পরাধীন হইয়া জীবনরক্ষা করা অপেক্ষা, যে যথায় ছিল তিনি একাকী হউন, বা দলবদ্ধ অবস্থায় হউন, সেই অবস্থায় অবস্থান করিয়া অস্ত্রচলের ত্রায় শত্রুগণকে অভ্যর্থনা করিবার জন্য হস্তে দাঁড়াইয়া রহিলেন। এইবার যে যুদ্ধ হইল তাহা বর্ণনার

অতীত বিষয় । গাজাবাসীরা অদ্রুত কার্য সম্পন্ন করিয়া, অগ্নান-  
বদনে সুরলোকে গমন করিল । তাহারা নখর শরীরের পরি-  
বর্তে, অক্ষয়কীৰ্ত্তি অর্জন করিলেও—প্রভুভক্তির পরাকাষ্ঠা  
দেখাইলেও, নিষ্ঠুর হৃদয় অলিকসন্দরের সহানুভূতি লাভে সমর্থ  
হয় নাই । দুই মাসকালব্যাপী এই ঘোরতর অবরোধে ১০  
হাজার ত্রিকালস্বরণীয় গাজাবাসীযোদ্ধা বীরলোক প্রাপ্ত হইলেন;  
তাহাদের অনাথা স্ত্রীপুত্রগণ অলিকসন্দরের আজায় দাসরূপে  
বিক্রীত হইয়াছিল । মহাবীর বেতিসের শোচনীয় পরিণাম  
স্মরণ করিলে শরীর শিহরিয়া উঠে—তাহার চির নূতন অপূৰ্ণ  
আত্মত্যাগ কাহিনী চিরকালই পতিত জনগণ হৃদয়ে বল সঞ্চার  
করিবে । যুদ্ধকালে বেতিসের শরীর হইতে, অজস্র শোণিতধারা  
নির্গত হইলেও, তিনি যেন অধিকতর পরাক্রমের সহিত তাহাদের  
সর্বস্ব লুণ্ঠনকারী শত্রুগণকে আক্রমণ করিলেন । তাঁহার প্রচণ্ড  
শোণিত খড়্গঘাতে বহু সংখ্যক শত্রু প্রাণত্যাগ করিলেও যখন  
তিনি আরো অধিক সংখ্যক শত্রু কর্তৃক আক্রান্ত হইলেন ;  
যখন তাহার খড়্গ ও বর্ম্ম অব্যবহায়া হইয়া পড়িল, তখন তিনি  
কোনরূপে বন্দী হইয়া অলিকসন্দর সমীপে নীত হন । অলিক-  
সন্দর, তাঁহা অপেক্ষা উন্নত হৃদয় বেতিসকে প্রাপ্ত হইয়া ক্রকুটী  
পূৰ্ব্বক কহিলেন “তুমি যে রূপ মৃত্যুর আকঙ্ক্ষা কর, তাহাই  
তোমার হইবে । অসীমযত্ননা ভোগেরজগৎ প্রস্তুত হও ।” বীরবর  
বেতিস, এরূপ নিরুপ্ত পশুর সহিত আলাপ কর পাণজনক  
বিবেচনা করিয়া, যেন ঘৃণাপূর্ণচক্ষুতে চাহিয়া তাহার উত্তর প্রদান  
করিলেন । অলিকসন্দর, তাঁহার পার্শ্বস্থ সহচর উদ্দেশ্যে বলিলেন,  
“তুমি ইহার অবাধ্যতা পরিপূর্ণ স্তব্ধতা লক্ষ্য করিলে ? একে কি

হাঁটু গাড়িয়া বসিতে দেখিয়াছ? ইহার একটিও বগ্নতা সূচক কথা শুনিয়াছ? ইহার মুকত্ব আমি দূর করিব। যদি কোন কথাও না বাহির হয়, তাহা হইলেও যত্ননাসূচক ধ্বনি, ইহার মুখ হইতে আমি বাহির করিব।” হোমার ভক্ত পাপ অলিকসন্দরের উপায় উদ্ভাবন করিতে বিলম্ব হইল না। তাহার পূর্বপুরুষ এচিলিস, হেক্টরের দেহ রথে বাধিয়া ঘেরূপ ট্রয়ের চতুর্দিকে ভ্রমণ করিয়াছিলেন, সেইরূপ তিনি মহাপ্রাণ বেতিসের পদতলে কীলক বিদ্ধ করিয়া, তাহাতে রজ্জ্ব বদ্ধ করিয়া, রথে বাধিয়া দ্রুতবেগে অশ্ব সঞ্চালন করিয়া গাজা প্রদক্ষিণ করিয়াছিলেন। অলিকসন্দরের এই নিষ্ঠুরতা এচিলিসকেও অতিক্রমণ করিয়া ছিল; শেষোক্ত হেক্টরের মৃতদেহ টানিয়াছিলেন, অলিকসন্দর জীবিত বোতিসকে টানিয়া নিষ্ঠুরতার পরাকাষ্ঠা প্রদর্শন করেন।

অলিকসন্দর গাজা পরাজয় করিয়া, অতি দ্রুতগতিতে মিশ্রদেশ অভিযুগ্মে গমন করিতে লাগিলেন—এ দেশের পারস্যীক কর্মচারীরা, গ্রেণিকস, ইসস, তাইরি, গাজা প্রভৃতির পরিণাম কথা শুনিয়া, নিজেদের কর্তব্য ভুলিয়া গেল। তাহারা ধনজন লইয়া অলিকসন্দরের সরণাপন্ন হইল। কুর্ভিয়স বলেন, দারার একটা কর্মচারী ৮ শত ট্যালান্ট অর্থাৎ ২৯ লক্ষ ২৫ হাজার টাকা প্রদান করিয়া অলিকসন্দরের প্রীতিভাজন হইতে চেষ্টা করে। সংসারি প্রায় দুই শ্রেণীর লোক দেখিতে পাওয়া যায়। এক শ্রেণীর লোক নিজেদের শোণিতপাত দেখিয়া, ক্রোধোন্মত্ত হইয়া যুদ্ধ করিয়া থাকেন। অপরে, অপরের শোণিতপাত দেখিয়া ভয়বিহ্বল হইয়া বগ্নহীন পরিত্যাগ করিয়া থাকেন। মিশ্রদেশের পারস্যীক কর্মচারীরা, অপরের বিপদ দেখিয়া মুহুমান







ପାଣ୍ଡିସାମେକମେବ ଅସ୍ଥିତ ଯୁକ୍ତ ।

ଏକମେବ କ୍ରମେ ଅଳିକସନ୍ଦର ।

୧୫ ପୃଷ୍ଠା



ହାରକ୍ଷମ ପଦକ

ଦ୍ଵିତୀୟ ସମୟେ ହାରକ୍ଷମିକ୍ରମେ ଅଳିକସନ୍ଦର

হইলেন, নিজের বিপদ দূর করিবার শক্তি তাঁহাদের অন্তর্জাত হইল । ৭

অলিকসন্দর, মিশ্রদেশের প্রধান নগর, নীলনদ তটবর্তী মেমফিসে গমন করিবার জন্ত প্রস্তুত হইলেন ।—এ স্থানে গমন পথে সূর্য্যানগর বা গ্রীক হিলিওপলিস তাঁহার অধিকারভুক্ত হইল । মেমফিসে গমন করিয়া, তিনি দেবপূজা ও নানাপ্রকার উৎসবের অনুষ্ঠান করিলেন । এস্থান হইতে পুনঃপ্রত্যাগমন করিয়া অলিকসন্দর বর্তমান আলেকজেন্দ্রিয়ার ২শত ২০ মাইল দূরে এমনের মন্দির দর্শন করিতে গমন করেন । এ স্থানে গমনাগমনকালে তাহাকে বালুকা সমুদ্র মধ্যে যথেষ্ট উদ্বেগ পাইতে হইয়াছিল । কিন্তু তিনি তাঁহার ভক্তাদৃষ্ট বশতঃ রাস্তার সমস্ত ক্লেশ অতিক্রমণ করিতে সমর্থ হইয়াছিলেন । অলিকসন্দর, তিনি কাহার পুত্র ইহা জানিবার জন্ত ধনা দেন । এখানকার প্রধান পুরোহিত অলিকসন্দরকে সম্মানিত করিবার জন্ত “ওপিদিয়স” অর্থাৎ “হে পুত্র” বলিয়া সম্বোধন করেন, তাঁহার উচ্চারণ ঠিক না হওয়াতে তাহা “ও পি দিয়স্” অর্থাৎ “হে দেব পুত্র” এইরূপ শ্রুত হইয়াছিল । অলিকসন্দারের অভীষ্ট সিদ্ধ হইল, পুরোহিতের দম, তাঁহার কৌণ্ডিলক্কন করিল, তিনি এইরূপ বিবেচনা করিতে লাগিলেন । পুরোহিতকে যথেষ্ট ধনরত্ন দিয়া অলিকসন্দর পুনরায় মেমফিসে আগমন করিয়াছিলেন । নির্ঝিষে বালুকা সমুদ্র উত্তীর্ণ হইতে পারায়, তাহার গর্ব, ও সৈনিকগণ মধ্যে প্রতিপত্তি, বিশেষরূপে বর্দ্ধিত হইয়াছিল । মিশ্রদেশে অবস্থান কালে তিনি বর্তমান আলেকজেন্দ্রিয়া নগরের ভিত্তি স্থাপন করেন । ১০ প্রাচী ও পশ্চিম দেশের মধ্যবর্তী হওয়াতে, সেকালে ইহা বাণিজ্য বিষয়ে

বিশেষ প্রধাণ লাভ করিয়াছিল। অলিকসন্দরের মৃত্যুর পরই তাঁহার সাম্রাজ্য নষ্ট হইয়া গিয়াছিল, তাঁহার বিষয় অরণী করিয়া দেয় এরূপ কোন কীর্তিও বিদ্যমান ছিল না; একমাত্র অলেক-জেন্দ্রিয়া এখন বর্তমান থাকিয়া পুরাতত্ত্ব জিজ্ঞাসুর কাছে তাঁহার নাম স্মরণ করিয়া দেয়। খৃষ্টের জন্মগ্রহণের ৩৩১ বৎসর পূর্বে বসন্তকালে অলিকসন্দর মিশ্রদেশ পরিত্যাগ করিয়া আবার তাইরি নগরে উপস্থিত হন। ইনি এক্ষণে এসিয়া মাইনর, যুদিয়া এবং মিশ্রদেশের অধ্বিতীয় অধিষ্ঠার। অল্প সময় এবং অল্প বয়সের ভিতর, একজন প্রবলপ্রতিদ্বন্দ্বী নরপতিররাজ্য, তিনি অধ্যবসায়, দৃঢ়তা, যুদ্ধস্থলে নির্ভীকতা, প্রভৃতি পুরুষজনোচিতগুণে ভূষিত হওয়াতে অধিকার করিতে সমর্থ হইয়াছিলেন।

তাইরিতে অবস্থান কালে, অলিকসন্দর, দীর্ঘকাল ব্যাপী উৎসবের অনুষ্ঠান করেন। ইহাতে তাঁহার নিকটবর্তী সামন্ত-নরপতিগণ আহত হইলেন। নৃত্য, গীত, নাটক অভিনয়, ব্যায়াম, মৃগয়া প্রভৃতি অনুষ্ঠিত হইয়া এই উৎসবকে সকলের প্রীতিপ্রদ করিয়াছিল। সমস্ত সৈন্য নানাপ্রকার ভোজ্যে আপ্যায়িত হইল, তাহারা অতীত ক্লেশের কথা ভুলিয়া গেল। তাহারা যেন নূতন প্রাণে নূতন উদ্যমে অধিকতর বিপদের সম্মুখীন হইবার জন্য প্রস্তুত হইল। কয়েক সপ্তাহের উৎসবের পর, অলিকসন্দর আবার যুদ্ধের জন্য প্রস্তুত হইলেন।

দারা, ইসসু ক্ষেত্রে পরাজিত হইয়া ইউফ্রেটিসের পরপারে গমন করিয়া নিজেকে বিপদযুক্ত বিবেচনা করিলেন। তিনি তাঁহার সাম্রাজ্যের অভ্যন্তর প্রদেশে গমন করিয়া নূতন উদ্যমে নূতনসৈন্যসংগ্রহ করিতে লাগিলেন। তাঁহার পশ্চিমদেশীয়

সৈন্যগণ অলিকসন্দের কাছে পরাজিত হইয়া বিভীষিকাগ্রস্ত হইয়াছে। সেসকল সৈন্য লইয়া যুদ্ধ শুভজনক হইবে না বিবেচনা করিয়া, দারা তাঁহার রাজ্যের পূর্বপ্রান্ত হইতে অধিকাংশ সৈন্য সংগ্রহ করেন । ব্যাক্ত্রিয়া, বর্তমান আফগানিস্তান, বেলুচিস্তান, প্রভৃতি প্রদেশ হইতে বহুসংখ্যক যুদ্ধপ্রিয় জাতি, অলিকসন্দের সহিত যুদ্ধ করিবার জন্ত দাদার পতাকার নিম্নে সমবেত হন । আমাদের অনেক ভারতীয় রাজা ও স্বতঃ প্রবৃত্ত হইয়া, দারার সহায়তার জন্ত গমন করিয়াছিলেন । দারা এই নানাদেশীয় লোকসমষ্টি লইয়া, অলিকসন্দের সহিত পুনরায় বাহুবল পরীক্ষা করিবার জন্ত প্রস্তুত হইলেন । দারার এই লোকসমষ্টি সম্বন্ধে কুর্ভিয়স বলেন, ইহার মধ্যে ২ লক্ষ পদাতিক এবং ৪৫ হাজার অশ্বরোহী ছিল, এরিয়ানের মতে ১ লক্ষ পদাতিক এবং ৪০ হাজার অশ্বরোহী, যষ্টিনের মতে ৪ লক্ষ পদাতিক ১ লক্ষ অশ্বরোহী, ডিওডোরসের মতে ৮ লক্ষ পদাতিক ২ লক্ষ অশ্বরোহী এবং প্লুটার্ক বলেন, মোটে দশ লক্ষ সৈনিকসহ দারা যুদ্ধ করিবার জন্ত প্রস্তুত হইয়াছিলেন ।

অলিকসন্দের তাঁহার বলোদৃষ্ট বাহিনী লইয়া, দারার অনুসরণ করিবার জন্ত ফিনিসীয়া হইতে বহির্গত হইলেন । একাদশ দিবস তিনি পথ অতিক্রমণ করিয়া, শ্রাবণ মাসে ইউফ্রেটিসের তটদেশে থাপাসকস নামক স্থানে উপস্থিত হন । দারা, নদীরপার-বাট রক্ষা করিবার জন্ত দুইহাজার গ্রীক এবং এক সহস্র পারসীক অশ্বরোহী, মাজিয়স নামক একজন কর্মচারীর অধীনতার প্রদান করিয়া প্রেরণ করেন । \*কাপুরুষ কর্মচারী, অলিকসন্দের আগমনবার্তা শ্রবণ করিয়াই প্রাণভয়ে পলায়ন করিল । নদী

উত্তীর্ণ হইবার সময় বাধা প্রাপ্ত হইবেন ভাবিয়া, অলিকসন্দর সেতু প্রস্তুত করিতে ইতস্ততঃ করিতেছিলেন । যখন তিনি শুনিলেন, পারসীক কন্মচারী তাহার কর্তব্য ভুলিয়া চলিয়া গিয়াছে ; তখন তিনি বিনা বাধায় দুইটি নৌকার পোল প্রস্তুত করিয়া সমস্ত সৈন্যসহ নদীর অপর পারে গমন করেন । এ স্থান হইতে তিনি সরল পথে বাবিলনে গমন না করিয়া, বক্রপথে তদভিমুখে গমন করেন । শেষোক্ত পথ, অপেক্ষা কৃতশীতল ভূ-শল্য পরিপূর্ণ এবং খাদ্যদ্রব্য সংগ্রহ পক্ষেও সুবিধাজনক । গমনকালে দারার কতকগুলি গুপ্তচর ইহার হস্তে পতিত হয় । তাহাদের মুখে শুনিলেন যে, দারা পূর্বাপেক্ষা প্রচুর সৈন্য লইয়া খরবেগ তাইগ্রিসের তটে অলিকসন্দরকে বাধা দিবার জন্ত অবস্থান করিতেছেন । একথা অবগত হইয়া মাসিদনপতি দ্রুতগতিতে তদভিমুখে অগ্রসর হইতে লাগিলেন । তথায় উপস্থিত হইয়া দেখিলেন, এখানে দারা বা ইহা রক্ষা করিবার জন্ত কোন সৈন্যও উপস্থিত নাই । স্বদেশদ্রোহী বিধাসঘাতক পুরুষগণ, বিদেশী শত্রুর আগমন পথে বাধা না দিলেও, তাইগ্রিস কিন্তু বিদেশী শত্রুর ভয়ে ভীত না হইয়া, প্রবলবেগে অলিকসন্দরের প্রতিকূল আচরণ করেন—তাইগ্রিস যদি ইহার উপর স্বদেশভক্তের সাহায্য পাইত, তাহা হইলে অলিকসন্দরকে এখানে বড় কম ক্লেশ পাইতে হইত না । ইহা উত্তীর্ণ হইয়া অলিকসন্দর এ স্থানে সৈন্যগণকে কএকদিন বিশ্রাম করিতে অবকাশ প্রদান করেন । এখানে অবস্থান কালে ( ২০শে সেপ্টেম্বর ৩৩১ খৃঃ পূঃ ) কার্তিক মাসে প্রায় পূর্ণগ্রাস চন্দ্রগ্রহণ হইয়াছিল । গ্রহণ উপলক্ষে অলিকসন্দর, চন্দ্র, সূর্য, ও 'পৃথিবী' উপলক্ষে বলি প্রদান করিয়াছিলেন ।

“এই গ্রহণ অলিকসন্দর ও মেসিডনবাসীর পক্ষে শুভজনক, এবং এই মাসেই অলিকসন্দর অতুলনীয় বিজয়লাভে সমর্থ হইবেন” এইরূপ কহিয়া জ্যোতিষি তাঁহাকে উৎসাহিত করেন। অলিকসন্দর বিলম্ব না করিয়া দারার উদ্দেশে গমন করিতে আরম্ভ করিলেন। দিবস চতুষ্টয় গমন করিবার পর, তাঁহার চর আসিয়া সংবাদ দিল “শত্রু অথারোহী দূরে দেখিতে পাওয়া যাইতেছে কিন্তু তাহাদের সংখ্যা অনুমান করা যাইতেছে না।” অলিকসন্দর, তাঁহার কতকগুলি সহচর সৈন্যসহ যুদ্ধের জন্ত প্রস্তুত হইয়া দ্রুতবেগে গমন করিতে লাগিলেন। অবশিষ্ট সৈন্যকে তিনি গীরে ধীরে আসিতে আদেশ দেন। অলিকসন্দরকে দ্রুতবেগে আগমন করিতে দেখিয়া, দারার সৈন্যগণ সে স্থান পরিত্যাগ করিয়া শীঘ্রগতিতে গমন করে। তাহাদের মধ্যে কতিপয় ব্যক্তি তাহাদের ঘোটক দ্রুত গমনে অসমর্থ হইয়াছিল, তাহারা অলিকসন্দরের হস্তে পতিত হয়। তাহাদের মুখে অলিকসন্দর অবগত হইলেন যে, দারা অনতিদূরে অবস্থান করিতেছেন। তাঁহার সহিত ভারতবর্ষ, আফগানিস্থান—বেলুচিস্থান খোরাসান, বলখ, বোখারা প্রভৃতি প্রদেশের যুদ্ধপ্রিয় জাতিগণ অবস্থান করিতেছে। বিভিন্নদেশীয় যে সকল সৈন্য, সেনানীগণ পরিচালনা করিতেছেন, তাহারা তাঁহাদের নামও উল্লেখ করিল। এই সকল সৈন্য ব্যতীত দারার পক্ষে ১৫টা হাতী ভারতবর্ষ হইতে যুদ্ধের জন্ত আগমন করিয়াছিল। এই বিপুলবাহিনী লইয়া দারা গাউগামেলা ( উটুগুহ ) নামক স্থানের প্রান্তরে অবস্থান করিতেছিলেন। এ স্থান হইতে আরবেলা, ১৬৯ মাইল দূরে অবস্থিত হইলেও দারাসহ অলিকসন্দরের এই

সংগ্রাম আরবেলার যুদ্ধ বলিয়া ইতিহাসে প্রসিদ্ধি লাভ করিয়াছে।

অলিকসন্দর বন্দীদ্বয়ের মুখে দারার অবস্থা অবগত হইয়া সৈন্যগণকে সেই স্থানে চার দিন বিশ্রাম করিতে অবকাশ প্রদান করেন। তিনি, শিবির সকল পরিখা পরিবেষ্টিত করিয়া তাহাতে তাঁহাদের সমস্ত মালপত্র এবং যাহারা যুদ্ধ করিতে অসমর্থ হইয়াছিল তাহাদিগকে রাখিয়া দিলেন। পঞ্চম দিবসের রাত্রি তিনটার সময় শত্রু উদ্দেশে যাত্রা করিলেন—সৈন্যগণ যুদ্ধোপযোগী অস্ত্র শস্ত্র ব্যতীত আর কোন দ্রব্য গ্রহণ করিতে অনুজ্ঞাত হইল না। অলিকসন্দর মনে করিয়াছিলেন যে, সূর্য্যোদয়ের সহিত শত্রুকে আক্রমণ করিবেন। তাঁহার হিসাবে ভুল হইয়াছিল। সূর্য্যোদয়কালে তিনি একটি ক্ষুদ্র পাহাড়ের উপর উপস্থিত হইলেন। এখানে তিনি তাঁহার সেনানীগণের সহিত মিলিত হইয়া এই ক্ষণেই পারসীকগণকে আক্রমণ করা উচিত, অথবা এখানে বিশ্রাম করিয়া পরে যুদ্ধে প্রবৃত্ত হইবেন, এতদ্বিষয়ক পরামর্শ করেন। পার্মিনিও বলেন এখানে অবস্থান করিয়া স্থানের অবস্থা ভাল করিয়া দেখিতে হইবে, যদি শত্রুগণ কোন স্থানে গর্ত্তখনন করিয়া তাহার উপর তুণাচ্ছাদিত করিয়া রাখিয়া থাকে, অথবা স্থানে স্থানে লুকাইয়া খোঁটা পুতিয়া থাকে এ সকল, এবং শত্রুর ব্যূহরচনা প্রভৃতি ভাল করিয়া দেখিতে হইবে। পার্মিনিওর পরামর্শ গৃহীত হইল—সৈন্য সকল এখানে অবস্থান করিল, অলিকসন্দর তাঁহার কতক সহচর সৈন্যসহ যে স্থানে তিনি যুদ্ধ করিবেন, সেই স্থান পুঞ্জীকৃতপুঞ্জরূপে পরিদর্শন করিয়া প্রত্যাগমন করিলেন। আবার সেই সকল সেনানীকে



সমাবত করিয়া তিনি বলিলেন, “আপনাদিগকে যুদ্ধ করিবার জ্ঞান আমাকে উৎসাহিত করিতে হইবে না—আপনারা স্বীয় স্বীয় শৌর্য্য এবং যে সকল অতিসাহস কার্য্য করিয়াছেন, তাহাতেই আপনারা মদমত্ত আছেন—আপনাদের এখন কর্তব্য, আপনাদের অধীনস্থ প্রত্যেক লোককে কর্তব্য পরিপালনে দৃঢ়ত্ব করিবেন । প্রত্যেক অধারোহী ও পদাতিক সেনাপতি, আপন আপন দলের প্রত্যেক সেনাকে যেন যুদ্ধের জ্ঞান উৎসাহিত করেন । সকলের যেন ইহা স্মরণ থাকে যে, পূর্ব্বের যুদ্ধ, সিরিয়া, মিশ্র, প্রভৃতি প্রদেশ জয় করিবার জ্ঞান অভিনীত হইয়াছিল । বর্ত্তমান যুদ্ধ সমগ্র এসিরার জ্ঞান অনুরূপ হইবে । কে একছত্রী সম্রাট হইবে, এই যুদ্ধে তাহা নির্ণিত হইবে । বেশী কথায় সৈন্যগণকে উৎসাহিত করিতে হইবে না, ইতিপূর্ব্বই তাহারা সাহসের যথেষ্ট পরিচয় প্রদান করিয়াছে ; স্বভাবতঃই তাহারা সাহসী, এখন দেখিতে হইবে, যুদ্ধের সঙ্কট সময়ে যেন তাহারা বিণ্ডুল হইয়া না পড়ে । যখন নিশ্চর থাকিবার দরকার হইবে ; সে সময় যেন তাহারা মৌলাবলম্বন করিয়া থাকে । আর যখন সিংহনাদ করিবার আবশ্যক হইবে, তখন যেন সকলে সমন্বরে শব্দ করিয়া শত্রুগণকে সম্বাহিত করিয়া ফেলে । যুদ্ধকালে তাঁহার আজ্ঞা সেনানী ও সৈন্যগণ মধ্যে বাহাতে শীঘ্র প্রচারিত হয়, সে বিষয় বিশেষ মন দিতে কহেন । যদি সমষ্টিও ব্যক্তি গতভাবে কর্তব্য পরিপালনে শিথিলতা প্রকাশ পায়, তাহা হইলে বিপদঘনীভূত হইয়া থাকে, আর প্রত্যেকে যদি ব্যক্তিগত ও সমষ্টি ভাবে জয় লাভের জ্ঞান আপনার সমস্ত উদ্যম বিনিয়োগ করেন, তাহা হইলে কাহার সাধ্য তাহাকে পরাজয় করে? এইরূপ নানা-

প্রকার উৎসাহপূর্ণ বাক্য বলিয়া অলিকসন্দর সৈন্যগণকে ভোজন ও বিশ্রাম করিতে আদেশ করেন ।

এস্থান হইতে প্রায় দুই ক্রোশ দূরে দারা অবস্থান করিতে-  
ছিলেন । তিনি অলিকসন্দরের আগমন সংবাদ প্রাপ্ত হইয়া যুদ্ধের  
জন্য প্রস্তুত হইয়া রহিলেন—পাছে শত্রু রাত্রিতে আক্রমণ করে  
এই আশঙ্কায় সৈন্যগণ সমস্ত রাত্রি যুদ্ধসজ্জায় কোলাহল করিয়া  
অতিবাহিত করে ।

পার্মিণিও, পারসীক সৈন্যের সংখ্যায় আধিক্য দেখিয়া  
অলিকসন্দরের কাছে রাত্রিকালে শত্রু আক্রমণ করিবার প্রস্তাব  
উত্থাপন করেন । প্রত্যুত্তরে অলিকসন্দর বলেন “অন্ধকারের  
সাহায্যে চুরি করিয়া আমি জয়লাভ করিতে ইচ্ছা করি না ।”  
অলিকসন্দর বুঝিয়াছিলেন, রাত্রি যুদ্ধে অপেক্ষাকৃত প্রস্তুত ও  
অপ্রস্তুত উভয়পক্ষেরই বিপদাপন্ন হইবার সম্ভাবনা আছে । একপ  
যুদ্ধে শক্তিশালী ও অনেক সময় দুর্বলের হস্তে এবং দুর্বল ও  
শক্তিশালীর হস্তে নিগৃহীত হইয়া থাকে, রাত্রিযুদ্ধে দারা পরাজিত  
হইলে ও পুনরায় তিনি যুদ্ধ করিবার জন্য উৎসাহিত হইতে  
পারেন । দুর্বল ব্যক্তিই রাত্রি যুদ্ধের অনুষ্ঠান করিয়া থাকে  
বিবেচনা করিয়া অলিকসন্দর একপ যুদ্ধে প্রবৃত্ত হন নাই ।  
বিশেষতঃ যে স্থানে যুদ্ধানল ঘোরতররূপে প্রজ্জ্বলিত হইয়া থাকে,  
যে স্থানে গমন সর্বাপেক্ষা বিপদজনক, যে স্থানে নিষ্কাশিত তর-  
বারির চাক্‌চিক্যে চক্ষু ঝলসিয়া উঠে, এবং তাহার ভীষণ প্রহারে  
যে স্থান আকুলিত হইয়া উঠে, অলিকসন্দর সেই ভীষণ স্থানে  
গমন করিয়া নিজের অতি মানুষ বীরত্ব দেখাইতে স্বভাবতঃই  
শিক্ষিত ; রাত্রিযুদ্ধে তাঁহার উদাহরণ সৈন্যগণ মধ্যে অনুক্রামিত

হইয়া, তাহাদিগকে যুদ্ধ দুর্গদ করিবার সম্ভাবনা খুব কম, তাই তিনি অন্ধকারের সাহায্যে চোরের মতন, চুরি করিয়া জয়লাভ করিতে ইচ্ছুক হন নাই ।

আবার প্রাতঃকাল হইল, সূর্য্যদেবও আবার আকাশে উদ্ভিত হইলেন । সমস্তজগৎ জাগরিত হইল, অলিকসন্দর এখনও নিদ্রিত ।—পারমিণিও রাজশিবিরে গমন করিয়া তাঁহাকে জাগরিত করিয়া বলিলেন ; পারসীকগণ যুদ্ধের জন্ত অগ্রসর হইতেছে । আমাদের সৈন্যগণকে যুদ্ধের জন্ত প্রস্তুত হইতে আজ্ঞা প্রদান করুন । আপনি আজ এত নিদ্রা যাইতেছেন কেন ? অলিকসন্দর হাসিয়া বলিলেন “আপনি আমাদিগকে সমরবিজয়ী বলিয়া অবগত হউন, আর আমাদিগকে, দেশ হইতে দেশান্তর অতিক্রমণ করিতে হইবে না, দারা যুদ্ধের জন্ত আমাদের সম্মুখে অবস্থান করিতেছে ?”

অলিকসন্দর, অতি প্রসন্ন চিত্তে সৈন্যগণ মধ্যে উপস্থিত হইলেন, তাঁহার আনন্দপূর্ণ মুখশ্রী দেখিয়া সৈন্যগণ মধ্যে এরূপ দৃঢ় ধারণা বদ্ধমূল হইল, যেন বিজয়শ্রী তাহাদের করতলগত হইয়াছে । অলিকসন্দর তাঁহার সৈন্যগণকে নিম্নলিখিত পদ্ধতি অনুসারে যুদ্ধের জন্ত সজ্জিত করিলেন । তাঁহার দক্ষিণ পক্ষের শেষভাগে তাঁহার সহচর অশ্বারোহীগণ আট ভাগে বিভক্ত হইয়া ফিলটের অধীনতায় অবস্থান করিল—পারমিণিও পুত্র নিকানর এবং ক্রিতিরস যথাক্রমে পাদাতিক সেনার দক্ষিণ ও বামভাগে অবস্থান করিলেন । বামভাগে থেসলীয় এবং সম্মিলিত গ্রীক অশ্বারোহীগণ রক্ষিত হয় । অলিকসন্দর দক্ষিণ এবং পারমিণিও বামভাগে অবস্থান করিয়া সৈন্য পরিচালনা

করেন। অলিকসন্দর ৭ হাজার অখারোহী আর ৪০ হাজার পদাতিক সৈন্য লইয়া দারার সম্মুখীন হইয়া যুদ্ধ করিতে প্রবৃত্ত হইলেন। তিনি বুঝিয়াছিলেন কোন গতিকে প্রধান সেনানীকে নিহত বা যুদ্ধস্থল হইতে বিতাড়িত করিতে সমর্থ হইলে বিজয় লাভ করিতে আর বিলম্ব হয় না। তাই তিনি দারার সৈন্তের দিকে লক্ষ্য না করিয়া তাঁহাকে পরাস্ত করিতে প্রবৃত্ত হইয়াছিলেন।

পারস্তপতি তাঁহার বামভাগের শেষের দিকে ব্যাক্ত্রিয়া দেশীয় অখারোহী, তারপর দানসু, ( কাস্পীয়ান সাগরের পূর্ব দেশবর্তী জনগণ ) আরচোটয়ান, ( আফগান ও বেলুচীস্থানের মধ্যবর্তী ) তারপর পারসীক অখারোহী ও কেডুসিয়ান, ( কাস্পীয়ানের দক্ষিণ পশ্চিমদিগ্ বাসী ) দক্ষিণ দিকে সিরিয়া, মোসপটমিয়ার অধিবাসী, পার্থিয়ান, ( খোরাসনবাসী ) প্রভৃতি জনপদবাসী অবস্থান করিতেছিল। মধ্যবর্তী দারার সম্মুখে নানাপ্রকার আয়ুধ সম্পন্ন রথ এবং ১৫টা হস্তী অলিকসন্দরের প্রাতি স্পর্দ্ধী হইয়া দণ্ডায়মান হইয়াছিল।

যখন উভয় সৈন্য পরস্পরের নিকটবর্তী হইল—যখন দারার সৈন্যগণের স্বর্ণময় আভরণের চাক্চিক্য নয়নগোচর হইল, তখন অলিকসন্দর তাঁহার সৈন্যগণকে পরিচালনা করিয়া বক্রভাবে দ্রুতবেগে গমন করিয়া দারার বামভাগ আক্রমণ করেন—অলিকসন্দর ইতিপূর্বে যুদ্ধস্থলে হস্তীর উপস্থিতি কখন প্রত্যক্ষ করেন নাই, বোধ হয় সেই জন্ত ঠিক সম্মুখ আক্রমণ না করিয়া তিনি একটু বাঁকা হইয়া আক্রমণ করিলেন। দারা ও তাঁহার সৈন্যগণকে সামনা সামনি গমন

করিতে আদেশ দিলেন। অলিকসন্দর যখন যুদ্ধ শকটের জন্ত পরিস্কৃত ভূমির পার্শ্ব দিয়া আগমন করিতে লাগিলেন, তখন দারা, তাঁহার বাম ভাগের সম্মুখভাগে যে সকল ব্যাক্ত্রিয়া ও শক দেশীয় সৈন্ত ছিল, তাহাদিগকে শত্রুর দক্ষিণ দিক আক্রমণ করিতে প্রেরণ করিলেন। যে সকল গ্রীকসেনা ইহাদিগের আক্রমণ রোধ করিবার জন্ত প্রেরিত হইল, তাহারা ইহাদিগের বেগ কোনরূপে সহন করিতে সমর্থ হইল না—গ্রীকসেনার সাহায্যের জন্ত অল্প সেনা ধাবিত হইল। তাহারা উভয়ে মিলিত হইয়া কোনরূপে স্থান রক্ষা করিতে সক্ষম হইল। অন্ত্রদ্বারা সুরক্ষিত শকটসমূহ, অলিকসন্দরের অভিমুখে প্রেরিত হইল। গ্রীক লেখকেরা বলেন, ইহাদের চালকগণ অলিকসন্দর সৈন্তের দীর্ঘ বর্ষার এবং অস্বাচ্ছাতে অকর্মণ্য হইয়া পড়ে। সুতরাং কোন কাষেই আসে নাই। যে কয়েকখান ব্যুহভেদ করিতে সমর্থ হইয়াছিল তাহারা অশ্বপাল প্রভৃতি কর্তৃক ধৃত হইয়াছিল। এই যুদ্ধে হস্তী সৈন্তের কার্য্য সম্বন্ধে কোনরূপ উল্লেখ দেখিতে পাওয়া যায় না। অলিকসন্দর, তাঁহার দক্ষিণ পক্ষের সৈন্তসহ দারার সৈন্তের প্রথমশ্রেণী ভেদ করিয়া প্রবেশ করিলেন, দারা যে দিকে তাঁহার বিখস্ত বাহিনীসহ অবস্থান করিতেছিলেন। তিনি প্রচণ্ড পরাক্রমে সেই দিকে অগ্রসর হইতে লাগিলেন। পারসীক সৈন্ত ভেদ করিয়া তাহাদিগকে বিভক্ত করিয়া ফেলিলেন—পারসীক অস্বারোহী অল্প স্থানে বহু সংখ্যক অবস্থান করাতে তাহারা শত্রুদের উপর সুবিধামত অন্ত্র প্রয়োগ করিতে পারিল না। অতঃ তাহারা মেসিডনদের দীর্ঘ বর্ষার প্রভাবে জর্জরিত হইয়া পড়িল। অলিকসন্দর সেনানী অরিত্রাস, দারার বামভাগে

বিপুল পরাক্রমের সহিত আক্রমণ করিলেন । ইহাতে সৈন্যগণ অধিকতর বিগৃহ্মণ হইয়া পড়িল । কুর্তিয়স্ ও ডিওডোরস্ বলেন, দারা খুব উৎসাহ ও ধৈর্য্যের সহিত যুদ্ধ করিয়াছিলেন । এরিয়ান বলেন, “দারা প্রথম হইতেই বিভীষিকাগ্রস্ত হইয়াছিলেন তিনিই সর্বপ্রথমে রণে ভঙ্গদিয়া পলায়নে প্রবৃত্ত হন” ।

“ অলিকসন্দর এ ভাগে বিজয় প্রাপ্ত হইলেন বটে, কিন্তু অল্প ভাগের অবস্থা খুব সঙ্কটজনক হইয়াছিল । তাহার বাম ভাগ, শত্রুসৈন্যের দারুণ আক্রমণে কম্পিত হইয়া পড়িয়াছিল । বিজয়শ্রী দারার পক্ষ অবলম্বন করিবার উপক্রম করিয়াছিলেন । যুদ্ধনিপুণ পারমিণিও বারংবার সাহায্যপ্রার্থী হইয়া অলিকসন্দরের কাছে লোক প্রেরণ করিল । অলিকসন্দর তাঁহাকে সাহায্য করিতে না পারিলেও বলিয়া পাঠাইলেন বিজয়শ্রী আমাকে আলিঙ্গন করিয়াছেন, দারা যুদ্ধস্থল পরিত্যাগ করিয়া পলায়ন করিয়াছে, কিয়ৎক্ষণ যুদ্ধস্থলে দৃঢ়ভাবে অবস্থান করিতে পারিলেই, কার্য্যসিদ্ধি হইবে । অলিকসন্দরের অনুমান ঠিক হইল । দারার সৈন্যের বিজয় লাভের উপক্রমকালে, দারার পলায়ন বার্তা প্রচারিত হইল । যাহারা শত্রুসৈন্য বিভ্রাসিত করিয়া যুদ্ধ করিতেছিল, তাহারা বিভীষিকাগ্রস্ত হইল ! যাহারা বেগে অগ্রসর হইয়া শত্রুগণকে পশ্চাদপদ করিতেছিল, তাহারা পলায়নে প্রবৃত্ত হইল !

অলিকসন্দরের সৈন্য যখন বিভক্ত হইয়া পড়ে ; সেই সময় আমাদের ভারতীয় এবং পারসীক সৈন্য তাহাদের মধ্যদেশ ভেদ করিয়া শত্রুর পশ্চাদভাগে গমন করিয়া ঘোরতর যুদ্ধ কম্বিতে আরম্ভ করে ।—তাহাদের প্রাণ্ড আক্রমণে যেসিদ্ধ

সৈন্য সম্পূর্ণ পরাস্ত হইয়া হতবীর্য্য হইয়া পড়ে ।—বিজৈতার হস্তে মেসিদিনদের সমস্ত লুপ্তিত দ্রব্য পতিত হইল যাহারা বন্দী হইয়া অবস্থান করিতেছিল তাহারা মুক্ত হইল । অলিকসন্দরের নিকট এই পরাজয়, এবং মালপত্র ভারতবাসীর হস্তে পতিত হইবার কথা নীত হইলে, তিনি প্রত্যুত্তরে বলেন “আমরা যুদ্ধে জয়লাভ করিতে পারিলে শত্রুগণের মালপত্রের সহিত আমাদের মালপত্র পুনঃপ্রাপ্ত হইব । সে দিকে এ সময় সাহায্য পাঠাইয়া কদাচ দুর্ব্বল হওয়া উচিত নহে—এখন পুরুষের মতন যুদ্ধ করিয়া মানসম্মত বজায় রাখুন ।”

কাপুরুষ দারার পলায়নে সমস্ত বিগৃহ্মল হইয়া পড়িল । যাহারা শত্রুগণকে নির্জিত করিয়া তাহাদের বন্দীগণকে মুক্ত করিয়াছিল, যাহারা নিরাতঙ্ক হইয়া শত্রুগণের হৃদয়ে ঘোরতর আতঙ্কের সঞ্চার করিয়াছিল, যাহারা শত্রুগণের বহু ক্লেণে সঞ্চিত, যথাসর্ব্বশ্ব হস্তগত করিতে সক্ষম হইয়াছিল ; তাহারা এক্ষণে পরাজিত আতঙ্কিত ও মৃত্যুমুখে নিপতিত হইতে লাগিল । দারার পলায়ন বার্তা প্রচারিত হইলে, সমস্ত সৈন্য ঘৃণিতভাবে পলায়ন করিতে আরম্ভ করিল—এখন যুদ্ধস্থল পরিত্যাগ বিষয়ে যেন পরস্পর পরস্পরকে স্পর্ধা করিয়া অগ্রসর হইতে লাগিল—ঐখন মিত্র ও গমন পথে কোনরূপ সাধা প্রদান করিতে উদ্বৃত্ত হইলে, সেও শত্রুরূপে নিহত হইল । এই লোক সমষ্টির কাপুরুষের ন্যায় পলায়ন কালে একরূপ ধূলিজাল উত্থিত হইয়াছিল যে, সম্মুখের লোক তাহাদের কণ্ঠোত্থিত কাতরতা ব্যঞ্জক স্বরে, এবং অশ্বের কষাঘাত শব্দে অনুমিত হইয়াছিল ।

মেসপালক পশুগণকে, অথবা ব্যাঘ্র যেকোন কুরঙ্গমুখকে

বিতাড়িত করিয়া থাকে, অলিকসন্দর সেইরূপ দারার পতঙ্গ পালের ন্যায় সৈন্যগণের অনুসরণ করিয়াছিলেন। এই অনুসরণকালে, অলিকসন্দরের সৈন্যগণ এতঅধিক সংখ্যক হত্যা করিয়াছিল যে, তাহাতে তাহাদের শাণিত অস্ত্র ধার রহিত এবং হস্ত অবসন্ন হইয়াছিল। এই লোকক্ষয়কর যুদ্ধে এরিয়ান বলেন, ৩ লক্ষ পারস্তবাসী নিহত হইয়াছি। তার পর আরো অনেক লোককে বন্দী করিয়া পরে হত্যা করা হয়। কুর্তিয়াস্ ও ডিওডোরস্ বলেন যথাক্রমে ৪০ হাজার এবং ৯০ হাজার পারসীক সৈন্য নিহত হইয়াছিল। এই যুদ্ধে অলিকসন্দরের, এরিয়ান বলেন, ১শত, কুর্তিয়াস্ ৩শত এবং ডিওডোরস্ বলেন ৫শত মাসিদন ইহলোক পরিত্যাগ করিয়াছিল। খৃঃপূঃ অঃ ৩৩১ সেক্টেম্বরমাসে পারস্ত সাম্রাজ্যের রাজলক্ষ্মী দারাকে পরিত্যাগ করেন।

এসিয়াবাসীর পরাজয়ে, ইয়ুরোপীয়েরা তাহাদিগকে কাপুরুষ—স্ত্রী প্রকৃতি সম্পন্ন, ভীক, ইত্যাদি বিশেষণে অভিহিত করিয়া থাকেন। বাস্তবিক পক্ষে একটু ভাল করিয়া দেখিলে ইহাতে তাহাদের ভীকতা বা কাপুরুষতা কিছুই দেখিতে পাওয়া যায় না। তাহারা যাহার জন্য যুদ্ধ করিতে আসিয়াছে, সে যদি রণস্থল পরিত্যাগ করিয়া যায় ; তাহা হইলে তাহার প্রজাগণের রণস্থল পরিত্যাগে দোষ কি ? প্রজাগণের সহিত রাজার শত্রুর কোন প্রকার বিদ্বেষ থাকিতে পারে না। এইজন্য রাজতন্ত্রের প্রজা, শত্রুর প্রতিকূলাচরণ না করিলেও তাহারা দোষাবহ হইতে পারে না। 'কিন্তু প্রজাতন্ত্রের প্রজার পক্ষে ষ্ঠতন্ত্র ব্যবস্থা। প্রজাতন্ত্রের সেনা পরাজিত হইলে সে



দেশের সমস্ত প্রজার, শত্রুর বিরুদ্ধে ঋণপাণি হওয়া উচিত । তাহারা নিজের দেশের নিজেরা রক্ষক ; তাই প্রজা সমষ্টির সর্বতোভাবে শত্রুর প্রতিকূল আচরণ করা উচিত, তাহা না করিলে তাহারা পাপভাগী হইয়া থাকে ।

যুদ্ধের পর অলিকসন্দর, দ্রুতবেগে দারার পশ্চাৎ অনুসরণ করিতে লাগিলেন । যতক্ষণ পর্য্যন্ত দিবালাক ছিল, ততক্ষণ পর্য্যন্ত তাহারা গমন করিতে বিরত হইলেন না । পার্শ্বিণিও তাঁহার সহ শত্রুর পশ্চাৎ গমন করিতে লাগিলেন । তিনি পারসীকদের শিবিরে যে সকল অর্থ ও অগ্নাচ্ছদ্রব্য ছিল, সেই সকল দ্রব্য সহিত হস্তী উষ্ট্র প্রভৃতির অধিকার করেন । অলিকসন্দর লাইকস নদীর তটে কিয়ৎক্ষণ বিশ্রাম করিয়া ; দারার উদ্দেশে মধ্যরাত্রে আবার দ্রুতবেগে গমন করিতে আরম্ভ করিলেন । দারা, আরবেলাতে অবস্থান না করিয়া, পলায়ন করিয়া ছিলেন, তাই অলিকসন্দর এ স্থানে দারার সন্ধান পাইলেন না । দারাকে হস্তগত করিতে না পারিলেও অলিকসন্দর দারার ধন-রত্ন এবং তাঁহার রথ দ্বিতীয়বার হস্তগত করেন ।

অলিকসন্দর ব্যাবিলন অভিমুখে আবার গমন করিতে লাগিলে ।—ব্যাবিলনের যখন নিকটবর্তী হইলেন ; তখন সৈন্তগণকে যুদ্ধ সজ্জায় সজ্জিত করিয়া অগ্রসর হইতে লাগিলেন । অলিকসন্দরকে আগমন করিতে দেখিয়া সপুত্রোহিত শাসনকর্তা ব্যাবিলন বাসীকে সঙ্গে লইয়া অলিকসন্দরের প্রত্যাগমন করেন । অলিকসন্দর বিনা বাধায় নগর, হুর্গ ও প্রচুর পরিমাণে ধনরত্ন প্রাপ্ত হইলেন । নগরে প্রবেশ করিয়া তিনি, যে সকল মন্দির জ্যারাকসাস ভাঙ্গিয়া ফেলিয়াছিলেন ; তাহা পূর্ণনিৰ্ম্মাণ করিতে

আদেশ দেন। এ স্থানে অবস্থানকালে তিনি সৈন্তগণকে প্রচুর অর্থ পারিতোষিক প্রদান করেন। প্রত্যেক মাসিদিন অশ্বারোহী ৩৬০ টাকা, গ্রীক অশ্বারোহী ৩শত, মেসিদিন পদাতিক ১২০ টাকা, এবং অশ্ব পদাতিক দুইমাসের বেতন পুরস্কার স্বরূপ প্রাপ্ত হইয়াছিল। এস্থান হইতে অলিকসন্দর ২০ দিনে গমন করিয়া সুসানগর অধিকার করেন। জারেকসস গ্রীস হইতে যে সকল দেবমূর্তি এবং অগ্ন্যাগ্ন দ্রব্য জয় করিয়া আনিয়া ছিলেন; অলিকসন্দর সেসকল দ্রব্য হস্তগত করিয়া আবার গ্রীস দেশে প্রেরণ করেন। সময় প্রভাবে অশ্ব যে লুপ্তিত হইতেছে; কল্যাণ সে তাহাকে লুণ্ঠন করিয়া স্বীয়দ্রব্য পুনরায় গ্রহণ করিয়াছে, ইতিহাসে এরূপ উদাহরণ নিতান্ত বিরল নহে। বহুদিনের পর, গ্রীস আপনার সম্পত্তি উদ্ধার করিতে পারিয়া কৃত কৃতার্থ হইয়াছিল একথা বলাই বাহুল্য। এ সকল দ্রব্য ছাড়া ১৮ কোটি টাকার স্বর্ণ রৌপ্য প্রভৃতি বহুমূল্য দ্রব্য অলিকসন্দর প্রাপ্ত হইয়াছিলেন।

সুসাহইতে অলিকসন্দর পশ্চিমমধ্যস্থ প্রদেশসকল অল্লাখায়াসে হস্তগত করিলেন। পার্শ্বত্যা প্রদেশে যাহারা তাঁহার গমনে বাধা প্রদান করিল, তাহাদিগকে তিনি ছলে, বলে, কৌশলে, ধ্বংস করিয়া পারস্যের রাজধানী ইস্তাকর, বা তক্তইজামসেদ, (গ্রীকদের কাছে পারসি পলিস নামে অভিহিত হয়) অভিযুখে গমন করেন। পাছে পারসীক সৈন্ত রাজভাণ্ডার লুণ্ঠন করে এই আশঙ্কায় তিনি অতি দ্রুতগতিতে গমন করিয়া নগর অধিকার করেন। অলিকসন্দর এ স্থানে বর্ষরত্নের পরাকাষ্ঠা প্রদর্শন করেন। পার্মিনিও প্রভৃতি অভিজ্ঞ সেনানী কর্তৃক

তিনি নিষিদ্ধ হইলেও, একটা বেণ্ডার কথায় এই সমৃদ্ধিশালী জনপদ অগ্নিযোগে একেবারে ভয়সাৎ করিয়া ফেলেন । অলিকসন্দর, তাঁহার নেশার ঝাঁক কাটিয়া গেলে ইহার জন্ত যথেষ্ট অনুশোচনা করেন ! এই স্থানে তিনি বহুমূল্য দ্রব্য ব্যতীত ১২ হাজার টালান্ট বা ৪৩ কোটি ৫০ লক্ষের ও বেশী টাকা প্রাপ্ত হইয়াছিলেন ।

পারসিপলিস পরিত্যাগ করিয়া, অলিকসন্দর দ্রুতবেগে উত্তরাভিমুখে দারার অন্বেষণে গমন করিতে লাগিল । অলিকসন্দর যেক্রপ দ্রুতবেগে নদ, নদী, পর্বত, বন, মরুভূমি, অতিক্রমণ করিয়াছিলেন তাহা ভাবিলে বিশ্বয়াপন্ন হইতে হয় । দিনের পর দিন, রাত্রির পর রাত্রিতেও তিনি, অকাতরে গমন করিয়াছিলেন । অনেক সময় বিশ্রাম, নিদ্রা, এমন কি উপযুক্ত পরিমাণে ভোজনও, প্রাপ্ত হন নাই । যে পর্য্যন্ত না তিনি অভিষ্ট সিদ্ধ করিয়া ছিলেন, সে পর্য্যন্ত তাঁহার অস্ত্র কোন চিন্তা ছিল না । প্লুটার্কবলেন অলিকসন্দর ১১দিনের ভিতর ৩৯০ মাইল অতিক্রমণ করিয়াছিলেন ।

দারার শেষদৃশ্য অতিব শোচনীয়, তিনি শত্রুর ভয়ে, নিজের দেশে গোপনভাবে স্থান হইতে স্থানান্তরে পলায়ন করিয়াছিলেন । — তাঁহার কন্সচারীরা একে একে তাঁহাকে পরিত্যাগ করিয়া শত্রুপক্ষকে আশ্রয় করিয়াছিল । যখন তিনি ঘোরতর বিপদের সময় আত্মীয় বন্ধুবান্ধব বিহীন হইয়া দীনবেশে নির্কাশিতের আয় অবস্থান করিতে ছিলেন ; তখন তিনি নিজের বিশাসঘাতক কন্সচারী কর্তৃক আবরুদ্ধ হইয়া অবশেষে তাহাদে-  
রই হাতে নিহত হন । গ্রীক ঐতিহাসিকেরা বলেন, অলিকসন্দর

অসীম ক্লেশ স্বীকার করিয়া গমন করিলেও, দারাকে জীবিত অসহায় দেখিতে পান নাই । তিনি উপস্থিত হইয়া দেখিলেন, বহু-অক্ষহিনীর পরিচালক, পারস্য সাম্রাজ্যের নিয়ন্তা—নানাজাতির অধীশ্বর, দারা একমাত্র প্রভুভক্ত কুকুর কর্তৃক রক্ষিত হইয়া অনাথের ন্যায় ভূমিতলে চিরনিদ্রায় অভিভূত হইয়া রহিয়াছেন । অলিকসন্দর অত্যন্ত কঠোর হৃদয় হইলেও, তিনি তাঁহার সমান শতসহস্র মনুষ্য হত্যার কারণ স্বরূপ হইলেও, দারার এ দৃশ্য দেখিয়া তিনি স্থির থাকিতে পারিলেন না—তিনি কোমল মতি বালকের ন্যায় মুক্তকণ্ঠে রোদন করিয়া নিজের পাপের লঘুতা সম্পাদন করিয়াছিলেন । দারা পঞ্চাশ বৎসর বয়স্ক্রে অল্পদিন রাজ্যভোগের পর ৩৩০ খৃঃ পূঃ জুলাই মাসে ইহলীলা সম্বরণ করেন । অলিকসন্দর, দারার শব অধিকার করিয়া তাঁহার সংকারের ব্যবস্থা করিয়া মহত্ত্বের পরিচয় প্রদান করিয়াছিলেন । পারসিপলিসের যে সমাধিক্ষেত্রে তাঁহার পূর্বপুরুষগণ সমাহিত হইয়া ছিলেন, অলিকসন্দর দারাকেও তাঁহার পদোচ্চ রাজ্য সম্মানের সহিত সমাহিত করিতে আদেশ প্রদান করেন ।

এ সময় অলিকসন্দরের চরিত্র যথেষ্ট পরিমাণে পরিবর্তিত হইয়াছিল । তাঁহার মনোপানের মাত্রা যথেষ্ট বাড়িয়া গিয়াছিল, তিন শতেরও অধিক পরিমাণে সুন্দরী তাঁহার পরিচর্যা করিত, সমস্ত রাত্রি নৃত্য-গীতে অতিবাহিত হইত, ব্রহ্মচর্য্যবিহীন হওয়াতে তিনি এখন হইতে তোষামদ প্রিয়, দুর্বল হৃদয়, উদ্ধত স্বভাব, হইয়াছিলেন ।

অলিকসন্দরের সৈন্যগণ এ স্থান হইতে গৃহে প্রত্যাগমনের জন্য অনেক অনুরোধ প্রার্থনা করিয়াছিল । তিনি তাহাদিগকে

নিরস্ত করিয়া ব্যাক্তিগ্ৰীয়া অভিযুখে গমন করিতে আরম্ভ করিলেন । পথে স্থানে স্থানে তিনি যে বাধা প্রাপ্ত হন নাই এরূপ নহে ; কিন্তু সে সকল বাধা তাঁহার দুর্জয় ইচ্ছার কাছে পরাভূত হইয়াছিল ।

অলিকসন্দর, যে সময় ব্যাক্তিগ্ৰীয়া অভিযুখে গমন করেন, সে সময় তাঁহাকে হত্যা করিবার জন্য একটা ষড়যন্ত্র হইয়াছিল । এই ষড়যন্ত্রে পান্সিগিও পুত্র ফিলট, কতদূর লিপ্ত ছিলেন তাহা ভালরূপ জানা না গেলেও, তাহাকে জীবন প্রদান করিতে হইয়াছিল । ষড়যন্ত্রে দুষ্ট না হইলেও প্রকাণ্ডভাবে ফিলট, অলিকসন্দরের কার্যের সমালোচনা করিতেন, তিনি ও তাঁহার, পিতা পান্সিগিও তাঁহার এ সৌভাগ্যের কারণ, ইত্যাদি নানাপ্রকার কথায় শ্রদ্ধা প্রকাশ করিতেন । কোন পত্রে তিনি, অলিকসন্দর সম্বন্ধে লিখিয়াছিলেন, “যে নিজেকে যুপিটারের পুত্র বলিয়া মনে করে, তাহার আজাদীনে যে অবস্থান করে সে ব্যক্তি দয়ার পাত্র সন্দেহ নাই”। এই কথা তাঁহার শত্রুপক্ষীয়, অলিকসন্দরকে অবগত করাইলে ; তিনি যে সবিশেষ ক্রুদ্ধ হইয়াছিলেন সে বিষয় সন্দেহ নাই । অলিকসন্দর, প্রথমে ফিলটকে ক্ষমা করিয়াছিলেন ; কিন্তু তাঁহার শত্রুর প্ররোচনায় পরে তিনি নিহত হইয়াছিলেন । পান্সিগিও, এ সময় মৈত্র সহ দূরতর প্রদেশে অবস্থান করিতে ছিলেন । তিনিও যে দোষী তাহা প্রমাণ করিতে বিলম্ব হইল না । যে হেতু তিনি ফিলটের পিতা, এবং কোনপত্রে পুত্রকে লিখিয়া ছিলেন যে “তুমি নিজেকে খুব সাবধানে রক্ষা করিবে” । ইহাতে প্রতিপন্ন হইতেছে যে তিনিও পুত্রের সহিত ষড়যন্ত্রে লিপ্ত ছিলেন । পান্সিগিওকে হত্যা করিবার জন্য, তাঁহার একজন বিশ্বস্ত বন্ধুকে, অলিকসন্দর প্রেরণ

করিলেন। বন্ধু, বন্ধুকে হত্যা করিবার জন্ত অতি শীঘ্রগতিতে তাঁহার কাছে উপস্থিত হইয়া, অলিকসন্দরের পত্র প্রদান করেন। ইহা পাঠকালে তিনি, পাপিষ্ঠের অস্বাধাতে মৃত্যুমুখে পতিত হন।

ক্লিতস, অলিকসন্দরের একজন বিশ্বস্ত সেনানী। ইনি গ্রানিকস যুদ্ধে, নিজের প্রাণপরিত্যাগ সম্ভাবনা সত্ত্বেও, অলিকসন্দরের প্রাণ রক্ষা করিয়াছিলেন। পার্মিনিওর মৃত্যুর পর, ইহাকে অলিকসন্দর কোন এক প্রদেশের শাসনকর্তা পদে নিযুক্ত করিয়া প্রেরণ করেন। গমন করিবার পূর্বে, অলিকসন্দর তাঁহার সম্মানের জন্ত নৈশভোজের অনুষ্ঠান করেন—ভোজনকালে প্রচুর পরিমাণে সুরা ব্যবহৃত হইয়াছিল। এরূপ স্থলে অলিকসন্দর, নিজের বীরত্ব কাহিনী কীর্তন করিয়া, নিজের উৎকর্ষ, এবং পিতা ফিলিপের অপকর্ষতা বুঝাইয়া দিতেন। বৃদ্ধ ক্লিতস, ফিলিপের অধীনতায় কার্য্য করিয়াছিলেন, তিনি তাঁহাদের অতীত যুদ্ধের কথা অস্পষ্ট স্বরে কহিতে ছিলেন—অলিকসন্দর যখন জিজ্ঞাসা করিলেন কি বলিতেছ? তখন কোন উত্তর পাওয়া গেল না সকলেই নির্দ্বাক। ক্লিতস এখন মস্তের ঝোঁকে আরো উচ্চস্বরে ফিলিপের প্রশংসা করিয়া বলিলেন, “সে সময় ফিলিপের সমকক্ষ কেহই ছিলনা।” ইহাতে যুবকদল প্রতিবাদ করিয়া, অলিকসন্দরের শ্রেষ্ঠত্ব প্রতিপন্ন করিতে লাগিল। ক্লিতস, আরো উত্তেজিত হইয়া ফিলিপের, সর্ব্বশ্রেষ্ঠ সেনানী পার্মিনিওর গুণ কীর্তন করিয়া, তাঁহার হত্যা সম্বন্ধে বিচারের উপর দোষারোপ করেন। অলিকসন্দরের ধৈর্য্য লোপ হইল। তিনি আসন হইতে উত্থান করিয়া ভীত ভৎসনায় তাঁহাকে তিরস্কার করিলেন। ক্লিতস, তাঁহার গাল প্রহার করিয়া বলিলেন, “এই সেই বাহু যে বাহু গ্রেগিকসে

আপনার জীবন রক্ষা করিয়াছিল । বিশ্বস্ত কর্মচারী, আপনার হস্তে কিরূপ পুরস্কার ও কৃতজ্ঞতা প্রাপ্ত হয়, তাহা পারমিনিওর অদৃষ্টে বেশ প্রকাশ পাইতেছে ।” এই কথা শুনিয়া অলিকসন্দর, অলস্ত অগ্নির তায় প্রজ্জ্বলিত হইয়া উঠিলেন, এবং তাঁহাকে স্থান পরিত্যাগ করিবার আদেশ দিলেন । তাঁহার আদেশ প্রতিপালিত হইল—গমনকালে ক্লিতস বলিলেন, “যে সত্য কথা বলে, এরূপ স্বাধীনচেতা কে কোনরূপেই তাঁহার নিকট বসিতে দেওয়া উচিত হয় না, এখন বর্ষের ও কৃতদাসদের মধ্যে জীবন অতিবাহিত করাই তাঁহার পক্ষে যুক্তিযুক্ত । তাহারা, আপনার পারসীক কটি-বন্ধন এবং সুন্দর পরিচ্ছদ দেখিয়া প্রশংসাবাদ করিয়া কৃতকৃতার্থ হইবে ।” এই কথা শুনিয়া অলিকসন্দর, প্রহার করিবার জ্ঞপ্তি দণ্ড উত্তোলন করিলেন । পার্শ্ববর্তী লোকেরা, অলিকসন্দরকে ধরিয়া ফেলিল, এবং অপরে ক্লিতসকে ধরিয়া অপর গৃহে লইয়া গেল । মত্তপানে উন্মত্ত ক্লিতস, পুনরায় অণু দ্বার দিয়া আসিয়া আবার অলিকসন্দরকে অবমাননা করিতে লাগিলেন । তখন তিনি তাহার উদ্দেশে অস্ত্র নিক্ষেপ করিয়া বলিলেন, “যাও ফিলিপ ও পারমিনিওর সহিত মিলিত হওগে ।”

অনেকেই অলিকসন্দরের এরূপ দুর্ব্যবহারে বিরক্ত হইলেন । কেহ যে তাঁহাকে এ সময় গুপ্তভাবে হত্যাকরে নাই, ইহা তাঁহার শুভাদৃষ্ট বলিতে হইবে । মেসিদিনরা উৎপীড়িত হইলে, তাহাদের রাজাকেও দণ্ড দিতে আলস্য প্রকাশ করে না । অলিকসন্দরের ঠিক পূর্ববর্তী, মেসিদিনের আট জন রাজার মধ্যে, দুইজন স্বাভাবিক ভাবে মৃত্যুগ্রাসে পতিত হইয়াছিলেন । এক জন যুদ্ধক্ষেত্রে আর অপর পাঁচজন অকস্মাৎ ঘাতক হস্তে প্রাণ পরিত্যাগ করিয়া-

ছিলেন। পারসীকগণকে পরাজয় করিলেও, অলিকসন্দর পারসীক বিলাসীতার কাছে পরাজিত হইয়াছিলেন—মাণুষ্য বিলাসী হইলে দুর্বল হৃদয় হইয়া পড়ে, সকল সময়ে কর্তব্য স্থির করিতে সমর্থ হয় না। ধীরে ধীরে এই সকল লক্ষণ, অলিকসন্দরে বেশ লক্ষিত হইয়াছিল। ফিলটের ঘটনার পর হইতে ; অলিকসন্দর একজনের হস্তে সমস্ত সহচরসৈন্যের ভার না দিয়া, বিভক্ত করিয়া দিলেন, এবং নিজেকে রক্ষা করিবার পক্ষেও মনোযোগ দেন ।

অলিকসন্দর, কখন চিরভূষারারত পরিত, কখন নিবিড় অরণ্য, কখন সুপ্রশস্ত শ্রোতস্বতী, কখন বা সুবিশুত মরুভূমি, অবলীলাক্রমে উত্তীর্ণ হইয়া ; দেশের পর দেশ, আক্রমণ করিয়া অধিকার করিতে লাগিলেন। যে স্থানে তিনি বাধা প্রাপ্ত হইলেন, সে স্থান তাঁহার ক্রোধানলে ভয়ীভূত হইয়া গেল—সমর-কন্দের নিকটবর্তী কোন স্থলে উপস্থিত হইলে, সেখানকার লোকেরা তাঁহার লোকের উপর কিছু অত্যাচার করে। ইহাতে সে স্থানের বহুসংখ্যক লোককে প্রাণ বিসর্জন দিতে হইয়াছিল। যাহারা নিজেদের স্থানের দুর্গমতার উপর নির্ভর করিয়া অলিকসন্দরের প্রতিপক্ষতা অবলম্বন করিল, তাহারা অবশেষে নিজেদের ভ্রম বুঝিতে পারিয়া অধীনতা স্বীকার করিয়া রক্ষা পাইল—যাহারা, অলিকসন্দর বহুদূরে অবস্থান করিতেছেন অবগত হইয়া তাঁহার বিরুদ্ধে বিদ্রোহানল প্রজ্জ্বলিত করে, তাহাদিগকে পশ্চাৎ নিজেদের শরীর হইতে প্রচুর পরিমাণে রক্তের দ্বারা প্রদান করিয়া, সে অনল নির্বাপন করিতে, হইয়াছিল। যুদ্ধ বিষয়ে, তাঁহার দুর্ভাগ্য ইচ্ছা, তাঁহার



সেনানী ও সৈনিকগণ মধ্যে অহুক্রামিত হইয়া, তাহা-দিগকে হরাক্রব্য করিয়াছিল। তাহারা সর্বত্র জয়যুক্ত হওয়াতে, যোবতর ভয়ঙ্কর যুদ্ধেও জয়লাভ না করিয়া তাহারা প্রত্যাবর্তন করিতে স্বর্ণা বোধ করিত। মধ্য এশিয়ায় নিকটবর্তী, সে সকল প্রদেশের জনগণ অপেক্ষা, মাসিদনেরা অধিক বলশালী নাহইলেও, তাহাদের নামের প্রতাপে শত্রু হস্ত হইতে অল্প শত্রু নিপতিত হইয়াছিল। দরিদ্র গৃহস্থের সর্বপ্রথম ধন সঞ্চয় করা অত্যন্ত কঠিন। কিন্তু কোন রূপে সেই মিতাচারী গৃহস্থের, একবার ধন সঞ্চিত হইলে, তারপর খুব শীঘ্র সে অনায়াসে যেকোন বিপুল ধনের অধীশ্বর হয়। ঠিক সেইরূপ, কোন দুর্বল জাতি সর্বপ্রথমে যোবতর অধ্যবসায় সহকারে, শত্রু হৃদয়ে, তাহাদের রণবিষয়িণী প্রচণ্ডতা, কোনরূপে দৃঢ়ীকৃত করিতে সমর্থ হইলে, উত্তরোত্তর তাহাদের কার্য সকল অনায়াস সাধ্য হইয়া থাকে। জয়শ্রীর প্রথম প্রতিষ্ঠা, স্মৃতি হইলেও, ভক্ত, প্রাণের বিনিময়ে তাহা সম্পাদনে অগ্রসর হন বলিয়াই, কার্যে সফলতা লাভ করিয়া থাকেন। গ্রেনিকস, প্রভৃতি যুদ্ধে দারুণ বিক্রম দেখাইয়া, প্রতিষ্ঠা লাভ করিয়াছিলেন বলিয়া, এ সকল স্থানবাসী তাহার নামের প্রতাপে পরাজিত হইয়াছিল।

অলিকসন্দের অতুল সমৃদ্ধি লাভের সহিত, গ্রীস দেশ হইতে তিনি নানাশ্রেণীর লোককে আমন্ত্রণ করিয়া আনিয়া সভা পরিপূর্ণ করিতে লাগিলেন। তাহাদিগের মধ্যে গ্রন্থকার, কবি, দার্শনিকদের সংখ্যাও বড় কম ছিল না। দেবপুত্র অলিকসন্দর, পারসীক আচার ব্যবহারের খুব পক্ষপাতী হইয়াছিলেন। পারসীকেরা ভূমিস্পর্শ করিয়া সম্রাটকে অভিবাদন করে—তাহার “স্বদেশবাসী মাসিদনেরা, তাহাকে সহচর, ফিলিপ পুত্র, ও রাজা বিবেচনা

করিয়া, তাহাদের স্বদেশী প্রথায় সম্মান দেখাইয়া থাকে । দেব-পুত্রের ইহা ভাল লাগিল না । তাঁহার ইচ্ছা, মেসিদনরা, পারসীক প্রথা অনুকরণ করিয়া, ভূমি স্পর্শ করিয়া অভিবাদন করুক । কএক জন গ্রীক পণ্ডিত, তাঁহার অভিপ্রায় অনুমোদন করিয়া তাঁহাকে পরিতুষ্ট করেন । আরিস্ততল অন্তে বাসী, স্বাধীনচেতা কালীস্থানী, ইহার বিরুদ্ধে অভিযতি প্রকাশ করিয়া বলেন, দেবতাকে যেরূপ ভাবে অভিবাদন করা হয়, অলিমফিয়ার পুত্রকে সেরূপভাবে কখনই অভিবাদ করা যাইতে পারে না । অধিকাংশ মেসিদনও গ্রীকবাসী, কালীস্থানীর কথা, প্রকাশ্য কিছু না কহিয়া মনে মনে অনুমোদন করিল । দেবপুত্র, মেসিদনদের মনের ভাব বুঝিয়া এবিষয় আর বেশী আগ্রহ প্রকাশ করিলেন না । এক দিন অলিকসন্দর, তাঁহার সহচর ও সমাগত গ্রীকগণসহ যন্তপানে প্রবৃত্ত হইলে, তিনি সুরাপান করিয়া স্তবর্ণময়পান পাত্র, পার্শ্ববর্তী-কে পান করিতে প্রদান করিলেন ; তিনি পূর্বনিয়ম অনুসারে, পান করিয়া, অলিকসন্দরকে পারসীক প্রথায় অভিবাদন করেন, তিনিও তাহাকে চুষন করিয়া সম্বর্দ্ধনা করেন । এইরূপ ক্রমে ক্রমে অভিনীত হইয়া, যখন কালীস্থানীর সময় উপস্থিত হইল, তিনি ভূমি স্পর্শ পূর্বক অভিবাদন না করিয়া, অলিকসন্দরকে চুষন করিতে অগ্রসর হন । সে সময় দেবপুত্র, অস্ত্রের সহিত আলাপ করিতে-ছিলেন, কালীস্থানী কিরূপ অভিবাদন করিলেন, তাহা লক্ষ্য করিতে পারেন নাই, যখন অবগত হইলেন, কালীস্থানী অভিবাদন করেন নাই, তখন তিনি তাঁহাকে চুষন করিবার অধিকার হইতে বিচ্যুত করেন । ইহাতে কালীস্থানী বলিয়া উঠিলেন, “আমার একটি মাত্র চুষনের ক্ষতি হইল ।”

ইহা বলিয়া তিনি, অলিকসন্দরের প্রতি তাচ্ছল্য প্রকাশ করেন । ইনি নিষ্ঠুর প্রকৃতির, যথেষ্টাচারী নরপতিকে, কিরূপ চক্ষে দেখিতেন, তাহা ফিলটের সহিত তাঁহার যে আলাপ হইয়াছিল ; তাহাতে বেশ প্রকাশ পাইয়া থাকে । এক সময় ফিলট, কালীস্থানীকে জিজ্ঞাসা করিয়াছিলেন যে, আপনি আমাকে সত্য করিয়া বলুন এথেন্স বাসীরা কাহাকে বিশেষ সম্মানে গৌরবান্বিত করিয়া থাকে । তিনি প্রত্যুত্তরে বলিলেন “হারমোদিঅস এবং অরিস্তজিতন”—ইঁহার, দুইজন অত্যাচারীর মধ্যে, একজনকে যম ভবনে প্রেরণ করিয়া দেশকে অত্যাচার মুক্ত করিয়াছিলেন । ফিলট পুনরায় জিজ্ঞাসা করিলেন “এখন যদি কেহ, কোন অত্যাচারীকে হত্যা করে, তাহা হইলে আপনি তাহাকে গ্রীসের কোন দেশে, পলায়ন করিয়া যাইতে পরামর্শ দেন ।” পুনরায় প্রত্যুত্তরে বলিলেন, “গ্রীসের মধ্যে যদি কোন দেশ, নির্দাসিতকে রক্ষা করিতে পারে, তবে সে এথেন্স—কারণ ইতিপূর্বে এথেন্সই দুরাশ্রা অত্যাচারীর নিধন কর্তাকে রক্ষা করিয়া, যুদ্ধ সমুদ্রে অবগাহণ করিতেও পশ্চাদপদ হয় নাই ।” ইনি অলিকসন্দরকে এক সময় বলিয়াছিলেন, “অলিকসন্দর, তোমার দ্বারা আমার সম্মান বর্দ্ধিত হইবে না । কিন্তু আমারদ্বারা তোমার কীৰ্ত্তি, মনুষ্য সমাজে ঘোষিত হইবে ।” বলাবাহুল্য অলিকসন্দরের বর্তমান অবস্থায়, কালীস্থানীর ত্রায় স্বাধীনচেতা স্পষ্টবাদী পুরুষ ভাল লাগিল না—তাঁহাকে অলিকসন্দরের বিদেহ-বহিতে জীবন প্রদান করিতে হইয়াছিল ।

এই সময় অলিকসন্দরের জীবন নাশের জন্য তাঁহার যুবক

কর্মচারীরা একবার চেষ্টা করিয়াছিল। ফিলিপের সময় সম্রাট লোকের পুলকণ, রাজবাটীতে অবস্থান করিয়া, রাজসভার আদব কায়দা শিক্ষা করিত—রাজার শরীর রক্ষা করিত, এবং গৃহকার্য বিষয়ক আদেশ পালন করিত। এক সময় অলিকসন্দর, মৃগয়া করিতে গমন করিলে, একটা বগ্ন বরাহ, অলিকসন্দর অভিযুখে দ্রুতবেগে আগমন করে। যুবক মনে করিয়াছিল, বরাহের আগমন অলিকসন্দর টের পান নাই। তাই সে ভল্লাঘাতে বরাহ হত্যা করে। এই অপরাধে সে প্রহৃত হইল, তাহার নিকট যে ঘোড়া ছিল, তাহাও কাড়িয়া লওয়া হইল। ইহাতে সে অত্যন্ত মম্মাহত হয়, ইহার প্রতিশোধ লইবার জন্ত, সে তাহার অগ্ন সহচর সহ মিলিত হইল। অলিকসন্দর যখন শয়ন করিয়া থাকিবেন, সেই সময় তাঁহাকে হত্যা করা হইবে এইরূপ স্থির হইল।

যে রাত্রে হত্যা করা হইবে, সে রাত্রে অলিকসন্দর শয়ন করিলেন না। একজন স্ত্রী, সময় সময় আবিষ্ট হইয়া যাহা বলিত অনেক সময় তাহা সত্যে পরিণত হইত, অলিকসন্দর তাহার কথায় নিবারিত হইয়া, মদ্যাদি পান করিয়া রাত্রি যাপন করেন।

প্রভাতে একজন লোক তাঁহাকে ষড়যন্ত্রের কথা নিবেদন করিল। যে যে লিপ্ত ছিল তাহারা সকলে বন্দী হইল। হারমোলেয়স দোষ স্বীকার করিয়া বলিল “কোন স্বাধীনপুরুষ, ইহার দাস্তিকতা আর সহ্য করিতে পারে না—ইনি অত্যাচার করিয়া ফলটকে নিহত করিয়াছেন—নির্দোষ পান্সিনিও এবং অত্যাচার পুরুষগণকে হত্যা করিয়া বিচারাসন কলঙ্কিত করিয়াছেন—মন্তপানে উন্নত হইয়া ক্রিতসকে বধ করিয়াছেন—ইনি স্বজাতীর

পরিচ্ছদ পরিত্যাগ করিয়া, বিজাতীয় পরিচ্ছদে অঙ্গ আচ্ছাদিত করিতেছেন—ইনি বিদেশী অভিবাদন প্রথা প্রবর্তন করিবার সক্ষম করিতেছেন—ইহার প্রবর্তিত পানোৎসবের ফলে লোক সকল অলস ও নিদ্রালু হইয়া পড়িয়াছে । এরূপ অবস্থায় আমি আমার স্বদেশবাসীকে রক্ষা করিবার জন্য এরূপ কার্য্যে প্রবৃত্ত হইয়াছি ।” বলা বাহুল্য যাহারা এই বড়যন্ত্রে লিপ্ত হইছিল তাহারী উৎকট যন্ত্রনাভোগ করিয়া প্রাণত্যাগ করিয়াছিল ।

এ সময় অলিকসন্দরের নিকট, ইয়ুরোপীয় সিথিয়ানদের নিকট হইতে দূত আসিয়া তাহাদের অধীনতা জ্ঞাপন করে । কৃষ্ণসাগরের উপকূলবাসীদের রাজ্য এবং স্ত্রীরাজ্য আক্রমণ করিবার জন্য তিনি দূতগণ কর্তৃক অনুরুদ্ধ হইয়াছিলেন । তিনি তাহাদিগকে সময়ান্তরে আক্রমণ করিবেন ; বর্তমান সময়ে তিনি ভারতবিজয়ের জন্য অত্যন্ত উৎসুক হইয়াছেন, ইত্যাদি কহিয়া তাহাদিগকে বিদায় প্রদান করেন ।

সম্পূর্ণ ব্যক্তিত্বা অধীনে আনয়ন করিতে, অলিকসন্দরকে বড় কমউদ্বেগ পাইতে হয় নাই । সহজে তাহারা দাসত্ব পাশে আবদ্ধ হইতে স্বীকৃত হয় নাই—সামন্ত নরপতিগণ যে বথায় আশ্রয় পাইল, সে তথায় গমন করিয়া স্বাধীনতা রক্ষা করিতে লাগিল । যাহারা তাহাতে রুতকার্য্য হইতে পরিল না, তাহারা অলিকসন্দরের বশতা স্বীকার করিল । অক্ষয় রথী বা অজয়রথী নামক একজন নরপতি দুর্ভেদ্য গিরিগর্গে স্ত্রী পুত্র পরিজন সহ অবস্থান করেন । যে সকল সোগোডবাসী, অলিকসন্দরকে তুচ্ছ বোধ করিয়া এই স্থানে আশ্রয় গ্রহণ করিয়া ছিলেন—এস্থান অলিকসন্দরের হস্তগত হইলে, তাহাদের আশ্রয় গ্রহণ করিবার আর

কোন স্থান ছিল না—এই জ্ঞাত অলিকসন্দর এই দুর্ভেদ্যদুর্গ অধিকার করিবার জ্ঞাত প্রাণপণে যত্ন করিতে লাগিলেন। দুর্গ-বাসীরা প্রচুরপরিমাণে খাদ্যদ্রব্য, ইহার মধ্যে সংগ্রহ করিয়া রাখিয়াছিল, সুতরাং অনাহারে মরিবার ভয়ে আত্মসমর্পণের কোন সম্ভাবনা ছিল না। দারুণ শীতে সর্বত্র তুষার পতিত হওয়াতে সেই অতি উচ্চ দুর্গম পর্বত অধিকতর দুর্গম হইয়াছিল। অলিকসন্দর বাহুলীকগণকে বহু সুবিধা দিবেন বলিয়া প্রতিশ্রুত হইয়া আত্মসমর্পণের জ্ঞাত আদেশ করিলেন। তাহারা তাঁহাকে বিদ্রূপ করিয়া উত্তর দিল, আপনি পক্ষধর সৈন্য আনয়ন করুন, অত্যা ইহা হস্তগত হইবে না। এই বিদ্রূপে অলিকসন্দরের সমস্ত শক্তি উত্তোজিত হইল। যে কোনরূপে হউক, ইহা গ্রহণ করিবার জ্ঞাত তিনি বদ্ধপরিকর হইলেন। অলিকসন্দর, দুর্গম পর্বত আরোহণে স্নানিপুন সৈন্যগণকে সমবেত করিয়া বলিলেন, যিনি ইহাতে সর্বপ্রথম আরোহণ করিতে সমর্থ হইবে, তিনি ১২ টালান্ট অর্থাৎ প্রায় ৪৪ হাজার টাকা, ২য় ব্যক্তি দ্বিতীয়, তৃতীয় ব্যক্তি তৃতীয়, পুরস্কার এবং এইঅনুপাতে শেষ ব্যক্তি প্রায় ৫০০০ টাকা প্রাপ্ত হইবে। এই পুরস্কারের কথা শুনিয়া মেসিডনদের আগ্রহ বাড়িয়া উঠিল। ইহা কার্য্যে পরিণত করিবার জ্ঞাত প্রায় তিনশত ব্যক্তি প্রস্তুত হইল—তাহারা গভীর রাত্রে যে স্থান অত্যন্ত দুর্ব্বারোহ—যে স্থানে শত্রু আরোহণের কোন সম্ভাবনা নাই, অলিকসন্দরের অদ্ভুত কন্না সৈনিকগণ—শিবিরের রজ্জু বন্ধনের লৌহকীলক ও রজ্জু লইয়া সেই দুর্ব্বারোহ স্থানে উঠিবার জ্ঞাত প্রস্তুত হইল। কোন স্থানে কঠিন বরফ পাইল, কোন স্থানে মৃত্তিকা পাইল, তাহারা সেই সেই স্থানে পেরেক বিধিয়া

তাহাতে দড়ি বাঁধিয়া ধীরে ধীরে পর্বতের উপর উঠিতে আরম্ভ করিল। এইরূপে উঠিবার সময় তিরিশজন সৈনিক পড়িয়া গিয়া জীবন পরিত্যাগ করে। দেখিতে দেখিতে সূর্য্যদেবের উদয়ের সহিত, তাহারা পর্বতের শিখরদেশে উপস্থিত হইয়া বিজয় পতাকা সঞ্চালন করিতে লাগিল। তাহাদিগকে উপরি-ভাগ অধিকার করিতে দেখিয়া, অলিকসন্দর, দুর্গের দ্বারদেশে দূত পাঠাইয়া বাহুলীকগণকে বলিলেন, ঐ দেখ, পক্ষধর সৈনিক-গণ তোমাদের উপরিভাগ অধিকার করিয়াছে, আর নিচেও সৈন্তগণ অন্ত্রপাণি হইয়া দাঁড়াইয়া আছে, তোমরা! এখনও আত্ম-সমর্পণ করিলে রক্ষিত হইবে। দুর্গমবাসীরা সৈন্ত দেখিয়া একে-বারে বিভীষিকাগ্রস্ত হইয়া পড়িল—শত্রুর সংখ্যা জানিবার শক্তি তাহাদের অন্তর্হত হইল—তাহারা মনে করিল দুর্গ শত্রুপূর্ণ হইয়াছে, এরূপ অবস্থায় যুদ্ধ করা বিড়ম্বনামাত্র। এই যুদ্ধে অলিক-সন্দরের হস্তে যাহারা পতিত হইয়াছিল, তাহাদের মধ্যে রসনা [বা রক্ষনা] নামী রাজকন্যা সমধিক উল্লেখযোগ্য—দারার মহিষী ব্যতিত তাঁহার মতন সুন্দরী সে কালে আর কেহ ছিল না। অলিকসন্দর কালক্রমে তাঁহার পাণিপীড়ন করিয়াছিলেন।

বাহুলীক বিজয়ের পর অলিকসন্দর পরাইতকালী ( পার্শ্বতীয় ? ) দেবরাজ্য আক্রমণ করিলেন। অক্সস নদীর তট-বর্তী পার্শ্বত্য প্রদেশে ইহার অবস্থান করিত। সম্ভবতঃ ইহার তক্ষবংশীয় ক্ষত্রিয় রাজাদের একটি শাখা—তাহারা পার্শ্বত্যদুর্গে অবস্থান করিয়া দূততার সহিত আপনাদের স্বাধীনতা রক্ষা করিবার জন্ত প্রস্তুত হইল। ইহার যৎ গিরিদুর্গে আশ্রয় লইয়াছিলেন তাহা গ্রীকদের কাছে চেরিনী বা চারুনীর পর্বত নামে উল্লি-

খিত হইয়াছে । এই দুর্গে এ দেশের নরপতি ব্যতীত অগ্ন্যাগ্ন অনেক নৃপতি আশ্রয় গ্রহণ করিয়াছিল । এই চারু-নীরপর্যন্ত উচ্চতায় প্রায় ২০ এবং পরিধিতে প্রায় ৬০ ষ্টেড হইবে । এক জন লোকের গমনোপযোগী একমাত্র পথ, ইহার পাদদেশে প্রায় চতুর্দিক গভীর নদী বেষ্টিত হওয়াতে ইহার দুর্গমতাকে আরো অধিকপরিমাণে বর্দ্ধিত করিয়াছে । অলিকসন্দর ইহার দুর্গমতা দেখিয়া ইহাকে অধীনে আনয়ন করিবার জ্ঞা ব্যগ্র হইয়া উঠিলেন—তিনি এই পর্যন্তজাত বৃহৎ বৃহৎ দেবদারু বৃক্ষ সকল ছেদন করাইয়া, তাহার সাহায্যে এই নদীতে সেতু প্রস্তুত করিতে আরম্ভ করিলেন, একদল দিবাভাগে অপরদল রাত্রিকালে, কার্য্য করাতে এই কার্য্য দ্রুতবেগে অগ্রসর হইতে লাগিল । অলিকসন্দরের সেনাদল, এইরূপে অতিকষ্টে সেতু প্রস্তুত করিয়া পর্যন্তের উপর উঠিয়া চারু-নীরবাসীকে আক্রমণ করিতে লাগিল । মাসিদনেরা, শত্রুর আক্রমণ বোধ করিবারজ্ঞা, যে প্রাচীর প্রস্তুত করিয়াছিলেন, তাহার অন্তরালে অবস্থান করিয়া, তাহারা তীর ছুঁড়িতে লাগিল, শর দুর্গমধ্যে নিপতিত হওয়াতে, গ্রীকেরা বলেন, দুর্গবাসীরা তাহাদের কোন অনিষ্ট করিতে না পারায়, ভয় বিহ্বল হইয়া, অলিকসন্দরের নিকট দূত প্রেরণ করে । মাসিদন-পতি, তাহাদের প্রার্থনা অনুসারে বাহ্লীকপতি অজয়রথীকে তাহাদের কাছে প্রেরণ করেন । অজয়রথী, অবরুদ্ধ যোদ্ধা-গণকে বলেন, অলিকসন্দরের বিজয়বাহিনীর কাছে ইহা কখনই অপরাজিত থাকিবেনা—ইহার রক্ষা ব্যর্থ হইয়া যাইবে ; এরূপ অবস্থায় তাহার সহিত মিলিত হইয়া অধীনতা স্বীকার করিলে সকল দিক রক্ষা পাইবে—তিনি বড় ভাল লোক ইত্যাদি



কহিয়া স্বীয়দলভুক্ত করিয়াছিলেন । অলিকসন্দর, উত্তম রাজ-  
নীতিকের আয় চাকর-নীরের অধিশ্বরের সহিত সদ্যবহার করিয়া  
তাঁহাকে সসম্মানে স্বীয় অধিকারে অঙ্কুর রাখিয়াছিলেন । তিনিও  
প্রচুরপরিমাণে ভোজনদ্রব্য প্রদান করিয়া, তাঁহার খাদ্যদ্রব্যের  
অভাব দূর করিয়াছিলেন ।

আমরা যে সময়ের কথা কহিতেছি, সে সময়, বর্তমান  
আফগানিস্তান—বলখ-বোখারা, সমরকন্দ, প্রভৃতি প্রদেশ  
হিন্দুরাজগণের কষ্টক শাসিত হইত । এ সকল প্রদেশের  
অধিবাসী ও রাজগণ বর্ণের সহিত ভারতীয় নৃপতি ও  
অধিবাসী পরস্পর অপরিচিত ছিলেন বলিয়া বোধ হয় না ।  
তাঁহারা পরস্পর তীর্থযাত্রা বাণিজ্য ও বিবাহ সম্বন্ধে অনেক  
সময় একতা সূত্রে আবদ্ধ থাকিতেন । বর্তমানকালেও অনেক  
হিন্দু, তীর্থযাত্রা উপলক্ষে বলখ, প্রভৃতি স্থান পরিদর্শন করিতে  
গমন করিয়া থাকেন । সে দেশে একরূপ জনপদ নাই, যথায় বর্ত-  
মানকালেও হিন্দু বণিকেরা পণদ্রব্য আদান প্রদান করিতে গমন  
না করিয়া থাকেন ।

ভারতবর্ষে অলিকসন্দরের আগমন করিবার বহুপূর্বেই,  
তাঁহার বিজয়বার্তা বর্তমান ভারতের সীমান্ত প্রদেশে উপস্থিত  
হইয়াছিল । ইহা ব্যতীত যে সকল ব্যক্তি অলিকসন্দরের  
অত্যাচারে উৎপীড়িত হইয়া, ভারতে আশ্রয় লইয়া ছিল ;  
তাহাদের মুখেও সেকালের ভারতবাসীরা অলিকসন্দরের কথা  
অবগত হইয়াছিলেন ।

অলিকসন্দর, বহুলীক বিজয়ের পর তাঁহার সৈন্যগণকে  
বলিয়াছিলেন, “এতদিনের পর আমাদের যুদ্ধশ্রমের জীবসান

হইল। এক্ষণে আমরা ভারতবর্ষে গমন করিয়া, তথাকার শ্রমবিমুখ লোকেদের নিকট হইতে, অগণিত ধনরত্ন লুণ্ঠন করিহুত সমর্থ হইব।” ইত্যাদি বলিয়া তিনি সৈন্যগণকে প্রলোভিত করিয়া ভারতবর্ষাভি মুখে আনয়ন করিয়াছিলেন। ভারতবর্ষে, সাধারণতঃ তিনি কুরুপভাবে অভ্যর্থিত হইয়াছিলেন—ভারতবাসীরা এই ইয়ুরোপীয় দস্যুর করালকবল হইতে, কুরুপে আপনাদের স্বাধীনতা, আয়-মর্যাদা প্রভৃতি রক্ষা করিয়াছিলেন ; সেই সকল পবিত্রকাহিনী অগ্রে বর্ণিত হইবে।





বস্ত্র ও শিল্পের অলঙ্করণ

অলঙ্করণসংগ্রহ ।

। ১৪১ পৃ

# ভারতে অলিকসন্দর ।

## দ্বিতীয় ভাগ ।

### প্রথম অধ্যায় ।

ইতিপূর্বে যে ভারতবাসী, পারস্তপতির রাজ্য রক্ষার জ্ঞ, দলে দলে গমন করিয়া, অলিকসন্দরের সহিত ঘোরতর যুদ্ধ করিয়াছিল। কএক শতাব্দীর পূর্বে, যাহারা জ্যারেকসাসের (পারসীকনাম ইসফানদিয়ার) বিপুলবাহিনীর সহিত মিলিত হইয়া গ্রীক স্বাধীনতা সমূলে ধ্বংস করিবার জ্ঞ গ্রীক ভূমিতে উপনীত হইয়াছিল; অলিকসন্দর, আমিসলুকু গ্লেনের তায় এক্ষণে সেই ভারতবাসীর পুণ্য ভূমির প্রতি লোল নয়নে দৃষ্টি নিক্ষেপ করিতে লাগিলেন। বর্ত্তমান কালের তায়, সে কালের ভারতের সীমান্ত প্রদেশ, নির্দিষ্ট সীমায় আবদ্ধ ছিল না, এক্ষণে যে সকল প্রদেশ ভারতের বহির্ভাগ বলিয়া পরিগণিত হইয়া থাকে; সে কালে কিন্তু সে সকল প্রদেশ, আমাদের ভারত ভূমির অন্তর্গত ছিল। অঙ্গ প্রত্যঙ্গের সঞ্চালন ও পরিপোষণ না করিলে, যেকোন তাহা শরীর গত হইয়াও, তাহার উপর কহু

থাকে না ; সেইরূপ সেকালের বাহ্লীক, প্রভৃতি রাজ্য সকল ভারতের সাহায্যে পরিপুষ্ট না হওয়াতে, উহা ইহার অঙ্গ হইতে বিচ্যুত হইয়া গিয়াছে । স্বাধীনতার সময় সকল বিষয়ের সম্প্রসারণ হইয়া থাকে, আবার পরাধীনতার সহিত আচার ব্যবহার, ভাষাও দেশ, সকল বিষয়ই সঙ্কুচিত হইয়া থাকে । তাই ঋষি, ভারতের সীমা নির্দেশ কালে বলিয়াছেন যে, ইহার পশ্চিমে যবন, পূর্বে কিরাতেরা অবস্থান করিয়া থাকে । (“পূর্বে কিরাতা যস্য স্যুঃ পশ্চিমে যবনাস্থিতা” । বিষ্ণুপুরাণ ।) তখন ভারতের বাহুবল ছিল, তাই ঋষি ইঙ্গিতে বলিয়াছিলেন, যবনও কিরাতগণকে বাহুবলে বিতাড়িত করিয়া, যে দেশ অধিকার করা হইবে ; তাহাই ভারতের অন্তর্গত বলিয়া বিবেচিত হইবে । এক কালে স্লেচ্ছভূমি ভারতভূমির অঙ্গ বলিয়া বিবেচিত হইয়াছে ; আবার এক সময় তারতভূমি স্লেচ্ছ ভূমিতে পরিণত হইয়াছে ।

আমাদের হিন্দুর বাহ্লীক রাজ্য বিজয়ে পর, অলিকসন্দরের হৃদয়ে ভারত বিজয় বিষয়ক দুরাশা বদ্ধমূল হয় । ইতি পূর্বে তিনি পারসীক সৈন্তের মধ্যে ভারতীয় সৈন্তের শৌর্য্য, যুদ্ধ নিপুণতা, প্রভৃতির পরিচয় পাইয়াছিলেন এক্ষণে প্রত্যক্ষ ভাবে তাহাদিগকে আক্রমণ করিয়া, তিনি, স্বীয় রণতৃষ্ণা পরিতৃপ্ত করিতে উৎসুক হইলেন । ভারতবর্ষ না দেখিয়াই ইয়ুরোপীয়েরা বরাবরই ভারত বিষয়ক অভিজ্ঞতা প্রকাশ করিয়া থাকেন । এ ব্যাধি, সে কালেও ইয়ুরোপীয়দিগের মধ্যে বিশেষ ভাবে ব্যাপ্ত হইয়াছিল । এই ব্যাধির উগ্রতা উপলব্ধি করিয়া, প্রাচীন রেমিক পণ্ডিত ঠারবো, দুঃখের সহিত বলিয়াছেন যে, যত সব মিথ্যাবাদীর দল ভারত বিষয়ক গ্রন্থ রচনা করিয়াছে । অলিক

সন্দরের সহযাত্রীরা ভারত বিষয়ক যে সকল গ্রন্থ রচনা করিয়াছেন, সে সকল গ্রন্থ প্রায় সমস্তই নষ্ট হইয়া গিয়াছে । তাঁহারাও ঠারবোর অভিযোগ হইতে নিষ্কৃতি লাভ করেন নাই । পরবর্তী সময়ের গ্রীক, রোমক প্রভৃতি গ্রন্থকারগণ, প্রাচীন গ্রন্থ অবলম্বন করিয়া, যে সকল গ্রন্থ রচনা করিয়াছেন, বর্তমান কালে সেই সকল গ্রন্থই প্রমাণস্বরূপ গৃহীত হইয়া থাকে । সে কালের গ্রীকগণ, যাহারা আমাদের দেশে আসিয়াছিলেন; তাহারা আমাদের বিষয় ভালরূপ হৃদয়ঙ্গম করিতে সমর্থ হয় নাই—তাহারা একরূপ শুনিয়া অপরূপ বুঝিয়াছে । আমাদের ভারতীয় নাম, তাহাদের জিহ্বায় অপরূপে উচ্চারিত হইয়াছে । তাহাদের লিখিত, ভারতীয় নদ, নদী, জনপদের নাম, বর্তমান কালে প্রহেলিকা স্বরূপ হইয়াছে । এই জ্ঞাত গ্রীক কথিত ভারত কাহিনী অপূৰ্ণ ভাব ধারণ করিয়াছে । ইয়ুরোপীয়দের ভারত বিষয়ক জ্ঞান না থাকিলেও তাঁহারা যেরূপ অসম্ভূত ভাবে ভারত বিষয়ক অভিজ্ঞতা প্রকাশ করিয়া থাকেন ; সেই রূপ সে কালে কেহ একটু বলশালী হইলেই, তিনি ভারত বিজেতা নাম গ্রহণ করিয়া, নিজেকে কৃত কৃতার্থ বিবেচনা করিতেন । এই রূপ দিও-নিসস, হার কুলিস প্রভৃতির ভারত আক্রমণের গল্প কথা লইয়া, সে কালের গ্রীকেরা বেশ একটু গর্ব অনুভব করিত । অলিক-সন্দর এই সকল কাল্পনিক কথার উপর বিশ্বাস না করিয়া, সত্য সত্যই ভারত আক্রমণ করিয়া ইয়ুরোপীয় ইতিহাসে বিশেষরূপে স্মরণীয় হইয়াছেন ।

খৃষ্টের জন্ম গ্রহণের পূর্বে ৩২৭ অব্দের, বসন্তের অবসানের পর যখন সূর্যের উত্তাপে পার্বত্য পথের তুষার সকল গলিয়া গিয়া

গমনাগমনের উপযুক্ত হইল ; সেই সময় অলিকসন্দর বিপুল বাহিনী পরিচালনা করিয়া, গ্রীক কথিত ভারতীয় ককেসস অর্থাৎ হিন্দুকোষ পর্বত অতিক্রমণ করিয়া, ভারত অভিযুখে আগমন করেন । কেহ কেহ কহেন, এসময় অলিকসন্দরের সহিত ৫০।৬০ হাজারের বেগী তাঁহার স্বদেশীয় সৈন্য ছিলনা । আবার কেহ কহেন যে, তাঁহার সহিত ১ লক্ষ ২০ হাজার পদাতিক এবং ১৫ হাজার অশ্বরোহী সৈন্য অবস্থান করিতেছিল । এই বিপুল বাহিনী ও যুদ্ধোপযোগী দ্রব্যসম্ভার এবং আহাৰ্য্য দ্রব্য সহ ঘোরতর দুর্গম পার্বত্য পথ অতিক্রমণ করা বড় সহজ কথা নহে । অলিকসন্দর, সম্ভবতঃ বর্তমান খাওয়াক গিরিপথ দিয়া কোহ-ই দামনে আগমন করেন । এই পার্বত্য প্রদেশ অতিক্রমণ করিতে ১০।১১ দিন অতিবাহিত হইয়াছিল । ভক্ষ্য দ্রব্যের অভাব ব্যতীত, শীতের জগুও সৈন্যগণকে অত্যন্ত কষ্ট পাইতে হইয়াছিল । এসকল বিপদ ব্যতীত এপ্রদেশে একপ্রকার বিষাক্ত উদ্ভিদ উৎপন্ন হয়, তাহা ভক্ষণ করিয়া অনেক অশ্ব মৃত্যুমুখে পতিত হইয়াছিল । যাহারা কোন বড় কায করিবার জগু দৃঢ়-প্রতিজ্ঞ হন, বিপদ তাহাদিগকে কোন প্রকার বাধা প্রদান করিতে সমর্থ হয় না । বরং বাধাপ্রাপ্ত হইলে যেন তাহাদের কার্য্যকারী শক্তি, সহস্রগুণে বর্দ্ধিত হইয়া অভিষ্ট বিষয় সিদ্ধ করিবার জগু, পার্বত্য শ্রোতস্বতীর দ্বারা তাঁহারা অগ্রসর হইয়া থাকে । মধ্য এশিয়ার দারুণ উত্তাপ, বা এ প্রদেশের ভীষণ শীত, কিছুতেই অলিকসন্দরের গতি রোধ করিতে সমর্থ হইল না । দুর্বলদিগকেই, শীত, গ্রীষ্ম, বাধা প্রদান করিয়া থাকে । কিন্তু যে ব্যক্তি দৃঢ়প্রতিজ্ঞ শত্রুকে পরাজয় করিবার জগু সর্বদাই উৎকণ্ঠিত ; তিনি সকল



সময়েই শত্রুকে নিগৃহীত করিবার জন্ত বদ্ধ পরিকর হন । যিনি, গ্রীষ্মের ন্যা শীতের অনুকূল সময়ে, শত্রুকে জয় করিব বলিয়া অপেক্ষা করেন ; তিনি নীচ বিজয় লাভে কতদূর কৃতকার্য হন, সে বিষয় অনেক সময় সন্দেহ উপস্থিত হইয়া থাকে । এরূপ ক্লেণ সহনে অভ্যস্ত সৈন্যকে, পরাজয় করা বড় সামান্য কথা নহে । অলিকসন্দের সৈন্যগণ, এরূপ ক্লেণ সহনে সবিশেষ পটুতা লীভ করিয়াছিল বলিয়া, তাহাদের অপেক্ষা শৌর্য ও বলশালী, কিন্তু ক্লেণ সহনে অপেক্ষাকৃত অপটু সৈন্যগণকে, তাই তাহারা বিপর্যস্ত করিতে সমর্থ হইয়াছিল ।

মাসিদনপতি, হিন্দুকোষ হইতে অবতরণ করিয়া, ভারত-বর্ষাভিমুখে আগমন কালে গ্রীক নিকাইয়া ( Nicaea ) অর্থাৎ জয়পুর নানক \* স্থানে শিবির সংস্থাপন করেন । এখানে অবস্থান কালে বিশেষ সমারোহের সহিত তিনি এথিনাদেবীর পূজা করিয়াছিলেন । অলিকসন্দর, এই স্থান হইতে তক্ষশীলার অধি-শ্বর আন্তি † সকাশে দূত প্রেরণ করিয়া উভয়ের অনুকূল স্থানে

\* নিকাইয়ার ভৌগোলিক সংস্থান সখ্যক্কে নানা মত দেখিতে পাওয়া যায় । কেহ ইহাকে জালালাবাদের ৪৫ ক্রোশ পশ্চিম বর্তমান নাজনিহার নামক গ্রামকে প্রাচীন নিকাইয়া বলিয়া থাকেন, অপর কাবুলই সেই নগর ইহা প্রতিপন্ন করিয়া থাকেন ।

† আন্তি তক্ষশীলার রাজার নাম একথা কুর্ডিয়স্ উল্লেখ করিয়াছেন । আন্তি পানিনিরূপ পাঠ পরিগণিত হইয়াছে, ইহা দেখিয়া বিদেশী পণ্ডিতেরা পার্শ্বনিকে মসিদনাধিপের সমসাময়িক নির্দেশ করিয়া থাকেন । আন্তি, ৭২শের নাম বলিয়া বোধ হয় ।

তাহার সহিত সাক্ষাৎ করিবার জন্ত আদেশ করিয়া পাঠান। এই মিলন ব্যাপারে অলিকসন্দের নবীন স্বস্তির অজয়রথী কিরূপ অভিনয় করিয়াছিলেন, তাহা গ্রীক গ্রন্থকারগণ কোনরূপ উল্লেখ করেন নাই। সম্ভবতঃ আন্তি, অজয়রথীর কথায় সন্মোহিত হইয়া, নিজের বাহুবলের পরীক্ষা করিতে ক্লেণ স্বীকার করেন নাই। তক্ষশীলার অধিষ্ঠর, তক্ষবংশীয় চারুণীর প্রভৃতি নৃপতিরা ও সেই বংশীয় বলিয়া কথিত হইয়া থাকেন, সুতরাং তাহাদের উপদেশে, আন্তির উপর কোনরূপ কার্য্যকর হয় নাই; একথা মনে হয় না। অলিকসন্দর যে সময় ভারত আক্রমণ করেন, সে সময়ের কিছু পূর্বে আন্তির পিতৃবিয়োগ হইয়াছিল। সুতরাং রাজকার্য্যে অনভিজ্ঞ আন্তি যে, রাজধর্ম্ম ভুলিয়া, গিয়া শৃঙ্গদ্বয় অবলম্বন করিয়া অলিকসন্দের পদপ্রান্তে পতিত হইবে, ইহা কিছু আশ্চর্য্যের কথা নহে। আর এক কথা, পক্ষনদের অগ্রতম অধীষ্টর মহাবাহুর সহিত তক্ষশীলার বিরোধ ছিল; তক্ষশীলাপতি কি, বৈদেশিক সাহায্যে সেই শত্রুতার প্রতিশোধ লইবার জন্ত অলিকসন্দের শরণাপন্ন হইয়াছিলেন? সে যাইহা হউক না কেন, তখন ভারতের ক্ষত্রিয়েরা, নিজেদের, ধর্ম্মে জলাঞ্জলী দেন নাই। তাহারা স্বাধীনতা রক্ষার জন্ত—গোত্রাঙ্গকে বিপদ হইতে উদ্ধার করিবার জন্ত, আপনার প্রকৃতি পুঞ্জকে প্রবল শত্রুর অত্যাচার হইতে রক্ষা করিবার জন্ত, যথাসর্ব্ব্ব বিসর্জন দিতে কখনই পশ্চাৎপদ হইতেন না। দেশের একরূপ অবস্থায় তাহার ক্রীততা পরিত্যাগ করিয়া, পুরুষের তায় পৌরুষের আশ্রয় লইয়া, অলিকসন্দের প্রতিকূলে হস্তোত্তল করা উচিত ছিল। দুই হাজার বৎসর অতীত হইয়া গেল, তথাপিও তাহার সেই

কাপুরুষতার কথা স্মরণ করিয়া, তাঁহার স্বদেশবাসী লজ্জায় সঙ্কুচিত হইয়া পড়ে, ক্রোধে গালি দিয়া থাকে, এবং তিনি সম্রাটপ্রদত্ত যে সম্মান প্রাপ্ত হইয়াছিলেন, তাহাতে অভিসম্পাত প্রদান করিয়া থাকে । হায় ! যে সময় জননীগণ “পুত্র প্রথম শ্রেণীর গোলাম হউক”, এই কামনার পরিবর্তে, স্তম্ভ প্রদান-কালে বলিতেন “হে পুত্র তুমি—অসাধারণ ব্রতের পারগামী” হইতে সমর্থ হও”, \* তখন কেন, এরূপ গদভ পুত্র জন্মগ্রহণ করিয়াছিল ? যখন ছাত্রাবস্থায় কুমারকে শিক্ষিত করা হইত যে, “কখন মানুষের স্তুতি করিও না” † তখন স্বাধীন আশ্রিত একজন যবনের পদপ্রাপ্তে উপনীত হইয়া রুতাজলীপুটে স্তব করা অপেক্ষা, সহস্রবারও মৃত্যুকে আলিঙ্গন করা বিধেয় ছিল !

আন্তি, অলিকসন্দের আদেশক্রমে ২৫টা হস্তীসহ, আমাদের দেশের নানাপ্রকার উপাদেয় পদার্থ লইয়া, গ্রীকবীরকে পূজা করিবার জন্ত গমন করিয়াছিলেন । তিনি একাকী পূজা করিয়া পরিতুষ্ট হন নাই ; তাই সঙ্গে আরো কএকটি তাঁর মতন রাজাকে লইয়া গিয়াছিলেন ।

অলিকসন্দের, তাঁহার সৈন্যগণকে বিভক্ত করিয়া হিপাই-স্তিয়ন ও পাদির্কার অধীনতায় অর্দ্ধেক সহচর সৈন্য এবং সমস্ত বেতনভূক্ত সৈন্য প্রেরণ করিয়া গ্রীক পিউ-ক লোতিস

\* কুমারান্ধস্য বৈ মাতরঃ পায়মানা আছ । ৬ ।

শঙ্করীণাং পুত্রকা ব্রতং পারয়িষ্যে ভবতেতি । ৭ ।

গোভিলীয় গৃহস্থে তৃতীয় অর্পাঠকে দ্বিতীয় ঋগ্বেদ

† ন মনুষ্যস্য স্তুতিং অসুঞ্জীত ২৬ । ৩ । ৫ প । ৬

আমাদের পুঙ্কলাবতী \* ও সিন্ধু অভিযুখে প্রেরণ করেন। তক্ষশীলার অধিধর, পথ পরিদর্শকরূপে অবস্থান করিলেও, তাঁহারা নিৰ্দ্ধিষ্ট স্থানে গমন করিতে সমর্থ হন নাই। এই সকল সৈন্য, কাবুল নদীর তটের উপর দিয়া, খাইবার গিরিবর্জ অতিক্রম করিলে, পুঙ্কলাবতীর জনৈক নরপতি, এই ঐবেদেশিকদিগের আগমন পথে বাধা প্রদান করেন। তাঁহার বীর্যবত্তা সম্বন্ধে এইটুকু বলিলেই যথেষ্ট হইবে যে, পূর্ণ এক মাস কাল তাঁহারা অলিকসন্দরের বিজয়বাহিনীর প্রতিকূলে দণ্ডায়মান হইতে সমর্থ হইয়াছিলেন। অবশেষে সেই স্থানের পতনের সহিত, তাঁহার পাঞ্চভৌতিক শরীর বিধ্বংস হইয়াছিল। গীকেরা, এই বীরবরকে হস্তীশ (হস্তীশ) নামে অভিহিত করিয়াছেন। তাঁহারা আর একটা কথা লিখিয়াছেন যে, হস্তী-বল সম্পন্ন হস্তীশের, একজন লোক, তাঁহার পতনের পূর্বে তাহাকে পরিত্যাগ করিয়া, তক্ষশীলাপতির কাছে আগমন করিয়াছিল। এই লোকটা অলিকসন্দরের ক্ষমা প্রাপ্ত হইয়া, অবশেষে পুঙ্কলাবতীর নগরপাল নিযুক্ত হন। এখন সন্দেহ হয়, এই লোকটার বিশ্বাসঘাতকতায় কি হস্তীশের পতন হইয়াছে? অলিকসন্দরের পিতা, সুবর্ণ সাহায্যে জয় করিতে পারিলে, কখন তরবারি কোষ মুক্ত করিতেন না—জানিনা ভারতের দ্বারে সেই নীতি কত দূর অবলম্বিত হইয়াছিল। পাঠক! আপনারা

\* \* পুঙ্কলাবত বা পঙ্কলাবতী ও তক্ষশীলা অতি প্রাচীন নগরী, ভারত গঙ্গারদেশ জয় করিয়া ইহা স্থাপনা করেন। পেশাওয়ারের নিকটবর্তী বর্তমান চারসদা, প্রাচীন পুঙ্কলাবতী বলিয়া বিবেচিত হয়। রাওলপিন্ডীর নিকট কালারাকসরাই রেলওয়ে স্টেশনের নিকট সাহেবের নিকটবর্তী গ্রামসমূহ তক্ষশীলা। এখানে ভগ্ন হইতে প্রাচীন মূর্ত্তা প্রচুর পরিমাণে পাওয়া যায়।

যদি এপ্রদেশে গমন করিয়া থাকেন, তাহা হইলে সে দেশের প্রকৃতিক অশুভা একবার স্বরণ করুন । কিরূপ দুরারোহ পর্বত সকল এ প্রদেশকে আচ্ছাদিত করিয়া রহিয়াছে—পুরুষের অল্প-মাত্র প্রযত্নে প্রবল শক্রকেও কেমন বাধাপ্রদান করা যায় । স্বভাব দুর্গম পর্বত সকল প্রতিকূলে দণ্ডায়মান হইলেও, স্বদেশ-দ্রোহীর দল, অলিকসন্দরের অনুকূল হওয়াতে, তিনি প্রায়-বিনাবাধায় ভারতবর্ষে প্রবেশ করিতে সমর্থ হইয়াছিলেন ।

হিপাইস্তিয়ন, নানাপ্রকার ফলমূল পুষ্প শোভিত গান্ধার দেশের উর্বর উপত্যকা ভূমি অতিক্রমণ করিয়া;সিন্ধু নদের তটে উপস্থিত হইলেন । এখানে তিনি, অলিকসন্দরের উপদেশ অনুসারে সিন্ধু পার হইবার উপকরণ সংগ্রহ করিতে আরম্ভ করিলেন ।

অলিকসন্দর, অবশিষ্ট সহচরসৈন্য, ঢালী, অশ্বারোহী, ধনু-দ্ধারী, ভল্লধারী, প্রভৃতি নানাপ্রকার সৈন্য লইয়া—আসপাসিয়ান, গোরিয়ান এবং অশ্বকাণীর দেশ আক্রমণ করিবার জন্য অগ্রসর হইতে লাগিলেন ।

অধ্যবসায়ের অবতার অলিকসন্দর, যে পথ অবলম্বন করিয়া এই পার্শ্বত্যা প্রদেশ অতিক্রমণ করিয়াছিলেন, তাহা একরূপ জটিল, ও দুর্গম, যে বর্তমান কালে তাহা নিরূপণ করা দুর্ক্লম ব্যাপার । যে কালে মানচিত্রের ব্যবহার, ও দিগ্‌নিরূপণ যন্ত্রের আবিষ্কার হয় নাই ; সেইকালে এই পার্শ্বত্যা দুর্গম প্রদেশে প্রতিপদে শত্রু-কর্তৃক বাধা প্রাপ্ত হইয়া, দিগ্‌নিরূপণ পূর্বক গন্তব্য স্থানে উপস্থিত হওয়া বড় সাংঘাত্য কথা নহে । বর্তমান কালে এপ্রদেশ অপেক্ষাকৃত সুবিজ্ঞাত হইলেও অনেক সময় মানচিত্রের সাহায্য-

প্রাপ্ত পান্থ, পথ ভুলিয়া গিয়া বিপন্ন হইয়াছেন ; এরূপ ঘটনা নিতান্ত বিরল নহে ।

প্রবল ঝটিকা প্রবাহের পূর্বে, পুরুষ যেরূপ নিরাপদ স্থান আশ্রয় করিয়া বিপদ হইতে মুক্তিলাভ করিয়া থাকে ; সেইরূপ অলিকসন্দরের আগমনের পূর্বে, এ সকল প্রদেশের নরনারিগণ, দুর্গম প্রদেশে গমন করিয়া আত্মরক্ষা করিয়াছিল । যুদ্ধ করিতে সক্ষম পুরুষগণ, গ্রাম ও নগরে অবস্থান করিয়া, আপনাদের জন্মভূমি রক্ষা করিতে লাগিলেন । অলিকসন্দর, সৈন্যগণসহ অগ্রসর হইলে, তাঁহাকে বাধা দিবার জ্ঞাত, পুরুষগণ যুদ্ধ সজ্জায় সজ্জিত হইয়া নগরের বহির্ভাগে অবস্থান করিতে লাগিলেন । অলিকসন্দর, শত্রুগণকে যুদ্ধের জ্ঞাত প্রস্তুত দেখিয়া বিলম্ব না করিয়া তাহাদিগকে আক্রমণ করিলেন । উভয় পক্ষে ঘোরতর যুদ্ধের অভিনয় হইল । উভয় পক্ষ পরস্পরকে পরাজিত করিবার জ্ঞাত প্রাণপণে যুদ্ধ করিতে লাগিলেন । এই ভয়ঙ্কর যুদ্ধে, বিপক্ষ নিষ্কিণ্ণ অস্ত্রে, অলিকসন্দরের স্তুত আবরণ ভেদ করিয়া বাহুমূল বিক্ষত হইয়াছিল—ল্যাগস পুত্র তুরময় ও দিওনিতসও আহত হইয়াছিলেন । যুদ্ধ পরিশান্ত ভারতীয় যোদ্ধাগণ, দিবা-অবসানে যুদ্ধস্থল হইতে নগর মধ্যে প্রবেশ করিয়া, নগর দ্বার রুদ্ধ করিয়াছিলেন । অলিকসন্দর, নগরের বহির্ভাগে স্কন্ধবার সংস্থাপন করিয়া শত্রুগণকে অবরোধ করিলেন । সূর্য্যোদয়ের সহিত আবার যুদ্ধ আরম্ভ হইল—মাসিদনরা নগর প্রাচীরের যে স্থান দুর্বল, সেই স্থান ঘোরতর পরাক্রমের সহিত আক্রমণ করিল—এইরূপ নগরের দুইটি প্রাচীর তাহারা অতিক্রম করিল, নগরবাসীরা ঘোরতর পরাক্রমে আপনাদের জন্মভূমি

রক্ষা করিতে লাগিলেন। যখন নগর রক্ষা করা অসম্ভব হইয়া পড়িল ; তখন তাহারা নগর দ্বার উদঘাটন করিয়া, নিকটবর্তী পর্বতে গমন করিয়া আশ্রয় গ্রহণ করিলেন। যে সকল লোক, অলিকসন্দরের হস্তে পতিত হইল, তাহারা ঘোরতর নির্দয়তা সহকারে নিহত হইয়াছিল। মাসিদনপতি এ স্থানে আহত হইয়াছিলেন বলিয়া, তাঁহারা এ নগরের কোন চিহ্ন রাখিলেন না, সমস্ত সমভূমি করিয়া ফেলিলেন।

অনন্তর এ স্থান হইতে অলিকসন্দর, অন্দক ( Andaka ) অন্ধক নামক নগরের নিকটবর্তী হন, গ্রীক গ্রন্থকার বলেন, অন্ধক নগরপাল, রক্তপাত না করিয়া নগর সমর্পণ পূর্বক তাঁহার বশ্যতা স্বীকার করেন। ইহার নিকটবর্তী ভূভাগের নৃপতি-গণকে, সাম দান ভেদ ও দণ্ড, এই উপায় চতুষ্টয়ের মধ্যে যে কোন উপায়ে অধীনে আনয়ন করিবার জ্ঞ, অলিকসন্দর, তাঁহার সেনানী ক্রীতিরসকে, এখানে পরিত্যাগ করিয়া স্বয়ং তিনি অশপসিয়ান নরপতির উদ্দেশ্যে গমন করিতে লাগিলেন। বহু পথ অতিক্রমণ করিয়া, তিনি দ্বিতীয় দিবসে শক্রনগরে উপস্থিত হন। অলিকসন্দরের আগমন কথা অবগত হইয়া, নগরবাসীরা তাহাদের নগর পাছে শত্রুভোগ্য হয়, এই ভয়ে তাহারা নগরে অগ্নিপ্রদান করিয়া, দুর্গম পর্বতে আশ্রয় গ্রহণ করিবার জ্ঞ গমন করেন। সকল সময়, সকলে, শত্রুর সন্মুখীন হইয়া যুদ্ধ করিতে পারে না, একরূপ হলে যাহারা আপনাদের গ্রাম বা নগর শত্রুহস্তে পতিত হইবার পূর্বে দক্ষ করিয়া ভগ্নীভূত করে, তাহারাও বড় কম স্বদেশ ভক্ত নহে। কারণ, শত্রু, গ্রাম ও নগর হস্তগত করিয়া আহায্য দ্রব্য ও আশ্রয় স্থান প্রাপ্ত হইয়া, অধিকতর

বলবান হইয়া থাকে । এরূপ অবস্থায় যে যেক্রমে শত্রুকে অবসন্ন করিতে পারেন ; তিনি সেই সেই উপায় অবলম্বন করিয়া, স্বদেশের স্বাধীনতা পরিশোধ করিয়া নিজেকে পবিত্র করিয়া থাকেন । নিজের গৃহে, বা নগরে অগ্নিপ্রদান করা, এক সময় পাপজনক বা বাতুলতার পরিচায়ক হইতে পারে ; কিন্তু সময়ান্তরে আবার এই কার্য্য পুণ্যজনক হইয়া থাকে । অধিবাসীদের গমন করিতে দেখিয়া অলিকসন্দরের সৈন্যগণ, ইহাদিগের পশ্চাৎ অনুসরণ করিয়া অনেককে নৃশংসরূপে নিহত করে । অপরে দুরারাহ পর্বতে গমন করিয়া প্রাণ রক্ষা করে । এইরূপে গমনকালে ইহাদের নায়কের সহিত, ল্যাগোসের পুত্র তুরময়ের ঘোরতর দ্বন্দ্ব যুদ্ধ হইয়াছিল । নগর নায়ক, তুরময় তাঁহাকে, অতি নিকটে অনুসরণ করিতেছেন দেখিয়া, অগ্রসর না হইয়া তাহার সহিত দ্বন্দ্বযুদ্ধে প্রবৃত্ত হইলেন । নগরনায়ক, তাঁহার ভীষণ ভল্ল, তুরময়ের বক্ষ লক্ষ্য করিয়া নিক্ষেপ করিলেন—তুরময়ের ধাতুময় আবরণ ছিল ভিন্ন হইয়া গেল, তথাপিও তাহার শরীর বিদ্ধ হইল না—তুরময়ের দারুণ আঘাতে, ভারতীয় বীরের জ্ঞা ছিল ভিন্ন হইয়া গেল, এবং ইহাতেই তিনি বীরলোকে গমন করেন । নায়ককে নিহত এবং তাঁহার দেহ, শত্রুগণ লইয়া যাইতেছে দেখিয়া, ভারতীয় বীরগণ, তাঁহাদের নায়কের মৃতদেহ হস্তগত করিবার জন্য তাঁহারা পর্বতের উপরিভাগ হইতে, বজ্রের আয় গভীর গর্জন এবং দ্রুতবেগে আগমন করিয়া, ঘোরতররূপে তুরময় প্রমুখ গ্রীকগণকে আক্রমণ করিলেন—তাঁহাদেরই লেখায় বোধ হয়, ভারতবাসীরা প্রচণ্ড বিক্রমে যুদ্ধ করিয়া গ্রীকদিগের নিকট হইতে, তাহারা তাঁহাদের পূজনীয় নায়কের শবদেহ হস্তগত করিতে সমর্থ হইয়া-



ছিল—এরূপ সময়ে, অলিকসন্দর উচ্চভূমি হইতে স্বীয় সৈন্তের পরাভব দেখিয়া তাহাদের সাহায্যের জন্য পদাতিক দল প্রেরণ করিলেন। গ্রীকপক্ষ, সংখ্যায় অধিক হওয়াতে, প্রবল পরাক্রমের সহিত পুনরায় যুদ্ধ আরম্ভ করিল। ইতিহাসলেখক গ্রীকরা বলেন, ভারতীয়েরা তাহাদের নায়কের শরীর পরিত্যাগ করিতে বাধ্য হইয়া পর্বতে পলায়ন করিয়াছিল।

অলিকসন্দর, এই সকল পর্বত অতিক্রমণ করিয়া বর্তমান বাজোর উপত্যকায় প্রবেশ করিলেন। অরিগেইয়ন নগরের অধিবাসীগণ, অলিকসন্দরের আগমনের পূর্বেই, নগরে অগ্নি প্রদান করিয়া পলায়ন করিয়াছিল। স্মৃতরাং বিনা বাধায় তিনি ভ্রমাবশেষ প্রাপ্ত নগর হস্তগত করেন। ক্রীতিরস তাহার কার্য সমাধা করিয়া, এই স্থানে অলিকসন্দরের সহিত মিলিত হইলেন। এই স্থানের প্রাকৃতিক সংস্থান দেখিয়া অলিকসন্দর, এই নগর পুনঃ প্রতিষ্ঠার জ্ঞা চেষ্টা করিয়াছিলেন,—যে সকল অধিবাসী এ স্থানে বাস করিতে সম্মত হইয়াছিল, তিনি তাহা-দিগকে, এবং যুদ্ধকার্যে অকর্মণ্য এরূপ সৈন্যগণকে এ স্থানে বসতি বরিবার অসুখমতী প্রদান করিয়াছিলেন।

মারিভয় উপস্থিত হইলে, লোকে যেরূপ স্থান পরিত্যাগ করিয়া আত্মরক্ষার চেষ্টা করে, সেইরূপ ভারতীয়েরা, ইয়ুরোপীয় অলিকসন্দররূপ মারিভয়ে ভীতহইয়া, গ্রাম নগর পরিত্যাগ করিয়া পর্বতে, আশ্রয় গ্রহণ করিয়াছিলেন। এ মারিভয়ও, তাহাদের পাশ্চাদ অত্মসরণ করিতে পশ্চাদপদ হয় নাই। পর্বতের পর পর্বত আক্রমণ করিয়া অলিকসন্দর গমন করিতে লাগিলেন—যে পর্বতের উপরদেশে ভারতীয় বীরগণ আশ্রয় গ্রহণ করিয়া

অবস্থান করিতেছিলেন ; তাহার পাদদেশে তিনি শিবির সংস্থাপন করেন । অলিকসন্দর, পর্বতের উপরিভাগে বহু সংখ্যক অগ্নি-প্রজ্জ্বলিত হইয়াছে—এ কথা অবগত হইয়া তিনি সৈন্যগণকে দুই ভাগে বিভক্ত করিয়া একভাগ পর্বতের নিকটে রাখিয়া, অপরভাগ লইয়া তাহাদিগকে আক্রমণ করিতে গমন করেন । যখন তিনি অগ্নির নিকটবর্তী হন, সে সময় তিনি তাহার সৈন্যগণকে তিন ভাগে বিভক্ত করিয়া যথাক্রমে লিওনিতস, তুরময় এবং স্বয়ং পরিচালনা করিয়া শত্রুগণ অভিযুখে অগ্রসর হন । ভারতীয় বীরবৃন্দ, মেসিডনগণকে আগমন করিতে দেখিয়া উপর হইতে দ্রুতবেগে আগমন করিয়া, দূরদেশীয় অতিথিগণকে সমাদরের সহিত অভ্যর্থনা করেন । উভয়পক্ষে ঘোরতর যুদ্ধানল প্রজ্জ্বলিত হইল । একপক্ষ আপনাদের স্বাধীনতা, আপনাদের মানসভ্রম, যথা সর্বস্ব রক্ষা করিবার জন্ত, অপরপক্ষ নিজেদের উচ্চ আশা, নিজেদের গর্ব, নিজেদের ভোগ বিলাস বাসনা পরিপূর্ণ করিবার জন্ত, যুদ্ধ করিতে প্রবৃত্ত হইয়াছেন । সকল সময় গ্রায় পক্ষ জয়যুক্ত হন না, ভারতীয় বীরগণ, ঘোরতর পরাক্রমে প্রাণের আশা বিসর্জন দিয়া যুদ্ধ করিলেও, তাহারা পরাজিত নিহত ও বন্দী হইয়াছিল । অলিকসন্দরের সহচর ও লেখক, তুরময় বলেন, এই ভয়ঙ্কর লোমহর্ষণ যুদ্ধে ৪০ হাজারেরও বেশী ভারতবাসী বন্দী হইয়াছিল—ইহাদের শেষ পরিণাম কি হইয়াছিল, তাহা আমরা অবগত নহি । এই স্থানে শত্রুহন্তে ২লক্ষ ৩০ হাজারেরও বেশী গোধন পতিত হইয়াছিল । অলিকসন্দর, রুষকুলের সৌন্দর্য্যে ও সুগঠনে মুগ্ধ হইয়া নিজেদের দেশে বহু সংখ্যক রুষ পাঠাইয়া দিয়াছিলেন ।

স্বদেশবাসীর পরাজয়ের কথা শুনিয়া পার্শ্ববর্তী অশ্বকইনিয়ান<sup>\*</sup> ( Assakenians ) অশ্বকগণ বিভীষিকাগ্রস্থ না হইয়া এই পরাজয়ের প্রতিশোধ লইবার জন্ত, বিপুল উৎসাহের সহিত প্রস্তুত হইয়াছিলেন । তাঁহারা শত্রুর আক্রমণ রোধ করিবার জন্ত ২০ হাজার অশ্বারোহী, ৩০ হাজার পদাতিক, এবং ৩০টা হস্তী লইয়া বিপক্ষের সম্মুখীন হইবার জন্ত গমন করিয়াছিল ।

অলিকসন্দর, ইহাদিগকে আক্রমণ করিবার জন্ত স্বয়ং বেগবতী গৌরীয়স + নদী অতিক্রমণ করিয়া ইহার তটবর্তী ভূভাগনিবাসী অশ্বকগণের নগরী মশগ বা মশকবতী আক্রমণ করেন । এ প্রদেশের মধ্যে ইহা সমৃদ্ধিশালী এবং সুবিস্তৃত জনপদ, ইহাকে রক্ষা করিবার জন্ত, অধিক জনসাধারণ, কোনরূপ উত্তোগের ক্রটি করে নাই । তাহারা নিজেদের বাহুবলের উপর সম্পূর্ণ বিশ্বাস না করিয়া, সাত হাজার অতুল বীর্য্যসম্পন্ন ভারতীয় যোদ্ধা আনয়ন করিয়াছিল ।

মাসিদনগণ, নগরের নিকটবর্তী হইয়া যখন শিবির সংস্থাপন করিতেছিলেন, সেই সময়ে ভারতীয় যোদ্ধাগণ সহ অশ্বকগণ, ঘোরতর পরাক্রমে শত্রুগণকে আক্রমণ করিলেন, অলিকসন্দর পশ্চাদ গমনে প্রবৃত্ত হইলেন, গ্রীক গ্রন্থকার বলেন, অলিকসন্দর তয়ে প্রত্যাৱৃত্ত হন নাই—তিনি মনে করিয়াছিলেন নগরের দূরে যুদ্ধ হইলে, শত্রুগণের, নগরে গমন করিয়া আশ্রয় লইতে বিলম্ব

<sup>\*</sup> ইহা অশ্বক শব্দের অপভ্রংশ । মহাভারতে এ প্রদেশের নাম কীর্ত্তিত হইয়াছে ।

+ মহাভারতে কাপি বা কাপিণী ( কুাবুল নদী ) সুবাস্ত ( স্বেয়াত নদী ) প্রভৃতি এ প্রদেশের নদীর নাম কখন কালে গৌরী নদীর ন্যায় কথিত হইয়াছে ।

হইবে, তাহা হইলে তিনি সম্পূর্ণ জয় লাভ করিতে সমর্থ হইবেন । অলিকসন্দর পশ্চাদ গমনে প্রবৃত্ত হইলে, অশ্বকগণ উল্লসিত হইয়া আরো প্রচণ্ড পরাক্রমে শত্রুগণকে অনুসরণ করেন । অনুসরণ-কালে অশ্বকগণ বিজয় আসন্নবর্তী বিবেচনা করিয়া বিগৃহ্মল হইয়া পড়িল, এই সুযোগে অলিকসন্দর, অশ্বকগণকে আক্রমণ করিলেন—কিয়ৎক্ষণ যুদ্ধ হইল, জয় পরাজয় নির্ণয় হইল না । অশ্বকগণ নগর মধ্যে আগমন করিয়া দ্বাররোধ করিয়া দিল । অলিকসন্দর তাঁহার বাহিনী পরিচালনা করিয়া, নগর প্রাচীরের নিকট বর্তী হইলেন । এই স্থানে যুদ্ধ করিবার সময়, অলিকসন্দর বিশুদ্ধ নিক্ষিপ্ত শরাঘাতে বিদ্ধ হইয়াছিলেন । তিনি দেবপুত্র হইলেও, নরলোকের ত্রায় তাহাকে ব্যথিত ও ক্লিষ্ট হইতে হইয়াছিল । পর দিবস অলিকসন্দর, তাঁহার যত্ন সকল আনয়ন করিয়া, প্রাচীর ধ্বংস করিতে প্রবৃত্ত হইলেন—তিনি কোনরূপে প্রাচীরের এক স্থানে কিয়দংশ ভাঙিতে সমর্থ হইয়াছিলেন । এই স্থান দিয়া নগর আক্রমণ করিবার জন্ত, তিনি খোরতর পরাক্রমের সহিত প্রবেশ করিলেন—কিন্তু ভারতবাসীর প্রচণ্ড বাহুবলের কাছে পরাজিত হইয়া প্রত্যাগমন করিতে বাধ্য হইলেন । পরাজিত মেসিদিনগণ, এ দিবস আর যুদ্ধ করিতে সাহসী হইল না । পরদিবস তাহারা সাহসে বুক বাঁধিয়া যুদ্ধ করিতে প্রবৃত্ত হইল—কাষ্টময়-যুদ্ধযন্ত্র সকল, প্রাচীরের সন্নিকটে সংস্থাপন করিয়া, তাহার উপর হইতে শ্রাবণের বারিধারার ত্রায় শর, মুদগর, প্রভৃতি ভারতবাসীর গ্রীকগণের উপর নিক্ষেপ করিতে লাগিল—ভারতবাসীরা একটু পশ্চাতে গিয়া আত্মরক্ষা করিলেও অলিকসন্দরের সৈন্তগণ অগ্রসর হইতে সমর্থ হইল না ।

তৃতীয় দিবসে আবার যুদ্ধ আরম্ভ হইল—অলিকসন্দর সকলের অগ্রবর্তী হইয়া, বিজয়বাহিনী পরিচালনা করিতে লাগিলেন—প্রাচীরের যে স্থান ভাঙ্গিয়াছিল, তাহার নিকটে যুদ্ধযন্ত্র হইতে প্রাচীরের উপর কাষ্ট সংস্থাপন করিয়া সেতু প্রস্তুত করেন—প্রাচীরের যে স্থান ভাঙ্গিয়া গিয়াছিল ; সেই স্থান এবং সেতু দিয়া, তাইরি বিজয়ী সৈন্যগণ, যুগপৎ ভারতবাসীকে আক্রমণ করিবার জন্ত, প্রবল পরাক্রমে ধাবিত হইল। ঘটনাক্রমে বহু মনুষ্যের গুরুভারে, সেতু ভগ্ন হইয়া ভূপতিত হইল—মেসি-দনদের এই বিপদের উপর, ভারতবাসীরা প্রাচীরের উপর হইতে অস্ত্র, শস্ত্র, তীর, প্রস্তর, প্রভৃতি সে সময় যে যাহা পাইল, সে তাহা লইয়া নির্দয়রূপে নিক্ষেপ করিতে লাগিল—অপর দল ক্ষুদ্রদ্বার দিয়া নিষ্ক্রান্ত হইয়া, প্রচণ্ড পরাক্রমে আক্রমণ করিয়া, শত্রুগণকে অধিকতর বিপর করিয়া তুলিল। অলিকসন্দর, ব্যাপার গুরুতর বুঝিয়া, আলকিতাস নামক তাঁহার সেনাসীকে, আহত সেনাগণকে উদ্ধার করিতে এবং যুদ্ধস্থল হইতে প্রতিনিবৃত্ত হইতে আদেশ করিলেন।

চতুর্থ দিবসে যোদ্ধাগণ পুনরায় যুদ্ধের অভিনয় আরম্ভ করিলেন। অলিকসন্দর শত্রুগণকে আক্রমণ করিবার জন্ত প্রাচীরের অপরদিকে যুদ্ধযন্ত্র প্রেরণ করেন। তাহারা ইহার উপরিভাগ হইতে ভারতীয়দের উপর অবিশ্রামে অস্ত্রশস্ত্র নিক্ষেপ করিতে লাগিল। অশ্বক অধিষ্ঠার, আপনার ধনধান্য, আপনার নগর রক্ষা করিবার জন্ত, প্রজাপুঞ্জকে, প্রবল শত্রুর প্রচণ্ড আক্রমণ হইতে মুক্ত করিবার জন্ত, সকলের অগ্রবর্তী হইয়া ; প্রাণের প্রতি মাম্মা মমতা বিস্মৃত হইয়া, সৈন্যগণকে যে সময় পরিচালনা

করিতেছিলেন ; সেই সময় তিনি বিপ্লবের শরাঘাতে বীরলোকে গমন করেন । তাঁহার মৃত্যুতে নগরবাসী শোকে মুহ্যমান হইয়া উত্তমবিহীন হইয়া পড়িল । তাঁহারা নায়কবিহীন হইয়া স্বাধীনতা সন্তোষে অস্থজনক নহে, বিবেচনা করিয়া ; অলিকসন্দরের নিকট দাসত্বপাশে আবদ্ধ হইবার জন্য লোক প্রেরণ করেন । কষ্টের অবসান হইল মনে করিয়া, অলিকসন্দর, সাদরে এ প্রস্তাব গ্রহণ করিলেন । অলিকসন্দর মনে করিয়াছিলেন, যে সকল ভারতীয় যোদ্ধা স্বদেশবাসীর বিপদে বিপন্ন হইয়া যুদ্ধ করিতে আসিয়াছিলেন, তিনি তাঁহাদিগকে অর্থ দ্বারা হস্তগত করিয়া ভারতবাসীকে পরাজয় করিতে সমর্থ হইবেন । নগরবাসীর আত্ম প্রদানের প্রস্তাব শুনিয়া ; ভারতীয় যোদ্ধারা নগর পরিত্যাগ করিয়া গৃহাভিমুখে গমন করিবার জন্য, নিকটবর্তী পর্বতে রাত্রি যাপন করেন । অলিকসন্দর যখন বুঝিলেন, ধনলোভে এই সকল বীরপুরুষ, তাঁহার অধীনে অবস্থান করিয়া স্বদেশবাসীর হৃদয়ে তীক্ষ্ণধার তরবারি প্রবেশ করাইতে অসম্মত হইতেছেন ; তখন তিনি তাহাদের এই পাপের প্রায়শ্চিত্ত স্বরূপ দণ্ডপ্রদান করিতে উদ্যত হইলেন ।

ডিওডোরস বলেন, সন্ধির প্রস্তাব অনুসারে অলিকসন্দর, সাহায্যার্থ আগত বীরপুরুষগণকে সশস্ত্র নগর হইতে গমন করিতে সম্মতি প্রদান করিয়াছিলেন । ভারতীয়েরা যখন অকস্মাৎ রাত্রিকালে, অলিকসন্দর কর্তৃক আক্রান্ত হন ; তখন তাহারা উচ্চস্বরে অলিকসন্দরের উদ্দেশে বলিয়াছিলেন “যে দেবতার নামে শপথ গ্রহণ করিয়া, 'তুমি আমাদিগকে আক্রমণ করিবে না, এরূপ নিয়মে সম্মত হইয়াছিলে, সেই দেবতার

তোমাকে, মিথ্যা শপথের জন্ত দণ্ড প্রদান করুন ।” সত্যবাদী দেবপুত্র আলিকসন্দর, প্রত্যুত্তরে বলিলেন “আমি নগর হইতে যাইতে দিতে বাধ্য হইয়াছিলাম মাত্র—চিরকাল কিছু আমি এ নিয়মে থাকিতে বাধ্য নহি ।” আরিস্ততলের ছাত্র, এই বলিয়া ঘোরতর বিক্রমে, তাহাদিগকে আক্রমণ করিলেন । ভারতীয় বীরগণ, অকস্মাৎ বিপদাগমে বিপন্ন না হইয়া স্ত্রীপুত্রগণকে মধ্যস্থলে রাখিয়া, তাহারা বৃত্তাকারে ব্যূহ রচনা করিয়া অকাতরে ঘোরতর যুদ্ধে প্রবৃত্ত হইলেন । ভারতবাসীর দারুণ প্রহারে, মাসি-দন সৈন্য বিচলিত হইয়াছিল, একথা তাঁহাদের দেশবাসী লেখকের কথায় বোধ হইয়া থাকে । ভারতীয়েরা, ইয়ুরোপীয় বীরত্বের উপর কলঙ্ক কালিমা প্রদান করিবার উপক্রম করিয়াছিলেন । আলিকসন্দরের সৈন্যগণ, বহুসংখ্যক হওয়াতে ভারতীয় সৈন্য দুর্বল হইয়া পড়িল । সংখ্যায় তাঁহারা দুর্বল হইলেও বীরত্বে তাঁহারা প্রতি পদে মাসিদনগণকে ব্যামোহিত করিয়াছিলেন । আমাদের দেশীয় যোদ্ধাগণ, ক্ষতবিক্ষত হইলেও যুদ্ধ করিতে বিরত হন নাই ; তাঁহারা গ্রীকদিগের দীর্ঘ ভল্লের আঘাত রোধ করিয়া, যখন শত্রুগণকে অস্ত্রাঘাতে জর্জরিত করিতেছিলেন, তখন তাঁহাদিগকে মানুষ বলিয়া বোধ হয় নাই—প্রবল শত্রুর ঘোরতর আক্রমণ হইতে কিরূপে স্বাধীনতা রক্ষা করিতে হয়, যেন তাহা দেখাইবার জন্ত, অমর লোক হইতে তাঁহারা এই মরলোকে আগমন করিয়াছেন । এই প্রচণ্ড যুদ্ধে যখন আমাদের ভারতীয় যোদ্ধাগণ শত্রুগণ হৃদয়ে ভীষণ বিভীষিকা উৎপাদন করিয়া নিহত এবং সাংঘাতিকরূপে স্তম্ভিত হইয়া ভূপতিত হইলেন । সেই সময় আমাদের ভারতীয় ললনাগণ, স্বামী পুত্র বা ভ্রাতার

শ্রুত স্থান অধিকার করিয়া নির্বিকার হৃদয়ে, তাঁহাদেরই পরিত্যক্ত অস্ত্রশস্ত্র গ্রহণ করিয়া ; চামুণ্ডার ত্রায় প্রচণ্ড পরাক্রমে যবন দলনে প্রবৃত্ত হইলেন। অপরে, কেহ অস্ত্র লইয়া, যাহার অস্ত্র অকস্মাৎ হইয়াছে, তাঁহাকে প্রদান করিতে লাগিলেন। কেহ বা চর্ম লইয়া, স্বামীকে আবৃত করিয়া অজ্ঞাত প্রদেশের আঘাত হইতে তাঁহাকে রক্ষা করিতে লাগিলেন, যিনি অস্ত্রশস্ত্র কিছু পাইলেন না, তিনি শত্রুগণের আগমনে বাধা দিবার জন্ত, কেহ ডাল ধরিয়া টানাটানি আরম্ভ করিলেন। কেহ বা ধাক্কা দিয়া তাহাদিগকে দূরে নিক্ষেপ করিতে লাগিলেন। এইরূপে ঘোরতর অদ্ভুত যুদ্ধ করিয়া, তাঁহারা মাসিদনের সংখ্যার কাছে পরাজিত হইলেন। এইরূপে যুদ্ধ করিয়া, তাঁহারা সেই স্ত্রী ও পুরুষ, উভয়েই জীবনের পরিবর্তে অক্ষয় কীর্তিলাভ করেন। অলিকসন্দরের সত্যভঙ্গ, এবং এই সকল যোদ্ধাগণকে হত্যা করার জন্ত, সেকালে এবং একালের অনেকেই তাঁহার পাপপূর্ণ চরিত্রের উপর, আর একটি পাপের বোঝা আরোপ করিয়া থাকেন। জগতে দুই পক্ষেরই লোক আছেন, যাহারা অলিকসন্দরের একাধা সমর্থন করিয়া থাকেন—ইহাদের মধ্যে একালের একজন লোক \* বলেন, শত্রুর সহিত মিলিত হইয়া পাছে তাহারা, অলিকসন্দরের ব্যাঘাত সম্পাদন করে, এই ভাবিয়া তাহাদিগকে সংহার করিয়া ভাল কাযই করিয়াছেন। শত্রুর দ্বারা অনিষ্ট কবে হইবে, এই আশঙ্কার উপর নির্ভর করিয়া, শত্রুকুল ধ্বংস করা, আমরা ইহা ভাল কার্য্য বলিয়া বিবেচনা করি না।



অলিকসন্দর নৃশংসরূপে যোদ্ধাগণকে সংহার করিয়া নগরের উপর অকস্মাৎ আপতিত হইলেন। ইতিপূর্বে যাহারা সন্ধি অনুসারে আত্ম-সমর্পণ করিয়া নিরুদ্ভিগ্নভাবে অবস্থান করিতে-ছিল। তাহারা এক্ষণে অলিকসন্দর কর্তৃক আক্রান্ত হইয়া বিমূঢ় হইয়া পড়িল। বিদেশী শত্রুকে বিশ্বাস করার ফল, তাহারা প্রাপ্ত হইল। অশ্বকপতির বিধবা ভার্য্যা, সন্ততিসহ অলিকসন্দরের হস্তে বন্দী হইলেন। দুই একজন সেকালের লেখক, এই বিধবার উপর কলঙ্ক আরোপ করিয়া থাকেন। আমরা বর্তমান সময়েও, তাহা বিশ্বাস করিতে প্রস্তুত নহি। যাহার বীরপতি, স্বদেশের স্বাধীনতা রক্ষা করিবার জন্ত, শত্রুহস্তে নিহত হইয়া বীরলোক লাভ করেন—তাহার পত্নী অনতিকাল পরেই, নিজের ধর্মশিক্ষা—চরিত্র ও আভিজাত্যে জলাঞ্জলি প্রদান করিয়া, অজ্ঞাতকুলশীল বৈদেশিক শত্রুর চরণতলে নিজের যথাসর্বস্ব প্রদান করিবেন, ইহা ভারত রমণীর স্বভাব বিরুদ্ধ ধর্ম, এই জন্তই ইহাতে বিশ্বাস করিতে সহজে প্রবৃত্তি হয় না। যে দেশের রমণী, স্বামীর সমাধি গুহ্য করিবার জন্ত ব্যঞ্জন প্রয়োগ করিয়া থাকে, সে দেশের পুরুষেরা সহজেই ইহাতে বিশ্বাস স্থাপন করিতে পারেন। কিন্তু যে দেশে রমণীগণ অমানবদনে জলন্ত হতাশন মধ্যে, নিজেকে আহুতি প্রদান করিয়া থাকেন, সে দেশে ইহা, অনভিজ্ঞ শত্রুপক্ষীয় লেখকের বিজৃম্বিত বলিয়া গণ্যার সহিত পরিত্যক্ত হইয়া থাকে।

অলিকসন্দর, এই নগর অকস্মাৎ আক্রমণ করিয়া কলঙ্কিত হইয়াছেন—সন্ধিবন্ধন ছিন্ন করিয়া বিশ্বাসঘাতক হইয়াছেন,

নরনারীগণকে বন্দী করিয়া প্রবঞ্চকরূপে পরিণত হইয়াছেন। এ স্থানের ভয়াবহ যুদ্ধে, ও নগর অবরোধকালে মাসিদন পক্ষীয় মোটে পচিশজন লোক মৃত্যু মুখে পতিত হইয়াছিল।

অলিকসন্দর, মশকবতী অধিকার করিয়া মনে করিয়াছিলেন, যে তাঁহার প্রচণ্ড নামের প্রভাবে, শত্রুগণ বিভীষিকাগ্রস্ত হইয়া তাঁহার চরণতলে শরণ লইবে, কিন্তু কার্য্যতঃ তাহা হয় নাই। সকলেই আপনার সাধ্য অনুসারে আপনাদের জন্মভূমি রক্ষা করিবার জন্য, প্রাণপণে চেষ্টা করিয়াছিলেন—সকলেই ঋড়গপাণি হইয়া তাঁহার গতিরোধ করিবার জন্য দণ্ডায়মান হইয়াছিলেন। অলিকসন্দর, সেনানী\* কৈনসকে বাদিরা, \* এবং আতালস, আলকিতাস, এবং দেমিত্রস্ নামক সেনানী-ত্রয়কে, অরা নামক স্থান, আক্রমণ করিতে প্রেরণ করেন। অরাবাসিরা শত্রুগণকে আগমন করিতে দেখিয়া আপনাদের প্রাচীর পরিবেষ্টিত নগর হইতে বহির্গত হইয়া, ঘোরতররূপে আক্রমণ করেন—মাসিদন সৈন্য আপনাদিগের পূর্স্বার্জিত সম্মান অক্ষুণ্ণ রাখিবার জন্য, ভীমবেগে ভারতবাসীকে আক্রমণ করেন। উভয়পক্ষে ক্রিয়ৎক্ষণ যুদ্ধ হইলে পর, গ্রীক গ্রন্থকার বলেন, ভারতবাসীরা আপনাদের নগর মধ্যে গমন করিয়া যুদ্ধশ্রম দূর করেন। এই সকল পার্শ্বত্যা ভারতবাসীরা, বিদেশী শত্রুর বিপক্ষে যুদ্ধে, নিকটবর্ত্তী রাজন্য-বর্গের সাহায্য লাভ হইতে বঞ্চিত থাকিতেন না—অরাবাসী

\* কেহ কেহ বাদিরা কে বর্ত্তমান বাজোর বলেন। কানিংহাম, কালপান বা কলপাণি নদীর তটে বাজার নামক বৃহৎ গ্রামকে গ্রীক কথিত বাদিরা বলিয়া নির্দেশ করিয়া থাকেন।

শত্রুসৈন্য কর্তৃক অবরুদ্ধ হইলে অভীসারের \* অধীশ্বর ইহা-  
দিগকে নানাপ্রকার সাহায্য প্রদানে পরিপুষ্ট করেন ।

সেনানী কৈনস, বাজিরাগণের বিশেষ কোন ক্ষতি করিতে  
সমর্থ হন নাই—বাজিরাবাসীরা আপনাদের সুদূর পার্শ্বতা  
দুর্গে অবস্থান করিয়া স্বাধীনতা রক্ষা করিতে লাগিল ।  
অলিকসন্দর, কৈনসকে, বাজিরা অবরোধের জন্য কিয়দংশ  
সৈন্য রাখিয়া, অধিকাংশ সৈন্যসহ তাঁহার সহিত মিলিত হইতে  
আদেশ করেন । কৈনসের প্রস্থানের পর, বাজিরাবাসীরা দুর্গ  
হইতে বহির্গত হইয়া বোরতর বিক্রমে শত্রুগণকে আক্রমণ  
করেন—উভয় পক্ষে দারুণ যুদ্ধের অভিনয় আরম্ভ হইল । গ্রীকগণ  
বলেন, ভারতবাসীরা প্রচণ্ড বিক্রমে যুদ্ধ করিলে ও তাঁহারা  
দুর্গমধ্যে প্রত্যাগমন করিয়া আশ্রয়লাভ করেন । এই অল্পকালের  
ভীষণ যুদ্ধে ৫ শত ভারতবাসী নিহত এবং ৭০ জন শত্রুহস্তে  
বন্দী হইয়াছিলেন ।

অলিকসন্দর স্বয়ং সমস্ত সৈন্যসহ মিলিত হইয়া অরা  
আক্রমণ করেন । একপ কথিত হয়, তিনি অল্প প্রয়াসে ইহা

\* অভীসার অতিপ্রাচীন জনপদ, মহাভারতে ভীষ্মপর্বে নদ, নদী দেখা-  
দিগ নাম কখন কালে এই স্থানের নাম কথিত হইয়াছে । কাশ্মীরের ইতিহাস  
রাজতরঙ্গিনীতে দার্বাভিসার নামে একটা ক্ষুদ্র রাজ্যের কথা কথিত হইয়াছে ।  
কেহ কেহ অভীসার ও দার্বাভিসার অভিন্ন বলিয়া বিবেচনা করেন । আমরা  
ইহাকে স্বতন্ত্র জনপদ বলিয়া বিবেচনা করি । মহাভারতে অভীসার, দক্ষী,  
নব দক্ষী ইত্যাদি জনপদের নাম দেখিতে পাওয়া যায় । সম্ভবতঃ হাজারা  
আমাদের প্রাচীন অভীসার হইবে ।\* বর্তমান মহাবনের পূর্বত, প্রাচীন  
আরমান বা বরণা, সিন্ধুনদ ইহার পাদদেশে ধৌত করিয়া প্রবাহিত হইতেছে ।

হস্তগত করিতে সমর্থ হইয়াছিলেন। নগরবাসীরা যে সকল হস্তীপরিত্যাগ করিয়া গমন করিয়াছিলেন। তাহা অলিকসন্দরের হস্তগত হইয়াছিল।

অরার পতন সংবাদ বাজিরাবাসীরা অবগত হইলে, বাজিরার রক্ষা করা সুকঠিন বিবেচনা করিয়া; একদিন গভীর রাত্রে তাহারা নগর পরিত্যাগ করিয়া অরণ্যের দুরারোহ দুর্ভেদ্য দুর্গে আশ্রয় গ্রহণ করেন। এইরূপে, লোকবিহীন কতকগুলি লোকালয়, অলিকসন্দরের ব্যাঘ্রতা স্বীকার করিয়া তাঁহার গৌরববৃদ্ধি করিয়াছিল।

পূর্ব দেশে অগ্রসর হইবার পূর্বে একটি ঘটনায়, অলিকসন্দর বড় প্রীত হইয়াছিলেন। বর্তমান কো-ই-ঘোর নামক পর্বত, সে সময়ে নিশা নামে অভিহিত হইত। পেশওয়ার হইতে ইহার চূড়া, দেখিতে পাওয়া যায়। এই ত্রিশির পর্বত গ্রীকদিগের নিশাপর্বতের অনুরূপ, বিশেষতঃ এখানে প্রচুর পরিমাণে দ্রাক্ষা এবং আইভিগাছ উৎপন্ন হওয়াতে, এস্থান তাহাদের বড় প্রীতি-প্রদ হইয়াছিল।

অলিকসন্দর, নগরবাসীর অজ্ঞাতসারে রাত্রি কালে নগর-প্রাচীরের কাছে শিবির সংস্থাপন করেন, এস্থানের শীতের প্রকোপে সৈন্যগণ বিশেষরূপে ক্লেশ পাইয়াছিল। তাহারা কাষ্ঠ সংগ্রহ করিয়া অগ্নিপ্রজ্জ্বলিত করিলে, নগরের কুকুর, তাহা দেখিয়া চিৎকার করিলে, নগরবাসীরা শত্রুর আগমন অবগত হয়। তাহারা প্রথমতঃ নগর রক্ষা করিবার জন্য প্রস্তুত হইয়াছিল। কিন্তু ইহাতে সকলে এক মত হন নাই। অলিকসন্দর, নাগরিক-গণের মত ভেদের কথা অবগত হইয়া, রক্তপাত না করিয়া নগর

অবরোধ করিয়া অবস্থান করেন । অবরোধ জনিত ক্লেশের বৃদ্ধির সহিত, নাগরিকগণের যুদ্ধ করিবার বাসনা তিরোহিত হইল, এখন সকলে এক মত হইয়া, তাঁহাদের সভাপতি অক্খোভিস্ ( অক্খোভ ) কে পুরস্কৃত করিয়া ৩০ জন প্রধান নাগরিক, অলিকসন্দরের শিবিরে গমন করেন । অলিকসন্দর যেরূপ নাগরিকদিগের দুর্বলতা অবগত হইয়াছিলেন ; সেরূপ নিশাঃ— বাসীরাও সম্ভবতঃ অলিকসন্দরের দুর্বলতা অবগত হইয়াছিলেন । নিশানগরী গ্রীকগণের পূজনীয় দেবনহস ( দেওনিসস্ ) কর্তৃক সংস্থাপিত, এবং সেই কাল হইতে ইহঁরা আত্মশাসন প্রথা অবলম্বন করিয়া রাজ্য শাসন করিতেছেন—এই প্রাচীন গ্রীক উপনিবেশ ধ্বংস না করিয়া, বাহাতে রক্ষিত হয় ; নাগরিকগণ সেইরূপ প্রার্থনা করিয়াছিলেন । অলিকসন্দর, তাঁহাদের প্রার্থনা পূর্ণ করিয়া, সভাপতি অক্খোভের নিকট, তিন শত অঝারোহী, আর রাজ্যশাসন বিষয়ক প্রধান সভার তিশ সভ্যের মধ্যে, একশত বিচক্ষণ সভ্য, তিনি নিজের নিকটে রাখিবার কথা कहিলেন । অলিকসন্দরের কথা, শুনিয়া অক্খোভহৃদয়ে, অক্খোভ বলিলেন, “আপনি যদি নিশাবাসীর মঙ্গল কামনা করেন, তাহা হইলে তিন শত অপেক্ষা, অধিক সংখ্যক অঝারোহী গ্রহণ করুন । একটি নগরের, একশত শ্রেষ্ঠ পুরুষকে গ্রহণ করিলে, সে নগর কখন উত্তমরূপে শাসিত হইতে পারেনা । আপনি যদি ইহার দ্বিগুণ সংখ্যক অধম পুরুষকে গ্রহণ করেন ; তাহা হইলে আপনি প্রত্যাগমন-কালে দেখিবেন, ইহা কেমন সুন্দররূপে শাসিত হইতেছে ।” মেসিডনপতি ইহঁাদের কথায় পরিতুষ্ট হইয়া, কএক দিন এখানে অবস্থান করেন, এবং উৎসবের অনুষ্ঠান করিয়

পথশ্রান্ত সৈন্যগণকে পরিতুষ্ট করেন। বলা বাহুল্য এ উৎসবে মদ্যপান, ব্যভিচার প্রভৃতির একশেষ হইয়াছিল।

অলিকসন্দর, আবার শত্রুর উদ্দেশে যাত্রা করিলেন। যখন তিনি অবগত হইলেন যে, গ্রাম ও নগরবাসীরা আপনাদিগের প্রিয়তর জন্মভূমি পরিত্যাগ করিয়া, প্রিয়তম স্বাধীনতা রক্ষা করিবার জন্ত, আরনসের গিরি দুর্গে আশ্রয় গ্রহণ করিয়াছেন, তখন তিনি অণু কোন দিকে না গিয়া, আরনস অভিযুখে গমন করিতে লাগিলেন। হারকুলীস, এই দুর্গ অধিকার করিতে সমর্থ হন নাই, হারকুলীস যাহা পারেন নাই, অলিকসন্দর তাহা সম্পন্ন করিবার জন্ত অগ্রসর হইলেন।

গ্রীক কথিত আরনস, মহাবন পর্বতের দূরারোহ শিখরদেশে অবস্থিত। সাধারণ পর্বতের ত্রায়, ইহা ঢালু না হইয়া মস্তক উন্নত করিয়া যেন দাঁড়াইয়া আছে, ইহার দক্ষিণ দিকে সিঙ্কুনদ প্রবল বেগে পাদদেশ ধৌত করিয়া ধাবিত হইতেছে, অর্থাৎ দিকে পার্বত্য নদী, এবং জলাভূমি থাকায়, ইহার উপর উঠা অত্যন্ত ক্লেশকর। অলিকসন্দর, এই জলাভূমি রক্ষাদিতে পরিপূর্ণ করিয়া তাহার উপর দিয়া গমন করিবার আয়োজন করিলেন। তিনি স্বহস্তে নিকটবর্তী বৃক্ষ ছেদন করিয়া, জলাভূমিতে নিক্ষেপ করিলেন; অলিকসন্দরের এই কার্য্য দেখিয়া, সৈন্যগণ উৎসাহে উৎফুল্ল হইয়া; বৃক্ষ সকল ছেদন করিতে লাগিল—কেহ বা সেই সকল টানিয়া নিয়ে ফেলিয়া দিতে লাগিল। অলিকসন্দর, সর্বত্র গমন করিয়া কার্য্যে নিযুক্ত সৈন্যগণকে উৎসাহিত, অলসগণকে তিরস্কার করিতে লাগিলেন। এইরূপ সাত দিবস, দিবারাত্র কার্য্য করিয়া সৈন্যগণ গভীর স্থান পূর্ণ করিয়া ফেলিল। সেই স্থানের উপর

হইতে মাসিদনরা তীর প্রভৃতি নিক্ষেপ করিতে লাগিল, বলা বাহুল্য, ইহাতে উপরিস্থিত ভারতীয় যোদ্ধাদের, কিছুই অপকার হইল না । কিন্তু তাহাদের নিক্ষিপ্ত প্রস্তর ও অস্ত্র শস্ত্রের আঘাতে মাসীদনগণের সমুহ ক্ষতি হইতে লাগিল । অলিকন্দর ইহাতে নিবৃত্ত হইবার পাত্র নহেন । তিনি তাঁহার ৩০ জন অতিসাহসী পার্শ্বদকে, পর্বতে আরোহণ করিয়া আক্রমণ করিতে প্রেরণ করিলেন । ইহাদের সহিত অল্প মাসিদন যোদ্ধা ও গমন করিল, কিন্তু তাহারা ভারতীয় বীরের প্রবল আক্রমণে, কোনরূপে স্থির থাকিতে পারিল না—এই সকল মাসিদন বীরগণ ও অল্পত পরাক্রম প্রকাশ করিয়া, একে একে নিজেদের শরীরের উপর পতিত হওয়াতে, যুদ্ধস্থল শব দেহে স্তম্ভীকৃত হইল । কেহ বা প্রস্তরাঘাতে আহত হইয়া দূরে নিক্ষিপ্ত হইল, কেহ বা নদীমধ্যে নিপতিত হইয়া দূরে প্রবাহিত হইল । যাহারা এই স্থান হইতে দূরে অবস্থান করিতেছিল । তাহারা যোদ্ধাগণের এই শোচনীয় অবস্থা দেখিয়া অবসন্ন হইয়া পড়িল । অবশেষে, নিজেদেরও ঐ রূপ পরিণাম আসন্নবর্তী বিবেচনা করিয়া, উচ্চৈঃস্বরে রোদন করিতে আরম্ভ করিল । মাসিদন সৈন্তের মধ্যে, সে সময় একরূপ কেহই ছিলেন না ; যিনি এইসম্পর্ক সময়ে অবসাদ গ্রস্ত হন নাই । ডিওডোরস বলেন, মাসিদনাধিপ যখন এই দুর্গম দুর্গ অধিকারের আশায় জলাঞ্জলিদিয়া বিমর্ষ হইয়া অবস্থান করিতে ছিলেন ; তাঁহার অপ্রতিহত বীর্য্য, যখন ভারতীয় বীরগণের নিকট প্রতিহত হয় ; তিনি যখন কিং কর্তব্য বিমূঢ় হইয়া অবস্থান করিতে ছিলেন ; সেই সময়ে একজন দুরিদ্ৰ বৃদ্ধ, পুত্রদ্বয়সহ তাঁহার নিকট আগমন করিয়া এই দুর্গে অধিরোহণ করিবার গুপ্ত পথ প্রদর্শন

করিতে প্রস্তুত হয়। অলিকসন্দর, তাহাকে প্রচুর পুরস্কারের প্রলোভনে প্রলুব্ধ করিয়া, তাহার পুত্রদ্বয়ের মধ্যে একজনকে প্রতিভূ স্বরূপ রাখিয়া দিয়া, সেই সপুত্র বৃদ্ধের সহিত রাস্তা দেখিবার জন্ত লোক প্রেরণ করেন। দুর্গে উঠিবার একমাত্র দুর্গম পথ অবগত হইয়া, মাসিদিনগণ সেই রাস্তা দিয়া দুর্গ আক্রমণ করেন। কুর্তিয়স্ বলেন, দুর্গবাসীরা বৃহৎ বৃহৎ প্রস্তর—অস্ত্র, শস্ত্র, নিক্ষেপ করিয়া মাসিদিনসৈন্যগণকে দলিত, মথিত ও নিহত করিলে, তাহারা অহোরাত্র নানাপ্রকার আমোদের অহুষ্ঠান করেন। নানাপ্রকার বাদ্যযন্ত্রের ধ্বনিতে, সেই পার্বত্যপ্রদেশে প্রতিধ্বনিত হইতে লাগিল—তৃতীয় রাত্রে, এই শব্দ আর শুনিতে পাওয়া গেল না। এই অন্ধকার রাত্রিতে, দুর্গ বাসীরা মসাল সকল প্রজ্জ্বলিত করিয়া পার্বত্য প্রদেশকে আলোকিত করিয়াছিল। এই আলোক সাহায্যে ভারতবাসীরা দুর্গ পারত্যাগ করিয়া গমন করিতে আরম্ভ করিলেন। অলিকসন্দর যখন অবগত হইলেন যে, দুর্গবাসীরা পলায়নে প্রবৃত্ত হইয়াছে, তখন তিনি তাহাদিগকে আক্রমণ করিবার জন্ত সৈন্য প্রেরণ করেন—মেসিদিনদিগের হস্ত অপেক্ষা, পর্বত হইতে পদচ্যুত হইয়া অনেক ভারতবাসী, নিম্নে গভীর প্রদেশে পতিত হইয়া প্রাণত্যাগ করিয়াছিল। অলিকসন্দর, এইরূপে এই বিশাল দুর্গ হস্তগত করেন—ইহার মধ্যে প্রচুর জল ও কর্যণোপযোগী প্রচুর ভূমি বিদ্যমান থাকায় দীর্ঘকাল অবরুদ্ধ হইলেও, দুর্গবাসীর অনাভাবে কষ্ট পাইবার সম্ভাবনা ছিলনা। অলিকসন্দর, দুর্গ অধিকার করিয়া মিনার্ডাদেল্লীর উদ্দেশে কএকটি বেদীনিষ্ঠা করিয়া এখানে কয়েকদিন উৎসবে নিমগ্ন হন।



যে লোকটা, অলিকসন্দরকে রাস্তা দেখাইয়া দিয়া স্বদেশ-বাসীর সর্বনাশ এবং বিদেশবাসীর জয়ের সহায়তা করিয়াছিল ; সে মাসিদনপতির নিকট ৮০ টালার্ট অর্থাৎ আমাদের বর্তমান মুদ্রার প্রায় তিন লক্ষ টাকা প্রাপ্ত হইয়াছিল । তাহার অর্থ ও শরীর, কতদিন হইল এই সংসার হইতে লোপ পাইয়াছে ; কিন্তু তাহার এই নারকীয় কার্য্য সর্বত্র চিরকাল ঘৃণার সহিত কথিত হইবে । দুর্গে গমন করিবার শুণ্ড পথ, অলিকসন্দর স্বদেশদ্রোহীর নিকট অবগত হইয়াছেন ; দুর্গবাসীরা, ইহা জ্ঞাত হইয়া, দুর্গরক্ষা বিষয়ে হতাশহইয়া পড়ে ; লক্ষাসুরক্ষিত হইলেও, যেরূপ স্বদেশদ্রোহীর পরামর্শে বিরক্ত হইয়াছিল, সেইরূপ আরণ্যসুরক্ষিত হইলেও স্বদেশদ্রোহীর অনুকম্পায়, ইহা বিদেশবাসীর পদানত হইয়াছিল । স্বদেশভক্ত ও স্বদেশদ্রোহী, উভয়কেই বিধাতা যেন, একত্র নিষ্শাণ করিয়াছেন । আলোকের নিয়মভাণ্ডে, যেরূপ অন্ধকার অবস্থান করে, সেইরূপ স্বদেশভক্তের পদতলে, স্বদেশদ্রোহী ক্রিমির গ্রাস অবস্থান করিয়া, অবকাশ ক্রমে তাঁহাকে দংশন করিয়া থাকে ।

অলিকসন্দর, এ প্রদেশ জয় করিয়া শশীকোটস্ বা শশীগুপ্ত নামক একজন লোককে এ প্রদেশের শাসন ভার প্রদান করেন । এই লোকটা, অলিকসন্দর যে সময় বাহ্লোক দেশে উপস্থিত হন ; সে সময় তথায় তাঁহার সহিত মিলিত হইয়াছিল । তারপর সে, এদেশের ভিতরের ঘরে কথা, অলিকসন্দরকে অবগত করাইয়া তাঁহার বিশ্বাসভাজন হয় । ইহার ফলে সে এ প্রদেশের শাসন কর্তার পক্ষে প্রতিষ্ঠিত হন !

অলিকসন্দর, আরণ্যস অধিকার করিয়া, অবগত হইলেন যে, অপরাধিত অপর অধকগণ, বহুসংখ্যক সৈন্য সংগ্রহ করিয়া, এই

প্রদেশে অপেক্ষা করিতেছেন । তাহাদিগকে আক্রমণ করিবার জ্ঞা তিনি অগ্রসর হইলেন । অগ্রসর হইয়া তিনি যাহা দেখিলেন, তাহাতে আর তিনি অগ্রসর হইলেন না—লোকালয় রহিয়াছে বটে, তাহাতে লোক নাই, কি গ্রাম, কি নগর, কোনস্থানেই তিনি মনুষ্য দেখিতে পাইলেন না । জনপদ বিধ্বংসী মহামারি, অথবা অগ্নি কোন দৈব বিপদ উপস্থিত হইলেও, বাল, বৃদ্ধ, যুবক, যুবতী, রুগ্ন, সুস্থ সকলে মিলিত হইয়া এরূপভাবে জন্মভূমি পরিত্যাগ করিয়া গমন করে না । যম নির্দিষ্ট ব্যক্তিকে গ্রহণ করিয়া থাকেন, কিন্তু অলিকসন্দররূপ যমের হস্তে, নির্দিষ্ট বা অনির্দিষ্টের কিছুই নিয়ম নাই, তাই সকলে, এই বিদেশী যমের হস্তে পতিত হইবার ভয়ে, দূরতর প্রদেশে গমন করিয়া আত্মরক্ষা করিয়াছিল ।

অলিকসন্দর, এ প্রদেশের অবস্থা অবগত হইবার জ্ঞা, কতিপয় সেনানীকে প্রেরণ করিয়া স্বয়ং সিন্ধু অভিমুখে গমন করিতে লাগিলেন । গমনকালে কতিপয় ভারতবাসী তাঁহার হস্তে পতিত হইয়াছিল । তাহাদের মুখে তিনি অবগত হইলেন যে, এ প্রদেশের অধিবাসীগণ, আত্মীসার রাজ্যে গমন করিয়া আপনাদিগের স্বাধীনতা রক্ষা করিতেছে । তাহাদিগের পরিত্যক্ত হস্তী সকল সমীপবর্তী ক্ষেত্রে বিচরণ করিতেছিল । অলিকসন্দর কতকগুলি হস্তী হস্তগত করিয়া কৃত কৃতার্থ হইয়াছিলেন । এই স্থান দিয়া গমনকালে তিনি নৌকা নির্মাণের উপযোগী স্রুহৎ রক্ষ সকল সংগ্রহ করিয়া যে স্থানে ইতিপূর্বে হিপাস্টিয়ন ও পাদ্রিকা নৌসেতু প্রস্তুত করিয়া অবস্থান করিতেছিলেন, তিনি তথায় উপস্থিত হইলেন ।

## দ্বিতীয় অধ্যায় ।

অলিকসন্দর, কোন স্থান দিয়া সিন্ধুনদ উত্তীর্ণ হইয়াছিলেন ; বর্তমানকালে তাহা নিশ্চয় করিয়া বলা বড় সামান্য কথা নহে । কেহ বলেন বর্তমান অটকের নিজে তিনি সসৈন্যে সিন্ধুর পর পারে গমন করিয়াছিলেন । এ স্থান অত্যন্ত সংকীর্ণ, এমন কি সম্ভরণ পূৰ্ব্বক পরপারে গমন করা নিতান্ত কঠিন নহে । কিন্তু যদি কেহ দৃঢ়তাসহকারে, এ স্থান হইতে শত্রুর আগমন রোধ করিবার জন্ত উপর হইতে প্রস্তর নিক্ষেপ করিয়া বাধা প্রদান করেন ; তাহা হইলে সে বাধা অতিক্রম করিয়া ইহার তটে উঠা অত্যন্ত কঠিন হইয়া উঠে । পরবর্তীকালে মুসলমানরা, এই স্থানে সিন্ধু পার হইয়া ভারতবর্ষ আক্রমণ করিয়াছিলেন । অপর কানিংহাম প্রভৃতি বলেন, প্রাচীন উদভাগপুর বর্তমান ওহিন্দ নামক স্থানে মেসিদনপতি সিন্ধুনদ অতিক্রম করেন ।

অলিকসন্দর সিন্ধুতটে আসিয়া দেখিলেন, হিপাস্টিয়ন নৌসেহু প্রস্তুত করিয়া তাঁহার আগমন অপেক্ষা করিতেছেন । নৌসেহু ব্যতীত তিনি বহুসংখ্যক ক্ষুদ্র নৌকা এবং দুইখানি ৩০ দাড়েব রহৎ নৌকা প্রস্তুত করিয়াছিলেন । ইচ্ছাঅনুরূপ কার্য সম্পন্ন হওয়াতে অলিকসন্দর অত্যন্ত প্রীত হইয়াছিলেন ।

অলিকসন্দরের রূপাভিখারী, তক্ষশিলার অধীশ্বর আন্তি, মেসিদনাধিপের, করুণাকণা পাইবার সুযোগ, অবহেলায় নষ্ট করেন নাই । তাঁহার সিন্ধুতটে আসিবার পূর্বেই, তিনি দুইশত রজত টালাণ্ট, তিন হাজার মেদ সম্পন্ন রূষ, দশহাজার মেঘ, প্রেরণ করিয়া অলিকসন্দরের সংকার করেন । কিছুদিন পূর্বে আন্তির

পিতৃ-বিয়োগ হইয়াছে, এই বৃষোৎসর্গ ব্যাপারে তাঁহার পিতৃপুরুষ-  
গণ কতদূর প্রসন্ন হইয়াছিলেন, তাহা জানিবার উপায় নাই; কিন্তু  
তাঁহার ইহালোকের দেবতা সুপ্রসন্ন হইয়াছিলেন, একথা ইতিহাস  
সাক্ষ্য প্রদান করিয়া থাকে।

অলিকসন্দর, সিন্ধুর তটে একমাস অবস্থান করিয়া, তাঁহার  
পথশ্রান্ত, যুদ্ধক্লান্ত সৈন্যগণকে আরাম করিবার অবকাশ প্রদান  
করেন। এই স্থানে অবস্থানকালে নানাপ্রকার উৎসবের অনু-  
ষ্ঠান করিয়া তিনি সৈন্যগণকে প্রভুর্ভাষিত করিয়াছিলেন।

হিন্দুকোষ অতিক্রমণ করিয়া, সিন্ধুর তটে আগমন করিতে  
অলিকসন্দরের, প্রায় নয়মাস সময় অতিবাহিত হইয়াছিল। এই  
নয়মাসে অলিকসন্দর ও তাঁহার সৈন্যগণ যে প্রকার বিপদ-ক্লেশ  
ও নৈরাশ্যগ্রস্ত হইয়াছিলেন; গৃহ হইতে বহির্গত হইবার পর  
হইতে, তিনি কোথায়ও; এই সুদীর্ঘকালের মধ্যে, এরূপভাবে  
বিপন্ন হন নাই। ভারতের প্রান্তে, তিনি এরূপভাবে বিপন্ন  
হওয়াতে, ভারতের মধ্যে তিনি কিরূপভাবে গৃহীত হইবেন,  
সে বিষয় তাঁহার ঘোরতর সন্দেহ উপস্থিত হইয়াছিল। তাই  
তিনি ক্লেশ জর্জরিত সৈন্যগণকে, তিরিশ দিন বিশ্রাম করিবার  
সময় দিয়া, নূতন বলে তাহাদিগকে বলীয়ান করিয়াছিলেন।

৩২৬ খৃঃ বসন্তের প্ররম্ভে চৈত্রমাসের কোন এক দিবস  
প্রাতঃকালে, অলিকসন্দর সিন্ধুনদ অতিক্রমণ করিয়া, তক্ষশিলার  
রাজ্যে পদার্পণ করেন। এখন হইতে গ্রীকগণ, ভারতীয় মনুষ্য  
পশু, পক্ষী, এবং নানাজাতীয় উদ্ভিদ, দেখিয়া বিস্ময়াপন্ন হন। এ  
দেশের সভ্যতা, জাগতিক উন্নতি সাধনে সুনিপুণ। গ্রীক সভ্যতা  
হইতে সম্পূর্ণ বিভিন্ন—এদেশের স্তূপহং বটাদি বৃক্ষা-বলী—

“মধুসূদনী” ইক্ষু “পশম” প্রদ কার্পাস রক্ষ, ময়ূরের নৃত্য, প্রভৃতি অভিনব বিষয় দর্শন করিয়া, তাহাদিগের হৃদয় কিরূপ অপূর্বভাবে অভিভূত হইয়াছিল, তাহা আমাদের অহুমান করা সুকঠিন । অলিকসন্দর, ময়ূর দেখিয়া এক্রপ মুগ্ধ হইয়াছিলেন যে, যে কেহ ইহা হত্যা করিবে সে কঠিন দণ্ডে দণ্ডিত হইবে এক্রপ আজ্ঞা প্রচার করিয়াছিলেন ।

সিন্ধুর পূর্ব পারে, অলিকসন্দর, পুনরায় তাঁহার দেবতার উদ্দেশে পূজা প্রভৃতি সম্পন্ন করিয়া, তক্ষশিলা অভিমুখে গমন করিতে লাগিলেন । আস্তি, অলিকসন্দরকে গ্রহাণমন করিবার জন্য, যুদ্ধ সজ্জায় সজ্জিত সৈন্যসহ নগর হইতে বহির্গত হন । অলিকসন্দর, দূর হইতে সুসজ্জিত শ্রেণীবদ্ধ হস্তী সমূহকে, গমনশীল মঞ্চ, এবং বহুসংখ্যক সৈন্য দেখিয়া আস্তি কর্তৃক প্রতারিত হইয়াছেন মনে করিয়া, তিনি তৎক্ষণাৎ সৈন্যগণকে যুদ্ধ সজ্জায় সজ্জিত হইতে আদেশ দিয়া, শত্রু আক্রমণ জন্য প্রস্তুত হইলেন । আস্তি, অলিকসন্দরের ভ্রম বুঝিতে পারিয়া, কতিপয় সহচর সহ তাঁহার নিকট উপস্থিত হইয়া, সমস্ত বিবরণ বিবৃত করিয়া তাঁহার চরণতলে শরণ গ্রহণ করেন ।

আস্তি, এই বৈদেশিকগণের ভারতভূমে পদার্পণকালে কোন-রূপ বাধা প্রদান না করিয়া সাহায্য প্রদান করিলেও, আমাদের দেশের পশুরাও কিন্তু তাহার ঘৃণিত উদাহরণ অনুসরণ করে নাই । তাহার নিজের সামর্থ অনুসারে স্বদেশ রক্ষা করিবার জন্য, অলিকসন্দরের প্রতিকূলে দাঁড়াইতে কিছুমাত্র ভীত হয় নাই । ঠাণ্ডে ব বলেন, অলিকসন্দর যখন সৈন্যগণ সহ অগ্রসর হইতেছিলেন, তখন বনের বানরেরা, মাসিদনপতির গতিরোধ

করিবার জ্ঞা, পাহাড়ের উপরিভাগে শ্রেণীবদ্ধ হইয়া যুদ্ধ সজ্জায় সজ্জিত হইয়াছিল। ইহাদিগকে দেখিয়া, বৈদেশিক সৈন্যগণ মধ্যে বেশ আতঙ্কের সঞ্চার হইয়াছিল।

অলিকসন্দর, ইহাদিগকে যুদ্ধ করিবার জ্ঞা উপস্থিত দেখিয়া, তিনিও সৈন্যগণকে, তাহাদিগকে আক্রমণ করিবার জ্ঞা, আদেশ প্রদান করেন। পরে আশ্চর্য কথায়, তাঁহার ভ্রম অপনোদন হয়। অলিকসন্দরের ভ্রম দূর হইয়াছিল বটে, কিন্তু আশ্চর্য ভ্রম দূর হয় নাই, স্বদেশ রক্ষা করা পুরুষের অবশ্য কর্তব্য; এ উপদেশ, আশ্চর্য বানরের নিকট প্রাপ্ত হইয়াও, তাহা গ্রহণ করিতে সমর্থ হয় নাই।

বর্তমানকালে, সেই সুপ্রাচীন তক্ষশিলার ভগ্নাবশেষ, বহুক্রোশ ব্যাপ্ত হইয়া পতিত রহিয়াছে। যে নগরী, দশরথ তনয় ভরত, প্রতিষ্ঠা করিয়া স্বীয় পুত্রের নামে নামকরণ করেন। যে নগরীতে মহারাজ জনমেজয় নাগযজ্ঞের অনুষ্ঠান করিয়া নাগবংশ নির্বংশ প্রায় করিয়াছিলেন, যে নগরীতে জনমেজয়ের সন্মুখে, ঋষিগণ মধ্যে মহাভারতের প্রথম প্রচার হইয়াছিল,—যে নগরীর বিশ্ববিদ্যুৎ বিশ্ববিদ্যালয়ে, পাণিনি, জীবক, চাণক্য প্রভৃতি ছাত্রগণ অধ্যয়ন করিয়াছিলেন, যথায় অধ্যয়ন করিবার জ্ঞা বারাগমী প্রভৃতি সুদূর স্থান হইতে ছাত্রগণ বহুক্রোশে গমন করিতেন, সে নগরী এক্ষণে কয়েকঘর হিন্দু বণিক ব্যতীত, সমস্ত ভূমি মুশলমানগণ কর্তৃক অধিকৃত হইয়া রহিয়াছে। যে উন্নত পাহাড়ের উপর পুরাকালে রাজপ্রাসাদ প্রতিষ্ঠিত ছিল, সে স্থান এক্ষণে কৃষকের হাল সংযোগে কুর্ষিত হইতেছে। পাঠক ইহার উপরিভাগ হইতে যদি চতুর্দিকের দৃশ্য অবলোকন করেন, তাহা হইলে, এখনও





ব্রিটিশ মিউজিয়ামেস্থিত মূর্তির অনুরূপ

অলিকসন্দর ।

[ ১৮১ পৃষ্ঠা ।



বহুদূরে স্থানে স্থানে বৌদ্ধ স্তূপের ভগ্নাবশেষ সকল দেখিতে পাইবেন । বর্তমানকালে ইহা প্রাচীন নাম পরিত্যাগ করিয়া ঢেরীসা নামে সে প্রদেশ প্রচারিত হইতেছে । এই বিজাতীয় নাম তক্ষশিলা বেষীদিন গ্রহণ করিয়াছে বলিয়া বোধ হয় না ; কেননা লাহোরের একটি দ্বার তক্ষশিলা নাম গ্রহণ করিয়া, ইহার অতীতকালের স্মৃতির কথা স্মরণ করাইয়া দিতেছেন ।

মাসিদনপতির সহিত, প্রথম সাক্ষাৎকালে শিষ্টাচার প্রদর্শনের পর আশ্চি বলিয়া ছিলেন, “আপনি যখন আমাদের অন্তর্য্যাক্ষ, অথবা জীবনধারণের অথ কোন প্রয়োজনীয় দ্রব্য গ্রহণ করিতে আসেন নাই ; তখন আমি কি কারণে আপনার সহিত যুদ্ধ করিবার জগ্গ অস্থ গ্রহণ করিব ? সুবর্ণ রজতাদি, অথ বৈষয়িক বিষয়ে, যদি আপনা অপেক্ষা ধনবান হই, তাহা হইলে আমি, আপনাকে তাহার অংশ প্রদান করিতে আফ্লাদের সহিত প্রস্তুত আছি । আমি দরিদ্র হইলে, আপনার বদান্যতার অংশ গ্রহণ করিতে কিছুমাত্র ইতস্ততঃ বোধ করি না” । অলিকসন্দর, আশ্চির কথায় প্রীত হইয়া তাঁহাকে যথেষ্ট সম্বর্দ্ধনা করিয়াছিলেন ।

অলিকসন্দর, আশ্চি কর্তৃক অভিযুক্ত হইয়া, তক্ষশিলায় প্রবেশ করিলেন । গ্রীকগ্রন্থকার বলেন, সে কালে সে প্রদেশের সকল নগর অপেক্ষা, ইহা বৃহৎ এবং সমৃদ্ধিশালী ছিল । ইহার শাসন-কার্য্যও সুচারুরূপে নির্বাহ হইত । ইহার উর্ব্বরভূমি নানা-প্রকার ফল পুষ্পে সুশোভিত ছিল । মাসিদনাধিপ, আশ্চির ভক্তিতে প্রীত হইয়া তাঁহাকে তাঁহার পৈত্রিক সিংহাসনে প্রতিষ্ঠিত করেন । ক্রীব আশ্চি ও, দস্যুরূপে সমাগত অলিকসন্দরের

হস্তে, সিংহাসনে প্রতিষ্ঠিত হইয়া, নিজেকে কৃতকৃতার্থ বিবেচনা করিতে লাগিল। দুঃখের বিষয় অলিকসন্দরের ভারত পরিত্যাগের পর, স্বদেশ ভক্ত ভারতবাসীর কাছে, তিনি স্বদেশদ্রোহী বলিয়া বিবেচিত হইয়াছিলেন—স্বদেশকে যবনপদম্পর্শে কলঙ্কিত করিবার কারণ স্বরূপ হওয়াতে, তিনি, সকলের কাছে ঘৃণিত হইয়াছিলেন, এবং ইহার জন্য তাঁহাকে তাঁহার বৈদেশিক সন্মানের সহিত, অকালে ইহলোক পরিত্যাগ করিতে হইয়াছিল।

তক্ষশিলায় অবস্থান কালে অলিকসন্দর, আন্তির আতিথ্যে সংকৃত হইয়াছিলেন, নানাপ্রকার ভারতীয় ভোজ্য দ্রব্যে তাঁহার সামান্য সৈনিকগণও আপ্যায়িত হইয়াছিল। অলিকসন্দর, ও তাঁহার বন্ধুগণকে, আন্তি সুবর্ণমুকুটে সুশোভিত করিয়াছিলেন। ইহা ব্যতীত ৮০ টালান্টের রৌপ্য মুদ্রা, আন্তি, অলিকসন্দরের চরণতলে অর্পণ করিয়াছিলেন। রাজনীতিক অলিকসন্দর, আন্তি প্রেরিত উপহার দ্রব্য গ্রহণ না করিয়া, তাঁহার লুপ্তিত দ্রব্যের মধ্য হইতে, সহস্র টালান্ট, পারশ্বদেশীয় নানাপ্রকার বহুমূল্য বস্ত্র, আর একটা সুসজ্জিত উত্তম অশ্ব, প্রদান করিয়া আন্তিকে পাঠাইয়া দেন।

একটা “বর্করকে” এই সকল দ্রব্য প্রদান করায়, আসিদনদিগের মধ্যে বেশ অসন্তোষের ভাব প্রকাশ পাইয়াছিল। এই সময় অলিকসন্দরের সহচর মিলেগার, প্রচুর মদ্য পান করিয়া, প্রাণ খুলিয়া বলিয়াছিলেন “এতদ্বিতের পর অলিকসন্দর, ভারতে আসিয়া সহ ৮০ টালান্ট পুরস্কার পাইবার যোগ্য বক্তি যে প্রাপ্ত হইয়াছেন, এজন্য আমি তাঁহাকে অভিনন্দন করিতেছি।” অলি-

সন্দর এই শ্লেষ বাক্যে ক্রুদ্ধ হইয়াছিলেন, পাছে ক্লীতস কাণ্ডের পুনরায় অভিনয় হয়, এই আশঙ্কায় ক্রোধবেগ সম্বরণ করেন।

তক্ষশিলায় অবস্থানকালে অলিকসন্দের কাছে, অভীসারের অধীধর, তাঁহার ভ্রাতার সহিত কতকগুলি সম্ভ্রান্ত লোককে, পাঠাইয়াছিলেন। বশুতা স্বীকার অপেক্ষা, বিদেশীদের ভিতরকার অবস্থা দেখিবার জন্ত, ইহারা প্রেরিত হইয়াছিলেন। অভীসার, অলিকসন্দরকে আক্রমণ করিবার জন্ত, সৈন্তগণসহ প্রস্তুত হইতেছিলেন—ইনি পুরুর সহিত মিলিত হইয়া, বৈদেশিকগণকে ভারতের বহির্ভাগে বিতাড়িত করিবার জন্ত, কল্পনা করিতেছিলেন—ইনি যে মেসিদিনাধিপের সহিত মিলিত হইবার জন্ত লোক প্রেরণ করিয়াছিলেন, তাহা বোধ হয় না। যাহা হউক, বুদ্ধিমান অলিকসন্দর, অভীসারপতিকে তাঁহার সহিত মিলিত হইবার জন্ত আদেশ করিয়া পাঠান। এ সময় দোজারস (Doxares) দিগের নিকট হইতেও দূত আসিয়া অলিকসন্দরকে সম্বর্দ্ধনা করিয়াছিল। এই দোজার কাহারো? মহাভারতের সময়, যাহারা দিগর্ভ নামে অভিহিত হইয়াছে; বর্তমান কালে যাহারা দোগরা নামে কথিত হয়, তাহারাই সম্ভবতঃ গ্রীক কথিত দোজারস হইবে। বর্তমান জম্মু প্রভৃতি প্রদেশ দোগরাদিগের নিবাস ভূমি।

অলিকসন্দের কাছে, আন্তির ক্ষাত্রতেজ সম্পূর্ণরূপে পরাভূত হইয়া পদবিদলিত হইলেও, তক্ষশিলাবাসী ব্রাহ্মণদের কাছে, তাঁহার দর্প, অহংকা, চূর্ণ বিচূর্ণ হইয়া গিয়াছিল। ইয়ুরোপীয়েরা, তক্ষশিলার ন্যায়িকদের সমৃদ্ধি ও সভ্যতা দেখিয়াও, ভারতবাসীকে “বর্বর” এই সুনামে সম্বোধন করিতে বিশ্বৃত হয়

নাই। তাহারা, নাগরিকগণকে পাদদেশ পর্যন্ত আবৃত, অতি উৎকৃষ্ট পরিচ্ছদ ধারণ করিতে দেখিয়াছিল,—তাহারা বর্তমান কালের গ্রায় পাকড়ি ব্যবহার—নানা প্রকার কারুকার্য শোভিত চন্দ্রপাত্ৰকা—( ইহার তলায় পুরুচামড়া থাকায় পরিহিত ব্যক্তিকে একটু উঁচু দেখাইত) ব্যবহার করিত। ধনবানেরা কর্ণেকুণ্ডল, হস্তে সুবর্ণবলয়, ধারণ করিত। তাহারা মস্তকে দীর্ঘকেশ রক্ষা করিত, তাহা প্রায়ই কর্তন করিত না; এজন্ত সর্বদা কঙ্কতিকা ব্যবহার করিত। কেহ কেহ দাড়ি রাখিয়া তাহা নানারঙ্গেরঞ্জিত করিত। বর্তমানকালের গ্রায়, কেহ বা সমস্ত দাড়ি কাটিয়া, চিরকের কাছে কিছু রাখিয়া দিয়া বাহার বাহির করিত।

রাজার জাঁক জমক ও বাহু আড়ম্বর, গ্রীকবাসীর চক্ষে বিসদৃশ বোধ হইয়া থাকিবে।—রাজা যখন বাহির হইতেন, তখন তাঁহার গমন পথ, সুগন্ধি দ্রব্যে আয়োদিত করা হইত। তাঁহার অনুচরগণ রজত দণ্ড ধারণ করিয়া অনুগমন করিত। রাজা চতুর্দিকে মুক্তাজড়িত সুবর্ণময় পাকীতে আরোহণ করিয়া গমন করিতেন। সুবর্ণ ভূষিত অতি উৎকৃষ্ট বস্ত্রে তাঁহার অঙ্গাভরণ প্রস্তুত হইত। পাকীর পশ্চাদভাগে অঙ্গধারী অনুচরগণ অনুসরণ করিত। ইহাদিগের মধ্যে কেহ কেহ বৃক্ষ শাখায় পক্ষী লইয়া গমন করিত। সেই সকল শিক্ষিত পক্ষী নানা প্রকার সুমধুর শব্দ করিয়া শ্রোতৃবর্গের কার্যের ব্যাঘাত সম্পাদন করিত। রাজ ভবন সকল সময় সাধারণের নিকট উন্মুক্তদ্বার ছিল। রাজা যে সময়ে বস্ত্র পরিধান, অথবা কেশ প্রসাধনে নিযুক্ত থাকিতেন, সে সময়ও তিনি অভিযোক্তার আবেদন শ্রবণ করিতেন। রাজভবনের

সুবর্ণ মণ্ডিত শুভে, সুবর্ণের দ্রাক্ষালতা বিজড়িত হইত, সেই লতার উপর নানাপ্রকার নয়নরঞ্জন রোপ্যময় পক্ষী ও নানা-প্রকার কারুকার্য্য, দর্শকগণের বিশ্বয় উৎপাদন করিত । পাঠক ! সেকালের ইয়ুরোপীয় বর্ণিত, আমাদের দেশের রাজপ্রাসাদের ভগ্নাংশ কল্পনা চক্ষে দর্শন করুন । কি অতীত কালের অসত্য, কি বর্তমান কালের সত্য, কোন সময়েই, ইয়ুরোপ আমাদের ভারতের দ্বিসহস্রবৎসর পূর্ব্বের সেই সমৃদ্ধিকে অতিক্রমণ করিতে সমর্থ হয় নাই । বর্তমান কালে, একশ্রেণীর লোকের আবির্ভাব হইয়াছে, তাঁহারা আমাদের ভাস্কর কার্য্যের একটু কিছু ভাল দেখিলেই, তাহাতে “হেলেনিক” গন্ধ প্রাপ্ত হইয়া থাকেন ।

মাসিদনরা, তক্ষশিলার রাজপথে এক শ্রেণীর লোক দেখিয়া-ছিলেন—তাঁহাদের শীত গ্রীষ্মে তিতিক্ষা—সুখদুঃখে বিগত স্পৃহা এবং উৎকট তপস্শ্রা দেখিয়া, তাঁহারা পরমবিশ্বয়ে অভিভূত হইয়াছিল । ইহারা, নগরের বহির্ভাগে বনমধ্যে পর্ণকুটীরে অবস্থান করিতেন । বৃষ্কের ফলে, ও নিৰ্ব্বরণীর জলে তাঁদের ক্ষুৎপিপাসা দূর হইত । এই সকল ব্রহ্মচারী ও সন্ন্যাসী দিগের প্রভেদ বুঝিতে না পারিয়া, বৈদেশিকগণ সাধারণতঃ ইহাদিগকে “জিমিনোসফিষ্ট” বা নগ্ন জ্ঞানী নামে অভিহিত করিয়াছেন । ইহারা নগর মধ্যে আগমন করিলে, নাগরিকরা সন্ত্রস্তের সহিত তাঁহাদিগকে অভ্যর্থনা করিতেন—উত্তম ভোজ্যে তাঁহাদিগকে আপ্যায়িত করিতেন—বাজ্ঞদের দোকানিরা তাঁহাদিগকে বিনামূল্যে দ্রব্য দিত ; ইহা দেখিয়া গ্রীকরা আশ্চর্য্য বোধ করিত । ভারতের পশুপক্ষী বৃক্ষ দেখিয়া গ্রীকবাসীরা, যেরূপ অবাক হইয়াছিল ; সেইরূপ ব্রাহ্মণদের অদ্ভুত আচার

ব্যবহার দেখিয়া, তাহার। অধিকতর বিশ্বাসাপন্ন হইয়াছিল।  
 গুণগ্রাহী অলিকসন্দর, ইহাদিগকে দেখিবার জন্ত উৎকণ্ঠিত হইয়া  
 ছিলেন। তাঁহার সহচর প্রাজ্ঞ অনিসিক্রিতসূকে, সেই ব্রাহ্মণ  
 মণ্ডলীতে প্রেরণ করিয়া, তাঁহার কাছে একজনকে আসিবার  
 জন্ত অনুরোধ করিয়া পাঠান। ব্রাহ্মণদিগের মধ্যে কল্যাণ নামক  
 একজন ব্যক্তি, অনিসিক্রিতসূকে বলেন, আগে তোমার (অপবিত্র)  
 বস্ত্র পরিত্যাগ কর, তবে তোমার সহিত কথা কহিব, অথবা তুমি  
 সাক্ষাৎ জিউসের নিকট হইতে আগমন করিলেও, তোমার সহিত  
 বাক্যালাপে প্রবৃত্ত হইব না। আমরা জানি না, অনিসিক্রিতসূ,  
 কল্যাণের কথা কতদূর প্রতিপালন করিয়াছিলেন। কিন্তু  
 তিনি তাঁহার রাজ-আজ্ঞা প্রতিপালন করেন নাই, ইহা আমরা  
 অবগত আছি। কল্যাণ যখন কোন রূপেই তাঁহার কাছে  
 আসিলেন না ; তখন অলিকসন্দর, তক্ষশিলার অধিশ্বরকে তাহার  
 কাছে কল্যাণকে আনিবার জন্ত অনুরোধ করিলেন। কল্যাণ,  
 আশ্চি কৰ্ত্তৃক অনুরুদ্ধ হইয়া, অলিকসন্দর সকাশে গমন করেন।  
 কল্যাণ একখানি গুচ্চচর্শ্বে, অলিকসন্দরের সাম্রাজ্য কল্পনা করিয়া,  
 তাহার এক পাশ্বে পদাঘাত করেন, ইহাতে চর্শ্বের অপর পাশ্বে  
 উঠিয়া পড়িল ; এইরূপ অপর পাশ্বে পদাঘাত করাত, অপরদিক  
 উঠিয়া পড়িল ; কিন্তু যখন মধ্যস্থলে পদার্পণ করিলেন, তখন তাহা  
 সমভাবে পড়িয়া রহিল। এইরূপে চতুর্দিকে দৌড়াদৌড়ি করিয়া,  
 না বেড়াইয়া, মধ্যস্থলে অবস্থান করিয়া রাজ্যশাসন করা উচিত।  
 অলিকসন্দর, কল্যাণের শীত গ্রীষ্ম সহনের অদ্বিত ক্রমতা, এবং  
 দার্শনিক আলাপে অত্যন্ত মুগ্ধ হইয়াছিলেন। তিনি কল্যাণকে  
 অতি সম্মানের সহিত নিকটে রাখিয়াছিলেন। কল্যাণ, তাঁহার

এই রাজতন্ত্রির ফলে, সমস্ত ব্রাহ্মণ সমাজে নিন্দিত ও দিকৃৃত হইয়াছিলেন । অলিকসন্দর, ব্রাহ্মণ সমাজের শীর্ষস্থানীয় মহামতি দণ্ডীকে, তাহার কাছে আনিবার জন্ত অনিসিক্রিতসকে প্রেরণ করেন । তিনি দণ্ডীর কাছে গিয়া বলেন “যুপিটারের পুত্র মনুষ্য-জাতির অধীশ্বর সম্রাট অলিকসন্দর,—তোমাকে তাহার কাছে শীঘ্র যাইবার জন্ত আদেশ করিয়াছেন ;—তাঁহার কাছে উপস্থিত হইলে, তিনি তোমাকে বহুল পুরস্কার প্রদান করিবেন ।—যদি না যাও এই অবমাননার জন্ত তোমার মস্তক স্কন্ধচ্যুত হইবে ।”

তুণশয্যায় শায়িত মহামতি দণ্ডীর কর্ণে, এই কথা প্রবেশ করিলে, তিনি শরীর পরিবর্তন না করিয়া ঈষৎ হাস্য করিয়া প্রত্যাশ্বরে বলিলেন, “মহামহিমাম্বিত পরমেশ্বরের দ্বারা জগতে কাহারও অনিষ্ট হইতে পারে না—মৃত্যুমুখে পতিত হইলে তিনি সকলকে জীবন প্রদান করিয়া, পুনর্জীবিত করিয়া থাকেন । তিনিই আমার পরমেশ্বর, তিনি কখন হত্যার প্রশ্রয় বা যুদ্ধের প্রবর্তনা করেন না । তোমার অলিকসন্দর কিছু পরমেশ্বর নহেন, তাহাকেও একদিন মরিতে হইবে । যিনি এখনও তীব্রবহা ( Tyberobos ) নদীর তট পর্য্যন্ত গমন করিতে সমর্থ হন নাই, যিনি এখনও গাধি ( Gades ) রাজ্যের ( কাথাকুজদেশ ) সীমান্ত প্রদেশ অতিক্রমণে সমর্থ হন নাই, তিনি কেমন করিয়া বিশ্ব ব্রহ্মাণ্ডের অধীশ্বর হইতে ইচ্ছা করেন ? আকাশ মণ্ডলে সূর্য্যদেব কোন পথ অবলম্বন করিয়া গমন করেন, যিনি এখনও তাহা অবগত হইতে সমর্থ হয় নাই, যাহার নাম, এখনও ঋত শত মনুষ্যজাতির ঋতিগোচরও হয় নাই ; সে কোন সাহসে নিজে সর্বজন স্বামী বলিতে সাহসী হয় ?

তিনি যে সকল রাজ্য জয় করিয়াছেন ; তাহাতেও যদি তাহার অকুলান হয়, তাহা হইলে তাঁহাকে বলিও, তিনি যেন আমাদের নদী উত্তীর্ণ হইয়া গমন করেন, তাহা হইলে তিনি এরূপ ভূমি প্রাপ্ত হইবেন ; যাহাতে তাঁহার আকাজক্ষা পরিপূর্ণ হইবে। অলিকসন্দর আমাকে যে পুরস্কারের কথা বলিয়াছেন, আমার কাছে সে সকল দ্রব্যের, কিছুই মূল্য নাই। আমার কুটীর ও শস্যের জন্ম, প্রচুর পত্রপুঞ্জ রহিয়াছে,—রন্ধের ফল মূলে আমার ক্ষুধা, আর এই অঞ্জলী দ্বারা জলপান করিয়া তৃষ্ণা নিবারণ করিয়া থাকি। শ্রমলব্ধ দ্রব্য সকল যাহারা সংগ্রহ করে, তাহা তাহাদের দুঃখের কারণস্বরূপ হইয়া থাকে ;—আমি এ সকল দ্রব্য কখন চিন্তাও করি না, বরং ঘণাই করিয়া থাকি। স্বর্ণপ্রাপ্তির আকাজক্ষার সহিত আমার স্মৃতিদা হইবে না। জননী যেরূপ সন্তানকে পোষণ করিয়া থাকেন, পৃথিবীও সেইরূপ আমার সমস্ত অভাব দূর করিয়া থাকেন। যথায় আমায় ইচ্ছা হয়, তথায় আমি গমন করিয়া থাকি, অভাবের ভাড়াণায়, আমাকে কোন স্থানে লইয়া যাইতে সমর্থ হয় না। যদি তোমার অলিকসন্দর, আমার মস্তক ছেদন করেন, তাহা হইলেও, তিনি আমার আত্মাকে আয়ত্বাধীন করিতে পারিবেন না। আমার ছিন্ন মস্তক অধিকার করিতে পারেন বটে ; কিন্তু মানুষ যেমন জীর্ণবস্ত্র পরিত্যাগ করিয়া থাকে ; সেইরূপ আমার আত্মা, পৃথিবী হইতে উৎপন্ন শরীরকে, পৃথিবীর উত্তর পরিত্যাগ করিয়া, যিনি এই শরীর প্রদান করিয়াছিলেন সেই ঈশ্বর সকাশে গমন করিবে। পৃথিবীতে আগমন করিয়া, আমরা তাঁহার



আজ্ঞানুবর্তী থাকি কি না, ইহা পরীক্ষা করিবার জ্ঞ, তিনি আমাদিগকে পৃথিবীতলে প্রেরণ করিয়াছেন ;\* আবার ইহা জীবনের অন্তে, তিনি আমাদিগের সমস্ত কার্যের বিচারক । পীড়িতের আৰ্ত্তনাদ ও দীর্ঘনিশ্বাসই, পীড়াদায়কের শান্তি স্বরূপ হইয়া থাকে । আমি যখন আমাদের সেই প্রধান বিচারকের পার্শ্বে দাঁড়াইয়া আমাদের এই বিচার দেখিব, তখন আমি শান্তিলাভ করিব ।”

“তুমি তোমার অলিকসন্দরকে গিয়া বলিও, যাহারা সুবর্ণ আকাজ্জা করিয়া থাকে, যাহারা সম্পত্তিলাভের জ্ঞ, অকার্য্যকে কার্য্য বলিয়া গ্রহণ করিয়া থাকে ; অথবা যাহারা মৃত্যুভয়ে সর্বদাই ভীত ; তাহারাই তোমার এই ভীতি প্রদর্শনে বিভীষিকা-গ্রস্ত হইতে পারে । ব্রাহ্মণের সুবর্ণপ্রীতি নাই, সূতরাং মৃত্যুভীতি তাহাদিগকে অবসন্ন করিতে কখনই সমর্থ হয় না । তুমি অলিকসন্দরকে গিয়া বলিবে যে, দণ্ডী তোমার নিকট হইতে রতীমাত্র জিনিষের আকাজ্জা রাখেনা ; সূতরাং সে কখনই তোমার নিকট গমন করিবে না ; তোমার যদি দণ্ডীর নিকট কিছু প্রার্থনা থাকে, তাহা হইলে তুমি তাহার নিকট আগমন করিতে পার ।”

জীবনমুক্ত দণ্ডীর, এই উত্তর শ্রবণ করিয়া অবধি, অলিকসন্দরের দণ্ডী দর্শন বাসনা অত্যন্ত বেগবতী হইয়াছিল । দণ্ডী দর্শনের জ্ঞ অলিকসন্দর, বনভূমিতে গমন করিয়াছিলেন । অবশেষে দণ্ডীর দর্শন লাভ করিয়া কৃতকৃতার্থ হইয়াছিলেন । গ্রীক ম্যাগাস্থিনিস লিখিয়াছেন, অলিকসন্দর, অনিসিক্রেতিসের মুখে দণ্ডীর উত্তর প্রাপ্ত হইয়া, তাহাকে দেখিবার জ্ঞ, অত্যন্ত

উৎসুক হইয়াছিলেন । এই দিগম্বর যুদ্ধের কাছে, নানা জাতি বিজয়ী মহারাজ অলিকসন্দর, অবশেষে পরাভব স্বীকার করিতে বাধ্য হইয়াছিলেন । অলিকসন্দরের কাছে আস্তির ক্ষাত্র তেজ সম্পূর্ণরূপে পরাভূত হইয়া পদদলিত হইলেও, কিন্তু ভারতবর্ষের ব্রাহ্মণের পদতলে ইয়ুরোপীয় বীরকুলের অগ্রগণ্য জগ্বিজ্যেতা অলিকসন্দরের দৰ্প—অহঙ্কার চূর্ণ বিচূর্ণ হইয়া গিয়াছিল । যে দেশের ব্রাহ্মণরা অগ্নিতে প্রবেশ করিয়া জনগণ হৃদয় হইতে মৃত্যুভয় দূর করিয়া দিতেন ; আস্তি সেই দেশের লোক হইয়া, যখন নৃপতির একটু ধন্যবাদ লাভের জন্ত কত শত স্বদেশবাসীর মৃত্যুর কারণ স্বরূপ হইয়াছিলেন । যে দেশবাসী অর্থকে অনর্থের কারণ বিবেচনা করিয়া দূরে তাহা ঘণার সহিত পরিত্যাগ করিতেন, হয় ! আস্তি সেই অর্থ লালসায় বিদেশীর পদতলে লুপ্তিত হইয়া স্বচ্ছন্দে তিনি স্বাজাতি ধ্বংস করিয়া স্বাধীনতারহে জলাঞ্জলি প্রদান করেন ।

নগরে যে সকল ব্রাহ্মণেরা বাস করিতেন, তাঁহাদিগের মধ্যে অনেকে জ্যোতিষ শাস্ত্রের অন্বেষণ করিতেন । “তাঁহারা গ্রহ নক্ষত্রের গতি পর্য্যবেক্ষণ করিয়া বৈজ্ঞানিক প্রথায় ভবিষ্যৎ ঘটনা সকল গণনা করিতেন ।” গ্রীকগণ, ইহারা সুধু কেন, পৃথিবীর অগ্নাত জাতীরা যখন সভ্যতার প্রথম সোপানে আরোহণ করেন নাই, তাহাদের সভ্যতার সেই অতি শৈশবকালে আমাদের ভারতবর্ষে আমাদের পূর্বজেরা, জ্যোতিষ শাস্ত্র বিষয়ে যথেষ্ট উন্নতিলাভ করিয়াছিলেন । সেকালে আমাদের পূর্বজগণের পদপ্রান্তে উপবেশন করিয়া পৃথিবীর অগ্নাত জাতি এই শাস্ত্র অধ্যয়ন করিত । উদার প্রকৃতির ব্রাহ্মণগণ, গুণবান

শিষ্যের গুণের আদর করিতে কখনও পশ্চাদ্গত হইতেন না । ইহাই তাঁহাদিগের বিশেষত্ব, তাই তাঁহারা যখনগণকেও আচার্য্য পদবীতে উন্নীত করিতে কিছুমাত্র সঙ্কোচ প্রকাশ করেন নাই ।

অলিকসন্দর, তক্ষশিলায় অবস্থান কালে পুরুষ নিকট দূত প্রেরণ করিয়া, তাঁহাকে কর-প্রদান করিতে, এবং রাজ্যের সীমান্তপ্রদেশে আগমন করিয়া তাঁহার সহিত সাক্ষাৎ করিবার জ্ঞাত আদেশ করিয়া পাঠান । ক্ষত্র ধর্ম্মপরায়ণ মহাবাহু পুরুষদূতের মুখে অলিকসন্দরের অভিপ্রায় শুনিয়া বলিয়া পাঠান যে “সীমান্ত প্রদেশে তরবারী হস্তে তোমার প্রভু অলিকসন্দরের সহিত আমি সাক্ষাৎ করিব ।” অলিকসন্দর, পুরুষ গর্ভিত উত্তরে বিস্মিত হইলেন । মনে করিয়াছিলেন, পুরুষ, বিনা রক্তপাতে তাঁহার বশতা স্বীকার করিবে, যখন তাহা হইল না, তখন তিনি পুরুষ বিরুদ্ধে যুদ্ধ করিবার জ্ঞাত প্রস্তুত হইলেন । পুরুষ রাজ্য আক্রমণ করিতে হইলে, বিস্তৃত নদী \* উত্তীর্ণ হইতে হইবে— নদী পার হইতে শত্রু যাহাতে না সমর্থ হয় ; পুরুষ সে বিষয়ে চেষ্টা করিতে ক্রটি করিবে না ; এজন্য তিনি বিস্তার নৌকা সকল ধ্বংস, অথবা হস্তগত করিয়া রাখিয়াছেন, এইরূপ সন্দেহ করিয়া, অলিকসন্দর, সিঙ্কুনদে তাঁহার যে সকল নৌকা ছিল, তাহার মধ্যে বড় নৌকা দুখানিকে তিন ভাগে, এবং ছোট

\* আমাদের ভারতীয় নাম বিদেশীর জড় জিহ্বায় কিরূপে উচ্চারিত হইয়াছে তাহা বিচিন্তাতে কিছুমাত্র ব্যুত্থিত পারা যায় । ইহা কখন হাই-ডাস পেস, কখন বা বিডাসপেস ইত্যাদি শব্দে উচ্চারিত হইয়াছে । মুসলমান-দের সময় হইতে ইহা ঝিলাম নামে কথিত হয় । পুরাতন ঝিলামগ্রাম বর্তমান ঝিলামের অপর পারে আগে তাহার নীচে নদী প্রবাহিত হইত ।

গুলিকে দুই ভাগে বিভক্ত করিয়া বিতস্তার তটে আনয়ন করিতে আজ্ঞা প্রদান করেন । \*

অলিকসন্দর, তক্ষশিলা প্রদেশের শাসনভার তঁহার নিজের দেশীয় লোকের হস্তে অর্পণ করিলেন । পাছে কিছু গোলযোগ উপস্থিত হয়, এই ভয়ে কিছু সৈন্য তথায় সংস্থাপন করিয়া, তঁহার অবশিষ্ট সৈন্য, অধিকন্তু আশ্রিত পরিচালিত পাঁচ হাজার ভারতীয় সৈন্যসহ, পুরুর উদ্দেশ্যে বিতস্তা অভিমুখে গমন করিতে লাগিলেন । তক্ষশিলা হইতে দুইটি রাস্তা বিতস্তা অভিমুখে গমন করিয়াছে । একটি রাওলপিণ্ডী, মানফেলা । রোতস হইয়া ঝিলামে গিয়াছে । অপরটি অপেক্ষাকৃত দক্ষিণভাগে দুধিয়াল হইয়া বামভাগে টিলাপর্কত রাখিয়া লবণ পাহাড়ের ক্ষুদ্র ক্ষুদ্র নদী অতিক্রমণ করিয়া ঝিলামের ২৮ মাইল দক্ষিণে জালালপুরে বিতস্তার সহিত মিলিত হইয়াছে । অলিকসন্দর, কোন রাস্তা অবলম্বন করিয়া বিতস্তার তটে গমন করিয়াছিলেন ; সে বিষয় স্থির সিদ্ধান্তে উপনীত হওয়া সুকঠিন । ক্যানিংহাম প্রভৃতি, জালালপুরে অলিকসন্দর শিবির স্থাপন করিয়াছিলেন ; সিদ্ধান্ত করিয়া থাকেন । অপরপক্ষে এবট প্রমাণ করেন যে, বর্তমান ঝিলাম সহরের নিকট মেসিদিনাধিপতি অবস্থান করিয়া পুরুর সহিত

\* মহাভাষ্যকার পতঞ্জলি একস্থানে বলিয়াছেন “স্থলে শকটং নাবং বহতি জলে নৌ শকটং বহতি ।” পররাঞ্জিষ্ট্র নদী প্রভৃতি আক্রমণ করিবার জন্য শকটে করিয়া নৌকা নইয়া খাইবার প্রথা ভারতবর্ষে বহুপূর্বে প্রচলিত ছিল ।

† ইহার প্রাচীন নাম মাণিক্যালয়, রেলপথে রাওলপিণ্ডীতে গমনকালে, এই স্থানের সুন্দর বৌদ্ধ স্তূপটি দেখিতে পাওয়া যায় ।

যুদ্ধ করিবার জন্ত প্রস্তুত হইয়াছিলেন এই মতটি বর্তমান-  
কালে ভিস্কেটিস্মিথ গ্রহণ করিয়া, দৃঢ় করিবার প্রয়াস পাইয়াছেন ।  
আবার কেহ কেহ বলেন, পিণ্ডদাদন খানার দক্ষিণে, আহমদা-  
বাদ নামক স্থানে, অলিকসন্দর শিবির সংস্থাপন করিয়া অপর পারে  
পুন্ডর সহিত যুদ্ধে প্রবৃত্ত হইয়াছিলেন । এমত সংস্থাপনের জন্ত  
কেহ কেহ বড় কম আগ্রহ প্রকাশ করেন নাই । প্রাচীনকালের  
লেখকেরা, অলিকসন্দরের গমনপথ ও বিস্তার বিষয় যেরূপ  
ভাবে বর্ণনা করিয়াছেন, তাহা ঠিক পূর্বোক্ত কোন স্থানে বর্ত-  
মানকালে প্রাপ্ত হওয়া যায় না । দুই হাজার বৎসরের মধ্যে  
বিস্তার যথেষ্ট পরিবর্তন হওয়াতে ভৌগোলিক অবস্থার ও যে  
অনেক পরিবর্তন হইবে সে কথা বলাই বাহুল্য । ভিস্কেট স্মিথ,  
অথের প্রতি দোষারোপকালে, ভৌগোলিক অবস্থানের কথা  
উল্লেখ করিয়াছেন । কিন্তু তিনি যে স্থান নির্দেশ করিয়াছেন,  
অলিকসন্দরের সময় তাহা যে বিস্তার গর্ভে ছিল না, তাহার  
কোন প্রমাণ আছে ? এক সময় পুরাতন কিলাম-সরাই ও  
নারাজাবাদের নিম্ন দিয়া বিস্তার প্রবাহিত হইয়াছেন, এক্ষণে উক্ত  
স্থানে হইতে অনেক দূরে প্রবাহিত হইতেছেন । এই জন্ত অলিক-  
সন্দর, কোন স্থানে বিস্তার পার হইয়াছেন তাহা নির্ণয় করা দুর্ব্বহ  
ব্যাপার ।

অলিকসন্দর, সৈন্যগণ সহ বিস্তার তটে উপস্থিত হইয়া যাহা  
দেখিলেন, তাহাতে তাঁহাদের অন্তরআত্মা অবসন্ন হইয়া পড়িল,  
বিষাদের স্বেচ্ছা বদনমণ্ডলে আবির্ভূত হইল ; মনে করিয়া-  
ছিলেন, সহজেই সমস্ত দেশ হস্তগত হইবে, এবং সকলেই বুদ্ধিমান  
আস্তির ঞ্চায়, তাঁহার পদতলে পতিত হইয়া জয়গীতি গান

করিবে। তাহা হইল না—দেখিলেন সকলে আশ্চর্য ধাতুতে গঠিত হয় নাই। তাহার প্রবল প্রতাপকে ভুচ্ছ করিয়া ভারত-বাসীরা তাঁহাকে বাধা দিবার জন্ত নদীর অপর তটে যেন নগর নির্মাণ করিয়া অবস্থান করিতেছে। সৈন্য শ্রেণীর মধ্য হইতে হাওদা সহ দুইশত হস্তী, যেন সমুন্নত শোধ শিখরকে অনুকরণ করিয়াছে। ষোড়শ চতুষ্টয় বাহিত, তিনশত রথ, যেন অলিক-সন্দরের সৈন্যগণকে প্রতিস্পর্ধা করিয়া চতুর্দিকে গমনাগমন করিতেছে, ৩০০০০ পদাতিক, যেন ভারতের সম্মান সংরক্ষণ জন্ত, অটল অচল প্রাচীরের আয় ভূর্ভেদ্য হইয়া রহিয়াছে। পুরুষ প্রায় সর্বশুদ্ধ পঞ্চাশ হাজার সৈন্য, বিজয় অথবা মৃত্যুর জন্ত কৃত নিশ্চয় হইয়া নদীর অপর পারে অবস্থান করিতেছিল। শীঘ্র-বহা সুবিস্তৃতা বিতস্তা, যেন পুরুষ সহিত মিলিতা হইয়া, অলিক-সন্দরের গমনপথে বাধাপ্রদান করিবার জন্ত, সর্বতোভাবে চেষ্টা করিতেছিলেন ;—পদাতিক অস্বারোহী ও হস্তী সহ মিলিত ইহার ছুরারোহ তট, আগন্তুকগণের হৃদয়ে নৈরাশ্র উৎপাদন করিল—নদীমধ্যে নিমজ্জিত পাষণ সকল যেন, গুপ্তভাবে অবস্থিত সৈন্যগণের আয়, শত্রু আক্রমণের জন্ত সময় প্রতীক্ষা করিতেছিল। অলিকসন্দর, পুরুষ ভয়াবহ হস্তীযুগ সহ সৈন্যগণ অপেক্ষা, সুবিস্তীর্ণা বিতস্তা দেখিয়া ইহার পরপারে কিরূপে গমন করিবেন, সেই চিন্তাতে বিশেষরূপে অবসন্ন হইয়া পড়েন। তিনি যে নৌকা আনয়ন করিয়াছেন ; বিপক্ষ সৈন্যের সম্মুখে তাহাতে পার হওয়া আর বৈতরণীর অপর পারে গমন করা উভয়ই তুল্য। অলিকসন্দর যে স্থানে শিবির সংস্থাপন করিয়াছিলেন, ঠিক তাহার অপর পারে পুরুষ শোভায়মান শিবির সন্নিবেশিত হইয়াছিল।

উভয়পক্ষ পরস্পরকে শব্দে সম্বোধিত করিবার জন্ত, পরস্পর শব্দ যুদ্ধে প্রবৃত্ত হইয়াছিল, কিন্তু পুরুষ সৈন্যের গর্জনের সহিত হস্তীর বৃংহিত মিলিত হওয়াতে, তাহা মাসিদনদের হৃৎকম্প উপস্থিত করিল । কখন বা নদী মধ্যস্থিত চরে, উভয়পক্ষের সৈন্যগণ ভল্লাদি সহ সম্ভরণ করিয়া তথায় উপস্থিত হইয়া যুদ্ধে প্রবৃত্ত হইত । এরূপ যুদ্ধে কতকগুলি অতি সাহসী মাসিদন সৈন্য, ভারতীয় হস্তে নিহত হয় ; যাহারা রক্ষা পাইল তাহারা বিতস্তার প্রবলবেগ হইতে নিস্তার পাইল না । নদীগর্ভে তাহারা নিমজ্জিত হইয়া মৎসাদির আহাৰ্য্যে পরিণত হইয়াছিল । এইরূপ ক্ষুদ্র যুদ্ধের পরিণাম দেখিয়া উভয় তটে অবস্থিত নৃপতিদ্বয়, ভাবী জয় পরাজয়ের কাল্পনিক চিত্র অঙ্কন করিয়া আনন্দিত ও দুঃখিত হইতেন ।

অলিকসন্দর, সরল উপায়ে কার্য্যসিদ্ধি অসম্ভব বুঝিয়া মায়া অবলম্বনে প্রবৃত্ত হইলেন । তিনি এরূপ প্রকাশ করিলেন যে, শীতকালে বিতস্তার জল হ্রাস হইলে ; সেই সময় নদী পারে প্রবৃত্ত হইবেন, যাহাতে শত্রু তাঁহার কথার উপর বিশ্বাস স্থাপন করেন, সে জন্ত তিনি দীর্ঘকালের উপযোগী খাণ্ডদ্রব্য সংগ্রহ করিবার জন্ত চতুর্দিকে লোক সকল প্রেরণ করেন । অপর দিকে, বহল পরিমাণে চর্ম্মমধ্যে গুল্ফবাস পূর্ণ করিয়া সেলাই করিয়া, একপ্রকার ভেলা প্রস্তুত করিতে আজ্ঞা দিলেন— নৌকা সকল এদিকে ওদিকে পাঠাইয়া নদীপারের ভাণ করিয়া, শত্রুগণকে ক্লান্ত করিতে লাগিলেন । নদী পার হইবার উদ্দেশে সমস্ত রাত্রি মশাল জ্বালাইয়া—সৈন্যগণকে নদীতটে শ্রেণীবদ্ধ করাইয়া, অলিকসন্দর, পুরুষে ব্যতিব্যস্ত করিয়া তুলিলেন—

শত্রু আগমন আশঙ্কা করিয়া, পুরু তাঁহার সৈন্তগণকে যুদ্ধের জগ্ন নদীতটে পাঠাইতে লাগিলেন। অলিকসন্দর, এইরূপ কার্য্য প্রতিরাত্রে অনুষ্ঠান করিয়া, পুরুকে প্রতারণা করিবার রাস্তা পরিস্কার করিলেন। পুরু, পাশ্চাত্য ধূর্ততা বুঝিতে পারিয়া, নদীর বহুদূর পর্য্যন্ত স্থানে, চর সকল স্থাপন এবং প্রধান প্রধান স্থানে সৈন্ত সকল সংস্থাপন করিয়া, মাসিদিন ধূর্ততার প্রতিক্রিয়া করেন।

অলিকসন্দর যখন অবগত হইলেন, অভীসারের অধিষ্ঠার প্রচুর সৈন্ত লইয়া পুরুর সহায়তার জগ্ন ২২।২৩ ক্রোশ দূরে অবস্থান করিতেছেন, উভয়ের সম্মিলন হইবার পূর্বেই তিনি তখন শত্রুকে আক্রমণ করিবার উদ্যোগ করিতে লাগিলেন।

অলিকসন্দর যে স্থানে শিবির সংস্থাপন করিয়াছিলেন, সে স্থান হইতে ১৫০ ষ্টেডিয়া ( প্রায় ৮।০ ক্রোশ ) দূরে বিতস্তার তটে জঙ্গলে আবৃত খানিকটা উচ্চ ভূমি ছিল, এখানে বিতস্তা বাকিয়া গিয়াছেন, এই স্থানের সম্মুখে একটা বড় চর ছিল, তাহাতেও প্রচুর পরিমাণে বন থাকায়, ওপার হইতে নদীর এপারের কিছু দেখিতে পাওয়া যায় না। অলিকসন্দর, তাঁহার কার্য্য সিদ্ধির পক্ষে এই স্থান সুবিধাজনক বুঝিয়া, নৌকা সকল দ্বিখণ্ড করিয়া আনয়ন করিলেন। এবং এই স্থান হইতে পার হইবার জগ্ন প্রস্তুত হইতে লাগিলেন।

অতি শীঘ্র সংবাদ আদান প্রদানের জগ্ন, নদীর তটে পরস্পরের দৃষ্টির অন্তর্গত স্থানে, সৈন্ত সকল শ্রেণীবদ্ধ হইয়া থাকিতে আদিষ্ট হইল। প্রধান শিবিরে ক্রিতিরস, তাঁহার অধীনস্থ সৈন্তগণসহ, মাসিদিন পদাতিক-অধারোহী এবং তক্ষশিলা পরি-



চালিত ৫ সহস্র সৈন্য লইয়া অবস্থান করিলেন। অলিকসন্দর তাঁহাকে উপদেশ দিলেন যে, “পুরু তাঁহার সমস্ত সৈন্যসহ আমাকে আক্রমণ না করিলে, তিনি যেন কদাচ অপর পারে গমন না করেন। অথবা আমি বিজয়ী এবং পুরু পলায়ণ পর হইলে তিনি যেন নদী উত্তীর্ণ হন। নদী পার কালে হস্তীই ভয়ের কারণ; পুরু যদি কতকগুলি হস্তীসহ সৈন্য রাখিয়া আমার সহিত যুদ্ধ করিতে গমন করেন; তাহা হইলে ক্রিতিরস যে স্থানে আছেন, সেই স্থানেই থাকিবেন। আর যদি কেবল মাত্র সৈন্য রাখিয়া গমন করেন; তাহা হইলে তিনি অনতিবিলম্বে নদী পার হইয়া শত্রুর পশ্চাদ্ভাগ আক্রমণ করেন। চরভূমি ও প্রধান শিবিরের মধ্যবর্তী স্থানে, মিলোগার—আতালস ও গরজিস, নামক সেনানী-ত্রয়ের অধীনতায় পদাতিক ও অধারোহী সৈন্য প্রদান করিয়া তাঁহাদিগকে বলিলেন, যে সময় তাঁহার সহিত শত্রু সৈন্যের যুদ্ধ আরম্ভ হইবে, সেই সময় যেন তাঁহারা নদী উত্তীর্ণ হন। অলিকসন্দর স্বয়ং তাঁহার সহচর সৈন্য এবং হিপাইস্তিয়ন-পাদ্রিকা—দেমিত্রস পরিচালিত সৈন্যগণসহ শক-বহ্লিক, প্রভৃতি দেশীয় পদাতিক ও অধারোহী সৈন্য লইয়া, অতি গোপনে চরভূমির কাছে উপস্থিত হন। এই ভয়ঙ্কর রাত্রে জল ঝড় বজ্রাঘাত হইয়া, ইহার ভীষণতাকে অধিকতর বৃদ্ধি করিয়া অলিকসন্দরের “রাস্তা চুরী” কার্য্যে সহায়তা সম্পাদন করিয়াছিল। লুণ্ঠায়িত নৌকা সকল, জঙ্গল হইতে বাহির করিয়া আনিয়া সৈন্য সকল পরপারে যাইবার উদ্যোগ করিতে লাগিল। মেঘের গভীর গর্জনে এবং মুষলধারে বৃষ্টিপাত-জনিত শব্দে, সৈন্যগণের অস্ত্রের ঝন্ঝনা শব্দ এবং চালকগণের

হুকার শব্দ, পরপারস্থিত ভারতীয় প্রহরীরূপের প্রতিগোচর হইল না। সূর্যোদয়ের পূর্বে জল ঝড় খামিয়া গেল, অলিকসন্দর তটের নিকটবর্তী হইবার সময়ে, তিনি পুরুর প্রহরীগণের নয়নগোচর হইলেন। এরিয়ান বলেন, অলিকসন্দর বিচস্তার আর একটা ধারা অতিক্রমণ করিয়া তটে উঠিয়াছিলেন। রাত্রের রুষ্টিতে জলপ্রবাহ বৃদ্ধি পাওয়াতে ইহা অতিক্রমণ করিতে সৈন্যগণকে বড় কম ক্রেশ স্বীকার করিতে হয় নাই।

এরিষ্টোবুলস বলেন, অলিকসন্দর যে সময় নদী পার হন; সে সময় পুরুর পুল, ৬০ খানা রথ লইয়া সে স্থানে উপস্থিত হইয়াছিল। তিনি রথ হইতে নামিয়া অনায়াসে বাধা প্রদান করিতে পারিতেন, কিন্তু তাহা করেন নাই, তাই অলিকসন্দর দুত্তর নদী কোনরূপে পার হইতে সমর্থ হইয়াছিলেন। অনন্তর উভয় পক্ষে ঘোরতর যুদ্ধ আরম্ভ হয়। ইহাতে রক্তপাত বড় কম হয় নাই। আবার কোন লেখক বলেন, পুরুর পুল বহুসৈন্যসহ আগমন করিয়া অলিকসন্দরকে নদী পার হইবার সময় প্রচণ্ড বাধা প্রদান করেন। পুরুর পুল, সকলের অগ্রবর্তী হইয়া যুদ্ধ করিবার সময় স্বহস্তে অলিকসন্দরকে আহত এবং তাঁহার বুক-ফেলাস নামক প্রসিদ্ধ অশ্ববরকে নিহত করিয়া যেসিদ্দনদিগের হৃদয়ে ত্রাসোৎপাদন করিয়াছিলেন। লগস পুল তুরময় বলেন, প্রহরী মুখে পুরু, অলিকসন্দরের আগমনবার্তা অবগত হইয়া স্বীয় পুত্রের অধীনতায় ১২০ খানি রথ এবং দুই হাজার সৈনিকসহ রক্তভূমিতে প্রেরণ করেন। এসময়ের পূর্বেই অলিকসন্দর নদী পার হইয়াছিলেন—তিনি সৈন্যগণকে আগমন করিতে দেখিয়া মনে করেন যে পুরু স্বয়ং তাঁহাকে আক্রমণ করিতে

আগমন করিয়াছেন, নিকটে যত অঝারোহী সৈন্য পাইলেন তাহাই লইয়া তিনি শত্রুগণকে আক্রমণ করিলেন ; উভয় পক্ষে ঘোর যুদ্ধ হইল—পূর্ব রাত্রে রষ্টিতে ভূমি পঙ্কিল হইয়াছিল, রথ সকল তাহার উপর দিয়া গমনাগমন করাতে পৃথিবী যেন রথচক্র গ্রাস করিয়া ফেলিলেন ; রথ অকর্ষণ্য হওয়াতে শত্রুগণ প্রবল হইয়া পড়িল—পুরু পুত্র, সকলের অগ্রবর্তী হইয়া সৈন্যগণকে পরিচালনা করিয়া, মসিদনগণকে, ভারতীয় শৌর্য্যের পরিচয় প্রদান করিতে লাগিলেন । এইরূপে যুদ্ধকালে তিনি শত্রুহস্তে সাংঘাতিকরূপে আহত হইয়া শুরলোকে গমন করেন— এই অল্পকালের যুদ্ধে ৪ শত ভারতীয় বীর স্বদেশের স্বাধীনতা রক্ষা করিবার জন্য রাজপুত্রের অনুগমন করিয়াছিলেন ।

পুরু প্রথমে মনে করিয়াছিলেন, অভীসারের অধিকার তাঁহার সাহায্যের জন্য সৈন্যগণসহ আগমন করিতেছেন, কিন্তু যখন একে একে হতাবশিষ্ট অঝারোহীগণ উপস্থিত হইয়া অলিকসন্দরের আগমন,—ভয়ঙ্কর যুদ্ধে রাজকুমারের শৌর্য্য প্রদর্শন-পূর্ব্বক স্বর্গলোক গমন, ইত্যাদি কথা নিবেদন করিল, তখন তাঁহার ভ্রম দূর হইল । বীরহৃদয় পুরু, পুত্রের মৃত্যু কথা শ্রবণ করিয়া বিচলিত না হইয়া, শত্রুর সম্মুখীন হইবার জন্য প্রস্তুত হইলেন । মহাবীর পুরু, শত্রুর অকস্মাৎ আগমনে বুদ্ধিহারী না হইয়া, অপর পার হইতে শত্রু বাহাতে আগমন করিতে না পারে, সেই অভিপ্রায়ে কতকগুলি হস্তী, পদাতিক এবং অঝারোহী রাখিয়া দিয়া, অবশিষ্টসমস্ত সৈন্য লইয়া, স্বদেশের স্বাধীনতা রক্ষা করিবার জন্য অলিকসন্দরের উদ্দেশে যাত্রা করেন । গমনকালে যে স্থান সুপ্রস্তুত কর্দমহীন এবং কঠিন বলিয়া বোধ

করিলেন, তথায় ব্যূহ রচনা করিয়া শত্রু আক্রমণ জন্য অপেক্ষা করিলেন। সম্মুখভাগে দুহশত হস্তী শ্রেণীবদ্ধ করিয়া রাখিলেন— ইহাদের সম্মুখে গুরুভার বর্ষধারী পদাতিক সকল অবস্থান করিল—হস্তীর উভয় পাশ্বে তিন শত রথ এবং ৪ হাজার অশ্বারোহী আর সর্ব পশ্চাতে ৩০ হাজার পদাতিক সৈন্য অবস্থান করিয়া মেসিদিনদিগের হৃদয়ে বিভীষিকা উৎপাদন করিলেন। এই হস্তী সৈন্য কর্তৃক সুরক্ষিত পদাতিক সৈন্য যেন অটল অচলের ন্যায় পরিদৃষ্ট হইল। রথগুলিও যেন সচক্র ক্ষুদ্রদুর্গ, এই রথ, ছয় জন অশ্বারোহীকে বহন করিয়া, যখন ঘূর্ণি বায়ুর ন্যায় শত্রুগণ মধ্যে প্রবাহিত হয়, সে সময় ইহার বেগ সহ্য করা বড় সামান্য কথা নহে। ইহার ছয়জন আরোহীর মধ্যে দুইজন ধানুস্ক, শত্রুসৈন্য মধ্যে নিশিত শর নিক্ষেপ করিয়া তাহাদিগকে উদ্বেজিত করিয়া থাকে, দুইজন লোক ঢালের সাহায্যে ইহাদিগকে বিপক্ষ আক্রমণ হইতে রক্ষা করিয়া থাকেন, আর দুইজন সারথীর কার্যে নিযুক্ত থাকিয়া অশ্ব পরিচালনা করিয়া থাকেন। যখন রথ, শত্রুগণের অত্যন্ত নিকটবর্তী হয়, তখন অশ্বচালনার প্রয়োজন হয় না, সে সময় সারথীদ্বয় অশ্বরশ্মি পরিত্যাগ করিয়া শত্রুগণের উপর মুষল প্রাস প্রভৃতি অস্ত্রশস্ত্র প্রহার করিয়া থাকে। বিদেশী গ্রন্থকারেরা বলেন, পুরুষ সেনাদলের সর্বাগ্রে শত্রু নিশ্চয়ন মহাবীরের (হরিকুলেশের) আকৃতিঅঙ্কিতপতাকা শোভিত হইতেছিল। মহাসংগ্রামে ও ইহা পরিত্যাগ করিয়া যাওয়া অত্যন্ত গহনীয় বলিয়া বিবেচিত হইত। তাই ভারতীয় বীরগণ প্রাণপণ করিয়াও তাহা রক্ষা করিত। অত্যন্ত শরীর মহাবীর পুরু, প্রকাণ্ডকায় হস্তীর উপর

আরোহণ করিয়া সকলের উপরিভাগে পরিশোভিত হইলেন ।  
 মাসিদনরা, পুরুপরিচালিত হস্তীসৈন্যকর্তৃক সুরক্ষিত সৈন্যদেখিয়া  
 যেরূপ ভীত হইয়াছিল, সেইরূপ প্রকাণ্ড শরীর পুরুকে দেখিয়া  
 ও তাহার ক্রিয়াকালের জ্ঞান সম্মোহিত হইয়াছিল । অলিকসন্দর,  
 দূর হইতে পুরু ও তাঁহার সৈন্যগণকে দেখিয়া পার্শ্বের লোককে  
 বলিয়াছিলেন, “এত দিনের পর আমি আমার সাহসের অনুরূপ  
 বিপদের সম্মুখীন হইলাম । এখন ঐ বহু জন্তু, আর অসাধারণ  
 বীর্য্যসম্পন্ন যোদ্ধাগণের সহিত যুগপৎ যুদ্ধ করিতে হইবে । “এই  
 বলিয়া তিনি, কৈনসের দিকে দৃষ্টি নিক্ষেপ করিয়া বলিলেন,  
 যখন আমি তুরময়, পাদ্রিকা, এবং হিপাইস্ত্রিয়ন সহ, শত্রুর বাম-  
 ভাগে আক্রমণ করিব, যখন আমাদের দিকে আপনি ঘোরতর যুদ্ধে  
 প্রবৃত্ত দেখিবেন, তখন আপনি শত্রুর দক্ষিণভাগ আক্রমণ করিয়া  
 তাহাদিগকে অধিকতর চঞ্চল করিয়া তুলিবেন । এই বলিয়া  
 অলিকসন্দর, এন্টিজিনস্,—লিওনেটনস্ ও তুরময়ের দিকে  
 চাহিয়া বলিলেন, “আর আপনারা শত্রুর মধ্যভাগ প্রবলবেগে  
 আক্রমণ করিয়া সম্মুখবর্ত্তী সৈন্যগণকে বিতীর্ণকরাগ্ৰস্ত করিয়া  
 তুলিবেন । আমাদের সুদীর্ঘ বর্ষা, ঐ সকল প্রকাণ্ডকায় হস্তী ও  
 ইহার চালকগণকে বিদ্ধ করিবার পক্ষে যেরূপ উপযোগী হইবে,  
 এরূপ আর কিছুই হইবে না । আপনারা ইহার সাহায্যে হস্তী,  
 সকল বিদ্ধ এবং ইহার আরোহীগণকে ভূতলে নিপাতিত করিয়া  
 নিহত করুন । এই সকল হস্তী, আহত হইয়া আমাদের অপেক্ষা  
 আমাদের শত্রুগণের যথেষ্ট ভীতি ও অনিষ্ট সম্পাদন করিবে ।”

এই উপদেশ দিয়া অলিকসন্দর, প্রবলবেগে ঘোড়াকে দৌড়  
 করাইয়া সর্ব্বাগ্রে শত্রুরদিকে গমন করিলেন । অলিকসন্দর

কে শত্রুসহ ঘোরতর যুদ্ধে প্রবৃত্ত দেখিয়া, কৈনস আর বিলম্ব না করিয়া প্রচণ্ড পরাক্রমে বামভাগ, আর পদাতিকগণ বিপুলবিক্রমে পুরুরসৈন্যের মধ্যভাগ আক্রমণ করিলেন। এই আক্রমণে, পুরুর সৈন্যসকল বিভিন্ন হইয়া পড়িল,—সেই অবকাশে অলিকসন্দরের সৈন্য, যে, যে স্থানে অবকাশ প্রাপ্ত হইলেন, সে সেই স্থানে প্রবেশ করিয়া ঘোরতর যুদ্ধে প্রবৃত্ত হইলেন।

পুরুর সৈন্য মধ্যে যে দীর্ঘ চঞ্চলতা লক্ষিত হইয়াছিল ; তাহা তাহাদিগের মৃত্যুভয় জনিত, অথবা তাহাদিগের বীরত্বের হীনতা-বশতঃ উৎপন্ন হয় নাই। গ্রীক গ্রন্থকারেরা বলেন, পুরুর হস্তী সকলকে, অলিকসন্দরের দ্রুতগামী অথ সকল আক্রমণ করিতে, আর ধনুধারীগণ ক্ষিপ্ৰকারিতা সহকারে তাহাদিগের ধনুকে জ্বা আরোপন করিতে সমর্থ না হওয়াতে, ভারতীয় সৈন্যগণ মধ্যে চঞ্চলতা পরিলক্ষিত হইয়াছিল। আমাদের ধানুষ্কগণ ভূমিতে ধনুক স্থাপন করিয়া জ্বা যোজনা করিত, দুর্ভাগ্য বশতঃ বৃষ্টির জল ভূমি অত্যন্ত পিচ্ছিল হওয়াতে, তাহারা ধনুকে গুণযোগ করিতে শীঘ্র কৃতকার্য হইতে পারে নাই। মাসিদনেরা, ভারতীয় শর শত্রুর হৃদয়বিদারণে কিরূপ সমর্থ, তাহা তাহারা অনুভূত করিয়া সাক্ষ্য প্রদান করিয়াছেন। তাহারা বলেন শত্রুর সুদৃঢ় হৃদয়বরণ এই শরের গতিরোধ করিতে সমর্থ হয় না, ইহার আঘাত একরূপ দারুণ, ও একরূপ সাংঘাতিক, যে ইহাতে আহত হইলে, মানুষকে যমপুরীর দ্বারদেশ অতিক্রম করিতে হইয়া থাকে। দুর্ভাগ্য বশতঃ যুদ্ধের প্রাক্কালে, শত্রু বিনিপাতন শর সকল, বিশেষ কার্যকর হয় নাই। মহাবীর পুরু, তাহার সর্বোন্নত হস্তীপৃষ্ঠ হইতে যখন দেখিলেন, সৈন্যগণ মধ্যে

কিঞ্চিৎ চঞ্চলতা আবিভূত হইয়াছে ; তখন তিনিঘোরতর বিক্রমে শত্রুসৈন্তের অভিমুখে ধাবিত হইলেন ; এখন যুদ্ধস্থল ভীষণ হইতে ভীষণতর হইয়া উঠিল । হস্তী সকল যখন, শত্রুগণকে কখন পদ-দলিত, কখন গুপ্ত সহযোগে উর্দ্ধে উত্তোলন করিয়া নিষ্পীড়ন করিতে লাগিল, তখন শত্রুগণ হৃদয়ে ঘোরতর নৈরাশ্য আসিয়া তাহাদিগকে অভিভূত করিয়া ফেলিল,—তখন বিজয় আশায় জ্বাঞ্জলি দিয়া তাহারা পলায়নে প্রবৃত্ত হইল । যখন তাহারা বুঝিল, এই শত্রুর মহাদেশ হইতে প্রাণ লইয়া পলায়নকরা সম্পূর্ণ অবশ্য, তখন তাহারা কোনরূপে হৃদয় স্থির করিয়া, পুরুসৈন্ত আক্রমণ করিতে অগ্রসর হইল । ইতিপূর্বে শত্রুআক্রমণে, পুরুসৈন্তদল বিচ্ছিন্ন হইয়া পড়িয়াছিল, তাহাদিগের মধ্যে কেহ মনে করিল একত্র হইয়া যুদ্ধ করিব, কেহ বা পৃথকভাবে, কেহবা শত্রু আক্রমণ করিলে যুদ্ধ করিব, কেহ বা শত্রুর পশ্চাদভাগে গমন করিয়া তাহাদিগকে আক্রমণ পূর্বক বিভীষিকাগ্রস্ত করিতে সক্ষম করিল । এইরূপ নায়কগণ, বিভিন্ন মতাবলম্বী হইয়া দুর্বল হইয়া পড়িলেন—পুরুর আদেশ তাঁহারা সম্যক প্রকারে অবগত হইতে পারিলেন না—সুতরাং সকলে যুগপৎ শত্রুগণকে আক্রমণ করিয়া বিজয়লক্ষীকে অঙ্কগত করিতে সমর্থ হইলেন না ।

সমস্ত সৈন্তের সাহায্য না পাইলেও; মহাবাহু পুরু, তাঁহার দেহের অনুরূপ সাহস লইয়া, শত্রুসৈন্ত মস্থন করিতে প্রবৃত্ত হইলেন । মাসিদনীয় যোদ্ধাগণ পশ্চাদপদ হইলেও পূর্ব বীৰ্য্য স্মরণ করিয়া, মৃত্যুর কথা ভুলিয়া গিয়া, আবার ভীমপরাক্রমে পুরুসৈন্তকে আক্রমণ করিল । ভীমকায় ভীমতীর হস্তীর ভীষণ গর্জনে, ও তাহাদিগের নিদারুণ গুণ্ডাঘাতে, অলিকসন্দরের অধারোহীগণ

অগ্রসর হইতে সমর্থ হইল না ; অথ সকল বিভীষিকাগ্রস্ত হইল, সহযোদ্ধাগণ সর্বজন সমক্ষে শূণ্ণে উত্তোলিত হইয়া, যখন হস্তী কর্তৃক নিষ্পোষিত হইতে লাগিল, শত্রুগণ মধ্যে তখন এক্রপ কোন পুরুষ ছিল না, এই ভয়ঙ্কর দৃশ্য দেখিয়া, যাহার হৃদয় অবসন্ন হয় নাই। অলিকসন্দর, সৈন্যগণকে এইরূপ বারংবার পশ্চাদ-পদ হইতে দেখিয়া, তিনি সৈন্যগণকে, সর্বজন লক্ষ্য পুরুকে, লক্ষ্য করিয়া অস্ত্রশস্ত্র প্রয়োগ করিতে আদেশ করিলেন, আর কতকগুলি সৈন্যকে, দীর্ঘদণ্ডে আবদ্ধ কাস্তিয়ার ত্রায় তীক্ষ্ণধার অস্ত্র দিয়া হস্তীসকল আক্রমণ করিবার জন্ত প্রেরণ করিলেন, অলিকসন্দরের সৈন্যগণ, যুগপৎ শরাদি অস্ত্র শস্ত্র, নিক্ষেপ করিতে লাগিল, তাহা-রাও হস্তীর উপরিস্থিত যোদ্ধাত্রয়ের আঘাতে, আহত হইতে লাগিল, যাহার উদ্দেশে পুরুর অস্ত্রনিষ্কিপ্ত হইল, সে তাহার বাহন-সহ, অথবা পার্শ্ববর্তী জনগণসহ, অবিলম্বে যমপুরীর সংখ্যাবর্দ্ধন করিতে লাগিল। পুরুর এই লোকাভীত বল দেখিয়া, গ্রীকেরা বিমুঢ় হইয়া পড়িল। যে জয়শ্রী মাসিদনগণকে বারংবার পরি-ত্যাগ করিয়া, পুরুকে ভঞ্জন করিবার আগ্রহ প্রকাশ করিতে-ছিলেন, তিনি এক্ষণে তটস্থ ভাব অবলম্বন করিলেন, মাসিদনগণ, তাঁহাকে বলপূর্বক আয়ত্ব করিবার জন্ত উগ্রমূর্তি ধারণ করিয়া, হস্তীর পা, ঙ্গুড়, প্রভৃতি স্থান, কাস্তুর দ্বারা কর্তনকরিতে আরম্ভ করিল। মাসিদনগণ, মৃত্যুভয়ে বিভীষিকাগ্রস্ত হইয়া, কর্তব্য ভুলিয়া না গিয়া, প্রবল শত্রুকে প্রচণ্ডরূপে আক্রমণ করিয়াছিলেন, বলিয়া আবার জয়যুক্ত হইলেন। হস্তী সকল শত্রুর দারুণ আঘাতে আহত হইয়া, সেই স্থানে প্রাণ পরিত্যাগ করিল, কতকগুলি ঘোরতর গর্জন করিয়া স্বপক্ষীয়গণ মধ্যে



প্রবেশ করিয়া অনর্থ উৎপাদন করিতে লাগিল, সৈন্তগণ মধ্যে এইরূপ ঘোরতর বিগৃহ্ণা উপস্থিত হওয়াতে, মাসিদনেরা অধিকতর পরাক্রমের সহিত আক্রমণ করিল। সৈন্তগণকে শৃঙ্খলাবদ্ধ করিবার জন্ত, পুরু যথেষ্টরূপে চেষ্টা করিলেন, তাঁহার সমস্ত চেষ্টা ব্যর্থ হইল। তিনি শত্রুর প্রহারে জর্জরিত হইলেও, যেক্ষণ অদ্ভুত পরাক্রমের সহিত যুদ্ধ করিয়াছিলেন ; তাহা তাঁহার শত্রুরা যদি লিপিবদ্ধ না করিতেন, তাহা হইলে তাঁহার পতিত স্বদেশবাসী তাহাতে বিশ্বাস সংস্থাপন করিতেন কি না, সে বিষয়ে সন্দেহ উপস্থিত হইয়া থাকে। গ্রীক যোদ্ধারা, মুক্তকণ্ঠে ভারতীয় যোদ্ধার গুণকীর্ত্তন করিয়াছেন। অলিকসন্দর যথার্থই বলিয়াছিলেন যে, “ভারতে তিনি তাঁহার সাহসের অনুরূপ প্রতিযোদ্ধা প্রাপ্ত হইয়াছিলেন।”

যে হস্তী, শত্রুগণকে মর্দন করিবার জন্ত প্রযুক্ত হইয়াছিল, অদৃষ্টক্রমে সেই হস্তীই স্বপক্ষের ধ্বংশের কারণ স্বরূপ হইয়া উঠিল,—যে ভূমি রক্ষা করিবার জন্ত ভারতীয় বীরগণ, অকাতরে রুধিরধারা প্রবাহিত করিয়া পূজা করিয়াছিল—সেই ভূমিই রথচক্র গ্রাস করায়, এবং ধনুকে জ্যা যোজনার সাহায্য না করাতে, আজ ভারতবাসীরা বিদেশী শত্রুর সমুখ হইতে পলায়নপর হইল। আহত হস্তী সকল, যাতনায় ভয়ঙ্কর চীৎকার করিয়া চতুর্দিকে গমন করিলেও, মহাপ্রাণ পুরু, তখনও, সকলের অগ্রবর্তী হইয়া যেন পুষ্পিত কিংকরুক্ষের তায় শোভা পাইতেছিলেন। কতিপয় সহচরসহ যুদ্ধক্ষেত্রে অবস্থান করিলেও তিনি শত্রুগণের দুর্দ্ধর্ষনীয় ছিলেন,—অদ্ভুত বীর্য্য পুরু, সকলের লক্ষ্যের বিষয়, এবং সকলের প্রহরণে জর্জরিত হইলেও, তথাপি ও শত্রুগণ

তাহার নিকটবর্তী হইতে সাহসী হয় নাই। যখন নবধারায় শরীর হইতে অতিমাত্র শোণিত নিসৃত হওয়াতে তিনি দুর্বল হইয়া পড়িলেন, যখন চেতনা তাহার শারীরিক দুঃখে অভিভূত হইয়া পড়ে, তখন হস্তী চালক, সংগ্রাম স্থলে আর অবস্থান করা অববেচনার কার্য্য বিবেচনা করিয়া, স্বীয় প্রভুকে রক্ষা করিবার জন্ত, যুদ্ধস্থল পরিত্যাগ করিয়া গমন করেন। অলিকসন্দর, পুরুকে হস্তগত করিবার জন্ত দ্রুতবেগে অনুসরণ করিলেন। কিন্তু তাহার খোটক, অত্যন্ত ক্ষতবিক্ষত হওয়াতে গমনকালে ভূপতিত হইয়া পঞ্চদশ লাভ করে। অলিকসন্দর, তক্ষশিলার ভ্রাতাকে, পুরুর উদ্দেশে প্রেরণ করিয়া বলিয়া পাঠাইলেন, তিনি যেন স্বাধীনতা রক্ষার জন্ত আর যুদ্ধ না করিয়া বশ্যতা স্বীকার করেন। তক্ষশিলার ভ্রাতা, মহাবাহু পুরুর নিকট উপস্থিত হইয়া কথোপকথনে প্রবৃত্ত হইলে—পুরু, তাহার এই সুপরিচিত স্বর, কোন কণ্ঠ হইতে বহির্গত হইতেছে, তাহা বুঝিতে পারিয়া বলিলেন, “ইহার ভ্রাতা, তক্ষশিলা-রাজ্য ও সিংহাসন বৈদেশিকদিগের চরণতলে অর্পণ করিয়াছে”, এই বলিয়া সেই শিথিল বাহু পুরু, তাহার পার্শ্বস্থিত অশ্ব, তাহার উদ্দেশে নিক্ষেপ করিলে, গ্রীক গ্রন্থকারেরা বলেন, তক্ষশিলার ভ্রাতা যদি সরিয়া না যাইতেন, তাহা হইলে তাহার হৃদয় ভেদ করিয়া সেই ভীষণ অশ্ব বহির্গত হইত। পুরু যখন দেখিলেন, তাহার আয় তাহার হস্তীও অবসন্ন হইয়া পড়িয়াছে, এক্রপ অবস্থায় কোন নিরাপদ স্থানে পৌঁছান দুর্ব্ব ব্যাপার, তখন তিনি গমনে প্রবৃত্ত না হইয়া, অবশিষ্ট সৈন্য লইয়া বীরলোকে গমন করিবার জন্ত প্রস্তুত হইলেন। নির্বানোন্মুখ প্রদীপ যেক্রপ দীপ্তিপ্রকাশ করিয়া নির্বাণ লাভ করে; সেইরূপ মহাভাগ

পুরু, ঘোরতর পরাক্রমে, যাহারা তাঁহার অনুসরণ করিতেছিল, তাহাদিগকে আক্রমণ করিলেন। আবার যেন প্রলঙ্কর যুদ্ধের অভিনয় আরম্ভ হইল। মৃত্যুভয় বিরহিত ভারতীয় যোদ্ধারা, কোনরূপ কাতরতা প্রকাশ না করিয়া, যুদ্ধ করিতে লাগিলেন—প্রতিক্ষেপেই শত্রুগণ নিহত হইলেও, পশ্চাদ্বর্তী সৈন্যগণ আসিয়া তাহাদের সংখ্যা বৃদ্ধি করিতে লাগিল, ইত্যবসরে অলিকসন্দর আগমন করিয়া, তাহাদের সহিত মিলিত হইলেন। যুদ্ধ শেষ হইবার যত সমীপবর্তী হইল, ততই যেন তাহা ঘোরতররূপে বর্দ্ধিত হইতে লাগিল। সকলেই পুরুকে চতুর্দিক হইতে লক্ষ্য করিয়া ভীষণ অস্ত্রশস্ত্র নিক্ষেপ করিতে লাগিল। এই সময় একটি অল্পকূল ঘটনায় যুদ্ধ অভিনয় যেন শেষ হইবার উপক্রম হইল। ক্ষত-বিক্ষতাপ মহাপ্রাণ পুরু, হস্তীপৃষ্ঠে উপবেশন করিতে সমর্থ হইলেন না, মাহত মনে করিল, তিনি বুঝি নামিবার জ্ঞান ঈজিত করিতেছেন। মাহত, হস্তীকে বসিতে আদেশ করিলেন—রাজহস্তীকে উপবেশন করিতে দেখিয়া, অগ্ন্যাগ্ন সমস্ত হস্তী তাহাদের শিক্ষা অনুসারে সকলেই উপবেশন করিল—এই সুযোগে মাসিদিনগণ ঘোরতররূপে আক্রমণ করিল। পুরু ভূপতিত হইলে, তাঁহার হস্তী বিধ্বস্ত চিকিৎসকের ন্যায় নিপুণতা সহকারে তাঁহার শরীর হইতে বিদ্ধ অস্ত্র সকল উত্তোলন করিতে লাগিল, এই সময় শত্রুরা পুরুকে নিহত বিবেচনা করিয়া তাঁহার শরীর হইতে বর্ষ ও বহুমূল্য রত্ন লুণ্ঠন করিবার জ্ঞান অগ্রসর হইল। শত্রুগণকে আগমন করিতে দেখিয়া হস্তী ঙুঙ দ্বারা প্রভুকে পৃষ্ঠে স্থাপন করিষ্ঠা, বিপক্ষগণকে নিপীড়ন করিতে লাগিল। চতুর্দিক হইতে সাংঘাতিকরূপে

আহত হইয়া, পুরুষ হস্তী মৃত্যুমুখে পতিত হইলে পর, অলিক-সন্দর, পুরুষ মুচ্ছিত শরীর হস্তগত করিতে সমর্থ হইলেন । অলিকসন্দর, পুরুষকে হস্তগত করিয়া, তাঁহার শরীর ও মুখশ্রী দেখিয়া মুগ্ধ হইয়া, মুচ্ছা অবসানের পর জিজ্ঞাসা করিলেন, “আপনি আমার কাছে কিরূপ ব্যবহার প্রত্যাশা করেন ।” তেজস্বি পুরুষ, দর্পের সহিত বলিলেন, “অলিকসন্দর ! রাজার যোগ্য ব্যবহার করুন ।” উত্তরে অলিকসন্দর প্রদত্ত হইয়া বলিলেন, “আমি আপনার সহিত সেইরূপ ব্যবহার করিব, কিন্তু আপনি আমার কাছে আর কি আকাঙ্ক্ষা করেন তাহা বলুন ?” পুরুষ প্রহুণ্ডরে বলিলেন, আমার উত্তরে সমস্তই ব্যক্ত হইয়াছে । অলিকসন্দর, পুরুষ বর্তমান অবস্থাতেও তাঁহার বীরত্ব, হৃদয়ের দৃঢ়তা দেখিয়া বিস্মিত হইলেন । এবং তাঁহাকে বন্ধুরূপে গ্রহণ করিয়া স্বীয় মহত্বের ও বুদ্ধিমত্তার পরিচয় প্রদান করিলেন ।

৩২৬ খৃঃ পূঃ আষাঢ় মাসের শেষ ভাগে, পুরুষ সহিত অলিকসন্দরের এই ঘোরতর যুদ্ধ সংঘটিত হইয়াছিল । ডিওডোরস বলেন, এই ঘোরতর সংগ্রামে ১২ হাজার ভারতবাসী নিহত এবং ৯ হাজার বন্দী হইয়াছিল । অপর পক্ষে ২৮০ অশ্বারোহী এবং ৭শত পদাতিক নিহত হইয়াছিল । প্লুটার্ক বলেন, আট ঘণ্টা ধরিয়া এই ঘোরতর যুদ্ধ হইয়াছিল ।

অলিকসন্দর, তাঁহার এই অসাধারণ বিজয়কে অমরীয় করিবার জন্ত দুইটি নগর নির্মাণ করেন । যুদ্ধস্থলে যে নগর প্রতিষ্ঠা করেন, তাহার নাম নিকাইয়া, (Nikaia) অপরটি তাঁহার ঘোড়কের নামানুসারে ব্রুকাফেলিয়া নামে অভিহিত করেন ।

তাহারা বিলামকে বুকাকেলিয়া, এবং সুকচানপুরকে, নিকাইয়া নামে অভিহিত করেন, তাহাদিগের প্রতি আমাদের জিজ্ঞাস্য এই যে, অলিকসন্দর, তাহার সেনানীকে উপদেশ দিয়াছিলেন যে, শত্রুগণকে পলায়ন পর দেখিলে নদী উত্তীর্ণ হইয়া তাহাদিগকে অহুসরণ করিবে। ফল কথা বিলাম হইতে, সুকচানপুর কোনরূপে দৃষ্টিগোচর হয় না, অথচ জালালপুরের পাহাড় হইতে মঙ্গের যুদ্ধক্ষেত্র বেশ দেখিতে পাওয়া যায়। অপর মতে, প্রথমোক্ত স্থানটি বুকাকেলিয়া এবং শেষোক্ত স্থানটি নিকাইয়া, নামে অভিহিত হয়। মঙ্গের প্রাচীনত্ব সম্বন্ধে কথিত হয় যে, বিলাম খাল খননকালে এই স্থান হইতে অতি প্রাচীন তাম্র ও রৌপ্য মুদ্রা প্রাপ্ত হওয়া গিয়াছে; ইহা ব্যতীত এই স্থানের নিকটে বর্তমানকালেও গ্রীক নিহত যোদ্ধাগণের সমাধিভূমি দর্শিত হইয়া থাকে।

মহাবাহু পুরু, কোন বর্ণ উজ্জ্বল করিয়াছিলেন, বর্তমান কালে তাহা নিশ্চয় করিয়া বলা বড় সামান্য কথা নহে। ভারতবর্ষে অতি প্রাচীন কালে ব্রাহ্মণ নরপতিগণ রাজত্ব করিতেন, একথা অতি পুরাতন গ্রন্থে উল্লেখ দেখিতে পাওয়া যায়। বিশেষতঃ অত্যাচার হইতে স্বদেশকে রক্ষা করিবারজন্ত, বাৎস গোত্রের ব্রাহ্মণেরা যে প্রকার বাহু বলের পরিচয় প্রদান করিয়াছিলেন, ক্ষত্রিয়দিগের মধ্যেও সেরূপ উদাহরণ নিতান্ত সুলভ নহে। এক সময় কাবুল প্রভৃতি প্রদেশ, ব্রাহ্মণ নরপতিগণ কর্তৃক শাসিত হইয়াছিল—বর্তমান কালেও ভারতবর্ষে ক্ষত্রিয়ধর্মী ব্রাহ্মণের অসম্ভাব নাই। অনেকে মহাবাহু পুরু, মুজহাল ব্রাহ্মণ ছিলেন বলিয়া বিবেচনা করিয়া থাকেন। তাহাদিগের মধ্যে কেহ বলেন, তিনি কাশ্মীর,

কেহ বলেন তিনি ভরষাজ গোত্রজ ছিলেন। তিনি যে কোন বর্ণ বা গোত্রকে উচ্চল করুন না কেন, তিনি ভারতবাসীর সাধারণ সম্পত্তি, তাঁহার উপর সকলেরই সমান অধিকার একথা বলাই বাহুল্য।

এই মহাযুদ্ধে যে সকল গ্রীক নিহত হইয়াছিল; মহাবীর অলিকসন্দর, মহা সমারোহের সহিত তাহাদের সমাহিত করেন। গ্রীক দেবদেবীর উদ্দেশে, এ স্থানে নানাপ্রকার যজ্ঞাদির অনুষ্ঠান করিয়া কএক দিন উৎসবে অতিবাহিত করেন।

## তৃতীয় অধ্যায়

অধ্যবসায়ের অবতার মহাভাগ অলিকসন্দর জন্মভূমি হইতে শত শত কোশ দূরে, নানাপ্রকার প্রতিকূল ঘটনার মধ্যবর্তী হইয়াও, প্রচণ্ডবীৰ্য্য শত্রুগণকে পরাজয় করিয়া জয়যুক্ত হইলেন। যে পুরুষে, নীতি, উৎসাহ, অধ্যবসায়, প্রাণপাত করিয়াও কার্য সাধনের জন্ত উদ্যোগ, প্রতীতি পুরুষজনোচিত গুণ সকল বর্তমান থাকে, তিনি যে অবস্থাতে থাকুন না কেন, সেই অবস্থাতেই আপনার অদৃষ্টের সহিত দেশের ভাগ্যচক্রও পরিবর্তন করিয়া থাকেন। অলিকসন্দর, এই সকল সদৃশগুণের আধার হওয়াতে মরণে কৃত নিশ্চয় ভারতীয়গণকেও পরাজয় করিতে সমর্থ হইয়াছিলেন।

ভারতে আগমনের পূর্বে, অলিকসন্দর, স্ত্রীধর্শা পুরুষগণের নিকট, ভারতের ধনরত্ন প্রচুর পরিমাণে, অরক্ষিত অবস্থায় পতিত হইয়াছে, ক্লেম করিয়া তথায় গমন করিলেই তাহা হস্তগত হয়,

এইরূপ ভাবের কথা বলিয়া, তিনি সৈন্তগণকে উৎসাহিত করিয়াছিলেন । এখন প্রত্যক্ষ করিয়া যাহা দেখিলেন, তাহাতে তাঁহাদের সে মোহ অপগত হইল । এতদিন তাঁহারা যে সকল যুদ্ধ করিয়াছিলেন, ভারতীয় যুদ্ধের তুলনায়, তাহা বালকদিগের ক্রীড়া যুদ্ধ মাত্র । সে সকল যুদ্ধে, অলিকসন্দরের গর্বের মাত্রা বর্দ্ধিত হইয়াছিল—এইরূপ যুদ্ধে জয়যুক্ত হইয়া তিনি জগিজ্যেতা নামে অভিহিত হইবেন, এই আশায় স্ফীত হইয়াছিলেন । ভারতে তাঁহার যে যুদ্ধ হইয়াছিল, তাহাতে তাঁহাকে পূর্বের উপার্জিত সুনামকে রক্ষা করিবার জন্য যুদ্ধ করিতে হইয়াছিল—কোন রূপে প্রাণরক্ষা করিয়া স্বদেশে প্রত্যাগমন করিতে সমর্থ হইবেন, এইরূপ ভাবিয়া তাঁহাকে যুদ্ধ করিতে হইয়াছিল ।

সুদক্ষ সেনাপতিরা, সকল সময় সৈন্তগণকে প্রকৃত কথা অবগত করান না, প্রকৃত কথা অবগত হইলে পাছে তাহাদের মধ্যে বিভীষিকা উপস্থিত হয়, পাছে তাহাদের দ্রোহ বুদ্ধি উৎপন্ন হয়, এই আশঙ্কায় তাঁহারা যথার্থ বিষয় গোপন করিয়া, সহজ সাধ্য বিষয় অবগত করাইয়া, সৈন্তগণকে উৎসাহিত করিয়া থাকেন । সুবিচক্ষণ অলিকসন্দর, তাঁহার সেনানী ও সৈন্তগণকে আহ্বান করিয়া তাহাদের বীরত্বের যথেষ্ট প্রশংসা করিয়া বলিলেন, “আমাদের যুদ্ধক্লেশের অবসান হইবার সময় উপস্থিত হইয়াছে, আর একটু দক্ষতার সহিত কার্য্য করিলেই আমরা ভাবীযুদ্ধ সমুদ্রে জয়যুক্ত হইব । আমাষিগকে বাধা দিবার ভারতবাসীর সমস্ত শক্তি, গত যুদ্ধে নিঃশেষ প্রায় হইয়াছে । এখন ভারতের মহামূল্য দ্রব্যসমূহ সংগ্রহ করিয়া আমাদিগের প্রধান কার্য্যে পরিগণিত হইয়াছে ; আমরা এখন যে দেশের

দিকে গমন করিতেছি, সেই দেশ চিরপ্রসিদ্ধ ধনরত্নের আধার ভূমি। পারশ্বদেশে, যে সকল দ্রব্য দুর্লভ বলিয়া আমরা সংগ্রহ করিয়াছি, সে সকল দ্রব্য এপ্রদেশে সুলভ ও সর্বত্র প্রচুর পরিমাণে প্রাপ্ত হওয়া যাইতেছে। এক্ষণে আমরা মণি, মুক্তা; স্বর্ণ, হস্তীদন্ত প্রভৃতি নানাপ্রকার বহুমূল্য পদার্থের দ্বারা কেবল মাত্র আপন আপন বাসগৃহ সুশোভিত করিব এক্ষণ নহে, পরন্তু সমস্ত মাসিদন ও গ্রীসভূমি এই সকল ধনরত্নে পরিপূর্ণ হইয়া উঠিবে।”

অলিকসন্দরের এই প্রলোভন পূর্ণ কথা শুনিয়া তাঁহার লুণ্ঠন-প্রিয় সৈন্যগণের লুণ্ঠন প্রবৃত্তি প্রবৰ্দ্ধিত হইল! তাহারা তাঁহার সহিত লুটপাট করিবার জন্ত সর্বত্র গমন করিতে প্রস্তুত হইল।

যুদ্ধে পরাজিত হইলে প্রত্যাগমন পথে পাছে বাধা প্রাপ্ত হন, এই আশঙ্কায় দূরদর্শী অলিকসন্দর, তক্ষশিলার দুর্গে যেরূপ কতকগুলি তাঁহার স্বদেশী সৈন্য রাখিয়াছিলেন, সেইরূপ তিনি এস্থলেও ক্রিতিরসকে দুর্গ নিষ্কাণ করিয়া অবস্থান করিতে আদেশ প্রদান করেন। নিকটবর্তী পর্বতে জাহাজ নিষ্কাণো-পযোগী প্রচুর পরিমাণে কাষ্ঠ প্রাপ্ত হওয়া যায়। অলিকসন্দর, “হিমালয় হইতে প্রকাণ্ডকায় বৃক্ষ সকল কর্তন করিবার জন্ত লোক প্রেরণ করেন—গ্রীকগণ প্রকাণ্ডকায় সর্প, অদ্ভুত দর্শন গণ্ডার, প্রভৃতি দেখিয়া আশ্চর্য্যান্বিত হইয়াছিল। এই সকল কাষ্ঠে বহুসংখ্যক সমুদ্র গমনোপযোগী নোকা প্রস্তুত হইয়াছিল।

যে সকল সৈন্য ও সেনানী গর্তযুদ্ধে বীরত্ব ও রণপাণ্ডিত্য দেখাইয়াছিল, অলিকসন্দর, তাহাদিগের গুণানুসারে কাহাকে



সুবর্ণমুকুট ও অর্থ দিয়া সম্মানিত করিয়াছিলেন । মহাবাহুপুরু আরোগ্য লাভ করিলে, অলিকসন্দের নিকট হইতে, তাঁহার পূর্বরাজ্য ব্যতীত আরো অনেক প্রদেশ প্রাপ্ত হইয়াছিলেন । অভীসারের অধীশ্বর স্বয়ং আগমন না করিয়া কিছু উপহার প্রেরণ করিয়া অলিকসন্দের বশতা স্বীকার করিয়াছিলেন । অলিকসন্দের, অভীসার পতিকে তাঁহার কাছে স-শরীরে আগমন করিতে আদেশ করিয়া পাঠান, আদেশপালিত না হইলে, তিনি স্বয়ং গমন করিয়া তাঁহার সহিত সাক্ষাৎ করিবেন, বলিয়া ভয় দেখান, আমরা জানি না পার্শ্ববর্তী প্রদেশের অধীশ্বর অভীসার, যখন পতি অলিকসন্দের আজ্ঞা কতদূর প্রতিপালন করিয়া ছিলেন ।

অলিকসন্দের, পুরুর রাজ্যে একমাস কাল অবস্থান করিয়াছিলেন । পুরুর রাজ্যশাসন প্রণালী, প্রজা সকল সমৃদ্ধিসম্পন্ন, এবং সুখে সময় অতিবাহিত করিতেছে, দেখিয়া তাঁহারা মুগ্ধ হইয়াছিলেন । আমাদের শাসনপ্রণালী, যবনদের শাসনপ্রণালী অপেক্ষা অনেক অংশে শ্রেষ্ঠ হইলে ও আমরা কিন্তু তাহাদের কাছে “বর্কর” আখ্যায় অভিহিত হইয়াছি ।

- পুরুপরাজিত হইলেও, অথবা শত শত ব্যক্তি স্বাধীনতা রক্ষা করিবার জন্য প্রাণ পরিত্যাগ করিলেও, পুরুর রাজ্যের পার্শ্ববর্তী রাজ্যবর্গ, অলিকসন্দের আক্রমণ ভয়ে বিভীষিকাগ্রস্ত হইলেন না । ; তাঁহারা সকলে আপিনার সামর্থ্য অনুসারে স্বদেশ রক্ষা করিবার জন্য প্রস্তুত হইতে লাগিলেন । অলিকসন্দের, চন্দ্রভাগা বা চিনাব, গ্রীক কথিত অকিসিনি বা সংস্কৃত অসিকী, পার হইবার পূর্বে এরিষ্টোবোলস

কথিত শ্লোক—অনিকোই, বা তুরময় কথিত গ্লটসাই \*  
 আক্রমণ করিবার জন্ত প্রত্যেক সৈন্যদল হইতে কন্মঠ,  
 সাহসী এবং অসাধারণ কার্য্য করিবার জন্ত সর্ব্বদা উৎসাহযুক্ত,  
 এরূপ কতকগুলি সৈন্য নির্বাচন করিয়া অগ্রসর হন । এইরূপ  
 নির্বাচিত সৈন্য লইয়া, অলিকসন্দরের স্বয়ং গমন করাতে বোধ  
 হয়, কোন দুর্ব্বলজাতিকে জয় করিবার জন্ত গমন করিয়াছিলেন ।  
 কিন্তু গ্রীক গ্রন্থকার বলেন, অধিবাসীরা সর্ব্বত্র বশ্যতা স্বীকার  
 করিয়া আত্মরক্ষা করিয়াছিল । কেহ বলেন, এইরূপে ৩৭টি  
 নগর, অলিকসন্দর অধিকার করিতে সমর্থ হইয়াছিলেন । এই  
 সকল নগরের অধিকাংশের জনসংখ্যা দশ হাজারেরও অধিক  
 ছিল । কোন নগরে ৫ হাজারের ন্যূন সংখ্যক অধিবাসী ছিল না ।  
 এই সকল নগর ব্যতীত বহুসংখ্যক ক্ষুদ্র ক্ষুদ্র গ্রাম ও তাঁহার  
 আধিকার ভুক্ত হইয়াছিল ।

অলিকসন্দর যে সময় ধোরতর অশান্তির কারণস্বরূপ হইয়া  
 ভারতবাসীকে ব্যতিব্যস্ত করিতেছিলেন ; সেই সময় অশ্বকগণ  
 তাঁহার অধীনতা পাশ ছিন্ন ভিন্ন করিয়া, আপনাদিগের স্বাভাবিক  
 পুনঃ প্রতিষ্ঠা করেন । তাঁহাদের এই স্বাধীনতা সংস্থাপন যজ্ঞে  
 অলিকসন্দরের গ্রীক শাসনকর্তাকে, জীবন আহুতি প্রদান করিতে  
 হইয়াছিল । অলিকসন্দর, শশীপুত্রের নিকট এই সংবাদ প্রাপ্ত

\* বিতস্তা ও চল্লিশাগার মধ্যবর্তী এই জনপদটির আধাদের স্বদেশী নাম  
 যে কি, তাহা নিদ্ধারণ করা বড় কষ্টিন । গ্রীক বা ল্যাটিন গ্রন্থে এ প্রদেশের  
 কোনরূপ প্রাকৃতিক বর্ণনা লিখিত হয় নাই । সম্ভবত ইহা বর্তমান কাশ্মীর  
 রাজ্যের অন্তর্গত ভীমবর রাজ্যের হইতে পারে । খিলামের নিকটবর্তী দস্তী-  
 বাসা হইতে এই রাজ্যের বহুসংখ্যক প্রাচীন জনপদের চিহ্ন দেখিতে পাওয়া  
 যায় ।

হইয়া কিছু সৈন্ত প্রেরণ করেন । তাহারা সে প্রদেশে শান্তিস্থাপন করিতে কতদূর সমর্থ হইয়াছিলেন । সে বিষয় আমরা অবগত নহি, সম্ভবতঃ বিদেশীগণের বহিস্কারের সহিত অশান্তি ও বিদুরিত হইয়া থাকিবে । অলিকসন্দর, এই সময় তক্ষশিলার অধীশ্বরকে স্বীয় রাজধানীতে প্রেরণ করিয়াছিলেন । কি জ্ঞাত্ত তিনি এ সময় স্বদেশে প্রেরিত হইয়াছিলেন, তাহার কারণ প্রকাশিত নাই, স্বদেশদ্রোহী আশ্চি, স্বদেশবাসী অধিকগণের বিরুদ্ধে কোনরূপ আচরণ করিয়াছিলেন কি না, তাহাও অবগত হইবার উপায় নাই । “বিভাগ করিয়া জয় কর”, ইয়ুরোপীয়েরা এই নীতির উপাসক, আশ্চির সাহায্যে কি মাসিদনপতি, অধিকগণকে বিভক্ত করিতে চেষ্টা পাইয়াছিলেন ?

অলিকসন্দর, চন্দ্রভাগা অভিমুখে গমন করিতে লাগিলেন । ইহার পারে গমন করিতে তাঁহাকে বড় কম ক্লেশ পাইতে হয় নাই । এই বেগবতী নদীর অপর পারে গমনকালে জলমধ্যে নিমজ্জিত প্রস্তরের আঘাতে, অলিকসন্দরের অনেকগুলি নৌকা চূর্ণ বিচূর্ণ হইয়াছিল, অনেকে জলে ডুবিয়া প্রাণ হারাইয়াছিল । চন্দ্রভাগা, প্রস্তরে আহত হইয়া গভীর গর্জন করিয়া ক্রোধে ফেন উদ্গীরণ করিতে করিতে যেন অলিকসন্দরকে গ্রাস করিবার জ্ঞাত্ত অতি দ্রুতবেগে গমন করিতেছিলেন । এই প্রচণ্ডগতি চন্দ্রভাগা, অলিকসন্দরের যেরূপ প্রতিপক্ষতা করিয়াছিলেন, ভারতে সেরূপ আর কোন নদনদী করিতে সমর্থ হয় নাই ; এই জ্ঞাত্ত গ্রীকগণ ইহাকে আলেক্সান্ড্রোফেগস্ অর্থাৎ অলিকসন্দর-নাশিনী নামে অভিহিত করিয়াছেন । সৈন্তগণ কতকগুলি নৌকা করিয়া, কতকগুলি দ্রুতি সাহায্যে অপর পারে গমন করিয়াছিল । ল্যাগস

পুত্র তুরময় বলেন, অলিকসন্দর যে স্থানে নদী উত্তীর্ণ হইয়াছিলেন সে স্থানে ইহার বিস্তার ১৫ ষ্টেডিয়া হইবে ।

অলিকসন্দর, চন্দ্রভাগা পার হইয়া মনে করিয়াছিলেন এ প্রদেশের অধিষ্ণু পুরু, তাঁহার নিকট আগমন করিয়া বশুতা স্বীকার করিবেন, কিন্তু কার্য্যতঃ তাহা হয় নাই । এ পুরু পূর্বোক্ত পুরুর আত্মীয় বলিয়া, গ্রীকেরা বর্ণনা করিয়াছেন । বাহুবলে আপনার রাজ্য রক্ষা করিতে সমর্থ হন নাই বলিয়া, মহাভাগ পুরু, বৈতসরুতি অবলম্বন করিয়া অলিকসন্দরের শরণাপন্ন হন নাই । তিনি বিদেশীর অধীনায় সুখস্বচ্ছন্দে থাকা অপেক্ষা, বনে, পর্বতে অবস্থান করিয়া আত্মরক্ষা করা শ্রেয়স্কর বিবেচনা করিয়াছিলেন । তাই তিনি নগর পরিত্যাগ করিয়া, আত্মীয় বন্ধুবান্ধবগণ সহ দূরতর দুর্গম প্রদেশে গমন করিয়াছিলেন । বলা বাহুল্য, তাঁহার এ উদাহরণ, তাঁহার প্রজাগণ মধ্যে ও অনুকৃত হইয়াছিল । বাধা প্রদান করিতে না পারিলে ও, তাহারা অলিকসন্দরকে কোনরূপ সাহায্য প্রদান করেন নাই । আক্রান্ত দেশবাসীরা, এরূপ নীতি অবলম্বন করিলে, অনেক সময় আক্রমককে বিপন্ন করা যায় । অভিনব পুরু, এই অভিনব উপায় অবলম্বন করিয়া আত্মমর্য্যাদা রক্ষা করিয়াছিলেন । গ্রীকদের লিখন ভঙ্গীতে বোধ হয়, অলিকসন্দর এ প্রদেশে আহাৰ্য্য দ্রব্য সংগ্রহ করিতে সমর্থ হন নাই । তাই তিনি পুরুর রাজ্যে সৈন্তগণের আহাৰ্য্য সংগ্রহের জন্ত লোক প্রেরণ করেন ।

অলিকসন্দর, ভারতবাসীর বাহুবলের পরিচয় ইতিপূর্বে বেশই প্রাপ্ত হইয়াছিলেন, তাই তিনি ভারতবাসীর ন্যাহায্যে এক্ষণে ভারতবাসীকে পরাজয় করিতে মনস্থ করিলেন । তিনি পুরুকে

তাহার সমস্ত হস্তী, এবং যতদূর সম্ভব তত আধিকপরিমাণে যোদ্ধা সংগ্রহ করিতে তাঁহার রাজধানীতে প্রেরণ করেন। বনমধ্যে স্বাধীনভাবে বিচরণশীল হস্তীকে পরাধীন করিবার জন্য, যেক্রপ মনুষ্য পদতলে বিলুপ্তিত হস্তীর সাহায্য গ্রহণ করা হয়, সেইরূপ অলিকসন্দের পদপ্রাপ্তে অবনতমস্তক ভারতবাসীর সহায়তায়, স্বাধীন ভারতবাসী পরাধীন হইয়া ছিল। বৈদেশিকগণ যখনই ভারত আক্রমণ করেন, তখন এই স্মৃগম নীতির অনুসরণ করিয়া হস্তীমূৰ্খ ভারতবাসীকে করতলগত করিয়াছেন।

অলিকসন্দর, পুরুকে হস্তগত করিবার জন্য দ্রুতবেগে গমন করিতে করিতে ঐরাবতীতটে উপস্থিত হন। গ্রীকদের জিহ্বায় ইহা হাইদ্রোতিস নামে উচ্চারিত হইয়াছিল। অলিকসন্দরকে চন্দ্র-ভাগা উত্তীর্ণ হইবার সময় যেক্রপ বিপন্ন হইতে হইয়াছিল, ইহার পারে গমনকালে সেক্রপ কষ্ট পাইতে হয় নাই। দেশের অভ্যন্তরভাগে গমন করিলে, পাছে পশ্চাদভাগে বিপ্লব উপস্থিত হয়, এই আশঙ্কায় স্থানে স্থানে কিছু সৈন্য রাখিয়া, অলিকসন্দর এ প্রদেশ, অধীন পুরুকে প্রদান করেন। অলিকসন্দের এ উদারতা নিঃস্বার্থভাবে প্রণোদিত হয় নাই। এই সকল বিস্তৃত প্রদেশ একজন বিদেশীর পক্ষে, স্ববশে রাখা বড় সাধারণকথা নহে; তাই তিনি তাঁহার শত্রুকে, পুরুর শত্রুরূপে পরিণত করিয়া, সেই শত্রুকে দমন করিবার জন্য পুরুকে নিযুক্ত করিয়াছিলেন।

অলিকসন্দর, ঐরাবতীর পূর্ব পারে গমন করিয়াও বাধা বিহীন হন নাই, নিঃসহায় কোন কোন গ্রামের লোক বশ্যতা স্বীকার করিলেও, অনেকে অলিকসন্দের আগমন পথে বাধা প্রদান করিয়াছিল। যাহারা বাধা প্রদানে অসমর্থ, অথচ বশ্যতা

স্বীকারে অনিচ্ছুক একুপ লোকসমষ্টি, লোকালয় পরিত্যাগ করিয়া দূরতর প্রদেশে গমন করিয়া স্বাধীনতা রক্ষা করে ।

অলিকসন্দর, ঐরাবতীর ( রাবী ) পর পারে গমন করিয়া শ্রবণ করিলেন যে, এ প্রদেশের সমরপ্রিয় জাতিসকল তাঁহাকে বাধা দিবার জন্য প্রস্তুত হইতেছে । এ সংবাদ অবগত হইয়া অলিকসন্দর আর স্থির থাকিতে পারিলেন না । তাহারা অপর জাতির সহিত মিলিত হইবার পূর্বেই, তাহাদিগকে আক্রমণ করিবার জন্য বহির্গত হইলেন । রাবীর তট পরিত্যাগ করিয়া দ্বিতীয় দিবসে তিনি অদরইস তাই, বা অরতরিভই নামক জাতির রাজধানী পিমপ্রমা নামক স্থানে উপস্থিত হন । এ স্থানের লোকেরা, অলিকসন্দরের অধীনতা স্বীকার করিয়া আত্মরক্ষা করিয়াছিল । এখানে একদিন সৈন্যগণ সহ বিশ্রাম করিয়া অলিকসন্দর, সাংগালা অভিযুখে গমন করেন । সাংগালা রক্ষা করিবার জন্য খতিয়ান বীরগণ, অন্যান্য বীরগণের সহিত মিলিত হইয়া, নগরের নিকটবর্তী নাতিউচ্চ ক্ষুদ্র পর্বতে যুদ্ধ করিবার জন্য শিবির সংস্থাপন করিয়া অবস্থান করিতেছিল । শিবিরের সম্মুখে শকটের তিনটাশ্রেণী স্থাপন করিয়া শত্রুর অস্বারোহীর আগমন পথ রোধ করিয়া রাখিয়াছিল । অলিকসন্দর, ভারত-বাসীর অবস্থান দেখিয়া সৈন্যগণকে বিভক্ত করিয়া ভারতবাসীকে আক্রমণ করিতে প্রেরণ করেন । অলিকসন্দর মনে করিয়াছিলেন, তাঁহাকে অগ্রসর হইতে দেখিলে ভারতীয় যোদ্ধাগণ শকটের বহির্ভাগে আগমন করিয়া আক্রমণ করিবে, কিন্তু তাহা না করিয়া খতিয়ান বা ক্ষত্রিয় বীরগণ শকটের উপরিভাগে অবস্থান করিয়া মাসিদ্দনের আগমন পথে বাধা দিতে আরম্ভ করিল—

ক্ষত্রিয়েরা শকট হইতে শকটান্তরে লক্ষ দিয়া গমন করিয়া শক্রগণের প্রতি শরজাল বর্ষণ করিতে লাগিল ।\* অলিকসন্দর দেখিলেন, অধারোহীদের দ্বারা বিশেষ কিছু কার্য্য হইতেছেনা, এজন্য ঢালীপদাতিকগণকে, ঘোরতর বিক্রমে আক্রমণ করিতে প্রেরণ করেন । গ্রীক গ্রন্থকারেরা বলেন, ক্ষত্রিয়বীরেরা শকটের প্রথম শ্রেণীর সম্মুখ ভাগ পরিত্যাগ করিয়া, দ্বিতীয় শ্রেণীর সম্মুখ ভাগে অবস্থান করিয়া শক্রগণকে আক্রমণ করেন । ইহাতে মাসিদনগণের পক্ষে অত্যন্ত অসুবিধা হইয়াছিল । ভারতীয়-বীরেরা ঘোরতর পরাক্রমে শক্রগণের প্রতি অজস্র অস্ত্রপাত করিতে লাগিল । মাসিদনগণ কোন উপায় দেখিতে না পাইয়া সম্মুখের শকট সকল টানিয়া দূরে নিক্ষেপ করিয়া ক্ষত্রিয়গণকে ঘোরতররূপে আক্রমণ করেন । অলিকসন্দরের স্বদেশ-বাসী গ্রন্থকারেরা বলেন, ভারতীয় যোদ্ধারা এ স্থানে অবস্থান না করিয়া নগর মধ্যে প্রবেশ করিয়া দ্বাররোধ করিয়াছিল । অলিকসন্দর সেই দিনেই নগর প্রাচীরের সম্মুখে শিবির সংস্থাপন করিয়া যতদূর পারিলেন, ততদূর নগর প্রাচীর অবরোধ করিলেন । এই নগরের অনতিদূরে একটি হ্রদ ছিল, পাছে শক্রগণ তাহা অতিক্রমণ করিয়া পলায়ন করে, এজ্ঞ তাহার চতুর্পার্শ্বে রাত্রিকালে অধারোহী প্রহরী সকল রক্ষিত হইল । নগর বা দুর্গ মধ্যে অবরুদ্ধ হইয়া থাকা, আর শত্রুহস্তে বন্দী হইয়া থাকা, উভয়ই প্রায় সমতুল্য ! এরূপ অবস্থায় অনেক সময় শত্রু ও দুর্ভিক্ষ উভয়েরই সম্মুখীন হইতে হয় । আর এক কথা যে সকল যোদ্ধা অবরুদ্ধ হইয়া অকর্ম্মণ্যের চায় সময় অতিবাহিত করে, তাহারা দুর্গের বহির্ভাগে থাকিতে পাইলে শত্রুর যথেষ্ট প্রতিকূলচরণ

করিতে সমর্থ হন। এই ভাবিয়া ভারতীয় যোদ্ধাগণ, দুর্গ মধ্যে বন্দীরাগায় অধস্থান না করিয়া রাত্রিকালে স্থান পরিত্যাগ করিতে মনন করেন। নিশীথ রাত্রে যখন চতুর্দিক নিস্তরু ভাব ধারণ করিল, সেই সময় ভারতীয়েরা হৃদ অতিক্রমণ করিয়া গমন করে। ভারতীয়েরা পাছে পলায়ণ করে, এই আশঙ্কায় অলিকসন্দর, সৈন্য ও সেনানীগণকে সতর্ক করিয়া রাখিয়াছিলেন। ক্ষত্রিয় যোদ্ধাগণকে আগমন করিতে দেখিয়া বংশোধ্বনি করিয়া মাসিদনগণ তাহাদিগকে ঘোরতর বিক্রমে আক্রমণ করিল। এই ঘোরা রজনীতে দারুণ যুদ্ধের অভিনয় হইল, নগর ত্যাগ করিয়া যাওয়া সুবিধা জনক নহে বলিয়া আবার সকলে প্রত্যাগমন করিল।

রাত্রির অবসানের সহিত, অলিকসন্দর ঘোরতর পরাক্রমে নগর আক্রমণ করিলেন। অলিকসন্দরের সৌভাগ্যবশতঃ তাঁহার সাহায্যের জ্ঞ পুরু এই সময় স্বীয় হস্তী বাহিনী ও ৫ হাজার ভারতীয় যোদ্ধা সহ আগমন করেন। হায়! যে হস্ত ইতি পূর্বে স্বদেশবাসীকে বিদেশীর অত্যাচার হইতে রক্ষা করিবার জ্ঞ অস্ত্রধারণ করিয়াছিল, যে ব্যক্তি ইতিপূর্বে আপনার শরীর হইতে উত্তম শোণিতধারা প্রদান করিয়া, জন্মভূমির যবন পদ স্পর্শ জনিত কলঙ্ক ধোত করিয়াছিলেন, আজ তিনি যবন সম্রাট অলিকসন্দরের তুষ্টির জ্ঞ স্বদেশবাসীর কোমল হৃদয়ে তীক্ষ্ণ অস্ত্র বিদ্ধ করিতে হস্তোত্তলন করিলেন;—হায়! আজ সেই ব্যক্তি নখর জাগতিক উন্নতি লাভের জ্ঞ, পবিত্র জন্মভূমিকে অধীনতা পাশে আবদ্ধ করিবার জ্ঞ, সকলের অগ্রবর্তী হইলেন। বৈদেশিক শত্রুর হস্তে আশ্রিত বন্দীর, কোন রূপেই স্বদেশের বিরুদ্ধা-



চরণ করা ন্যায়াভুমোদিত হইতে পারেনা। আর স্বদেশের বিরুদ্ধাচরণ না করিলে, কখনই কোন রূপে সে, বিজেতার কাছে দণ্ডনীয় হইতে পারেনা। পুরু যদি তটস্থ ভাব অবলম্বন করিতেন, তাহা হইলে তিনি স্বদেশবাসী অথবা বিদেশবাসী উভয়ে-রই কাছে প্রশংসনীয় হইতেন তাহাতে সন্দেহ নাই।

অলিকসন্দর, ইষ্টক প্রাচীরের নিয়মিত খনন করিয়া প্রাচীর ভাঙ্গিয়া ফেলিবার উপক্রম করিলেন, কোন স্থানে প্রাচীর উল্লঙ্ঘন করিয়া নগর মধ্যে গমন করিবার চেষ্টা করিতে লগিলেন। এইরূপে নগর মধ্যে গমন করিলে, উভয় পক্ষে ভূমূল যুদ্ধের প্রারম্ভ হইল। এই দারুণ সংগ্রামে, ভারতবাসীরা প্রাণের মমতা পরিত্যাগ করিয়া, স্বদেশের স্বাধীনতা রক্ষার জন্ত, যেরূপ কালা-ওক কৃতান্তের আয় প্রচণ্ড বিক্রমে যুদ্ধ করিয়াছিলেন—অকাতরে তাঁহারা যেরূপ এই পবিত্র যুদ্ধক্ষেত্রে প্রাণ উৎসর্গ করিয়াছিলেন, তাহা চিরকাল বিশ্বয়ের সহিত পঠিত হইবে। বিদেশী লেখকেরা, হিন্দুবীরগণের অলৌকিক অবদান পরম্পরার কথা, বড় লিপিবদ্ধ করেন নাই ; কিন্তু তাঁহারা, অলিকসন্দরের সৈন্যগণ মধ্যে যেরূপ শোণিত স্রোত প্রবাহিত করিয়াছিলেন, অলিকসন্দরের ক্রোধ বহ্নিকে যেরূপ ভাবে সঙ্কুচিত করিয়াছিলেন, তাহাতে তাঁহাদের অধ্যবসায়, দৃঢ়তা, এবং স্বদেশ রক্ষার জন্ত প্রাণপাতে অকাতরতা, প্রভৃতি অনুমান করা বাইতে পারে। এই অল্পকালস্থায়ী ভয়ঙ্কর যুদ্ধে, অলিকসন্দরের পক্ষে, এরিয়ন বলেন, একহাজার দুইশত ব্যক্তি আহত হইয়াছিল। এই আহত সংখ্যার মধ্যে প্রধান প্রধান সেনানীরা ও অন্তর্গত ছিলেন আর একশত মাসিদিন যোদ্ধা নিহত হইয়াছিল। ইয়ুৰোপীয় ঐতি-

হাসিক মহাশয়েরা এই সংখ্যা প্রদান কালে কতদূর সত্যাপন অনুসরণ করিয়াছিলেন, তাহা আমরা অবগত নহি, কিন্তু তাঁহারা অনেক সময়, স্বদেশবাসীর বাহুবলের উৎকর্ষ দেখাইবার জন্ত, সত্য কথা সংগোপন করিতে সঙ্কোচ বোধ করেন নাই এ কথা আমরা অবগত আছি । পাঠক ! এই এরিয়ান, আমাদের ভারত-বাসীর কথা কিরূপ মুক্ত হস্তে লিপিবদ্ধ করিয়াছেন তাহাও জানিবার বিষয়, তিনি বলেন, ১৭হাজার হিন্দু নির্দয়তাসহকারে নিহত হইয়াছিল, আর ৭০ হাজার বন্দী হইয়াছিল । ইহার সহিত ৫ শত অশ্বারোহী, ৩ শত শকট অলিকসন্দরের হস্তে পতিত হইয়াছিল । কুর্তিয়স্ তাঁহার গ্রন্থে এক স্থলে লিখিয়াছেন যে, শত্রুপক্ষে ৮ সহস্র ব্যক্তি নষ্ট হইয়াছিল । ইহার মধ্যে কাহার কথা ঠিক তাহা আমাদের জানিবার আবশ্যক নাই । কিন্তু একথা খুব ঠিক যে, এ পর্যন্ত অলিকসন্দরের এত অধিক সংখ্যক সৈন্য একরূপ ভাবে কোথাও নিগৃহীত হয় নাই ; এই হতাহতের ফল দেখিয়া আমরা অনুমান করিতে পারি, যথার্থ ক্ষত্রিয়দিগের হস্তে, অলিকসন্দর উত্তম শিক্ষাই প্রাপ্ত হইয়াছিলেন । গ্রীকরা যেরূপ ভাবে এই যুদ্ধের কথা বর্ণনা করিয়াছেন, তাহাতে কোন রাজা কর্তৃক এই সকল ক্ষত্রিয়গণ পরিচালিত হইয়াছিলেন বলিয়া বোধ হয় না । ধনবানেরা অনেক সময় আপনাদের ব্যক্তিগত স্বার্থের জন্ত, সাধারণের স্বার্থের দিকে দৃকপাত না করিয়া, নিজের সুখ স্বচ্ছন্দতা রক্ষা করিবার জন্ত, ব্যতিব্যস্ত হইয়া পড়েন ; এই জন্ত প্রায়ই তাঁহারা স্বণিতভারে বৈদেশিক-দিগের চরণতলে আপতিত হইয়া স্বদেশবাসীর শত্রুতা সাধন করিয়া থাকেন ।

অলিকসন্দর সাংগালার অধিকার করিয়া, তাঁহার অগ্রতম কর্মচারী ইউমিনিস্ সহ তিনশত অধারোহী প্রদান করিয়া, যে সকল ভারতবাসী সাংগলার সহিত মিলিত হইয়া তাঁহার বিরুদ্ধে দণ্ডায়মান হইয়াছিল ; তাহাদিগকে সাংগলার অদৃষ্টে কথা জানাইবার জন্য প্রেরণ করেন ; দুঃখের বিষয়, তাঁহারা স্বদেশবাসীর শোচনীয় পরিণাম অবগত হইয়া, দেশত্যাগ বা পাণত্যাগ এই উভয়ের জন্য প্রস্তুত হইয়াও, তাঁহার বশ্বতা স্বীকার করিতে প্রস্তুত হইল না। অলিকসন্দর, ভারতবাসীর সঙ্কল্প অবগত হইয়া আর ক্ষণ বিলম্ব করিলেন না। তাহাদিগকে হস্তগত করিবার জন্য তিনি দ্রুতবেগে গমন করিলেন। অলিকসন্দরের আগমনের পূর্বেই ভারতবাসীরা, দূরতর প্রদেশে গমন করিয়া স্বাধীনতা রক্ষা করেন। যে সকল হতভাগা ভারতবাসী, মানবজাতির এই দারুণ শত্রুর হস্তে পতিত হইল, তাহারা নির্দয়তাসহকারে নিহত হইয়াছিল, ইহাদের সংখ্যা পঞ্চাশতের কম হইবেন। অলিকসন্দর যখন যুক্তি-লেন, একরূপ ভাবে অনুসরণ করিলে কোন শুভফল প্রসব করিবে না, তখন তিনি অগত্যা সাংগলাতে প্রত্যাগমন করিতে বাধ্য হইলেন।

অলিকসন্দর যখন ভারতবাসীর বড় কিছু করিতে পারিলেন না ; তখন তাঁহার ক্রোধ, জনশূন্য সাংগলার উপর পতিত হইল। সাংগলার অধিবাসীর হস্তে লাজ্জিত মাসিদনগণ, সাংগলার ঘর বাড়ি চূর্ণ বিচূর্ণ করিয়া ফেলিল—তথায় মনুষ্যের বাসভূমি ছিল বলিয়া কোনচিহ্ন রহিল না। অলিকসন্দর তাঁহার রোষানলে দক্ষ এই ভূমিকে, যে ভারতবাসী স্বেচ্ছাপূর্বক তাঁহার পদতলে পতিত হইয়াছিল, সেইরূপ এপ্রদেশের কোন লোককে, ইহা প্রদান করিয়া তাহার সম্মান বৃদ্ধি করিয়াছিলেন।

যে কয়েকটি নগর আত্মপ্রদান করিয়া অলিকসন্দরের কৃপালাভ করিয়াছিল, সে সকল নগর অধিকার এবং তাহাতে সৈন্য রক্ষা করিবার জন্য, বুদ্ধিমান মেসিডনপতি সসৈন্য পুরুকে প্রেরণ করেন। অলিকসন্দর বুঝিয়াছিলেন যে, দেশের যেরূপ অবস্থা তাহাতে মাসিডন সৈন্য, সে সকল স্থানে প্রেরণ করিলে তিনি দুর্বল হইয়া পড়িবেন, আর বহুসংখ্যক ভারতবাসী কর্তৃক তাহারা আক্রান্ত হইলে আত্মরক্ষা করা তাহাদের পক্ষে সামান্য বিষয় হইবেনা। এই জন্য দূরদর্শী অলিকসন্দর, পুরুকে সেই সকল স্থানে প্রেরণ করিয়া “যা শত্রু পরে পরে” নীতির অনুসরণ করিয়াছিলেন।

অলিকসন্দর, সাংগাল। পরিত্যাগ করিয়া, তাঁহার রণভূমি পরিতৃপ্ত করিবার জন্য, আবার পূর্বাভিমুখে অগ্রসর হইতে লাগিলেন। এইরূপ কয়েকদিন গমন করিয়া, তাঁহারা হাই-পাসিস নদীর তটভূমে উপস্থিত হন। একমাত্র এই বিদেশী নামে নদী নির্ণয় করা বড়ই সুকঠিন, ইহা অন্য কোন নদী নহে ইহা আমাদের বিপাশা, পুন্ড্রশোকাভিভূত মহর্ষি বশিষ্ঠ, হস্ত পদ পাশবদ্ধ করিয়া উরুজিরা নদীতে নিমগ্ন হইলে, তিনি নদীর স্রোতে পাশছিন্ন হইয়া তটে নিক্ষিপ্ত হন, তদবিধি উরুজিরা পূর্বনাম পরিত্যাগ বিপাশা নামে অভিহিত হন। \*

বিপাশা বা বর্তমান ব্যাসানদীর তটে মহাবাহু অলিকসন্দর শিবির সংস্থাপন করিয়া অবস্থান করিলেন।

\* পাশা অস্যাং বিপাশ্যন্ত বশিষ্ঠস্য মুমূর্ষতঃ তস্মাৎ বিপাড উচ্যতে পূর্বমাদীহুরুজিরা ।\* যাক্স ।

এখানে অবস্থান করিয়া মসিদনগণ অপর পারের কথা বাহা শুনিলেন, তাহাতে তাঁহাদের দিগ্বিজয় বাসনা অন্তর্হিত হইল,— ভারতের অমূল্যধন রত্ন সংগ্রহকামনার পরিবর্তে, স্বদেশে প্রত্যা-  
গমনের উৎকট ইচ্ছা, তাহাদিগকে আকুলিত করিতে লাগিল । তাহারা শুনিবিশিষ্ট অপর পার অত্যন্ত উর্বর, তথাকার জনগণ কৃষিকার্য্যে যেরূপ স্ননিপুণ, যুদ্ধস্থলেও সেইরূপ রণপাণ্ডিত্য ও সাহসিকতা দেখাইয়া থাকে । তাহাদের রাজ্যশাসন প্রণালী অতি সূচাৰুৰূপে নির্বাহ হইয়া থাকে । ণায় ও মৃত্যুর সহিত সজ্ঞাস্ত জনগণ, জনসাধারণকে শাসন করিয়া থাকেন । অত্যাচার রাজ্য অপেক্ষা এ রাজ্যের হস্তীবল অনেক বেশী, এসকল হস্তী অত্যন্ত দীর্ঘকায় এবং সাহসী, তার পর গাঙ্গেয় প্রদেশ, সে দেশের অধীশ্বর, যুদ্ধক্ষেত্রে ২লক্ষ পদাতিক, ২০হাজার অশ্বারোহী এবং ৩হাজার হস্তী, লইয়া যাইতে সমর্থ । পুরুষ হস্তীর কাছে ইতিপূর্বে তাহাদের যে শোচনীয় দশা হইয়াছিল সেই সকল কথা মসিদনদের শ্রবণ পথে উদ্ভিত হইল । অপর পারে পূর্ব অপেক্ষা অধিক সংখ্যক বীর্য্যবান হস্তী তাঁহাদের অভিযানের জন্য অপেক্ষা করিতেছে, পুরুষ মুখে এ কথা শুনিয়া, মসিদনবাসীর হৃৎকম্প উপস্থিত হইল । গ্রীক গ্রন্থকার ইঙ্গিতে বলিয়াছেন, “অপর পারের অধিবাসীরা, সূচাৰুৰূপে সূশাসিত হইতেছে” । সুতরাং অলিকসন্দর, অগ্রসর না হইলেও দোষভাগী হইতে পারেন না, যেহেতু ইয়ুরোপীয় মহাশয়ের, কোন রাজ্যঅধিকার-ভুক্ত করিবার জন্য, কোন অছিল না পাইলে, তাঁহাদের রাজ্য অপেক্ষা সূশাসিত হইলেও, রাজ্যশাসন ভাল হইতেছে না, এইরূপ দোষারোপ করিয়া পররাজ্য আক্রমণ করিয়া থাকেন । সেই জন্য

এরিয়ান লিখিয়াছেন, “অপর পার স্খাসিত হইতেছে,” সূতরাং অলিকসন্দরের অপর পারে গমন করিবার প্রয়োজন হয় নাই । যাই হউক, অলিকসন্দর যখন শুনিলেন, তাঁহার সেনানীগণ তাঁহার সহিত অপর পারে গমন করিতে সম্পূর্ণ অনিচ্ছুক, তখন তিনি তাঁহাদিগকে সমবেত করিয়া বলিয়াছিলেন যে, “হে মাসিদন ও বক্সগণ ! আপনাদের স্বভাব সুলভ উৎসাহের সহিত, আর কি আপনারা আমাকে বিপদ মধ্যে অন্তর্ভুক্ত করিবেন না । অগ্রে গমন করিবার জন্ত, আপনারা আমা কর্তৃক অনুরুদ্ধ হইবেন, অথবা প্রত্যাগমনের জন্ত আমি আপনাদের দ্বার অনুরুদ্ধ হইব, ইহার জন্তই এই সভা আহত হইয়াছে । আপনারা যে সকল শ্রমসাধ্য কার্য্য করিয়াছেন, তাহার বিরুদ্ধে, অথবা আমার নায়ক-ত্বের বিরুদ্ধে, যদি কোন অভিযোগ থাকে, তাহা হইলে আমার সে বিষয় কিছুই বলিবার নাই । আপনাদের সেই অধ্যবসায় ও পরিশ্রমের ফলে, যোনদেশ—হেলিসপন্ট—ফ্রাইগিয়ায়, ক্যাপাডোসিয়া, প্যাফাগোনিয়া, লিডিয়া, কেরিয়া, লাইকিয়া, প্যামফিলিয়া, ফিনিসিয়া, ইজিপ্ট, লাইবিয়া, আরবের কিয়দংশ, সিরিয়া, মোসোপাটামিয়া; ব্যাবিলন, সূসা, পারস্য ও মিডিয়া, ইহাদের অধীন এবং ইহারা যাহা অধিকার করিতে পারে নাই, এরূপ প্রদেশ সকল ও আমরা পদাক্রান্ত করিয়াছি, ইহা ব্যতীত কাম্পীয়নঘাটি, কাম্পীয়নের তটবর্তী ভূভাগ, বহ্লীক, ককেসস প্রদেশ, এবং ভারতের সিন্ধু, বিতস্তা, চন্দ্রভাগা, বিপাশা, প্রভৃতি নদনদীর মধ্যবর্তী রাজ্য সকল এখন আমাদের অধিকারভুক্ত হইয়াছে । এই বিপাশা অতিক্রমণ এবং ঐ সম্মুখবর্তী রাজ্য সকল মেসিহুদিয়া সাম্রাজ্যের অন্তর্গত করিতে কেন তোমরা

ইতস্ততঃ করিতেছ ? বর্ষররা তোমাদিগকে বাধা প্রদান করিতে সমর্থ হইবে, এই ভয়ে কি তোমরা বিভীষিকাগ্রস্ত হইয়াছ ? ইহাদিগকে আপনারা পরাজিত, দেশচ্যুত, এবং অধীনতাপাশে আবদ্ধ করিয়াছেন, কেহ বা স্বেচ্ছাপূর্ব্বক শরণাপন্ন হইয়াছে । এই সকল দেশ, আমাদের ইচ্ছাঅনুসারে আমাদের বন্ধুগণমধ্যে, অথবা স্বয়ং প্রবৃত্ত হইয়া বাহারা আমাদেরসহিত মিলিত হইয়াছে, তাহাদিগের মধ্যে প্রদত্ত হইবে । আমার ধারণা, উৎসাহশীল পুরুষের অধ্যবসায় ও পরিশ্রম; যশস্কর কার্য সম্পাদনের দিকেই লক্ষ্য করিয়া থাকে । যদি কেহ জানিতে ইচ্ছা করেন, এই যুদ্ধ, কোথায় শেষপ্রাপ্ত হইবে, তাঁহার জানা উচিত যে, গঙ্গা এবং পূর্ব্ব সমুদ্র, এস্থান হইতে বড় বেশী দূর নহে, আর আমার দৃঢ় ধারণা যে, সমুদ্রের সহিত হাইরকানিয়ান সমুদ্র মিলিত হইয়াছে পৃথিবীর চতুর্দিকে সমুদ্র প্রবাহিত হইতেছে । ইহা ব্যতীত মাসিডন ও তাহাদের বন্ধুগণের কাছে আমি সপ্রমাণ করিব যে, ভারত উপসাগর হাইরকানিয়ম সমুদ্র ও পারস্ত ও উপসাগরের সহিত মিলিত রহিয়াছে । পারস্তউপসাগর হইতে আমাদের অর্গব্যান সকল আফ্রিকা প্রদক্ষিণ করিয়া, হারকুলিসের স্তম্ভের কাছে উপস্থিত হইবে । এক্রপ করিলে আফ্রিকার অভ্যন্তরভাগ এবং সমস্ত এশিয়া আমাদের অধিকারভুক্ত হইবে । দেবতারা পৃথিবীর যে সীমানির্দেশ করিয়াছেন, সেই সীমাই আমাদের সম্রাজ্যের সীমা বলিয়া পরিগণিত হইবে । এ সময় যদি আমরা প্রত্যাবর্তন করি, তাহা হইলে বিপাশা ও সমুদ্রের মধ্যবর্তী ভূভাগের অধিবাসীহীন, আর উত্তরে হিরকানিয়া প্রদেশের জনগণ, অপরাজিত অবস্থায় রহিয়া যাইবে । আর এক কথা, এ সময়

যদি আমরা প্রত্যাগমন করি, তাহা হইলে যাহাদিগকে আমরা জয় করিয়াছি, যাহাদের বিশ্বস্ততা সম্বন্ধে সন্দেহ হইয়া থাকে ; তাহাদিগকে স্বাধীন জাতিরা বিদ্রোহের জগ্ৰ উত্তেজিত করিতে পারে। তাহা হইলে আমাদের সমস্ত শ্রম বিফল হইয়া যাইবে—আমাদিগকে আবার নূতন বিপদ ও অভিনব পরিশ্রমের সম্মুখীন হইতে হইবে। হে বন্ধুগণ ! এবং মেসিডনবাসী ! আপনারা ধৈর্য্য অবলম্বন করুন, --যাঁহারা বিপদ ও শ্রমসাধ্য কার্য্য সম্পাদনের জগ্ৰ অগ্রবর্তী হন, তাঁহারা ঋদ্ধি ও সিদ্ধিপ্রাপ্ত হইয়া সুখ্যাতি লাভ করিয়া থাকেন। যে জীবনে অল্পত কার্য্য সম্পন্ন হইয়াছে, সেই জীবনই আনন্দময়, তাহার মৃত্যুতে ও সুখ অনুভূত হইয়া থাকে ; আর পশ্চাতে চিরস্মরণীয় নাম থাকিয়া যায়। আপনারা তো জানেন আমাদের পূর্ব্বজগণ যে অলোক সামান্য খ্যাতি এবং দেবতাকে প্রাপ্ত হইয়াছিলেন, তাহা কিছু আরগস,—ফিলপনিস, অথবা থেবে, গৃহে অবস্থান করিয়া প্রাপ্ত হন নাই। হিরাক্লিসের অপেক্ষা ক্ষমতাশালী, দিত্তনিসিস্কেও বড় কম পরিশ্রম করিতে হয়নাই। তপস্শ্রা না করিয়া কেকোথায় দেবতাকে প্রাপ্ত হইয়াছে ? আমরা নিশা অতিক্রম করিয়া বহুদূর অগ্রসর হইয়াছি—মহাবীর হিরাক্লিস যে দুর্গম দুর্গ অধিকার করিতে সমর্থ হন নাই, আমরা সেই অরনসের গিরি দুর্গ অধিকারভুক্ত করিয়াছি। এখন অবশিষ্ট এসিয়া আমাদের পদানত হইবে,—অধিকাংশের সহিত অবশিষ্ট অল্পটুকু মিলিত হইবে।”

“একবার ভাবিয়া দেখুন যদি আমরা মাসিডনে বসিয়া থাকিতাম, তাহা হইলে কি এই সকল স্মরণীয় কার্য্য সম্পন্ন করিতে সমর্থ হইতাম ? বেশী কিছু করিলে, আমরা কি মনে



করিতাম না যে, পার্শ্ববর্তী থ্রেসস, ইলিরিয়াবাণী, অথবা শত্রু ভাবাপন্ন গ্রীক আক্রমণ হইতে স্বদেশকে রক্ষা করিলেই, আমাদের কার্য্য সকল সম্পূর্ণ হইয়াছে ?

“আপনাদিগকে বিপদসঙ্কুল স্থানে পরিচালনা করিবার সময় আমি কি সেই বিপদ, বা শ্রমজনক কার্য্য হইতে, বিমুখ হইয়া আপনাদিগকে কি তাহার সম্মুখীন করিয়াছি ? যদি তাহাই হইয়া থাকে, তাহা হইলে বটে নূতন কার্য্যে আপনাদিগের উৎসাহ না থাকিবারই কথা । আপনারা পরিশ্রম করিবেন, আর অপরে বিনাপরিশ্রমে তাহার ফলভোগ করিবে ? আমরা কিন্তু সকলে সমানভাবে পরিশ্রম করিয়া থাকি, আমি সমানভাবে আপনাদের বিপদের অংশ গ্রহণ করিয়া থাকি—ইহার ফল, সকলের সাধারণ সম্পত্তি, যে ভূমি আমরা জয় করিয়াছি, আপনারা তাহার অধিকার ; যে ধন আমরা লুণ্ঠন করিয়াছি, তাহার অধিক অংশই আপনাদিগের মধ্যে বিতরিত হইয়াছে । যখন সমগ্র এশিয়া আপনাদিগের অধিকারভুক্ত হইবে, তখন ভগবানের রূপায় আমি আপনাদিগকে কেবলমাত্র সন্তুষ্ট করিব না, কিন্তু আপনা-দিগের প্রত্যেকের, আশার অতিরিক্ত দ্রব্য প্রদান করিয়া পুলকিত করিব । আপনাদিগের মধ্যে যিনি, দেশে প্রত্যাগমন করিতে ইচ্ছা করেন, তাঁহাদিগকে আমি দেশে পাঠাইয়া দিব, অথবা আমিই তাঁহাদিগকে সঙ্গে করিয়া দেশে লইয়া যাইব । কিন্তু যাহারা এখানে অবস্থান করিবেন, তাঁহাদিগকে আমি, যাহারা গমন করিবেন, তাঁহাদের স্পৃহনীয় বিষয়ে পরিণত করিব ।”

অলিকসন্দরের এই উদ্দীপনা পূর্ণ অমরোধ্য বাক্যে, অবসর

হৃদয় সেনানীদের মধ্যে কোন প্রকার উত্তেজনা পরিলক্ষিত হইল না । এক সময় অলিকসন্দরের সামান্য ইঙ্গিতে, যে সৈন্যগণ দলে দলে প্রাণ প্রদানের জন্য অগ্রসর হইত ; এক্ষণে তাহারা নির্বাক হইয়া অধোবদনে অবস্থান করিতে লাগিল । বহু সময় অতীত হইলেও, যখন কেহ অলিকসন্দর কর্তৃক অনুরুদ্ধ হইয়া কোন কথা কহিল না, তখন বৃদ্ধ সেনানী কৈনস, সাহসে বুক বাঁধিয়া বলিতে আরম্ভ করিলেন ।

“হে রাজন্ ! আপনি যখন মাসিদিনগণকে তাহাদের ইচ্ছার প্রতিকূলে, অগ্রে বলপূর্ব্বক লইয়া যাইতে অনিচ্ছুক, আপনি যখন তাহাদের অনুরোধ রক্ষা করিতে স্বীকৃত হইয়াছেন, এরূপ অবস্থায় আমি দুই একটি কথা বলিব,—এ কথা আমি আমার পক্ষ হইতে, অথবা যে সকল সেনানী এখানে উপস্থিত হইয়াছেন, তাহাদের হইয়াও কথিত হইবেন না—আমরা, আপনার কাছে বিশেষরূপে সম্মানিত হইয়াছি, আমাদের মধ্যে অনেকেই আপনার কাছে প্রচুর পরিমাণে পুরস্কৃত হইয়াছেন অগরের উপর প্রভুত্ব করিবার ক্ষমতা, আপনার কাছে আমরা যথেষ্টরূপে প্রাপ্ত হইয়াছি, আমরা যে, আপনার কার্য সাধনের জন্য যথেষ্ট চেষ্টা করিব, ইহা কিছু বিচিত্র নহে । কিন্তু অধিকাংশ সৈনিকগণের পক্ষ হইয়া কয়েকটি কথা কহিব, এ সকল কথা যে, একমাত্র তাহাদের পক্ষেই হিতজনক, এরূপ আমি মনে করি না, বর্তমান কালে আমি মনে করি, ইহা আপনার পক্ষেও সুবিধাজনক এবং ভবিষ্যতে ও মঙ্গলপ্রদ হইবে ।

“আমার প্রাচীন বয়সের জন্ত, আপনি আমাকে যে প্রচুরক্ষমতা প্রদান করিয়াছেন সেইজন্য, আর সকলপ্রকার বিপদজনক কার্যো

সকলের অগ্রবর্তী হই বলিয়া, যাহা ভাল বুঝিয়াছি তাহা বলিতে আমি সাহসী হইয়াছি । আপনার আজ্ঞায়, আমরা যে সকল কার্য্য সম্পাদন করিয়াছি, তাহা আমি যতই স্মরণ করি, আর আমরা সর্ব্ব সর্ব্বপ্রথমে মাসিদন ও গ্রীস হইতে যতগুলি লোক আগমন করিয়াছিলাম, এবং বর্ত্তমানের বা আমাদের সংখ্যা কিরূপ পরিমাণে হ্রাসপ্রাপ্ত হইয়াছে, সে সকল বিষয় যখন আমি তুলনা করি, তখন মনে হয় যে, আমাদের বিপদের এবং ক্রেশের একটা সীমা নির্দ্ধারিত হওয়া উচিত । থেসেলিবাসীরা যখন আর সাহসীকতার সহিত যুদ্ধ করিত না, তখন আপনি ব্যাক্ত্রা হইতে তাহাদিগকে দেশে পাঠাইয়া বিজ্ঞের ত্রায় কার্য্য করিয়াছিলেন । আপনি যে সকল নগর প্রতিষ্ঠা করিয়াছেন, তাহাতেও অনেক গ্রীকবাসীকে, তাহাদের অনিচ্ছায় রাখিয়া আসিয়াছেন । আর অবশিষ্ট কতকগুলি, বর্ত্তমান কালে ও আমাদের ক্রেশের অংশ গ্রহণ করিতেছে ; আমাদের কতকগুলি স্বদেশবাসী যুদ্ধ ক্ষেত্রে প্রাণ ত্যাগ করিয়াছে ; কতকগুলি আহত হইয়া অকর্ম্মণ্য হইয়াছে ; কতকগুলি আমাদের বিজিত দেশের স্থানে স্থানে রক্ষিত হইয়াছে ; আর কতকগুলি রোগে মৃত্যু মুখে পতিত হইয়াছে ; সেই বহু লোক সমষ্টির মধ্যে, আমরা অতি অল্পসংখ্যক মাত্র জীবিত রহিয়াছি । ইহাদের শরীরে আর পূর্ব্বের ন্যায় শক্তিসামর্থ্য নাই;—ইহাদের উৎসাহ যেন ক্ষীণ হইয়া আসিতেছে ; বাহাদের পিতামাতা এখনও জীবিত আছেন, তাহাদিগকে দেখিবার জন্য তাহারা উৎসুক হইয়াছে,—সকলেই তাহাদিগের দ্বা,পুত্র,বাড়ি ও জগাভূমি, দেখিবার জন্য অত্যন্ত উদ্বিগ্ন হইয়াছে । যাহারা আপনার রূপায়, দরিদ্র হইতে প্রচুর ধনের অধীশ্বর

হইয়াছে, অতি সামান্য অবস্থা হইতে প্রখ্যাত নামা হইয়াছে, তাহাদের বর্তমান অভিশাপ ক্ষমার যোগ্য সন্দেহ নাই। আপনি তাহাদিগকে, ইচ্ছার প্রতিকূলে লইয়া যাইবেন না। শত্রুর সহিত যুদ্ধকালে, বিপদের সম্মুখীন হইবার সময়, ইহারা যদি পূর্ণহৃদয়ে কার্য্য না করে, তাহা হইলে তাহাদের দ্বারা কোন কার্য্য সাধিত হইবেনা। আমাদের সহিত যদি আপনারমতের মিলন হয়, তাহা হইলে আপনি গৃহে প্রত্যাগমন করুন; যাকে দর্শন করুন; গ্রীসের রাজকার্য্যের সুব্যবস্থা করুন, এবং পিতার গৃহ, জয়লব্ধ দ্রব্যে পরিপূর্ণ করুন। এ সকল কার্য্য সমাধার পর, যদি ইচ্ছা হয়, পুনরায় আপনি নূতন বলে ভারতের ঐ পূর্বদেশের বিরুদ্ধে যুদ্ধযাত্রা করুন, অথবা ইউক্সাইন সাগর, কিস্থা কার্থেজের বিরুদ্ধে, অথবা আফ্রিকা, কিস্থা কার্থেজের পরে যে দেশ, সে দেশের বিরুদ্ধে যাত্রা করুন। আপনি কর্তব্য স্থির করিলে, আমাদের শ্রায় শীর্ণ বুদ্ধের পরিবর্তে, তেজস্বী ও যুবক মাসিদন এবং গ্রীক-বাসী আপনার সহিত অহুগমন করিবে। যুদ্ধ বিষয়ে অনভিজ্ঞ সেই সকল যুবকবৃন্দ, প্রাণের মমতা না করিয়া, পুরস্কার লোভে প্রলুব্ধ হইয়া বিপদের সম্মুখীন হইবে, তাহারা যখন দেখিবে, আপনার সহচরবৃন্দ নিৰ্ধনতার পরিবর্তে প্রচুর ধনশালী, উচ্চপদস্থ, ও প্রখ্যাত নামা হইয়া নানাপ্রকার বিপদ ও ক্লেশ জাল অতিক্রমণ করিয়া নির্ঝিল্লি গৃহে প্রত্যাগমন করিয়াছে, তখন তাহারা অধিকতর উৎসাহের সহিত বিপদের সম্মুখীন হইবে। হে রাজন! এসকল কথা ব্যতীত, অভ্যুদয়ের সময় সমতা অবলম্বনের শ্রায় উৎকৃষ্ট নীতি আর কিছুই নাই, আপনি এরূপ শাহসী সৈন্তের মধ্যবর্তী থাকিলে, মানবীয় শত্রু আপনার কোন অপকার করিতে

সমর্থ হইবেনা । কিন্তু দৈবঘটনা মনুষ্য বুদ্ধির অগম্য, স্মৃতরাং তাহা হইতে রক্ষা পাওয়া মানুষের সাধ্যের অতীত বিষয় সন্দেহ নাই ।”

কৈনসের, মনের মতন কথা শুনিয়া, অনেকে আনন্দের উচ্চাস প্রকাশ করিয়া তাঁহাকে অনুমোদন করিল, অপরে গৃহে প্রত্যাগমনের কথায় দরদরিত ধারায় অশ্রুবারি প্রবাহিত করিয়া, বিপদ সমুদ্রে আর অবগাহন না করিয়া স্বদেশে প্রত্যাগমনের জ্ঞা ইচ্ছা প্রকাশ করিল । অলিকসন্দর, কৈনসের বাক্যের স্বাধীনতায়, এবং সমাগত জনগণের ব্যবহারে অত্যন্ত অসন্তুষ্ট হইলেন । স্তার অবস্থা দেখিয়া তিনি তাহা ভঙ্গ করিয়া দিলেন । তাঁহার ক্রোধের উপশম হইল না, আবার পর দিবস সেই সকল প্রধান কৰ্ম্মচারীকে আহ্বান করিয়া বলিলেন, “তিনি নদীর অপর পারে গমন করিবেন, বলপূর্ব্বক তিনি কোন মাসিদনকে সঙ্গে লইয়া যাইবেন না, স্বেচ্ছাপূর্ব্বক তাহাদের রাজাকে অনুগমন করিবার বহুসংখ্যক লোক তিনি প্রাপ্ত হইবেন । যাহারা, দেশে প্রত্যাগমন করিবে, তাহারা যেন তাহাদের বন্ধুবান্ধবগণকে বলেন, তাহারা তাহাদের রাজাকে, তাঁহার শত্রুগণের মধ্যে পরিত্যক্ত করিয়া চলিয়া আসিয়াছে ।” এই বলিয়া অলিকসন্দর, স্বীয় শিবিরমধ্যে প্রবেশ করেন; তাঁহার বিশেষ প্রণয়ভাজন ও, তাঁহার শিবিরে প্রবেশ করিতে নিষিদ্ধ হইল । এইরূপে তিন দিন অতিবাহিত হইল, সমস্ত শিবির নিস্তব্ধ ভাব ধারণ করিল ; অলিকসন্দর মনে করিয়াছিলেন, তাঁহার ক্রোধে সৈন্যগণের মত পরিবর্তন হইবে, কিন্তু তাহা হইল না । সকলেই গৃহে প্রত্যাগমনের জ্ঞা দৃঢ়প্রতিজ্ঞ হইল । অলিকসন্দর এই বিষয় সম্বন্ধে স্বীয়

মর্যাদা অক্ষুন্ন রাখিবার জন্ত, নিজের উপায় অবলম্বন করিলেন । দেবোদ্দেশে পূজা করিয়া তিনি বুঝিলেন যে, বিপাশা তাঁহার পক্ষে পাশ স্বরূপ হইয়াছে, ইহার পরপারে গমন তাঁহার পক্ষে মঙ্গলজনক হইবেনা । এই কথা তিনি তাঁহার হৃদয়জ্ঞ-বন্ধুর সভায় প্রকাশ করিয়া, তাঁহার স্বদেশে প্রত্যাগমন বাসনা সৈন্তগণমধ্যে প্রচার করিতে আদেশ করেন । এই কথা অবগত হইয়া, সৈন্তগণ মধ্যে আনন্দের অবধি রহিল না ; অনেকে অলিকসন্দরের শিবিরের চতুঃপার্শ্বে আনন্দধ্বনি করিয়া, কেহ বা অশ্রু বিসর্জন করিয়া আনন্দ প্রকাশ করিতে লাগিল ।

ডিওডোরস বলেন, ভগতা বা ফিগস, নামক একজন রাজা, অলিকসন্দরের বশ্যতা স্বীকার করেন । এই লোকটা প্রচুর উপহার ও ভারতীয় নানাপ্রকার উপাদেয় ভোজ্য প্রদান করিয়া, মেসিদিনপতির কৃপা কণালাভ করেন । অলিকসন্দর ইহার আনুগত্যে এবং ইহার নিকট দেশের ভিতরকার তথ্য অবগত হইয়া প্রীত হইয়াছিলেন । ইহার নিকট তিনি নদীর অপর পার, ও পূর্বদেশীয় রাজ্য সম্বন্ধে অবগত হইলেন যে, নদীর অপর পারে একটা সুবিস্তৃত মরুভূমী আছে, তাহা অতিক্রমণ করিতে দ্বাদশ দিবস অতিবাহিত হইয়া থাকে । তাহার পর গঙ্গা প্রবাহিত হইতেছেন, ইহা ভারতের অত্যাগত নদ নদী অপেক্ষা অধিক গভীর ইহার বিস্তৃতি প্রায় ৩২ স্টেডিয়া হইবে । ইহার পরে প্রাচ্যদেশ, ও গঙ্গারাড় ( গান্ধারী দাই ) প্রদেশ, এদেশের রাজার নাম চন্দ্রমা—চন্দ্রগুপ্ত, ইহার অধীনতার ২০ হাজার অশ্ব, ২ লক্ষ পাণ্ডিক, ২ হাজার রথ, এবং ৪ হাজার হস্তী, অবস্থান করিতেছে । অলিকসন্দর, ফিগসের, কাছে, একথা শুনিয়া অসম্ভব বলিয়া

বিবেচনা করিলেন। তিনি সন্দেহ দূর করিবার জন্ত, পুরুকে ডাকাইয়া পাঠাইলেন, পুরু উক্ত কথা সমর্থন করিয়া, অধিকন্তু বলিলেন, গঙ্গারাজের অধীশ্বর অকর্ষণ্য, সে নাপিত পুল্ল বলিয়া, জন সাধারণ তাহাকে শ্রদ্ধার চক্ষে অবলোকন করে না। এই লোকটার পিতা, একজন সাধারণ লোক ছিল—ইহার প্রতি রাগী আসক্ত হইয়া, স্বীয় বৃদ্ধপতিকে হত্যা করিয়াছিল, তার পর এর পুল্ল রাজদণ্ড অধিকার করে।

প্রায় সত্তর দিন ধরিয়া মুঘলধারে ও প্রচণ্ড বেগে জল বাড় ও বজ্রপাত হওয়াতে, অলিকসন্দরের সৈন্যগণের ক্রেশের অবধি ছিলনা। তাহারা ক্ষিন্ন ও রুগ্ন হইয়াছিল, ইহার উপর আরো বিপদের মধ্যবর্তী হত্তয়া তাহাদের পক্ষে অসম্ভব হইয়া উঠিল। সুতরাং আর কেহই অগ্রসর হইতে স্বীকৃত হইলনা। অলিকসন্দর যখন অগ্রসর হইবার সঙ্কল্প পরিত্যাগ করিলেন তখন সৈন্যগণের আত্মাঙ্গাদের সীমা রহিলনা।

অলিকসন্দর, বিজিত দেশের সীমা নির্দ্ধারণ করিবার জন্ত, বিপাশার তটে দ্বাদশটি বেদী প্রতিষ্ঠা করেন। উত্তরকালের লোকগণকে প্রতারণিত ও মুগ্ধ করিবার জন্য, প্রকৃত প্রস্তাবে যত টুকু স্থানে শিবির সংস্থাপন করিয়াছিলেন; তাহা অপেক্ষা অনেক বেশী ভূমি অধিকার করিয়া, শিবিরের গড় খাই খনন করাইয়াছিলেন। তাহারা বৃহদাকার পর্য্যাক্রমস্ত করাইয়া, তাহারা যে অত্যন্ত দীর্ঘাকৃতির লোক ছিলেন, তাহা জানাইবার জন্ত এইরূপ নানাবিধ উপায় অবলম্বন করিয়া, ভবিষ্যৎ পুরুষ-দিগকে সন্মোহিত করিবার চেষ্টা করিয়াছিলেন। তিনিভারত-বাসীকে যেরূপ নির্মোহ মনে করিয়াছিল, বাস্তবিকপক্ষে তাহারা


তত নির্বোধ নহে। অলিকসন্দরের এই বিজয়চিহ্ন কতদিন বিস্তার তটে মস্তক উন্নত করিয়া অবস্থান করিয়াছিল, তাহা আমরা বলিতেপারি না। একজন ইয়ুরোপীয় পরিব্রাজক, খৃষ্টের দ্বিতীয় শতাব্দীতে ভারতবর্ষে আসিয়াছিলেন, তিনি এই বিজয়স্তম্ভ তখনও দেখিয়াছিলেন এবং তখনও তাহাতে লিখিত অক্ষরগুলি তিনি স্পষ্টরূপে পাঠ করিয়াছিলেন। আবার প্লটার্ক লিখিয়াছেন, গঙ্গার তটে অলিকসন্দর যে বিজয়স্তম্ভ প্রতিষ্ঠা করেন, প্রাচ্যদেশের রাজা, প্রতিবৎসর গঙ্গা পার হইয়া গ্রীক প্রথায় এখানে পূজা করিতেন। প্লটার্কের এ কথার কোন মূল্য নাই, গঙ্গা তো দূরের কথা, যখন অলিকসন্দর বিপাশা উত্তীর্ণ হইতে সক্ষম হন নাই, তখন গঙ্গার তটে স্তম্ভ প্রতিষ্ঠা সম্পূর্ণ অসম্ভব। মিগাস্থিনিমস্, ভারতবর্ষে অনেক দিন ছিলেন, তাঁহার ভারত বর্ণনা আমরা যেরূপ অবস্থায় প্রাপ্ত হইয়াছি, তাহাতে তিনি অলিকসন্দরের বিজয়বেদীর কথা কোনরূপ উল্লেখ করেন নাই। তিনি পাজাব অতিক্রমণ করিয়া পার্টিলিপুত্রে গমনাগমন করিয়াছেন, তিনি ইহা প্রত্যক্ষ অথবা এ দেশের রাজাকে তথায় পূজা করিতে দেখিলে, অবশ্যই বর্ণনা করিতেন। অলিকসন্দরের প্রত্যাগমনের পর, তাঁহার পক্ষীয়েরা যেরূপভাবে নিগৃহীত ও বিড়ম্বিত হইয়াছিল ; সম্ভবতঃ পূণ্যনদীর তটস্থিত তাঁহার কীর্তিও সেইরূপ, কোনরূপে রক্ষণীয় নহে, তাঁহার অত্যাচারে প্রপীড়িত ভারতবাসীরা, এইরূপ বিবেচনা করিয়া উৎখাত করিয়া থাকিবে। এই স্বর্ণীয় স্তম্ভগুলি কোথায় স্থাপিত হইয়াছিল, তাহা জানিবার জন্য ইয়ুরোপীয় মহাশয়েরা বড়ই আবিষ্ট হইয়াছেন। কেহ বিবেচনা করেন, গুরুদাসপুরে বিপাশার তটে ইহা নির্মিত হইয়া থাকিবে। বিপাশার কোনপারে



ইহা নিশ্চিত হইয়াছিল, সে বিষয়ে মতভেদ দেখিতে পাওয়া যায়। অধিকাংশ লেখক ইহা পশ্চিম তটে প্রতিষ্ঠিত হইয়াছিল সিদ্ধান্ত করিয়া থাকেন।

এ সকল বেদী প্রতিষ্ঠার সময় যথেষ্ট পরিমাণে নৃত্যগীত ঘোড়দৌড় কুস্তি প্রভৃতি অনুষ্ঠিত হইয়াছিল। এখানে তিনি বড় বেশীদিন ছিলেন বলিয়া বোধ হয় না। অল্পকালের ভিতর, তাঁহার যে সকল বিজয়কীর্ত্তি প্রস্তুত হইয়াছিল, তাহা কতদূর দৃঢ় হইয়াছিল, সে বিষয় ও সন্দেহ হইয়া থাকে। অলিকসন্দের মৃত্যুর পর, প্রবল প্রতাপ চন্দ্রগুপ্ত যখন অলিকসন্দের অধিকৃত পাঞ্জাব, স্বীয় রাজ্যের অন্তর্গত করেন—যখন তিনি স্বদেশদ্রোহী-গণকে উগ্রদণ্ড প্রদান করিয়া তাহাদিগের গুরুতর পাপের কথ-ক্ষিৎ প্রায়শ্চিত্যবিধান করেন, সে সময় যে তিনি যবন, নরপতির বিজয় চিহ্ন অক্ষুন্ন অবস্থায় থাকিতে দিয়াছিলেন, সে বিষয় সন্দেহ উপস্থিত হইয়া থাকে। সম্ভবতঃ তাহা আমূল উৎপাটিত হইয়া থাকিবে।

## চতুর্থ অধ্যায় ।



অলিকসন্দর, বিপাশার তটে বিজয়কীর্ত্তি সংস্থাপন করিয়া প্রত্যাগমনের উদ্যোগ করিতে লাগিলেন। ইয়ুরোপীয়দের কাছে নূতন মহাদেশের আবিষ্কারের পর, স্প্যানিয়ার্ডরা ক্রয়রূপ সমস্ত ভূভাগ পরস্পর বিভাগ করিয়া লয়, সেইরূপ অলিকসন্দরও

পঞ্জাবপ্রদেশ, আপনার অনুগত লোকদিগের মধ্যে বিভক্ত করিয়া দেন। পুরু, অদৃষ্টক্রমে বিপাশার পশ্চিম কূলের সমস্ত ভূভাগ প্রাপ্ত হইয়াছিলেন। অলিকসন্দর খৃঃপূঃ ৩২৬ অব্দে আশ্বিনমাসে চিরকালের জন্য বিপাশার তট পরিত্যাগ করিলেন। প্রত্যাবর্তনকালে আবার ঐরাবতী অতিক্রমণ করিয়া, অসিরীর নিকটবর্তী হইলেন। ইতিপূর্বে তিনি হিপাস্তিয়নকে যেনগর স্মৃদুত করিবার জন্য আদেশ করিয়াছিলেন—আসিয়া দেখিলেন যে, তাহা বেশ সুরক্ষিত ও স্মৃদুত করা হইয়াছে। এ প্রদেশের যে সকল লোক এখানে অবস্থান করিবার ইচ্ছা প্রকাশ করিল, তাহারা তাহাতে বাস করিবার অনুমতি প্রাপ্ত হইল। যে সকল ভাড়াটে সৈন্য বিকলাঙ্গ হইয়া যুদ্ধকার্যে অক্ষম হইয়াছিল, তাহারাও নিজেদের ইচ্ছা অনুসারে এখানে বাস করিয়া ইহার জন সংখ্যাবৃদ্ধি করে। অনেকে মনে করেন, বর্তমান উজিরাবাদ যে স্থানে রহিয়াছে, সেই স্থানে এই নগর স্থাপিত হইয়াছিল।

অলিকসন্দর যে সময় অসিরীর তটে অবস্থান করিয়া, সমুদ্রাভিমুখে গমন করিবার আয়োজন করিতেছিলেন, সে সময় অভীসারের নিকটবর্তী, উরসের (অরসকি) অধিবাসী নানাপ্রকার বহুমূল্য দ্রব্য সহ আগমন করেন। ইহার সহিত অভীসারের ভ্রাতা ও, অগ্নাণ্ড আত্মীয়গণের সহিত ৩০টা হস্তী লইয়া অলিকসন্দরের নিকট আগমন করেন। অভীসারপতি অসুস্থতা নিবন্ধন স্বয়ং আসিয়া অলিকসন্দরের সম্বন্ধনা করিতে পারেন নাই, যে দূত অভীসার সকাশে প্রেরিত হইয়াছিল, তিনি তাহার ব্যাখির কথা নিবেদন করিলে, তবে অলিকসন্দর তাহাতে প্রত্যয় স্থাপন করেন। অভীসার নিজের দেশের রাজপদ প্রাপ্ত হইলেন,

অধিকন্তু অরসকি বর্তমান হাজারার নিকটবর্তী প্রদেশ ও তাঁহার শাসনের অন্তর্গত হইল। কে কিরূপ কর প্রদান করিবেন, অলিকসন্দর তাহা নির্ধারণ করিয়া তাহাদের অধীনতা স্বত্বের বন্ধনটা দৃঢ় করিয়াদেন।

অসিক্রীবা চন্দ্রভাগার তট পরিত্যাগ করিবার পূর্বে অলিকসন্দর এখানে সমারোহের সহিত, তাঁহার দেবতার উদ্দেশে যাগ যজ্ঞ করিয়া নদী উত্তীর্ণ হন। এই স্থানে অবস্থানকালে, মাসিদিন হইতে সমাগত ৫হাজার অধারোহী, আর ৭হাজার পদাতিক, অলিকসন্দরের সহিত মিলিত হইয়াছিল। ইহাদের সহিত সুবর্ণ ও রজত মণ্ডিত ২১ হাজার বর্ম্ম আনিত হইয়াছিল, সৈন্যসম্বন্ধে ডিস্তাডোরস বলেন, ৩০ হাজার পদাতিক এবং ছয়হাজার অধারোহী আগমন করিয়াছিল, অনেকে এ কথার উপর বিশ্বাস স্থাপন করেন না। এই সকল দ্রব্যের সহিত এক শত টালাণ্টের ঔষধী ও মাসিদিন হইতে আনিত হইয়াছিল। অলিকসন্দর, এই সকল দ্রব্য সৈন্যগণ মধ্যে বিতরণ করিয়া, প্রাচীনপরিচ্ছদ সকল মৃত্তিকা মধ্যে প্রোথিত করিতে আজ্ঞা প্রদান করেন।

• চন্দ্রভাগা অতিক্রমণ করিয়া আবার বিতস্তার তটে উপস্থিত হইলেন। তিনি যে নগর দ্বয় স্থাপন করিয়াছিলেন, দেখিলেন, অত্যন্ত বৃষ্টি হওয়াতে তাহার অনেক স্থান নষ্ট হইয়া গিয়াছে। অলিকসন্দর, নগরের এইপ্রনষ্টভাগ পুনর্নির্মাণ করাইয়া, বাহাতে না ভবিষ্যতে নদীর জলে ধুইয়া যায়, তাহার ব্যবস্থা করিয়াছিলেন।

অলিকসন্দর, বিতস্তার তটে অবস্থান করিয়া, সমুদ্র গমনের

বখন উদ্যোগ করিতেছিলেন সেই সময় পার্শ্বিনিওর জামাতা, বীরবর কৈনস, রুগ্ন হইয়া মানবলীলা সম্বরণ করেন। কিছুদিন পূর্বে ইনি সৈন্তগণের পক্ষ অবলম্বন করিয়া, অলিকসন্দরকে স্বদেশে প্রত্যাগমনের জন্ত অনেক কথা বলিয়াছিলেন। অলিকসন্দর ইহার মৃত্যুতে ব্যথিত হইয়া বলিয়াছিলেন, “এই কএক দিনের জীবনের জন্ত এত বড় বর্জ্যতা”। সামরিক সমারোহের সহিত কৈনসকে সমাহিত করিয়া, অলিকসন্দর মৃত সেনাপতির সম্মাননা করিয়াছিলেন।

মাসিদনপতি ও তাঁহার সৈন্তগণকে বহন করিবার জন্ত, প্রায় দুই হাজার নোকা প্রস্তুত হইয়াছিল। ইহার মধ্যে ৮০ খানা ৩০ দাঁড়ের বড় নোকা, ঘোটকাদি বহনোপযোগী নানাআকারের অবশিষ্ট নোকা প্রস্তুত হইয়াছিল। সমুদ্রের নিকটবর্তী প্রদেশের নৌচলনায় সুদক্ষ যেসকল ব্যক্তি, সৈনিককার্যে ত্রুতী হইয়াছিল, তাহারা এক্ষণে নাবিকরূপে পরিণত হইল। হিমালয়ের পাদদেশ হইতে অপরিমিত পরিমাণে কাষ্ঠ সংগৃহীত হইয়া এই সকল নৌবাহিনী প্রস্তুত হইয়াছিল। নিয়ার্কস, এই নৌবাহিনীর প্রধান অধ্যক্ষপদে বরিত হন। অনিসিক্রিতো নামক একব্যক্তি, এই অভিযানে অলিকসন্দরের সহিত গমন করিয়াছিলেন। তিনি এই অভিযানের একখানি ইতিবৃত্ত ও প্রণয়ন করিয়াছিলেন। সে গ্রন্থ কেবলমাত্র মিথ্যা কথা নহে, নানাপ্রকার গাঁজাখুরী গল্পে পরিপূর্ণ, নিজের মর্যাদা বৃদ্ধি করিবার জন্ত এই বহরের তিনি সর্বপ্রধান কর্মচারী বলিয়া প্রকাশ করিয়াছেন। বাস্তবিকপক্ষে তিনি অলিকসন্দরের নৌকায় জল পরিমাণকার্যে নিযুক্ত ছিলেন।

গমনের জন্ত সমস্ত প্রস্তুত হইলে, অলিকসন্দর তাঁহার সহচর-বৃন্দ ও সমাগত দূতগণ সমক্ষে, পুরুকে, দুইসহস্র নগরী ও সমুদ্রজাতি সমন্বিত জনপদের অধীশ্বরপদে নিযুক্ত করেন। একজন সুরুচী-সম্পন্ন পাশ্চাত্য লেখক দুইহাজার নগর, অলিকসন্দরের বিজিত ভারতে কখনই ছিল না স্থির করিয়া, ভারতবাসীর মিথ্যাশ্রীতির কথা উল্লেখ করিয়াছেন। তাঁহার বলিবার মর্ম্ম এই যে, সত্য-ব্রত ইয়ুরোপীয়গণ যেরূপ শুনিয়াছে, তাহারা সেইরূপ লিখিয়াছে। পুরু সহিত তক্ষশিলাপতির যে বহুদিনের বিবাদ ছিল, অলিকসন্দরের অনুরোধে তাহার ভঞ্জন হইয়া গেল, উভয়ে বিবাহহুত্রে মিলিত হইলেন।

অলিকসন্দর, তাঁহার গমন পথে, পাছে লবণপর্বত প্রদেশের অধীশ্বর সোপিতিস্ (সৌভূতি) তাঁহাকে আক্রমণ করেন, এই আশঙ্কায় তিনি হিপাইস্তিয়ন ও ক্রিতিরস নামক সেনানীদ্বয়কে দ্রুতগতিতে তাঁহাকে অকস্মাৎ আক্রমণ করিবার জন্ত প্রেরণ করেন। গ্রীকেরা বলেন, তিনি নাকি বিনা বাধায় বশুতা স্বীকার করেন।

৩২৬ খৃঃপূঃ কার্তিকমাসের একদিন প্রাতঃকালে, অলিকসন্দর তাঁহার দলবল সহ, নৌকাযোগে যাত্রা করেন। একলক্ষ ২০ হাজার নানাদেশীয় সৈন্য, তাঁহার সহিত অনুগমন করিল। ইহার সহিত দুইশত হস্তী গমন করিয়া, ইহার গৌরবকে বৃদ্ধি করিয়া-ছিল। ক্রিতিরস, কতকগুলি পদাতিক ও অশ্বরোহী সৈন্য লইয়া বিতস্তার দক্ষিণ এবং হিপাইস্তিয়ন অধিকাংশ সৈন্য লইয়া পদব্রজে বামভাগ দিয়া গমন করিতে আদিষ্ট হইলেন।

গমন করিবার পূর্বে, অলিকসন্দর নৌকার সম্মুখভাগ হইতে

স্বর্ণপাত্রে বিতস্তা, চন্দ্রভাঙ্গা, ও সিন্ধুর, উদ্দেশে পূজা করিতে লাগিলেন। তাঁহার পূর্ব-পিতামহ হরিকুলেশ, ও পিতা আমন, এবং অত্যাগ দেবতারাও, এ সময়ের পূজা হইতে বঞ্চিত হইলেন না। বংশীর ধ্বনির সহিত সমস্ত নৌবাহিনী চলিতে আরম্ভ করিল। পাছে নৌকা সকল পরস্পর মিলিত হইয়া বিপন্ন হয়; একত্ৰ পরস্পর পরস্পরের দূরে অবস্থান করিয়া চালিত হইতে অনুজ্ঞাত হইল। এ নিয়মের যাহাতে না ব্যতিক্রম হয়, সে বিষয় চালকগণ বিশেষরূপে অদৃষ্ট হইয়াছিল। সহস্র সহস্র ক্ষেপণির ক্ষেপন শব্দে, সৈন্যগণের যুদ্ধধ্বনি, ও চালকগণের আজ্ঞাবাক্যে, সে প্রদেশ মুখরিত হইয়াছিল। অলিকসন্দরের অনুগত ভারতবাসীরা তাঁহাকে গমন করিতে দেখিয়া, আফ্লাদে নৃত্যগীত ও বাজধ্বনি করিয়া আনন্দ প্রকাশ করে। এইরূপ দুই দিবস গমন করিয়া এই নৌবাহিনী তৃতীয় দিবসে যে স্থলে হিপাই—স্তিয়ন ও ক্রিতিরস, শিবির সংস্থাপন করিয়া অবস্থান করিতে অনুজ্ঞাত হইয়াছিলেন, সেই স্থলে উপস্থিত হয়। এখানে সমস্ত সৈন্য দুই দিবস অবস্থান করে। ইতিমধ্যে ফিলিপো, আগমন করিয়া এই বাহিনীর সহিতমিলিত হন। এপ্রদেশের কতকগুলি লোক অলিকসন্দরের বশ্যতাস্বীকার করিলেও, জন সাধারণ ইহঁার বিরুদ্ধে অন্ত্রোত্তলন করিয়াছিল, পাছে তাহারা অকস্মাৎ আক্রমণ করিয়া, সৈন্যগণ মধ্যে বিভীষিকা উৎপাদন করে, এই আশঙ্কায় মাসিদিনপতি অতি সতর্কতার সহিত অগ্রসর হইতে লাগিলেন। যে দিকে শত্রুর আক্রমণের আশঙ্কা ছিল না—যে দিকে তাঁহার অনুগত জনগণের বসতি ছিল, নদীর সেই দিকে তিনি অবস্থান করিয়া রাত্রি যাপন করিতেন।

সেনানী ফিলিপো, পশ্চাভাগ রক্ষা করিয়া এতদিন আসিতে-  
ছিলেন, এস্থান হইতে তিনি নদীর তট দিয়া অগ্রেশমন করিতে  
অনুজ্ঞাত হইলেন। যে স্থানে অবস্থান করিয়াছিলেন, সেস্থান  
হইতে পঞ্চম দিবসে, বিতস্তা ও অলিকসন্দর নাশিনীর (চন্দ্রভাগা)  
সঙ্গম স্থলে উপস্থিত হন। গ্রীক গ্রন্থকারেরা লিখিয়াছেন, যে  
স্থলে এই নদীদ্বয়ের মিলন হইয়াছে, সে স্থানটি সংক্ষীর্ণ হওয়াতে  
জলধারা অত্যন্ত প্রবলবেগে প্রস্তুরে আহত হইয়া ঘোরতর  
আবর্ত উৎপাদন করিয়া প্রবাহিত হইতেছে। বহুদূর হইতে  
ইহার গর্জন-শব্দ শ্রুতিগোচর হইয়া থাকে। নদীর এই  
ভয়াবহ সঙ্গমের কথা, অলিকসন্দর তাঁহার বন্ধু ভারতবাসীর  
মুখে অবগত হইয়া, অত্যন্ত সাবধানের সহিত অগ্রসর হইতে  
আরম্ভ করেন। সঙ্গমের নিকটবর্তী হইলে, ক্ষেপকেরা  
যুগপৎ শত শত বজ্রনিনাদের অনুকারী শব্দ শ্রবণ করিয়া মুগ্ধ  
হইয়া পড়ে, তাহারা প্রাণপণে সমস্ত শক্তির সহিত দাড়  
টানিলেও, নিরাপদে ইহা অতিক্রমণ করিতে সমর্থ হয় নাই।  
কতকগুলি পরস্পর সংঘর্ষণে ভগ্ন হইয়া যায়, কতকগুলি অতি  
বেগে তীরে নিক্ষিপ্ত হইয়া অকস্মাৎ হইয়া পড়ে, কএকখানি  
ভীষণ আবর্তে পতিত হইয়া দাড়ি মাঝির সহিত ডুবিয়া যায়।  
কুর্ভীষস্ বলেন, অলিকসন্দর যে নৌকায় অবস্থান করিতেছিলেন,  
সেই নৌকাখানি আর একটু হইলে ডুবিয়া বাইত, অলিকসন্দর  
নদীতে লাফাইয়া পড়িবার জন্য কাপড় শরীর হইতে খুলিয়া  
ফেলেন, তাঁহাকে তুলিবার জন্য লোক সকল সাঁতার  
কাটিতে লাগিল, সৌভাগ্যক্রমে চন্দ্রভাগার অলিকসন্দর নাশিনী  
নাম সার্থক হয় নাই। এইরূপে বিপদ হইতে উত্তীর্ণ হইয়া

অলিকসন্দের কোন নিরাপদ স্থানে নৌকা সকল তীরে লাগাইয়া ; যে সকল নৌকা তাজিয়া গিয়াছিল, বা আঘাত প্রাপ্ত হইয়াছিল তাহার পুনঃ সংস্কার করান ।

এসময় হইতে ভারতবাসীরা, নূতন নীতি অবলম্বন করিয়া, অলিকসন্দের সহিত যুদ্ধ করিতে আরম্ভ করেন । ইতিপূর্বে একজনের পরাজয়ের সহিত সমস্ত দেশ পরাজিত হইয়াছে, একজনের কাপুরুষতায় সমস্ত জনবৃন্দ ক্রীবের আয় বৈদেশিক নরপতির চরণতলে শরণাপন্ন হইয়াছে । একজনের দুর্বলতায়, সমস্ত দেশ যে বৈদেশিক শত্রুর বশত স্বীকার করিবে, ইহা সম্পূর্ণ অশুচি এবং নীতিবিরুদ্ধ । বিশেষতঃ রাজত্ববর্গ সুখের কোমলকোড়ে লালিত, পালিত ও বর্দ্ধিত ; কর্তব্য অনুরোধে একবার যুদ্ধ করিয়া পরাজিত হইলে, তাঁহারা পুনরায় শস্ত্রগ্রহণ না করিয়া পৈত্রিক প্রাণ ও সম্পত্তি রক্ষা করিবার জন্ত সন্ধিবন্ধন পাশে আবদ্ধ হইয়া, পরাধীনতা স্বীকার করিতে পারেন ।—কিন্তু জন সাধারণ তাঁহাদের ভীকৃতার জন্ত, তাহাদের সুখ স্বচ্ছন্দতা লাভের জন্ত, তাঁহাদের স্বার্থপরতার জন্ত, নিজেদের সহ-জাত স্বাধীনতা রত্ন, কখনই বিসর্জন প্রদান করিতে পারে না । তাই এসকল প্রদেশের কাশ্মীর, ভরদ্বাজ, বাৎস, প্রভৃতি গোত্রের কোপিনধারী নিঃস্ব ব্রাহ্মণগণ, রাজারা, অলিকসন্দের, শরণাপন্ন হইলেও, দেশের জন সাধারণকে সঙ্গে লইয়া, দেশের সাধারণ শত্রুর বিরুদ্ধে, রূপাংগপানি হইয়া দণ্ডায়মান হয় । শত সহস্র ব্যক্তির নিধনেও, তাঁহাদিগের সাহসের মাত্রা হ্রাস না হইয়া, বরং যেন বর্দ্ধিত হইয়াছিল—অজস্রশোণিতপাতে সারপ্রাপ্ত উর্বরভূমিতে শালবৃক্ষের আয়, দেশ



হইতে বীরগণের আবির্ভাব হইয়াছিল । যেপর্য্যন্ত না তাঁহারা জয় লাভ করিতে সমর্থ হইয়াছিলেন, সে পর্য্যন্ত তাঁহারা মৃত্যুকে অবিকৃত বদনে আলিঙ্গন করিতে পশ্চাদ্গত হন নাই । জনসাধারণের অধিকার, ধর্ম্মের গ্রায সনাতন হইলেও, ইহাকে রক্ষা ও জয়যুক্ত করিবার জন্ত আত্মত্যাগের আবশ্যক । সেকালের ভারতবাসীর আত্মত্যাগের কথা ভাবিলে শরীর সিহরিয়া উঠে, মাথা ঘুরিয়া যায় । শত শত ব্যক্তি যুদ্ধক্ষেত্রে শরীর আহুতি প্রদান করিতেছেন, অথচ কাহারও মুখে কোনরূপ আতঙ্কের চিহ্ন লক্ষিত হইতেছে না—যাঁহারা প্রাণ দিয়াছেন, তাঁহাদিগকে সঞ্জীবিত করিবার জন্ত, জয়লাভ করিয়া তাঁহাদের কীর্ত্তি অক্ষুণ্ণ রাখিবার জন্ত, শত শত, সহস্র সহস্র, ব্যক্তি একনিষ্ঠ হইয়া প্রাণ উৎসর্গ করিবার জন্ত উত্তীর্ণ হইয়াছিলেন । অলিকসন্দরকে বাধা দিবার জন্ত, তাঁহারা যেরূপ প্রচণ্ড উত্তম্বে কার্য্য করিয়াছিলেন, তাহাতে তাঁহাকে বিব্রত হইতে হইয়াছিল ;—সময় সময় তাহাকে বিমূঢ় হইতে হইয়াছিল । অলিকসন্দরের প্রবল পীড়নে ভারতবাসীরা প্রপীড়িত হইলেও, তাহারা আশাশূন্য হয় নাই ; তাহারা সাধ্যানুসারে সর্ব্বতোভাবে আপনাদের স্বাধীনতা রক্ষা করিবার চেষ্টা করিয়াছিলেন ।

অলিকসন্দর, যে সময় বিপন্ন হইয়া বিতস্তা ও চন্দ্রভাগার মিলন স্থলে অবস্থান করিতেছিলেন ; সে সময় তিনি অবগত হন যে, শিবি (Sebi) জনপদের অধিবাসীগণ, মাল (মহাভারতোক্ত জনপদ) (Malloi) দেশবাসীর সহিত মিলিত হইয়া তাঁহাকে বাধা দিবার জন্ত প্রস্তুত হইতেছে । ইতিপূর্বে এই মালদেশের অধিবাসীরা, ক্ষত্রিয়গণের সহিত মিলিত হইয়া অলিকসন্দরের

গতিরোধ করিবার জন্ত প্রস্তুত হইয়াছিলেন। কিন্তু তাঁহাদের মিলন হইবার পূর্বেই, অলিকসন্দর, ক্ষত্রিয়গণকে আক্রমণ করিয়া বিপর্যাস্ত করেন। শিবিবাসীর সহিত মালবাসীর মিলন হইবার পূর্বেই, অলিকসন্দর শিবিগণকে আক্রমণ করিয়া, শত্রুগণকে সম্মোহিত করিবার চেষ্টা করেন। শিবিদেৱনগর নদীরতট হইতে প্রায় ২৫০ ষ্টেডিয়া দূরে অবস্থিত। অলিকসন্দর, এই পথ অতিক্রমণ করিয়া, শিবিদের নগর আক্রমণ করেন। তাহার গমন পথে যে সকল গ্রাম পতিত হইল, তাহা অলিকসন্দরের ক্রোধে মরুভূমিতে পরিণত হইল, তাহাদের এই অপরাধ যে, তাহারা প্রবল প্রতাপ অলিকসন্দরের নামে সম্মোহিত না হইয়া তাঁহার বিরুদ্ধে আপনাদের স্বাধীনতা রক্ষা করিবার জন্ত দাড়াইতে সাহসী হইয়াছিল।

শিবি রাজধানী হস্তগত করিতে, অলিকসন্দরকে বড় কম ক্লেশ পাইতে হয় নাই। তাঁহার স্বয়ং গমন করাতেই ইহার শুরুত্ব অনুমিত হয়। নগর প্রাচীরের চতুর্দিক অবরোধ করিয়া, তিনি ইহা অধিকার করিতে সমর্থ হইয়াছিলেন। শিবি রাজ্যের পার্শ্বে আগালাসই (Agalassoï) নামে আর এক জাতি ছিল, তাহাদের সৈনিক বল নিতান্ত কম ছিল না। তাহারা যুদ্ধস্থলে ৪০ হাজার পদাতিক এবং ৩ হাজার অশ্বরোহী লইয়া যাইতে সমর্থ ছিল। অলিকসন্দরের আগমন কথা শুনিয়া ইহারা আর স্থির থাকিতে পারিল না ;—সকলেই এক প্রাণে মিলিত হইয়া, নিদ্রোথিত সিংহের ন্যায় বোরতর পরাক্রমে বৈদেশিক শত্রুর আগমন পথ রোধ করিবার জন্ত প্রস্তুত হইলেন। ইহারা নদীর ওটে অবস্থান করিয়া, অলিকসন্দরের

সহিত ঘোরতর যুদ্ধ করিয়াছিল। হনন ব্যাপারে কসাই  
যে রূপ সিদ্ধ হস্ত, সে যে রূপ নিপুনতা সহকারে হনন কার্য  
নিপন্ন করিয়া থাকে ;—সে যে রূপ অল্প সময়ে সমস্ত কার্য সাফ  
করিয়া থাকে, তাহা অপেক্ষা অধিকতর বলশালী, সাহসী ব্যক্তি,  
সে রূপ করিয়া কার্য সম্পাদন করিতে সমর্থ হয় না। অলিক-  
সন্দর, আট দশ বৎসর নরহত্যার শ্রোত প্রবাহিত করিয়া  
এবিষয়ে বিশেষ অভিজ্ঞতা লাভ করিয়াছিলেন। স্মতরাং  
ভারতবাসী, বিশেষ বলবান ও সাহসী হইলেও, নরহত্যা কার্যে  
অনভিজ্ঞ হওয়াতে, অলিকসন্দরকে এবিষয় পরাস্ত করিতে  
সমর্থ হয় নাই। নদীর তটে, ভারতবাসীরা বিপুল বিক্রমে যুদ্ধ  
করিলেও, ইহার ফল তাঁহাদিগের পক্ষে শুভজনক হয় নাই,  
ফল অনুকূল হইয়াছিল কিনা, তাহা আমরা বৈদেশিক  
লেখকের নিকট হইতে প্রাপ্ত হইয়াছি, তাঁহারা কতদূর যথার্থ  
কথা বলিয়াছেন, সে বিষয় অনেক সময় ঘোরতর সন্দেহ  
উপস্থিত হইয়া থাকে। সে যাহাই হউক, তাঁহারা বলেন,  
অলিকসন্দর এ যুদ্ধে জয়লাভ করেন, শত্রুদিগকে তাড়াইয়া  
দিয়া নদী উত্তীর্ণ হইয়াছিলেন। যাহারা নগরে গমন করিয়া  
পুনরায় যুদ্ধের জ্ঞা প্রস্তুত হইতেছিল, তাহাদিগকে নগরে  
অবরোধ করিয়া আক্রমণ করেন। কুর্ভীক্স বলেন, এই ঘোরতর  
যুদ্ধে মাসিদনদের শাণিত অস্ত্রের নিকট হইতে, কোন বয়ঃপ্রাপ্ত  
ব্যক্তি নিষ্কর্তি লাভ করিতে সমর্থ হয় নাই। যে সকল ব্যক্তি  
শাণিত অস্ত্র হইতে রক্ষা পাইয়াছিল, তাহারা দাসরূপে বিক্রিত  
হইয়াছিল। “বর্বর” ভারতবাসীরা যুদ্ধে বিরত ব্যক্তির উপর  
কখন অজ্ঞোত্তলন, অথবা পরাজিতের স্ত্রী, বালক, বালিকাদিগকে,

বিক্রয় করিয়া প্রতিহিংসা চরিতার্থ করেন না ;—সুসভ্য অলিক-সন্দরের এই সদয় ব্যবহার, সেকালের ভারতবাসীর কাছে কিরূপ ভাবে গৃহীত হইয়াছিল, তাহা তাঁহাদের অসংখ্য সংখ্যায় মৃত্যুতে স্পষ্টরূপে প্রকাশ পাইয়া থাকে ।

কুর্ভিস আর একটি জাতির যুদ্ধের কথা কীর্তন করিয়াছেন, তাহাদের নাম তিনি উল্লেখ করেন নাই। তাঁহাদের জিহ্বায় সে নাম উচ্চারণ করিতে কষ্ট হইয়াছিল বলিয়া কি তাঁহারা তাহার উল্লেখ করেন নাই, তাহা আমরা অবগত নহি। কিন্তু তাঁহারা মাসিদনপতির সহিত, কুপিত কৃতান্তের ঝায় যুদ্ধ করিয়াছিল, যুদ্ধকালে তাঁহারা প্রাণের প্রতি মমতা কিছুমাত্র দেখান নাই, তাহা আমরা অবগত আছি। সেই সকল স্মৃগৃহীতনামা যোদ্ধাগণ জন্মভূমি রক্ষা করিবার জ্ঞ, ভৈরব বিক্রমে অলিক-সন্দরের গতিরোধ করিয়াছিলেন। বহুসংখ্যক মাসিদনকে, তাঁহাদের ক্রোধবহিতে ভগ্নীভূত হইতে হইয়াছিল। অলিক-সন্দর ঘোরতর পরাক্রমে নগর আক্রমণ করিলেও, সহজে ইহা হস্তগত করিতে সমর্থ নাই। নগরবাসীরা যখন দেখিলেন, নগর রক্ষা করা সম্পূর্ণ অসম্ভব, তখন তাঁহারা নিজের নিজের গৃহে অগ্নি প্রদান করিয়া স্ত্রী পুত্র কণ্যাগণের সহিত সেই পবিত্র হব্যবাহনে, শরীর আহুতি প্রদান করিয়া প্রায় বিংশতি সহস্র ভারতবাসী স্মরলোকে গমন করেন \* ।

\* গ্রীক গ্রন্থকারেরা, শিবিবাসীরা, তাঁহাদের হরিকুলেশের বংশধর বলিয়া উল্লেখ করিয়াছেন। সম্ভবতঃ ইহারা আমাদের হরিকুলেশের বংশধর যাদবগণ হইবেন। পুরাকালে এ সকল ভূমি যাদবগণে অধ্যুষিত ছিল। বর্তমানকালেও ইহা নিকটবর্তী প্রদেশে বহুসংখ্যক যাদব অবস্থান করিয়া

যে সময় ভারতবাসী আপনাদিগের গৃহের পবিত্রতা, অগ্নি প্রদান করিয়া যবন স্পর্শ কলঙ্ক হইতে মুক্ত করিতে-ছিল, সে সময় অলিকসন্দর সেই সকল পবিত্র মন্দির অধিকার করিবার জন্ত, অগ্নি নির্বাপন করিতেছিলেন। নগর ভস্মীভূত হইলেও দুর্গের কোন ক্ষতি হয় নাই। অলিকসন্দর দুর্গ অধিকার করিয়া তথায় কিছু সৈন্য রাখিয়া দিয়া আবার যে স্থানে তাঁহার নৌবাহিনী অবস্থান করিতেছিল, তথায় উপস্থিত হইয়াছিলেন। অনেকে মনে করেন এই সকল ঘটনা বর্তমান জঙ্গের নিকটবর্তী প্রদেশে অনুষ্ঠিত হইয়াছিল। জাতিতে যখন মনুষ্য বর্তমান থাকে, তখন সেই সকল জাতি পরস্পর মানুষের গায় মিত্রতা, বা শত্রুতা হস্ত্রে আবদ্ধ হইয়া থাকে একবার বিবাদ হইয়াছে বলিয়া চিরকাল যে শত্রুতা করিতে হইবে, এরূপ তাহারা মনে করে না। যে স্থানে ইহার অগুণা পরিলক্ষিত হয়, সেস্থানে মনুষ্যের পরিবর্তে কাপুরুষ ব্যঙ্গক কার্য্যসকল অনুষ্ঠিত হইয়া থাকে। তথায় কাপুরুষগণ সামান্য অর্থের লোভে, গুপ্ত-ভাবে অবস্থান করিয়া, স্বজাতির হৃদয়ে শানিতশূল নিক্ষেপ করিতে কিছুমাত্র কুণ্ঠিত হয় না ; তথায় স্বদেশ-দ্রোহীরা কিঞ্চিৎ-মাত্র অর্থলাভ করিয়া স্বদেশের অনিষ্ট করিতে কিছুমাত্র কুণ্ঠিত হয় না। যে সময় অলিকসন্দর এপ্রদেশে আগমন করেন, সে সময়ের পূর্বে ক্ষুদ্রক ( Onydrakai ) গণের সহিত মাল থাকেন। গ্রীকমহাশয়েরা আমাদের সহিত তাঁহাদের কোন সাদৃশ্য দেখিলেই, তাহাকে তাঁহারা নিজস্ব করিয়া লইতে চেষ্টা করিয়াছেন ; তাঁহারা বলেন, হরিকুলেশ যে সময় ভারত আক্রমণ করেন, সে সময় তাঁহার যে সকল সৈন্য রূপ ও অকস্মাৎ হয় তাহারা এ দেশে বশতি করিয়াছিল।

দেশবাসীর অত্যন্ত বিবাদ বিসম্বাদ হইতেছিল। মধ্যে মধ্যে উভয়ের শোণিত ধারায় পৃথিবীও কদমাক্ত হইত। এক্রপ ঘোর-তর শত্রুতা থাকিলেও, তাঁহারা কৌরবনীতি অনুসরণ করিয়া, স্বদেশের শত্রুর বিরুদ্ধে একত্র হইয়া অস্ত্রধারণ করিলেন। সসৈন্য অলিকসন্দরকে বিনাশ করিবার জন্য তাঁহারা আয়োজন করিতে লাগিলেন।

অলিকসন্দর, চরমুখে শত্রুগণের অবস্থা অবগত হইয়া, যাহাতে তাহারা একত্র হইয়া তাঁহাকে আক্রমণ করিতে সমর্থ না হয়, সে জন্য তিনি তাহাদিকে পৃথক্ পৃথক্ ভাবে আক্রমণ করিতে মনস্থ করিলেন।

কোন অতিশয় দুষ্কর কার্য্য করিতে হইলে, সমস্ত সৈন্যের মধ্য হইতে যাহারা অত্যন্ত সাহসী, সহিষ্ণু, কস্মঠ, প্রাণের কথা না ভাবিয়া কার্য্য সাধনে যত্নশীল, অথচ বুদ্ধিমান, এক্রপ বলবান ব্যক্তি নির্বাচন করিয়া বিপদসঙ্কুল কার্য্য করিতে অগ্রসর হওয়া বিধেয়। কেন না এক্রপ গুণযুক্ত ব্যক্তি, কার্য্য সম্পাদন না করিয়া কখন পশ্চাদ্গত হন না। দুষ্করকার্য্য সম্পাদিত হইলে, শত্রুগণ হৃদয়ে বিজাতীয় বিভীষিকা উপস্থিত হইয়া তাহাদিগকে অকর্ষণ্য করিয়া ফেলে। অলিকসন্দর, মাল-বাসীকে আক্রমণ করিবার জন্য, তাঁহার সেনা সমষ্টি হইতে নির্ভিক, যুদ্ধহুন্দ, অসাধারণ কার্য্য করিবার জন্য সদাই উৎসুক, এক্রপ ব্যক্তিগণকে একত্র করিয়া শত্রু উদ্দেশ্যে যাত্রা করিলেন। বলা বাহুল্য যে পথে তাঁহারা গমন করিয়াছিলেন, সে পথের কথা মাসিদিনের সম্পূর্ণ অজ্ঞাত ছিল। ভারতবাসীর ভিতরকার কোন কথাই তাঁহারা অবগত ছিলেন না। হায়! আমাদের ভারতবাসীরাই

তাহার পথ পরিদর্শক, এবং উপদেষ্টার আসন গ্রহণ করিয়াছিল। একদিকে পুণ্যচরিত্রের ভারতবাসী পরস্পর বিষম শত্রুতা ভুলিয়া গিয়া স্বদেশের জন্ত, প্রাণ বিসর্জনের আয়োজন করিতেছিলেন। অপর পক্ষের কতকগুলি নারকীয় চরিত্রের, এদেশের আবর্জনা, নিজেদের দুই দিনের সুখের জন্ত, বালুকার উপর তাহাদের পাপ-ময় গৃহের ভিত্তি স্থাপনের উদ্যোগ করিতেছিলেন।

অলিকসন্দর, তাহার বাহিনী পরিচালনা করিয়া, অসিরী হইতে ২০ ষ্টেডিয়া দূরে, একটি ক্ষুদ্র নদীর তটে ভোজনাদি করিয়া ক্লিষ্টকণ বিশ্রাম করেন। এখন তাহাদিগকে জলহীন মরুভূমি অতিক্রমণ করিয়া গমন করিতে হইবে। এজন্ত তিনি প্রত্যেক সৈন্যকে যাহার বেক্রপ জনপাত আছে, তাহা জল পরিপূর্ণ করিয়া লইতে আদেশ করিলেন। দিবার অবশিষ্টভাগ এবং সমস্ত রাত্রে ৪শত ষ্টেডিয়া অতিক্রম করিলে, সূর্য্যোদয়ের সহিত একটি নগরের সম্মুখবর্তী হইলেন। এইনগরে বহুসংখ্যক মালবাসী আশ্রয় গ্রহণ করিয়াছিলেন। সেই সকল লোককে হস্তগত করিবার জন্ত অলিকসন্দর তথায় গমন করিয়াছিলেন। তাহারা স্বপ্নেও ভাবে নাই যে, মাসিদন পতি জলহীন মরুভূমি অতিক্রমণ করিয়া তাহাদিগকে আক্রমণ করিবেন, সূতরাং তাহারা অসন্ধিগ্ধ চিত্তে তথায় অবস্থান করিতেছিলেন। যে সকল ব্যক্তি নগর প্রাচীরের বহির্ভাগে কার্যোপলক্ষে গমন করিয়াছিল, বীর প্রকৃতির মাসিদনগণ সেই সকল নিরস্ত্র ব্যক্তিকে অকস্মাৎ নিহত করিয়া বীরত্বপ্রকাশ করেন, এমন কি যাহারা শত্রুর আগমন কোনরূপে অবগত হয় নাই, ও অশ্রমনস্ক ভাবে অবস্থান করিতেছিল, তাহারাও নিরহস্তাদের হস্ত

হইতে পরিভ্রাণ পায় নাই। অপর কতকগুলি লোক, শত্রুর আগমন অবগত হইয়া, দ্রুতবেগে নগর মধ্যে গমন করিয়া সকলকে সতর্ক করিয়া দিয়া, নগর দ্বার রোধ করিয়া দিয়া আগমন পথ বন্ধ করিয়া দিল।

অলিকসন্দর, অবরুদ্ধ নগরের চতুর্দিকে, তাঁহার অশ্বারোহী সৈন্য সকল সন্নিবেশ করিলেন। অনতিবিলম্বে পদাতিকগণ উপস্থিত হইলে, তিনি স্বীয় অশ্বারোহীসৈন্য, পাদিকার কর্তৃত্বে নিকটবর্তী অগ্ন নগর আক্রমণ করিবার জন্ত প্রেরণ করেন। ইতিমধ্যে অগ্ন্য মাসিদিন সৈন্য উপস্থিত হইল। অলিকসন্দর এখন প্রচণ্ড পরাক্রমে নগর আক্রমণ করিতে প্ররুত হইলেন। পাছে কোন লোক গোপনে গমন করিয়া, তাহাদের বিপদের কথা বলিয়া অগ্ন জনপদবাসীকে সতর্ক করাইয়া দেয়, এবং তাহাদের সাহায্যের অগ্ন পাছে কেহ আগমন করে, এই আশঙ্কা করিয়া অলিকসন্দর, বিশেষ সতর্কতার সহিত নগর অবরোধ করেন। নগরবাসীরা আপনাদের পরাক্রমের পরাকাষ্ঠা প্রকাশ করিয়া, শত্রুর আক্রমণ রোধ করিতে লাগিলেন। ইহাতে তাহাদের মধ্যে অনেকে বীর লোক প্রাপ্ত হন। দুর্বল নগর প্রাচীর, শত্রুর হস্তগত হইবার আর বিলম্ব নাই বুঝিয়া, নগরবাসীরা উন্নত ভূমিতে অবস্থিত তাহাদের দুর্গের মধ্যে প্রবেশ করিয়া স্বাধীনতা রক্ষা করিবার উদ্যোগ করিতে লাগিলেন। অলিকসন্দর, নগর অধিকার করিয়াও নগরবাসীকে হস্তগত করিতে না পারাতে ক্ষিপ্ত হইলেন। তিনি আরো অধিক পরাক্রমের সহিত দুর্গ অধিকার করিবার জন্ত উদ্যোগ করিতে লাগিলেন। অলিকসন্দর যেন বহুরূপ ধারণ করিয়া, সৈন্যগণকে



উৎসাহিত করিতে লাগিলেন । অল্পসংখ্যক ভারতবাসীর সমস্ত উত্তম বিতথ হইয়া গেল, তাহাদের রক্তপাত সে সময় বিফল হইলেও, ইহার প্রতিশোধ লইবার জন্ত যেন, যুদ্ধ রঙ্গমঞ্চে সহস্র সহস্র ব্যক্তি আবিভূত হইল । যে দুই সহস্র ব্যক্তি দুর্গ মধ্যে আশ্রয় গ্রহণ করিয়াছিল ; তাহারা শত্রু হস্তে নিহত হইয়া বীর-লোক প্রাপ্ত হইলেন । অলিকসন্দরও শূণ্য দুর্গ অধিকার করিয়া গৌরব পতাকা রোপণ করিলেন ।

একটি গ্রাম, বা একটি নগর, শত্রু হস্তে পতিত হওয়াতে এ যুদ্ধের বিরাম হইল না ; বরং অধিকতর উৎসাহের সহিত বর্দ্ধিত হইল । ভারতবাসীরা বিবেচনা করিয়াছিলেন যে, ভাগ্যক্রমে স্বর্গদ্বার অনর্গল হইয়াছে, তাই তাঁহারা যিনি যথায় সুবিধাপ্রাপ্ত হইলেন, তিনি তথায় শত্রুগণকে ঘোরতর বাধা প্রদান করিতে প্রবৃত্ত হইলেন । এই নরমেধ যজ্ঞে, ব্রাহ্মণ, ক্ষত্রিয়, বৈশ্য, শূদ্র, সকলেই একপ্রাণে এক উদ্দেশ্যে ব্রতী হইলেন । সকলেই যেন পরস্পর স্পর্ধা করিয়া অতিষ্ঠ সাধনে যত্নবান হইলেন । কুর্ভিয়াস বলেন, শূদ্রকরাও (Sudraeae) এই যজ্ঞে যোগদান দিতে বিলম্ব করেন নাই । শূদ্রেরা সামরিক বিষয়ে অনভ্যস্ত হইলেও, দেশের বিপদে, ধর্ম্মের বিপদে, জাতির বিপদে নিশ্চেষ্ট ভাবে গৃহমধ্যে অবস্থান করিতে সমর্থ হইলেন না তাঁহারাও কৃতান্তের তায় ক্রুদ্ধ হইয়া শাপিত অসিধারণ করিয়া, স্বদেশের শত্রুর বিরুদ্ধে দণ্ডায়মান হইলেন ।

মাসিদনরা, যাহার ভয়ে গাঙ্গেয় ভূমি পরিত্যাগ করিয়া- ছিলেন, গৃহে প্রত্যগমনকালে তাঁহাদের সেই ভয়ই উপস্থিত হইল । যখন তাঁহারা শুনিলেন, এ প্রদেশে তাঁহাদিগকে বাধা

দিবার জন্ম ৮০।২০ হাজার পদাতিক, ১০ সহস্র অশ্বরোহী, এবং ৭ হইতে ৯ শত যুদ্ধ রথ অবস্থান করিতেছে, তখন তাহাদের হৃৎকম্প উপস্থিত হইল। তাহারা চতুর্দিক অন্ধকার দেখিতে লাগিল। গাঙ্গেয় প্রদেশের পরিবর্তে যেন যুদ্ধদেবী এ প্রদেশে আগমন করিয়াছেন। এদেশের অগণিত দুর্দমনীয় জনগণ, যেন শোণিত নদী প্রবাহিত করিয়া, তাহাদিগকে সমুদ্রাভিমুখে লইয়া যাইবার প্রণালী প্রস্তুত করিতে উদ্যত হইয়াছে। এই অশ্রুত-পূর্ব্ব অজ্ঞাত দেশে, শত্রুগণ নূতন বলে, নূতন তেজের সহিত, আবির্ভূত হইয়া তাঁহাদিগকে বাধাদিবার জন্ম বন্ধ করির হইয়াছে। ইহারা পরাজিত হইলেও, মাসিদনগণ যে কি পুরস্কার প্রাপ্ত হইবেন, সে বিষয় ভাবিয়া তাঁহারা আকুলিত হইয়াছিলেন। তাঁহাদের জন্ম, সমুদ্র মধ্যে কোন্ গভীর অন্ধকার, কুজ্জাটিকা, এবং দীর্ঘ রাত্রি অবস্থান করিতেছে,—সেই সমুদ্রের ভীষণকায় ভীতিপ্রদ জীবজন্তু সকল, সে সময় তাহাদের চিন্তার বিষয়ী ভূত হইয়া তাহাদিগকে নৈরাশ্র সাগরে নিমজ্জিত করিয়াছিল।

ডিওডোরস বলেন, একজন দৈবজ্ঞ, অলিকসন্দরকে কোন যুদ্ধ হইতে প্রতি নিবৃত্ত হইতে পরামর্শ প্রদান করেন। বলা বাহুল্য যে, সে পরামর্শে অলিকসন্দর বিচলিত হন নাই। পাছে সৈন্যগণ এই কথা শুনিয়া ভগ্নোৎসাহ হইয়া পড়ে, এইভাবে তিনি তাহাকে যথেষ্টরূপে তিরস্কার করেন। এই ঘটনায় মাসিদনরা কিরূপ ভাবে বিভীষিকা গ্রস্ত হইয়াছিল, তাহা আমরা অবগত নহি।

পাদ্রিকা যে গ্রামের বিরুদ্ধে প্রেরিত হইয়াছিলেন, তাহার অধিবাসীরা, শত্রুর আগমন কথা অবগত হইয়া, গ্রাম পরিত্যাগ

করিয়া গমন করে। পান্দিয়া, হঠাৎ সেই গ্রামের নিকটবর্তী হইয়া কতকগুলি নিরস্ত্র, বিপদ বিষয়ে অনভিজ্ঞ, একরূপ কতকগুলি লোক নিহত করিতে সমর্থ হন, অবশিষ্ট লোক একটা জলা ভূমি অতিক্রমণ করিয়া প্রাণরক্ষা করেন।

অলিকসন্দর, নগর অধিকার করিয়া, সৈন্তগণকে ভোজন করিবার অবসর এবং রাত্রির প্রথম ভাগ বিশ্রাম করিতে আদেশ দিয়া আবার তিনি গমন করিতে আরম্ভ করিলেন। রাত্রি মধ্যে বহু পথ অতিক্রমণ করিয়া প্রাতঃকালে তাঁহারা হাইদ্রাঘাতের (ঐরাবতী বা রাবী) তটে উপস্থিত হন। এ স্থানে অবগত হইলেন, তাঁহার আগমনের পূর্বেই, বহুসংখ্যক মালনিবাসী, নদী পার হইয়া অপর পারে গমন করিয়াছে, তখনও যাহারা গমন করিতেছিল, তাহাদের মধ্যে যাহারা শত্রু হস্তে পতিত হইল, তাহারা নির্দয় ভাবে নিহত হইয়াছিল। ভারতবাসীরা যে স্থানে নদী পার হইয়াছিল, অলিকসন্দর সম্ভবতঃ তাহাদেরই নৌকায় নদী পার হইয়া দ্রুতবেগে অনুসরণ করিয়াছিলেন। অধিকাংশ মালবাসী, একটি ক্ষুদ্র দ্বীপ মধ্যে গমন করিয়া আশ্রয় গ্রহণ করে। এই স্থানের নিকটে ব্রাহ্মণ বহুল নগরে, বহু সংখ্যক মালবাসী গমন করিয়াছিল। অলিকসন্দর, এই সংবাদ অবগত হইয়া, সেনানী পিথনকে, প্রথমোক্ত স্থানের উদ্দেশে প্রেরণ করিয়া, স্বয়ং ব্রাহ্মণ গ্রামের অভিমুখে গমন করেন। অত্যাচার বর্ণ, বৈদেশিক শত্রুর বশ্যতা স্বীকার করিতে প্রস্তুত হইলেও, তাহারা ব্রাহ্মণদের প্ররোচনায় যুদ্ধ করিতেছিল, সুতরাং ব্রাহ্মণদিগকে বশীভূত করিতে পারিলে, মাসিদিনদের গমন পথ নিরূপদ হইবে, এই স্থির করিয়া অলিক-

সন্দর, প্রবল পরাক্রমের সহিত ব্রাহ্মণ জনপদ অবরোধ করেন। ব্রাহ্মণরাও নির্ভয়চিত্তে, অলিকসন্দরের আক্রমণ রোধ করিয়া ধর্ম রক্ষার জন্ত, প্রাণ প্রদানে প্রস্তুত হইলেন। মাসিদনেরা, প্রাচীরের নিয়ভাগ খনন করিয়া ভাঙ্গিয়া ফেলিবার উপক্রম করিল। অধিবাসীরা প্রাচীর পতনোন্মুখ বুঝিয়া দুর্গ মধ্যে গমন করিতে লাগিলেন। এই সময় কতকগুলি মাসিদন, তাহা-দিগকে অত্যাচার করে। ব্রাহ্মণেরা প্রত্যাঘাত করিয়া, তাহা-দিগকে আক্রমণ করেন। মাসিদন বীরেরা, ব্রাহ্মণদিগের গতি-রোধ করিতে পারিলেন না; বরং পলায়নপর হইলেন। এইক্ষণ-কালের যুদ্ধে, গ্রীক গ্রন্থকার বলেন, ২৫ জন মাসিদনবীর যম-লোকের অতিথি হইয়াছিলেন। ইয়ুরোপীয় সেনার শোণিত-পাতে, অলিকসন্দরের ক্রোধের সীমা রহিল না। তিনি প্রাচীর ভাঙ্গিয়া ফেলিতে, এবং মই লাগাইয়া উপরে উঠিবার জন্ত সকলকে আদেশ করিলেন। দুর্গ প্রাচীরের নিয়ভাগ খনন করায় ইহা পড়িয়া গেল, অপর দিকে অলিকসন্দর সর্ব প্রথমে প্রাচী-রের উপর উঠিয়া সকলকে বিস্ত্রিত করিলেন। অলিকসন্দরকে সর্বাগ্রে উঠিতে দেখিয়া সৈন্যগণ আর নিশ্চেষ্ট থাকিতে পারিল না, সকলেই প্রাচীর অতিক্রমণ করিয়া, শত্রুগণকে আক্রমণ করিবার জন্ত ধাবিত হইল। কেহ বা প্রাচীরে উঠিয়া, কেহ বা ভগ্ন স্থান দিয়া, দুর্গ মধ্যে গমন করিল। দুর্গ মধ্যে ব্রাহ্মণগণ, শত্রুগণকে দুর্গ অধিকার করিতে দেখিয়া, অবসন্ন না হইয়া বোরতর বিক্রমে তাহাদিগকে আক্রমণ করিলেন। কেহ বা আপন আপন গৃহে অগ্নি প্রদান করিয়া এই দৃশ্যকে অধিকতর ভীষণ করিয়া তুলিলেন। এরিয়ান বলেন, “ইহাদের অধিকাংশই

যুদ্ধ করিয়া শরীর ত্যাগ করেন । প্রায় ৫ হাজার নিহত হইয়াছিলেন । ইহারা তেজস্বী বলিয়া ইহাদের মধ্যে বন্দীয় সংখ্যা খুব কম হইয়াছিল ।” যথার্থ ব্রাহ্মণ, কখন অর্থ লোভে যুদ্ধ, অথবা মৃত্যু ভয়ে কর্তব্য ত্রুটি হন না, তাই ব্রাহ্মণদের মধ্যে বন্দীর সংখ্যা খুব কম হইয়াছিল ।

পিথন, যাঁহাদের বিরুদ্ধে প্রেরিত হইয়াছিলেন, গ্রীক গ্রন্থকারেরা বলেন, তিনি ও কার্য্য সিদ্ধ করিয়া শিবিরে প্রত্যাগমন করিয়াছিলেন ।

অলিকসন্দর, ব্রাহ্মণ গ্রামে একদিবস অবস্থান করিয়া, সৈন্তগণকে বিশ্রাম করিবার অবকাশ প্রদান করেন । এই প্রদেশে অগ্ণাত যে সকল গ্রাম ও নগর ছিল, সেই সকল স্থান অধিকার করিবার জন্ত, তিনি আবার বহির্গত হইলেন । মহামারিভয় উপস্থিত হইলে, মানুষ্য সকল যেরূপ গৃহ দ্বার পরিত্যাগ করিয়া দূরতর নিরাপদ প্রদেশে গমন করে, সেইরূপ অলিকসন্দর রূপ মারিভয়ে ইহারাও গ্রাম নগর পরিত্যাগ করিয়া দুর্গম মরু স্থানের আশ্রয় গ্রহণ করেন । অলিকসন্দর যখন অবগত হইলেন, এদেশের অধিবাসীরা গ্রামও নগর শূন্য করিয়া চলিয়া গিয়াছে ; তখন তিনি ডেমিট্রাস ও পিথনকে, নদীর তটবর্তী ভূভাগে, যে সকল জঙ্গল ছিল, সেই সকল স্থানে যদি কোন শত্রু গুপ্তভাবে অবস্থান করিয়া থাকে, তাহাদিগকে আক্রমণ করিবার জন্ত প্রেরণ করেন । ইহারা নাকি জঙ্গলের ভিতর কতকগুলি লোককে সংহার করিতে সমর্থ হইয়াছিলেন ।

অলিকসন্দর, আর একটা বড় নগরের বিরুদ্ধে যাত্রা করিলেন । এখানে অনেক ভারতবাসী আশ্রয় গ্রহণ করিয়াছিল ।

নগরবাসীরা যখন অবগত হইল যে, বিদেশী শত্রু তাঁহাদের বিরুদ্ধে আগমন করিতেছে, তখন তাহারা নগরमध्ये বন্দীর আশ্রয় অবস্থান না করিয়া, অলিকসন্দরকে নদী পার হইবার সময় বাধা দিবার জন্ত গমন করেন। ভারতবাসীরা, নদীর উচ্চতটের উপর যুদ্ধ সজ্জায় সজ্জিত হইয়া অবস্থান করিল। অলিকসন্দর, ভারতবাসী যুদ্ধের জন্ত অবস্থান করিতেছে, এ সংবাদ অবগত হইয়া, তিনি স্বয়ং অশ্বরোহী সৈন্য লইয়া, অগ্রে গমন, এবং পদাতিকগণকে তাঁহাকে অনুসরণ করিতে আদেশ করিলেন। অলিকসন্দর, নদীর পারে শত্রুগণকে অবস্থান করিতে দেখিয়া, অশ্বরোহীগণ সহ নদী পার হইতে লাগিলেন। ইনি নদীর মধ্যস্থলে আগমন করিলে, এরিয়ান বলেন, ভারতবাসীরা শীঘ্রতার সহিত পশ্চাৎ গমন করিলেও, তাহাদের মধ্যে বেশ সূক্ষ্মতা পরিলক্ষিত হইয়াছিল। ভারতবাসীরা যখন বুঝিল, ইহার সহিত বড় বেশী সৈন্য নাই, তখন তাহারা যুদ্ধের জন্ত পুনরায় প্রত্যাবর্তন করেন। অলিকসন্দর, গতিক ভাল নয়, বুঝিয়া ভারতবাসীর নিকটবর্তী হইলেন না ; দূরে অবস্থান করিয়া পর্য্যবেক্ষণ করিতে লাগিলেন। ইত্যবসরে অশ্বাশ্রয় সৈন্যগণ আসিয়া উপস্থিত হইল, তাঁহার দল পরিপূর্ণ হইবার পূর্বেই, গ্রীক লেখক বলেন, ভারতবাসীরা স্থান পরিত্যাগ করিয়া তাহারা তাহাদের সর্বাপেক্ষ ক্ষুদ্র ও দুর্বল দুর্বল মধ্যে গমন করেন। ইহাদের গমন কালে কতকগুলি ভারতবাসী শত্রুহস্তে আপতিত হইয়া নিহত হইয়াছিল। গ্রীকরা, এই সকল ভারতবাসীর সংখ্যা কখনকালে কহিয়াছেন যে, ইহাদের সংখ্যা প্রায় পঞ্চাশ হাজার হইবে। ইহা কতদূর সত্য সে বিষয় আমরা সন্দেহ করিলেও কোন প্রমাণ

দিয়া ইহা মিথ্যা প্রমাণ করিতে একেবারে অসমর্থ। অলিকসন্দর সত্বর গমন করিয়া, এই নগরের সকল দিকে সৈন্ত সংস্থাপন করিয়া অবরোধ করিলেন। সমস্ত সৈন্ত উপস্থিত না হওয়াতে এবং দিবা অবসানের আর বিলম্ব না থাকাতে, অলিকসন্দর দুর্গ আক্রমণ করিয়া তাঁহার ক্লাস্ত সৈন্তগণের আর ক্লাস্তিবর্দ্ধন করিলেন না।

পরদিবস প্রাতঃকালে সৈন্তগণকে দুইভাগে বিভক্ত করিলেন, এক ভাগ পাদ্দিকাকে পরিচালনা করিতে দিয়া, তিনি স্বয়ং অপরভাগ লইয়া প্রাচীর আক্রমণ করিলেন। অলিকসন্দর কোনরূপে নগরের একটা ক্ষুদ্র দ্বার উদঘাটন করিতে সমর্থ হন। পাদ্দিকা অনেক ক্রেশে প্রাচীর অতিক্রমণ করিয়া নগরে প্রবেশ করেন, ভারতবাসীরা নগর পরিত্যাগ করিয়া, দুর্গমধ্যে গমন করেন এবং ইহা রক্ষা করিবার জন্ত তাঁহারা সর্বতোভাবে চেষ্টা করিয়াছিলেন।

মাসিদনরা দুর্গ অধিকার করিবার জন্ত, কেহ দুর্গের পাদদেশে উপযুক্ত স্থান অব্বেষণ করিতেছিল—কেহ বা প্রাচীরে উঠিবার উদ্যোগ করিতেছিল, কেহ বা মই লাগাইবার যোগাড় করিতেছিল। এইরূপ চেষ্টা করিলেও, কেহই প্রাচীরে উঠিতে সমর্থ হয় নাই। সৈন্তগণের চিরকারিতা, অলিকসন্দরের ভাল লাগিল না। নিকটবর্তী একজন সৈনিকের নিকট হইতে একটি রজ্জু আরোহণী লইয়া প্রাচীরে সংলগ্ন করিয়া সর্বপ্রথমে প্রাচীরের উপর আরোহণ করিলেন। অলিকসন্দর, যে মই চড়িয়া প্রাচীরে উঠিয়াছিলেন, সেই মই, বহুসংখ্যক সৈন্ত উঠাতে ছিড়িয়া পড়িয়া গেল। সুতরাং আর কেহ সে সময় প্রাচীরে উঠিতে পারিল না।

শত্রুকে প্রাচীরের উপর উঠিতে দেখিয়া, ভারতবাসীরা, উপরের মঞ্চ এবং পাশের নিকটবর্তী স্থান হইতে মুঘলধারায় অস্ত্রশস্ত্র নিক্ষেপ করিতে লাগিল। অলিকসন্দরের প্রাণসংশয় জনক—বিপদে, সৈন্যগণ অত্যন্ত ভীত হইয়া পড়িল—কেহই তাঁহার নিকট গমন করিতে সমর্থ হইল না, তিনি লাফাইয়া পড়িলে তাঁহাকে গ্রহণ করিবার জন্য, প্রস্তুত হইয়া, লোকসকল তাঁহাকে লাফাইয়া পড়িতে অহুরোধ করিল, আরবেলার সেই প্রশান্তচিত্ত মহাবীর, এখন অতি সাহস অবলম্বন করিয়া দুর্গমধ্যে লক্ষ দিয়া পতিত হইলেন। সৌভাগ্যক্রমে তিনি দাঁড়াইয়া পড়িয়াছিলেন, এবং কোনরূপ আঘাতপ্রাপ্ত হন নাই। অলিকসন্দর যে স্থানে পতিত হইয়াছিলেন, সেই স্থানের অতি নিকটে ঘন পত্রাচ্ছাদিত একটা বৃক্ষ ছিল, পশ্চাদভাগে প্রাচীর, সম্মুখে ও পার্শ্বে বৃক্ষ ও শাখা, তাঁহাকে বন্ধুভাবে রক্ষা করিতে লাগিল। বৃক্ষ ও প্রাচীর শত্রুর অতি সাহসে মুগ্ধ হইয়া রক্ষা করিলেও, চতুর্দিক হইতে দুর্গবাসীরা প্রস্তর, অস্ত্র, শস্ত্র, যে যাহা পাইল সে তাহা লইয়া প্রহার করিতে আরম্ভ করিল। অলিকসন্দর, অস্ত্রশস্ত্র ও প্রস্তর প্রহারে অবসন্ন হইয়া পড়িয়াছিলেন, তাঁহার শিরস্ত্রাণ ছিন্নভিন্ন হইয়া পড়িল, ঢাল দিয়া আত্মরক্ষার সামর্থ্য রহিল না। এই সময় একটি দারুণ শরাঘাতে তিনি অবসন্ন হইয়া পড়েন। শত্রু হীনবীর্য হইয়া পড়িয়াছে দেখিয়া; নিকটের একজন লোক আসিয়া তাঁহাকে আক্রমণ করিল, অলিকসন্দর তাঁহার শেষ দশা নিকটবর্তী বৃষ্টিতে পারিয়া, কোনরূপে তাঁহার মুর্ছিত সমস্ত শক্তি একত্র করিয়া, তাহাকে দারুণ প্রহার করিলেন। এক আঘাতে সেই লোক ভূপতিষ্ঠ হইয়া মৃত্যুলোকে গমন করে। এই ঘটনা



দেখিয়া নিকটের লোক সকল স্তম্ভিত হইয়া পড়িল, কেহ আর নিকটে যাইতে সাহসী হইল না, সকলের চলৎশক্তি যেন রহিত হইল। দূর হইতে নিষ্কিপ্ত অস্ত্রশস্ত্রে, অলিকসন্দরের চতুর্দিক পরিপূর্ণ হইয়া গেল। এখন তিনি বীরের গায় রূপাণ হস্তে মৃত্যুর জন্ম প্রস্তুত হইলেন,—তঁাহার সহজাত বন্ধু চরণযুগল, আর তঁাহাকে বহন করিতে সমর্থ হইল না—তিনি মৃত্তিকার উপর লুপ্তিত হইয়া পড়িলেন

এই সময় পিউকিস্তাস্, অস্ত্রাদিক দিয়া দুর্গ মধ্যে প্রবেশ করিয়া অলিকসন্দরের সমীপবর্তী হইলেন। পাঠকের বোধ হয় স্মরণ আছে যে, অলিকসন্দর এসিয়া ভূমে পদার্পণ করিয়া ট্রয়ের যুদ্ধক্ষেত্রে এখিনা দেবীর মন্দিরে, নিজের একপ্রস্থ যুদ্ধ সজ্জা রাখিয়া, প্রাচীন বীরের যে একপ্রস্থ যুদ্ধসজ্জা গ্রহণ করিয়াছিলেন, এই পিউকিস্তাস্ সেই সকল পবিত্র দ্রব্য বহন করিয়া যুদ্ধের সর্বাগ্রে গমন করিতেন। অলিকসন্দর, বিদেশে শত্রুগণমধ্যে মৃত্যুকালে স্বদেশবাসীকে দেখিতে পাইয়া আশ্চর্য হইলেন। পিউকিস্তাস্, ঢালের আবরণে রাজাকে রক্ষা করিলেন; ইত্যবসরে আরও দুইজন মাসিদন যোদ্ধা, তঁাহার নিকট উপস্থিত হইল। দুর্গবাসীরা, যখন অবগত হইল যে, স্বয়ং অলিকসন্দর আহত হইয়া দুর্গমধ্যে পতিত রহিয়াছেন, তখন তঁাহাকে হস্তগত করিবার জন্ম, ভারতীয় যোদ্ধারা সেই দিকে অগ্রসর হইল। যে তিনজন মাসিদন, অলিকসন্দরের নিকট উপস্থিত হইলেন, তঁাহারা প্রভুর জন্ম, অটল অচলের গায় দাঁড়াইয়া যুদ্ধ করিতে লাগিলেন। একে একে তঁাহারা কেহবা সাংঘাতিক আঘাতে মূর্চ্ছিত হইয়া, কেহবা নিহত হইয়া অলিকসন্দরের পদপ্রান্তে পতিত হইলেন।

দুর্গমধ্যে অলিকসন্দরের পতন সংবাদ, ইত্যবসরে মাসিদন সৈন্য মধ্যে প্রচারিত হইল। তাহারা কর্তব্যবিমূঢ় না হইয়া, নিজেদের অধীশ্বরকে উদ্ধার করিবার জন্ত, দুর্গ প্রাচীর অতিক্রম করিবার জন্ত, দলে দলে পৃথক পৃথক উপায় অবলম্বন করিতে লাগিলেন। পৃথিবীতে এরূপ কোন বাধা নাই, যাহা দৃঢ়তর ব্যক্তির গতিরোধ করিতে সমর্থ হয়। একবার মানুষের হৃদয়ে সেই পবিত্রবৃত্তি জাগরুক হইলে, জগতে তাহার আর কোন কার্য্য অসম্পন্ন থাকে না। মাসিদনরা সেই প্রবৃত্তির বশবর্তী হইয়া, কেহ নগরদ্বায় ভাঙ্গিয়া প্রবেশ করিল, কেহ পরস্পরের স্বন্ধে আরোহণ করিয়া প্রাচীর লঙ্ঘন পূর্ব্বক দুর্গমধ্যে পতিত হইল, কেহবা দুর্গের নৃন্ময় প্রাচীরে কৌলকবিদ্ধ করিয়া তাহার সহায়তায় দুর্গ-মধ্যে গমন করিল, কেহ বা কুঠার সহযোগে প্রাচীর ভগ্ন করিয়া ভিতরে প্রবেশ করিল। অলিকসন্দর, দুর্গবাসীর হস্তগত হইবার উপক্রমকালে, মাসিদনরা দানব বিক্রমে ঘোরতর ছন্দার করিতে করিতে আপনাদের বিপন্ন প্রভুর নিকট উপস্থিত হইল। এইবার দুর্গবাসীও দুর্গশত্রু, উভয়ের ঘোরতর যুদ্ধের আরম্ভ হইল। অলিকসন্দরের পার্শ্বে মাসিদন যোদ্ধার মৃতদেহ পুঞ্জীকৃত হইল। যিনি অগ্ন সময়ে গৃহ হইতে গৃহান্তরে গমন করেন না, কিন্তু উৎসব সময়ে সেই গৃহী গৃহের সর্ব্বত্র যেরূপ গমনাগমন করিয়া থাকেন, সেইরূপ ভারতীয় যোদ্ধাগণ, প্রসন্নবদনে সর্ব্বত্র বিচরণ করিয়াছিলেন। এই অতিথি সৎকারযজ্ঞে, হৃদয়ের উষ্ণশোণিত পাণ্ডুরূপে নিবেদিত হইয়াছিল। এই ঘোরতর যুদ্ধে কোন ভারতবাসী পলায়ণ বা কাহারও মুখে দীনতা ব্যঞ্জক লক্ষণ সূচিত হয় নাই। সকলেই অগ্নানবদনে, শত্রুর আক্রমণ রোধ করিতে ৭

অশক্ত শরীর পরিত্যাগ করিয়া, নবীনশরীর গ্রহণ করিয়াছিলেন। মাসিদিনদের শাণিত অসি, এই শরীর বিসর্জন ব্যাপারে বৃদ্ধ, বালক, বালিকা ও অবলা, সকলেরও সহায়তা সম্পাদন করিয়াছিল। যুদ্ধের পর এই স্থানে কোন স্বদেশভক্ত ভারতবাসীকে আর জীবিত দেখিতে পাওয়া যায় নাই। গ্রীক গ্রন্থকার বলেন, নদীর তটে প্রায় ৫০ হাজার ভারতবাসী, অলিকসন্দের গতি-রোধ করিতে গমন করিয়াছিলেন। সেই সকল লোক নগরে প্রত্যাগমন করিয়াছিলেন, স্মৃত্যং অনেক অধিক সংখ্যক ভারতবাসী যে যুদ্ধক্ষেত্রে এবং নির্দয় মাসিদিনদের তরবারীর প্রহারে ইহলোক পরিত্যাগ করিয়াছিল সে বিষয় সন্দেহ নাই।

মাসিদিন পক্ষে যে কতলোক হতাহত হইয়াছিল সে পক্ষে বিদেশী গ্রন্থকারেরা একেবারে নীরব। অলিকসন্দের সাংঘাতিক রূপে আহত হওয়াতে তাঁহারা বোধ হয় এ কথা লিখিতে ভুলিয়া গিয়াছেন।

স্বাধীনতা সংরক্ষণ জন্য এই সকল দারুণ যুদ্ধ কোন স্থানে হইয়াছিল তাহা স্থির নিশ্চয় করা বড়ই কঠিন। বর্তমান মণ্ট-গমরী জেলাতে কএকটি অতি প্রাচীন দুর্গের ভগ্নাবশেষ দেখিতে পাওয়া যায়। অনেকে মনে করেন কোটকমলীয়া ও হরপ্পা নামক স্থানে, এই সকল অতীত ঘটনা সংঘটিত হইয়াছিল। কেহ কেহ মুলতানকে মাল দেশের রাজধানী বলিয়া নির্দেশ করিয়া থাকেন। আবার কেহ গ্রীক মালোকে মালওয়া দেশ বলিয়া সিদ্ধান্ত করিয়া থাকেন, আমরা ইহা সম্ভব বলিয়া বিবেচনা করি না।

অলিকসন্দের, শিবিরে আনীত হইলেন। তাঁহার শোচনীয়

দশা দেখিয়া, সকলেই বিষাদসাগরে নিমগ্ন হইলেন। যে শরে তিনি বিদ্ধ হইয়াছিলেন তাহা বুকের ভিতর অনেকটা প্রবিষ্ট হইয়াছিল, আরো খানিকটা না কাটিলে তাহা বাহির করা দুষ্কর কিন্তু এ সময় অস্ত্রবৈদ্য কাটিতে সাহসী হইল না। পাছে তাহা হইতে আরো অধিক পরিমাণ রক্ত নির্গত হইয়া মৃত্যু হয়, এই ভয়ে তিনি এ কার্যে অগ্রসর হইলেন না। অলিকসন্দর এই অবস্থা অবগত হইয়া চিকিৎসককে স্বীয় কার্য্য করিতে ইঙ্গিত করেন। শল্য নির্গত হইলে তাহা হইতে আবার প্রচুর পরিমাণে রুধির ধারা বহির্গত হইতে লাগিল, অলিকসন্দর মুচ্ছিত হইয়া পড়িলেন। এই মুচ্ছা বহুক্ষণ স্থায়ী হইয়াছিল, অনেকে তাঁহার প্রাণবায়ু বহির্গত হইয়াছে মনে করিতে লাগিল, কোন কোন গ্রন্থকার বলেন, একজন সেনানী তরবারীর সাহায্যে ক্ষত করিয়া শর বাহির করিয়াছিলেন।

অলিকসন্দরের এই ঘটনা, মৃত্যু সংবাদ রূপে চান্দ্রভাগার তটে প্রধান শিবিরে নীত হইল। তথায় সকলের দুঃখের সীমা রহিল না—দুঃখের প্রথম বেগ একটু কমিয়া আসিলে, নূতন নূতন ভাবনা আসিয়া তাহাদিগকে আকুলিত করিয়া তুলিল। কোন্ উপযুক্ত ব্যক্তি তাহাদের নায়কের পদে আসীন হইবে, কেই বা তাহাদিগের এই বিপদসাগরে কর্ণধার হইয়া দেশে লইয়া যাইতে সমর্থ হইবে। এখনও বুদ্ধে কৃত নিশ্চয় বহুসংখ্যক ভারতবাসী তাহাদিগের গমন পথ রোধ করিবার জ্ঞাত শস্ত্রপাণি হইয়া অবস্থান করিতেছে, যাহারা উদাসীন তাব অবলম্বন করিয়াছিল, তাহারা অলিকসন্দরের মৃত্যু কথা শুনিয়া শীঘ্র শত্রুতা করিবেন, এই ভাবনা আসিয়া তাহাদিগকে অধিকতর

বিপন্ন করিয়া তুলিল। অলিকসন্দরের হস্তাক্ষর সম্বলিত পত্র শিবিরে আনীত হইলেও, কেহ তাহাতে বিশ্বাস স্থাপন করিল না, তাহারা মনে করিল, সেনানীরা প্রকৃত ঘটনা গোপন করিয়া মিথ্যা সংবাদ প্রদান করিয়াছে।

অলিকসন্দরের কৃত হইতে রক্ত রোধ করিবার জ্ঞ, চিকিৎসকের সমস্ত চেষ্টা ব্যর্থ হইয়াছিল। দীর্ঘকালের পর আপনা আপনি শ্রাব বন্ধ হইয়া ধীরে ধীরে ক্ষত আরোগ্যানুধ হয়। তিনি একটু বল প্রাপ্ত হইয়াই, রাভী নদীতে নৌকা করিয়া চন্দ্রভাগা তটস্থিত প্রধান শিবির অভিযুগে গমন করিতে লাগিলেন। অলিকসন্দরের নৌকা, প্রধান শিবিরের নিকটবর্তী হইলেও, সৈন্যগণের সন্দেহ দূর হইল না। তাহারা মনে করিল, এ বুঝি অলিকসন্দরের মৃতদেহ আনীত হইতেছে, যখন নৌকা নিকটবর্তী হইল, অলিকসন্দর যখন হস্তস্তোলন করিয়া সকলের নমস্কার গ্রহণ করিলেন, তখন জনসাধারণের আশ্চর্যের সীমা রহিল না। আবার যখন তিনি তীরে অবতরণ করিয়া বোড়ায় চড়িয়া ধীরে ধীরে শিবিরে অশ্বপরিচালনা করিলেন, তখন সকলের আনন্দ সীমাঅতিক্রমণ করিয়া বর্দ্ধিত হইল—কেহ তাঁহাকে প্রণাম করিল, কেহ তাঁহাকে স্পর্শ করিল, কেহ বা তাঁহার বসন প্রাপ্ত স্পর্শ করিল, কেহ বা তাঁহাকে দূর হইতে দেখিতে পাইয়া নিজেই কৃতকৃতার্থ বিবেচনা করিতে লাগিল। অলিকসন্দরের এই অতি সাহসের জ্ঞ, তাঁহার কতিপয় অন্তরঙ্গ বন্ধু অত্যন্ত দুঃখ প্রকাশ করেন, সামান্য সৈনিকের তায় তিনি যদি নিহত হইতেন, তাহা হইলে সমস্ত সেনাদলের কিংহুর্দিন উপস্থিত হইত, তাহা কল্পনা করিলেও শরীর স্নাতকে শিহরিয়া

উঠে, ভাবম্বাতে যাহাতে তিনি এরূপ অতি সাহসে প্রবৃত্ত না হন, সে জ্ঞাত তাঁহারা যথেষ্ট অনুনয় বিনয় করেন। কোন লেখক বলেন, অলিকসন্দর সেনানীদের এই সমালোচনায় বিরক্ত হইয়াছিলেন, অপরে বলেন, তিনি প্রসন্ন হইয়াছিলেন। অলিকসন্দরের জীবনী লেখকদিগের মধ্যে, এইরূপ পরস্পর মতভেদ অনেক স্থানে দেখিতে পাওয়া যায়। সেনানীরা যে সময় অলিকসন্দরকে এইরূপ অনুরোধ করিতেছিলেন, সে সময় একজন বিওসিয়া দেশীয় সৈনিক, তাহার গ্রাম্য ভাষায় “হে অলিকসন্দর! অসাধারণ পুরুষই অসাধারণ কার্য্য করিয়া থাকেন,” ইহা কহিয়া তিনি “যে মারে সেই মার খাইয়া থাকে” এই মর্মেণের একটি শ্লোকার্দ্ধ উচ্চারণ করেন। অলিকসন্দর, লোকটির উপর প্রসন্ন হইয়াছিলেন, এবং ভবিষ্যতে সে তাঁহার সান্নিধ্য লাভ করিতে সমর্থ হইয়াছিল।

যথেষ্ট চেষ্টা করিয়াও যদি কাম্যবস্তু লাভ করিতে না পারা যায়, তাহা হইলে সেই উদ্যোগী পুরুষ কখনই নিন্দনীয় হইতে পারেন না। যে ব্যক্তি মেঘের মত পরাজিত না হইয়া, পুরুষের মতন পরাজিত হয়। সেই পুরুষ শ্রেষ্ঠ, পরাজিত হইয়াও প্রাণসিত হইয়া থাকেন। লক্ষ লক্ষ ভারতবাসী আপনাদের স্বাধীনতা রক্ষা করিবার জ্ঞাত অকাতরে যে আত্ম উৎসর্গ করিয়াছিলেন, তাহা চিরকাল বিশ্বের সহিত পঠিত হইবে। জয় বা পরাজয় যুদ্ধের অবশ্যভাবী ফল, পরাজিত হইলেই কিছু নিন্দনীয় হইতে পারে না। পরাজিত ব্যক্তির যদি কার্য্য সাধনের জঁহু ঐকান্তিক দৃঢ়তা, শরীর, ত্যাগে অপরাধুতা, এবং কর্তব্য সম্পাদনে উৎসাহ না থাকে তাহা হইলে সে নিন্দনীয় হইতে পারে।

তাই ভারতবাসীরা পরাজিত হইয়াও নিন্দিত হন নাই । আর এক কথা, ইয়ুরোপীয়দের সকল কথার উপর বিশ্বাস স্থাপন করা যাইতে পারে না, তাঁহারা আমাদের বিষয় অনেক কপোল-কল্লিত কথা বলিয়াছেন । তাই সন্দেহ হয় যে, সকল ক্ষেত্রেই কি ভারতবাসী পরাজিত হইয়াছে ?

বিদেশী গ্রন্থকারেরা বলেন, মালো এবং অকসিদ্দাকাইরা যুদ্ধ করিবার সক্ষম পরিত্যাগ করিয়া, অলিকসন্দের সহিত সন্ধি করিয়া নিষ্কতি লাভ করেন । অলিকসন্দর, প্রতিভু স্বরূপ তাঁহা-দিগের মধ্য হইতে এক সহস্র প্রধান পুরুষকে, তাঁহার নিকট পাঠাইতে বলেন । এরিয়ন বলেন যে, ইহাদের সহিত ৫ শত যুদ্ধ রথ ও, অলিকসন্দের নিকট প্রেরিত হইয়াছিল । যাহাদের সহিত যুদ্ধ কালে তিনি বিপন্ন হইয়াছিলেন, এক্ষণে তাহাদের উদারতায় মুক্ত হইলেন । মালো বাসীরা যে সকল দ্রব্য উপহার প্রদান করিয়াছিলেন, কুর্ভিয়স তাহার একটি তালিকা প্রদান করিয়াছেন । সেই তালিকা কতদূর সত্য সে বিষয় সন্দেহ হয়, তাহাতে আমরা দেখিতে পাই যে ৩ শত অশ্বারোহী ১০০০টা চার ঘোড়ার রথ, ১ হাজার ভারতীয় ঢাল, শত টালান্ট মূল্যের ইস্পাত-লৌহ, প্রচুর পরিমাণে বস্ত্র, কএকটা পালিত অতিকায় সিংহ ও ব্যাঘ্র, বহু সংখ্যক গোধা চগ্ন, এবং কচ্ছপের আবরণ । বলা বাহুল্য, অলিকসন্দর এ সকল দ্রব্য অপেক্ষা মালো বাসীর মিত্রতালাভ করিয়া বিশেষ প্রীত হইয়াছিলেন । এই উপলক্ষে তাঁহাদের শিবিরে যথেষ্ট উৎসব অনুষ্ঠিত হইয়াছিল । অলিক-সন্দর পারসীক বিলাস অনুকরণ করিয়া, সুবর্ণ জুড়িত জ্বাসন সকল অর্নামন্তিত ব্যক্তিগণের জগ্ন ব্যবহার করিয়াছিলেন ।

অলিকসন্দর, সমাগত দূতগণকে বিদায় প্রদান এবং যে সকল নৌকা ভাঙ্গিয়া গিয়াছিল, তাহার সংস্কার করিয়া পুনরায় অগ্রসর হইতে আরম্ভ করিলেন। এইরূপ ঐরাবতী সঙ্গম অতিক্রমণ করিয়া আবার অসিক্রীতে আসিয়া উপস্থিত হইলেন। বর্তমান কালে এ সকল স্থানের যথেষ্ট পরিবর্তন হইয়াছে, সুতরাং নদীর বর্তমান কালের গতি দেখিয়া সে কালের জনপদ বা নগরের স্থান নির্দেশ করা সম্পূর্ণ অসম্ভব। নদীর গতি ব্যতীত, বৈদেশিক জিহ্বায় আমাদের দেশের নাম এরূপ বিকৃত ভাবে উচ্চারিত হইয়াছে যে তাহা বোধগম্য হওয়া অত্যন্ত দুষ্কর।

সিঙ্ঘর সহিত যে স্থানে চন্দ্রভাগা মিলিত হইয়াছে, সে স্থানে অলিকসন্দর কিছু দিন অবস্থান করিয়া একটি নগর পত্তন করেন। ইহাতে নৌকা থাকিবার স্থান নিশ্চিত হইয়াছিল। ফিলিপের শাসিত স্থানের ইহা দক্ষিণ সীমা পরিকল্পিত হইয়াছিল। যাহাতে এ প্রদেশ তিনি অধীনে রাখিতে সমর্থ হন, সে জন্ত তাঁহাকে যথেষ্ট পরিমাণে ধেনুসীয়া এবং অশ্ব সৈন্য প্রদান করা হইয়াছিল। এ স্থানে অবস্থান কালে অজয় রথী, অলিকসন্দরের সহিত সাক্ষাৎ করিতে আসেন, কাবুল প্রদেশে যাহাকে নিযুক্ত করা হইয়াছিল, তাহার কার্য্য সন্তোষজনক না হওয়াতে তাহার পরিবর্তে অলিকসন্দর, অজয় রথীকে সেই প্রদেশের শাসন ভার প্রদান করেন।



## পঞ্চম অধ্যায়

পাঞ্জাব অতিক্রমণ করিয়া, অলিকসন্দর সিন্ধুদেশে উপস্থিত হইলেন। এপ্রদেশের অধিবাসীরা তাঁহাকে বাধা দিতে বড় কম ক্রটি করে নাই। প্রাচীন লেখকদিগের, যে সকল ক্রটিত বিবরণ আমরা প্রাপ্ত হইয়াছি, তাহাতে এপ্রদেশের যুদ্ধকাহিনী বড় বিশেষরূপে বর্ণিত হয় নাই। যাহা বা বলা হইয়াছে কাহাও তাড়াতাড়ি সজ্জপে কথিত হইয়াছে। সজ্জপে কথিত হইলেও, তাহাতে আমরা বুঝিতে পারি, এপ্রদেশের ব্রাহ্মণ, ক্ষত্রিয়, বৈশ্য ও শূদ্র, সকলে মিলিত হইয়া অব্যবস্থিত যুদ্ধ প্রণালী অবলম্বন করিয়া, অলিকসন্দরকে ব্যতিব্যস্ত করিয়াছিল। এবং তিনি প্রাণ ও মান লইয়া কোনরূপে পলায়ন করিতে সমর্থ হইয়াছিলেন। এজন্য ব্রাহ্মণগণকে, অলিকসন্দরের ক্রোধান্বিতে, বড় কম শরীর আহতি প্রদান করিতে হয় নাই। পতঙ্গপালের ঝায় জীবনবিসর্জন করিলেও, দেশবাসীর হৃদয়ে মৃত্যুজনিত আতঙ্ক উপস্থিত হইয়া, তাহাদিগকে কর্তব্য পথ হইতে বিচলিত করিতে সমর্থ হয় নাই। তাঁহাদের অদ্ভুত আত্মত্যাগের কথা শ্রবণ করিলে, শরীর লোমাক্ষিত হইয়া উঠে, মৃত্যু যেন অতি তুচ্ছ, খেলিবার সামগ্রী বলিয়া বোধ হইয়া থাকে।

অলিকসন্দর, চন্দ্রভাগা ও সিন্ধু সঙ্গমে অবস্থান করিয়া পার্শ্ববর্তী প্রদেশের অধীশ্বরগণকে পরাজয় করিবার জন্ত, সেনানী

সকল প্রেরণ করিয়াছিলেন। অগ্রসর হইলে পাছে তাহারা, পশ্চাদ্ভাগে বিঘ্ন সম্পাদন করে, সেইজন্য তিনি অগ্রসর হইবার অগ্রে তাহাদিগকে অধীনে আনয়ন করিতেন। গ্রীক গ্রন্থকার বলেন, পার্দিকা, অবস্তানোই ( Abastanoi ) নামক স্বাধীন জাতিকে জয় করিয়া প্রত্যাগমন করেন। ডিওডোরস এই জাতিকে সম্বস্তাই ( Sambastai ) নামে অভিহিত করিয়াছেন। মহাভারতে অশ্বর্ষ রাজ্যের কথা দেখিতে পাওয়া যায়, ইহার সহিত তাহার কোন সংশ্রব আছে কিনা তাহা ঠিক করিয়া বলা যায় না।

ক্ষত্রই ( Xathroi ) নামক আর একটি স্বাধীনজাতি অলিকসন্দরের বশতা স্বীকার করিয়া, তাহাদের প্রস্তুত কতকগুলি ৩০ দাঁড়ের ও কতকগুলি মালবোঝাই নৌকা প্রদান করে। ওসাদিওই ( Ossadioe ) নামক আর একটি স্বাধীন জাতি দূত প্রেরণ করিয়া বশতা স্বীকার করিয়াছিল; এই সংক্ষেপে কথায়, এই সকল লোকেরা কিরূপ ভাবে অলিকসন্দরের বশতা স্বীকার করিয়াছিল। তাহা ভালরূপে অবগত হওয়া যায় না। নৌকা প্রদানে বুঝিতে পারা যায় যে, সেকালে আমাদের দেশে নৌকা প্রস্তুত বেশ ভালরূপই হইত। আর সেই নৌকা, অলিকসন্দরকে এদেশের বাহিরে লইয়া যাইবার পক্ষে সুবিধা সম্পাদন করিয়াছিল।

চন্দ্রভাগা ও সিন্ধুর মিলন স্থল পরিত্যাগ করিয়া, অলিকসন্দর আবার অগ্রসর হইতে আরম্ভ করিলেন। সমস্ত হস্তী ও অধিকাংশ সৈন্যসহ সেনানী ক্রিতিবুস, সিন্ধুর বাম তট অবলম্বন করিয়া গমন করিতে লাগিলেন। এপ্রদেশের অধিবাসীরা

অলিকসন্দরের বশুতা স্বীকার না করিয়া তাঁহার গমন পথে বাধা প্রদান করিয়াছিল। তাহাদিগকে বিভীষিকাগ্রস্ত করিবার জন্য এই বিপুল সেনাদল প্রেরিত হইয়াছিল। অলিকসন্দর নৌকাপথে সোগদই (Sogdoi) রাজধানী অধিকার করেন। এখানে তিনি নগর সুরক্ষিত, এবং আর একটি নৌকা নির্মাণ স্থান প্রস্তুত করেন। এখানে তিনি, তাঁহার যে সকল নৌকা ভাঙ্গিয়া গিয়াছিল, তাহা মেরামত করাইয়াছিলেন। অলিকসন্দর, চন্দ্রভাগার সঙ্গম স্থল হইতে সমুদ্র পর্য্যন্ত প্রদেশের রাষ্ট্রপতিপদে অজয়রথী, এবং পিথিয়নকে নিযুক্ত করেন।

যে সকল সৈন্য যুদ্ধে আহত, এবং রোগে অকর্ম্মণ্য হইয়াছিল, অলিকসন্দর সেই সকল সৈন্যকে ক্রিতিরসের অধীনতায় স্বদেশে প্রেরণ করিতে মনন করেন। ইহাদের সহিত হস্তী সকলও অনুগমন করিয়াছিল। ইহারা সম্ভবতঃ বর্ত্তমান বোলন পথ অতিক্রমণ করিয়া কান্দাহার ও সিন্তান প্রদেশ দিয়া গমন করিয়াছিল।

কুর্তিয়স্ বলেন, সিন্ধুতটের অধিবাসীরা, অলিকসন্দরের নানারঙ্গের পতাকা শোভিত অগণিত নৌকা, তাহার আরোহী-  
 " বর্গের অস্ত্র শস্ত্রের চাক্চিক্যে সম্মোহিত হইয়াছিল। ইহারা আবার অপর লোককে এই সকল কথা বলিয়া দেশবাসীকে মোহিত করিয়াছিল। তাই উপরোক্ত প্রদেশের লোকেরা অনায়াসে অলিকসন্দরের আচ্ছাবহ হইয়াছিল। একথা কত-  
 দূর সত্য সে বিষয় সন্দেহ উপস্থিত হইয়া থাকে, কেননা রাজা বশ্যতা স্বীকার করিলেও, দেশবাসী, বিদেশীর বিরুদ্ধাচরণ করিতে পশ্চাদ্দর্পদ হয় নাই।

অলিকসন্দর মনে করিয়াছিলেন, তাঁহার গমন পথে যে সকল রাজ্যবর্গ অবস্থান করেন, তাঁহারা, তাঁহার পদপ্রান্তে উপস্থিত হইয়া বশ্যতা স্বীকার করিবে। কিন্তু সকল সময় তাহা হয় নাই। অনেক সময়ে ভারতবাসীরা পুরুষের মতন অসি হস্তে তাঁহার সহিত সাক্ষাৎ করিয়াছিল। বর্তমান সীকারপুর প্রদেশে, বৈদেশিকদের মুষিকান ( Mousikanos ) নামক এক জাতি অবস্থান করিত। ভারতবর্ষের মধ্যে তাঁহারা বিশেষ সমৃদ্ধি সম্পন্ন বলিয়া খ্যাতি লাভ করিয়াছিলেন। ইহারা অগ্ৰগত অপেক্ষা আয়ুর্বেদের বিশেষরূপে অন্বেষণ করিতেন। আহাৰ বিহার সম্বন্ধে তাঁহারা বিশেষ দৃষ্টি প্রদান করিতেন, মিতাচারী ছিলেন বলিয়া তাঁহারা দীর্ঘজীবন লাভ করিতেন। একশত তিরিশ বৎসর তাঁহাদিগকে জীবিত থাকিতে দেখিয়া, মাসিদনরা বিশ্বাসপন্ন হইয়াছিল। ইয়ুরোপ সে সময় অজ্ঞান অন্ধকারে আবৃত ছিল, বহু পশুসহ তথাকার অধিবাসীরা যখন অরণ্য মধ্যে বিচরণ করিত, এমন কি গ্রীকদিগেরও চিকিৎসা বিজ্ঞান যে সময়, কতিপয় মুষ্টিযোগের মধ্যে সীমাবদ্ধ ছিল, সে সময় আমাদের ভারতের ব্রাহ্মণেরা, আয়ুর্বেদ বিখ্যাত পারদর্শী হইয়াছিলেন,—ইহার উন্নতির জন্ত তাঁহারা আমাদের দেশের অসংখ্য বনৌষধির অদ্ভুত গুণ অভিনিবেশ সহকারে পরীক্ষা করিতেন, কোন অভিনব রোগ প্রাপ্ত হইলে, তাঁহারা তাহার প্রশমন উপায়ের জন্ত ধ্যানস্থিত হইতেন। তাঁহারা সকল বিষয়েই অগ্ৰাণু সাধারণ একাগ্রতা, নিঃস্বার্থ পরতার উদাহরণ প্রদান করিয়াছেন। এই পঞ্চনদ প্রদেশে, আমাদের আয়ুর্বেদের সর্বপ্রধান গ্রন্থ চরক সংহিতার প্রথম প্রচার

হইয়াছিল । মুষিকান্দের দেশে স্বর্ণ রৌপ্য, খনি বর্তমান থাকিলেও, তাহারা ইহার ব্যবহার করিত না, সূতরাং অর্থজনিত, দুশ্চিন্তা, নিরানন্দ, হিংসা, ঘেব, তাহাদিগকে অধিকার করিতে সমর্থ হইত না । সে কালে স্পার্টা প্রভৃতি স্থানে, যেরূপ দাস প্রথার প্রচলন ছিৎ, আমাদের ভারতে তাহা দেখিতে নাইয়া, গ্রীকগণ বিস্মিত হইয়াছিল । মুষিকান দেশের যুবকেরা কৃষিকার্য সম্পন্ন করিত । স্পার্টানরা যেরূপ সকলে মিলিত হইয়া সাধারণ ভোজনাগারে ভোজন করিত, সেইরূপ বোধ হয় মুষিকান্দিগকে ভোজ উপলক্ষে সকলকে একত্র ভোজন করিতে দেখিয়া, বৈদেশিকগণ ইহাদিগকে স্পার্টানদিগের সহিত তুলনা করিয়া থাকিবেন । যে সমাজের লোক সকল সংযতচিত্ত, সে সনাজে আইন আদালতের দরকার হয় না । তাই গ্রীকগণ, ইহাদিগের মধ্যে আইনের বাহ্য্য দেখিতে পান নাই । নরহত্যা আদি উগ্র অপরাধের জন্তই নোণী রাজঘারে আনীত হইত । বলা বাহ্য্য যে একরূপ ঘৃণিত কার্য্য কচিৎ অনুষ্ঠিত হইত । আমাদের ভারতবর্ষ ব্যতীত, একশ রাজ্যপ্রাণী পৃথিবীর অতীব সম্পূর্ণ অসম্ভব ।

মুষিকান্দিগের অধীশ্বর, পরের পদানত হইবার শিক্ষা কখন প্রাপ্ত হন নাই । তাই তিনি অলিকসন্দের পদতলে উপহার লইয়া নুষ্ঠিত হন নাই । অলিকসন্দর, প্রবল পরাক্রান্ত মুষিকান্ অধিপত্যকে আগমন করিতে না দেখিয়া শঙ্কিত হইলেন । পাছে তিনি প্রস্তুত হইয়া তাঁহার গমন পথে বাধা প্রদান করেন, এই ভাবিয়া যুদ্ধশাস্ত্রের মন্ত্রজ্ঞ মহাবীর অলিকসন্দর, অতি দ্রুত-গতিতে তাঁহার সীমান্ত প্রদেশে আগমন সংবাদ পৌছিবার

পূর্বেই, মুষিকানদিগের রাজধানী আক্রমণ করেন। অপ্রস্তুত সৈন্যবগণ, বিনা মেঘে বজ্রাঘাতের ছায় কিংকর্তব্য বিমূঢ় হইয়া পড়ে। এরূপ অবস্থায় তাহারা বিদেশীর বশ্যতা স্বীকার করিয়া, ভবিষ্যৎ কার্য্যপ্রণালী স্থির করিবার জন্ত অবকাশ গ্রহণ করেন। অলিকসন্দর ইহাঁদিগের রাজধানী এবং নানাপ্রকার শয্যে ও ফলমূলে পরিপূর্ণ রাজ্য দেখিয়া, অত্যন্ত প্রীতিলাভ করিয়াছিলেন। এ স্থান পরিত্যাগ করিবার পূর্বে; অলিকসন্দর, নিকটবর্তী প্রদেশের অধিবাসীগণকে বিভীষিকাগ্রস্ত করিবার জন্ত, স্থানীয় দুর্গ সুদৃঢ় করিয়া কতকগুলি সৈন্য এখানে রক্ষা করেন।

মুষিকানগণকে অধীনে আনয়ন করিয়া এরিয়ান বলেন, অলিকসন্দর, অক্সিকানস্ (Oxykanos) এর বিরুদ্ধে গমন করেন। অক্সিকান, বিদেশীর বশ্যতা স্বীকার, অথবা দূত প্রেরণ করিয়া তাঁহার সম্বন্ধনা করেন নাই, তাই অলিকসন্দর, ইহাঁর শাসিত প্রদেশ অধিকার করিবার জন্ত আগমন করেন। উভয় পক্ষে তুমুল যুদ্ধ হইয়াছিল, বীরবর অলিকসন্দর, ক্ষিপ্ৰ-কারিতা সহকারে দুইটি নগর হস্তগত করেন। দ্বিতীয় নগর রক্ষাকালে অক্সিকানরা ঘোরতর যুদ্ধ করিয়া অলিকসন্দরের হস্তে বন্দী হন। এই সকল নগর লুণ্ঠন করিয়া অলিকসন্দর যে সকল দ্রব্য প্রাপ্ত হইলেন, হস্তী ব্যতীত সমস্ত দ্রব্য সৈন্যগণ মধ্যে বন্টন করিয়া দেন।

কুর্তিয়স্ বলেন, অলিকসন্দর মুষিকানিগণকে পরাজয় করিয়া প্রয়স্তি (Praesti) নামক জাতির বিরুদ্ধে গমন করেন। প্রয়স্তি-পতি পোর্টিকানুস্ (Porticanus) একটি সুদৃঢ় নগরে আশ্রয় লইয়া আত্মরক্ষা করেন। অলিকসন্দর তিন দিন এই নগর অব-

রোধ করিয়া ও হস্তগত করিতে সমর্থ হন নাই । তারপর কোন রূপে ইহা হস্তগত করিতে পারিলেও, নগরবাসীরা দুর্গমধ্যে গমন করিয়া আবার যুদ্ধ করিতে আরম্ভ করেন । দুর্গবাসীরা সন্ধি সংস্থাপনের চেষ্টা করিলেও, তাহারা সফলকাম হয় নাই । দুর্গ রক্ষা, এবং গ্রহণ করিবার জন্ত ভারতবাসী ও মাসিদনগণ, যখন অসীম বীরত্বের সহিত কর্তব্য সম্পাদন করিতেছিল, সে সময় দুর্গের বুরুজ ভীষণ শব্দ করিয়া, ভূপতিত হয় । মাসিদনগণ উন্মত্তের ন্যায় সেই স্থান দিয়া প্রবেশ করিয়া ভারতবাসীর সহিত ঘোরতর যুদ্ধে প্রবৃত্ত হইল । এই দারুণসংগ্রামে মহাবীর পোর্টি-কানন্, স্বদেশ রক্ষা করিবার জন্ত অসি হস্তে যুদ্ধ করিতে করিতে এই নখরদেহ পরিত্যাগ করিয়া সুরলোকে গমন করেন ।

অলিকসন্দর, এ প্রদেশে কিরূপ বাধা প্রাপ্ত হইয়াছিলেন, তাহা তাহার ক্রোধের পরিমাণ দেখিয়া বেশ বুঝিতে পারা যায় । তাঁহার ক্রোধ একরূপ পরিমাণে বৃদ্ধি পাইয়াছিল যে, মনুষ্যত্ব তাঁহার নিকট হইতে দূরে পলায়ন করিয়াছিল, তিনি মনুষ্যময়ে পরিণত হইয়াছিলেন । নগর আক্রমণ কালে, যে সকল বালক, বালিকা, স্ত্রী ও বৃদ্ধ, যুদ্ধ করিয়া প্রাণ পরিত্যাগ করিতে সমর্থ হয় নাই, তাহারা এরিষ্টটলের অশিক্ষিত শিশুর হস্তে পতিত হইয়া, কৃতদাস রূপে বিক্রীত হইয়াছিল । ইহা করিয়াও অলিকসন্দরের হৃদয় পরিতৃপ্ত হয় নাই । তিনি আমাদের ভারতীয় নগর সকল অগ্নিযোগে ভষ্মসাৎ, এবং ভাঙ্গিয়া ধূলিসাৎ করিয়াছিলেন ।

অলিকসন্দর, বর্বরের ন্যায় এইরূপ দারুণ কার্য্য করিয়াও, তিনি ভারতবাসীর হৃদয়ে কিঞ্চিৎমাত্রও ভীতির সঞ্চার করিতে সমর্থ হন নাই । যখন তিনি এইরূপ পৈশাচিক কার্য্যের অহু-

ষ্ঠান করিয়া দিগ্বিজয়ী নাম অর্জন করিতেছিলেন, সেই সময়ে মুষিকান্দের অধিপতি, নাম মাত্রও অধীনতা পাশ ছিন্ন করিয়া, বিদেশী বর্ষর শত্রুর বিরুদ্ধে অস্ত্রধারণ করেন। গ্রীক গ্রহকারেরা বলেন, মুষিকপতি, কোপীনধারী ব্রাহ্মণদের উত্তেজনায পার্থিব সুখের কথা ভুলিয়া গিয়া, স্বর্গীয় কীর্তি রক্ষা করিবার জন্ত, প্রাণপণে ঘোরতর বিক্রমে বিদেশীগণকে বিদূরিত করিবার জন্ত, অব্যবস্থিত সময়ের অবতারণা করেন। পৃথিবীর ইতিহাসে, স্বাধীনতা রক্ষার জন্ত এক্ষণ অদ্বুত সময়, আর কোন দেশে হইয়াছে কিনা তাহা আমরা অবগত নহি। রাজশক্তি সংরক্ষণ এবং নিজেদের সুখস্বচ্ছন্দতার যাহাতে হানী না হয়, সে জন্ত ক্লেশ সহনে অনভ্যস্ত রাজত্ববর্গ, অলিকসন্দরের শরণাপন্ন হইলেও, ব্রাহ্মণগণ দেশের জন সাধারণকে মিলিত করিয়া, যে রূপ উদ্যম, ক্লেশসহিষ্ণুতা, নিঃস্বার্থপরতা, এবং মৃত্যুভয়শূন্যতা, দেখাইয়া ছিলেন, তাহা পৃথিবীর ইতিহাসে নিতান্ত সুলভ নহে। ব্রাহ্মণগণ, গ্রামে গ্রামে, নগরে নগরে, গমনকরিয়া সকলকে সমুত্তেজিত করিতে লাগিলেন। ব্রাহ্মণদের উদাহরণে অল্পপ্রাণিত হইয়া, দেশের ক্ষত্রিয়, বৈশ্য, শূদ্র, সকলে মিলিত হইয়া নানাপ্রকারে, ব্যষ্টি ও সমষ্টি ভাবে যে যাহাতে সুবিধা পাইল, সে মেইরূপ ভাবে বৈদেশিক শত্রুকে ব্যতিব্যস্ত করিতে লাগিল। ভারত-বাসীরা, স্বদেশ রক্ষার জন্য শত শত সহস্র সহস্র সংখ্যায় জীবন বিসর্জন করিলেও, এক মুহূর্তের জন্য তাহাদিগের হৃদয়ে মৃত্যুভয় জনিত অবসাদ আসিয়া, তাহাদিগকে অবসন্ন করিতে সমর্থ হয় নাই।

অলিকসন্দর, এইরূপ প্রতিপদে বাধাপ্রাপ্ত হইয়াও, তিনি



বিমুক্ত চিত্ত হন নাই। তিনি সাম্ব (Sambo) রাজ্য আক্রমণ করিলেন। সাম্বপতি পৈত্রিক প্রাণ রক্ষার জন্য, অলিকন্দরের শরণাপন্ন হইলেও, তাঁহার রাজ্যের অধিবাসীরা, তাঁহার আচরণ অনুকরণ করে নাই। তিনি বিদেশী শত্রুর আগমন জন্য নগর দ্বার অনর্গল করিলেও, তাঁহার প্রজাবৃন্দ নগর দ্বার রোধ করিয়া প্রচণ্ড পরাক্রমে মাসিদনদিগের সহিত যুদ্ধ করিয়া আপ-নাদিগের স্বতন্ত্রতা রক্ষা করিয়াছিল।

অলিকন্দর, এই প্রদেশের একটি সুদৃঢ় নগর অবরোধ করিয়া কোনরূপে হস্তগত করিতে সমর্থ না হইলে, অবশেষে তিনি সুড়ঙ্গ খনন করিয়া সৈন্যে নগর মধ্যে আবির্ভূত হন। গ্রীক গ্রন্থকারেরা বলেন, ইহাতে ভারতবাসীরা অত্যন্ত চমৎকৃত হইয়াছিল। সম্মুখ সমরে বিফল কাম হইয়া, এইরূপে প্রতারণা করিয়া অলিকন্দর কার্যে সিদ্ধিলাভ করিয়াছিলেন।

অলিকন্দরের ক্রোধ, ব্রাহ্মণদের উপর বেশী করিয়া পতিত হইয়াছিল। এই অল্প পরিমিত ভূভাগে, অল্প সময়ের মধ্যে, কত যে ব্রাহ্মণ হত্যা করিয়াছিলেন, তাহা ইয়ত্তা করা যায় না। কেহ বলেন তিনি ৮০ হাজার মনুষ্য হত্যা করিয়াছিলেন। আর কত যে ক্রীতদাস রূপে বিক্রয় করিয়াছিলেন, তাহার হিসাব কিছু পাওয়া যায় না।

প্লুতার্ক বলেন, সাম্বদেশের স্বাধীনতা রক্ষার জন্য যে সকল ব্রাহ্মণ, মাসিদনদিগের বিরুদ্ধে জন সাধারণকে উত্তেজিত করেন তাঁহাদিগের মধ্যে দশ জন প্রধান ব্রাহ্মণ ধৃত হইয়া, অলিকন্দর সমীপে আনীত হন। যে সকল ব্রাহ্মণ শাস্ত্রচর্চায় জীবন অতি-বাহিত করিয়াছেন, যাহারা শক্রমিত্র ভেদ জ্ঞান না করিয়া

সমস্ত ভূত গ্রামের কল্যাণের জন্য জীবন উৎসর্গ করেন, একরূপ প্রকৃতির ব্রাহ্মণগণও স্বদেশ রক্ষার জন্য শত্ৰুপাণি হইয়াছিলেন। অদ্বিত প্রকৃতির অলিকসন্দর, অজ্ঞেয় ব্রাহ্মণগণকে সমীপে সমাগত দেখিয়া, কুট প্রশ্নে তাঁহাদিগকে পরাজয় করিতে মনস্থ করেন। তিনি ব্রাহ্মণগণকে বলিলেন, যিনি তাঁহার প্রশ্নের সন্তুস্তর প্রদান না করিবেন, তাঁহাকে তিনি প্রথমে হত্যা করিয়া পর্যায্যক্রমে অবশিষ্টকে নিহত করিবেন।

অলিকসন্দর প্রথমকে জিজ্ঞাসা করিলেন, “বহুসংখ্যক কে মৃত না জীবিত?” “মৃত্যুভয় বিরহিত উদ্বেগহীন ব্রাহ্মণ প্রত্যুত্তরে বলিলেন, “জীবিত, যেহেতু মৃত বিনষ্ট হইছে।”

দ্বিতীয়কে জিজ্ঞাসা করিলেন, “জলে না স্থলে, কোথায় সর্বাপেক্ষা বৃহৎ জন্তু বাস করিয়া থাকে?” উত্তরে বলিলেন, “স্থলে যেহেতু জল পৃথিবীরই অন্তর্গত।”

তৃতীয়কে জিজ্ঞাসা করিলেন, “কোন প্রাণী সর্বাপেক্ষা সূচ-তুর?” উত্তরে কহিলেন, “যাহার সহিত এখনও মানুষের পরিচয় হয় নাই।”

চতুর্থ জিজ্ঞাসিত হইলেন, “কি জন্য তিনি সাধুগণকে অভ্যুত্থানের জন্য উৎসাহিত করিয়াছিলেন?” প্রত্যুত্তরে ব্রাহ্মণ অবিকৃত বদনে বলিলেন, “আমার ইচ্ছা তাহারা মর্যাদার সহিত জীবিত থাকুক, অথবা মর্যাদার সহিত মৃত্যুকে আলিঙ্গন করুক।”

পঞ্চমকে জিজ্ঞাসা করিলেন, “প্রথমে কি হইয়াছে, দিবা না রাত্রি?” প্রত্যুত্তরে ব্রাহ্মণ বলিলেন “দিবাই প্রথমে অহোরাত্রের মধ্যে।” অলিকসন্দরকে বিস্ময় প্রকাশ করিতে দেখিয়া ব্রাহ্মণ বলিলেন, অসম্ভব প্রশ্নের অবস্তু উত্তর হইয়া থাকে।”

অলিকসন্দর ষষ্ঠের দিকে চাহিয়া বলিলেন, “মানুষ কেমন করিয়া সকলের প্রিয়পাত্র হইতে পারে ?” প্রত্যুত্তরে বলিলেন, “যদি তিনি শক্তিশালী হন, তাহা হইলে যাহাতে তিনি লোকের ভয়ের কারণ না হন এরূপ আচরণ করিলে ।” অবশিষ্ট তিন জনের একজনকে জিজ্ঞাসা করিলেন, “মানুষ কেমন করিয়া দেবতা হইতে পারে ?” উত্তরে ব্রাহ্মণ বলিলেন, “যাহা মানুষের অসাধ্য এরূপ কার্য্য করিতে পারিলে ।”

তারপরের কে জিজ্ঞাসা করিলেন, “জীবন ও মরণ এই দুইটির মধ্যে কোনটি কঠিন ?” প্রত্যুত্তরে বলিলেন, “জীবন” যেহেতু ইহা নানাপ্রকার বিপদে পরিপূর্ণ ।

অলিকসন্দর, নবম ব্যক্তিকে জিজ্ঞাসা করিলেন “কতদিন জীবিত থাকা মানুষের পক্ষে সম্মানের বিষয় ?” ব্রাহ্মণ বলিলেন, “যতদিন মানুষ বাঁচিবার পরিবর্তে মৃত্যু কামনা না করে ।”

অলিকসন্দর, দশম ব্যক্তি, যিনি মধ্যস্থ হইয়াছিলেন, তাঁহার দিকে তাকাইয়া এই সকল উত্তর সম্বন্ধে তাহার অভিপ্রায় জিজ্ঞাসা করেন । তিনি বলিলেন, “প্রত্যেকেই প্রত্যেকের অপেক্ষা অপকৃষ্ট উত্তর প্রদান করিয়াছেন ।” একথা শুনিয়া অলিকসন্দর বলিলেন, “যদি আপনার এইরূপই মন্তব্য হয়, তাহাহইলে আপনাকেই সর্বপ্রথমে প্রাণ প্রদান করিতে হইবে ।” ইহা শুনিয়া ব্রাহ্মণ বলিলেন, রাজন্ ! এরূপ কখনই হইতে পারে না । আপনার কথা যদি অসত্য না হয়, তাহা হইলে আপনি যে বলিয়াছেন, যে খারাপ উত্তর দিবে সেই ব্যক্তিকেই সর্বপ্রথমে মরিতে হইবে ।” সেই সকল মৃত্যুভয়-বিরহিত ব্রাহ্মণগণকে, প্লতাক বলেন, অলিকসন্দর, উপহার প্রদান করিয়া গৃহে পাঠাইয়া

দেন । চিরকাল প্রধুমিত হওয়া অপেক্ষা, একবার প্রজ্জ্বলিত হইয়া ভস্মীভূত হওয়া সহস্রাংশে প্রায়স্কর বিবেচনা করিয়া, মুষিকগণের অধিপতি বিদেশী বন্ধন ছিন্ন ভিন্ন করিয়া অস্ত্রধারণ করেন । গ্রীক গ্রন্থকার বলেন, তিনি ব্রাহ্মণদের পরামর্শে অলিকসন্দরকে এদেশ হইতে দূর করিয়া দিবার জ্ঞ, স্বদেশের সম্মান রক্ষার জ্ঞ, ঘোরতর বিক্রমে যুদ্ধ করিয়াছিলেন । অলিকসন্দর, মুষিক-পতির অভ্যুত্থানের কথা অবগত হইয়া, সেই প্রদেশের নবীন ছত্রপ ( Satrap ) পিথনকে উপযুক্ত সৈন্যসহ তাঁহাদের বিরুদ্ধে প্রেরণ করেন । উভয় পক্ষে তুমুল সংগ্রামের অভিনয় হইল । যবন ও হিন্দু উভয়েই পরস্পরকে পরাভব করিবার জ্ঞ প্রাণ-পণে চেষ্টা করিতে লাগিলেন । কুনূপতির রাজ্য যেরূপ দুর্ভিক্ষ, মহামারি এবং দস্যু কর্তৃক প্রপীড়িত হয় \* সেইরূপ অলিকসন্দর বাহিনী, নগর সকলকে ধ্বংসাৎ—দুর্ভিক্ষগণকে কৃতদাস, এবং যোদ্ধাগণকে ভূমিসাৎ করিয়াছিল । ভারতবাসীর হস্তে তাঁহারা কোন্ গতিতে প্রাপ্ত হইয়াছিলেন, সে বিষয় বিদেশী গ্রন্থকার একেবারে নীরব, স্মরণ্য সে বিষয় আমরা কিছু বলিতে পারি-লাম না । সেনানী পিথন, মুষিকপতি এবং অনেকগুলি ব্রাহ্মণকে হস্তগত করিতে সমর্থ হইয়াছিলেন । তাঁহাদিগকে বন্দী করিয়া, অলিকসন্দরের সমীপে আনয়ন করিলে, তিনি হিন্দু বীরগণকে তাহাদের নগরে কীলকবিদ্ধ করিয়া হত্যা করিতে প্রেরণ করেন । এইরূপ কত শত ব্যক্তি যে, এইরূপে এই নখর শরীর

\* কুনূপস্য যথারাজ্যং দুর্ভিক্ষব্যাধি তস্করৈঃ । "

দ্রাব্যতে তদদাপন্ন্য পাণ্ডবৈস্তব বাহিনী ॥

"

মহাভারত, জ্ঞোণপর্ব ২৫ অঃ ।

পরিত্যাগ করিয়াছিলেন তাহার ইয়ত্তা নাই । আশ্চর্য্যের বিষয় এই যে, এইরূপে শত শত, সহস্র সহস্র, ব্যক্তি নিহত হইলেও তাহারা বিদেশী শত্রুকে বাধা দিতে কিছু মাত্র ক্রটি করে নাই ।

পটল অভিযুগে গমন কালে, ব্রাহ্মণদের দেশের শেষ সীমায়, ডিওডোরস বলেন, হুর্গমপ্রদেশে হর্ম্মতলা (Harmatelia) নামে একটি নগর ছিল । বলা বাহুল্য যে, তাহারা মেঘের দলের উদাহরণ অনুকরণ করিয়া, অলিকসন্দরের শরণাপন্ন হন নাই । তাঁহারা নিজেদের বাছ বলের উপর নির্ভর করিয়া স্বতন্ত্রতা রক্ষা করিয়াছিলেন । অলিকসন্দর, কতকগুলি সৈন্য ইহাদিগের বিরুদ্ধে প্রেরণ করেন । হিন্দু বীরগণ, শত্রুকে আগমন করিতে দেখিয়া নগর হইতে বহির্গত হইয়া ঘোরতর বিক্রমে তাহাদিগকে আক্রমণ করিলেন, মাসিদনগণ বিপক্ষ প্রহারে জর্জরিত হইয়া রণে ভঙ্গ দিয়া পলায়ন করিতে আরম্ভ করেন । বিদেশী গ্রন্থকারেরা বলেন, মাসিদনেরা পলায়ন করিয়াছিলেন বটে, কিন্তু সে ভয়ে নহে, যুদ্ধনীতি অনুসরণ করিয়া । সে যাহাই হউক, অলিকসন্দর উপস্থিত হইয়া যুদ্ধ করিতে প্রবৃত্ত হইলেন । উভয় পক্ষে ঘোরতর সমর প্রজ্জ্বলিত হইল । কতক গুলি ভারতবাসী যুদ্ধে নিহত ও বন্দী হইল । ভারতবাসীর শাণিত অস্ত্রপ্রহারে মাসিদনরা ও যমলোকের অতিথি হইল যাহার শরীরে তলবারের একটু সামান্য আঁচড়ও লাগিয়াছিল সেও দারুণ মন্ত্রণা ভোগ করিয়া মৃত্যু মুখে পতিত হইতে লাগিল । চিকিৎসকেয়া ইহার কোনরূপ প্রতিকার করিবার পাবুরিলেন না । ভারতবাসীরা, সর্পের দারুণ বিষ অস্ত্রে লাগাইয়া, এই

নিদারুণ শত্রুর হস্ত হইতে নিষ্কৃতি পাইবার জন্ত এই উপায় অবলম্বন করিয়াছিলেন। অলিকসন্দর সকলের অগ্রে অবস্থান করিয়া যুদ্ধ করিয়া থাকেন, সুতরাং কোন রূপে তাঁহাকে এই বিষদিক্ষ অস্ত্রে আহত করিতে পারিলে, সমস্ত ক্রেশের অবসান হইবে বিবেচনা করিয়াছিলেন, ভারতবাসীর আশাপূর্ণ হয় নাই। অলিকসন্দরের বাল্য সহচর ও বিশ্বস্ত সেনানী তুরময়, ইহাতে আহত হইয়া, মৃতবৎ পতিত হইলেন অলিকসন্দর ব্যহিত হইলেন, পনাহার পরিত্যাগ করিয়া বন্ধুর পার্শ্বে অবস্থান করিতে লাগিলেন, বিষাদের চিহ্ন, সকলের মুখে স্পষ্ট রূপে প্রকাশ পাইতে লাগিল। অনেকে বলেন, এ সময় ক্ষিন্ন অলিকসন্দর, নিদ্রিত হইলে স্বপ্নে ঔষধ পাইয়াছিলেন, আবার কেহ বলেন একজন স্বদেশদ্রোহী ভারতবাসী অর্থলোভে যুদ্ধ হইয়া ইহার ঔষধ বলিয়া দেন, অলিকসন্দর নিজের মহিমা প্রচার করিবার জন্ত, স্বপ্ন বৃত্তান্ত লোকসমাজে প্রচার করেন। এই ঔষধে তুরময় আরোগ্য লাভ করিলেন, এবং অত্যাগত আহত ব্যক্তি তখনও যাহারা মৃত্যুমুখে পতিত হয় নাই তাহারাও নিরাময় হইল।

দৈব যখন প্রতিকূল হন, তখন মানুষের সমস্ত পুরুষার্থ বিফল হইয়া যায়। অব্যর্থ কূটনীতি অবলম্বন করিয়া যুদ্ধ করিলেও সমস্ত ব্যর্থ হইয়া গেল। ব্যর্থ হইলেও কিন্তু তাঁহাদের পুরুষ-কারের ফল ফলিয়াছিল। অলিকসন্দর, একরূপ দারুণ দুর্দমনীয় শত্রুর উপর কোন রূপ দণ্ড প্রয়োগ না করিয়া সম্ভবতঃ মিষ্ট কথায় তুষ্ট করিয়া থাকিবেন।

অলিকসন্দর" যে সময় মুষিকদের রাজ্য পরিত্যাগ করিয়া

দক্ষিণাভিমুখে গমন কারবার উত্তোগ করিতেছিলেন, সেই সময়ে পটল দেশের মহারাজের ( Moeres ) নিকট হইতে দূত আসিয়া বক্তৃতা স্বীকার করেন। অলিকসন্দর, দূতকে সম্মানের সহিত গ্রহণ করিয়া, তাঁহার যাত্রার সাহায্য করিবার জন্ত আদেশ করিয়া তাহাকে স্বদেশে পাঠাইয়া দেন।

পাঠকের বোধ হয় অরণ আছে যে, অলিকসন্দর ইতিপূর্বে তাঁহার কৃতি সেনাপতি ক্রিতিরসকে, আমাদের দেশে ডাকাতি করিয়া যে সকল দ্রব্য প্রাপ্ত হইয়াছিলেন, সেই সকল দ্রব্যের সহিত সমস্ত হস্তীও, অকর্ষণ্য এবং কতকগুলি কশ্মঠ সৈন্য, স্বদেশাভিমুখে প্রেরণ করেন। মুখিকগণের উৎপাতে ব্যাপার গুরুতর হওয়াতে অলিকসন্দরের ইচ্ছা এত দিন কার্যে পরিণত হয় নাই। মুখিক বিভ্রাট হইতে আত্মরক্ষা করিবার জন্ত, ক্রিতিরস কিছু দূর গমন করিলে, তিনি তাঁহাকে আবার ডাকিয়া পাঠান। সমস্ত শক্তি মিলিত হইলে, তবে অলিকসন্দর প্রবল পরাক্রান্ত মুখিকগণের হস্ত হইতে নিষ্কৃতি লাভ করিতে সমর্থ হইয়াছিলেন। অলিকসন্দর, এখন কোন রূপে একটু নিষ্কৃতি লাভ করিয়া, এত কষ্টের লুপ্তিত দ্রব্য সকল পাছে আবার ভারতবাসীর হস্তে পতিত হয়, সম্ভবতঃ এই ভাবিয়া তাহা স্বদেশে শীঘ্র শীঘ্র প্রেরণ করেন।

অলিকসন্দর আবার অগ্রসর হইতে লাগিলেন, পাছে হিন্দুরা অকস্মাৎ আক্রমণ করিয়া সমস্ত ধ্বংস করিয়া ফেলে, এজন্ত সিন্ধু নদের উভয় কূলে পূর্বের তায় সৈন্য সকল গমন করিতে লাগিল, যে সকল স্থান অধীনে থাকিলে, আত্মরক্ষার পক্ষে সুবিধা সম্পাদন করে, এরূপ স্থলে কিছু কিছু সৈন্য

রক্ষিত হইয়াছিল। অলিকসন্দর নির্ঝিল্পে পটলে (Patala) পৌঁছিলে পর পশ্চাদবর্তী সৈন্য সকল আগমন করিয়াছিল। গ্রীক গ্রন্থে এ সকল প্রদেশের কথা এত সংক্ষেপে কথিত হইয়াছে যে, তাহাতে বোধ হয় অলিকসন্দর এপ্রদেশে উত্তম মধ্যম খুব ভাল রূপই শিক্ষা প্রাপ্ত হইয়াছিলেন।

প্রাচীন পটল কোথায় ছিল, বর্তমান কালে তাহা স্থির করা অসম্ভব, অনেকের ধারণা সুপ্রাচীন ব্রাহ্মণাবাদে, অথবা ইহার নিকটবর্তী কোন স্থানে প্রাচীন পটল অবস্থিত ছিল। বর্তমান মনসুরিয়া নগরের প্রায় তিন ক্রোশ পশ্চিমে ব্রাহ্মণাবাদের ভগ্ন চিহ্ন পুঞ্জাকারে পতিত রহিয়াছে। ইয়ুরোপীয় ইতিহাসের অতীত যুগের বহু চিহ্ন এখনও এস্থানের ভূগর্ভে নিহিত আছে বলিয়া অনেকে মনে করেন।

অলিকসন্দর নৌপথে তিন দিন গমন করিবার পর, পটলের নিকটবর্তী হইলেন। তিনি মনে করিয়াছিলেন, এদেশের অধিবাসীরা—স্বাধীন প্রকৃতির অধিবাসী না হইতে পারে—এদেশের অধীশ্বর তাঁহার অভ্যর্থনার জন্য নানারূপ আয়োজন করিয়াছেন। আসিয়া যাহা দেখিলেন, তাহাতে তাঁহার সে ভ্রম দূর হইল। গ্রাম ও নগর জনপ্রাণীবিহীন কান্তারে পরিণত হইয়াছে। ক্ষেত্র ও উদ্যান, নানাপ্রকার শস্ত্র ও ফলপুষ্পে সুশোভিত হইলেও, তাহাতে লোক নাই। রমণীয় গৃহ সকল নানাপ্রকার সাজসজ্জায় বিভূষিত হইলেও, তাহাতে মনুষ্য না থাকায় যেন মায়ানগর বলিয়া বোধ হইতে লাগিল। এরিয়ান বলেন, অলিকসন্দর দেশের অবস্থা দেখিয়া, কতকগুলি সৈন্য দেশের অভ্যন্তরভাগে প্রেরণ করেন। তাহারা অধিবাসীগণকে



অভয় দিয়া নগরে প্রত্যাগমন করিতে অহুরোধ করেন। বৈদেশিক গ্রন্থকারেরা বলেন, অনেকেই ইহাতে নগরে প্রত্যাগমন করেন। একথা কতদূর সত্য, সে বিষয় সন্দেহ উপস্থিত হইয়া থাকে। এই এরিয়ান স্থানান্তরে বলিয়াছেন যে, এদেশের জলপথের জ্ঞান না থাকায় অলিকসন্দর পথ পরিদর্শক সংগ্রহ করিবার জন্য দেশের ভিতরে লোক ধরিতে সৈন্য পাঠান।

অলিকসন্দর, পটলের সামরিক আড়ার অল্পকূল ভৌগোলিক সংস্থান দেখিয়া এ স্থানে সুদৃঢ় বন্দর ও পোতাশ্রয় নির্মাণ করিয়া ইহাকে বিশেষরূপে উপযোগী করিয়াছিলেন। ইহার নিকটবর্তী প্রদেশে পের জলের অভাব থাকায় অলিকসন্দর কতকগুলি লোককে কূপ খনন করিবার জন্ত প্রেরণ করেন। এদেশ বাসীর আক্রমণে, তাহারা কার্য্য সমাধা করিবার পূর্বে ষমলোকের অতিথি হইয়াছিল। অলিকসন্দর এই ঘটনা অবগত হইলে, আরো বেশী লোক তাহাদের সাহায্যের জন্ত প্রেরণ করিয়া কার্য্য সম্পন্ন করান। এ দেশের লোকেদের বেশী কিছু করিতে পারিয়াছিলেন বলিয়া বোধ হয় না। তাহারা মরুভূমিতে আশ্রয় লইয়া আত্মরক্ষা করিয়াছিল।

মনুষ্যের ব্যক্তিগত চরিত্রের ত্রায়, জাতীয় চরিত্র, উভয়েই অনেক সময় একই প্রকার গতি অবলম্বন করিয়া থাকে। ক্লীব-ভাষাপন্ন দুর্বল ব্যক্তির, অত্যাচারী আততায়ীর যে হস্তে, নিগৃহীত, লাঞ্ছিত ও উৎসাদিত হইয়াছে, সেই শত্রুর প্রথম আক্রমণেই, তাহাকে বাধা দিবার সমস্ত সঙ্কল্প পরিত্যাগ করিয়া, সেই হস্তে, আগ্রহের সহিত চন্দনচর্চিত করিবার ক্ষীণ অগ্রসর হইয়া

থাকে। আর যাহারা তাহাকে প্রবলপরাক্রমে বাধা দিবার জ্ঞাত প্রতিপদে অকাতরে শোণিত পাত করিয়া থাকেন, এক শ্রেণীর স্বদেশবাসী, তাহাদিগের দুর্বলতারবিষয় সেই অত্যাচারীর জ্ঞান-গোচর করিয়া নিজের ক্লীবত্ব প্রকাশ করিয়া থাকে। অপর পক্ষে, পুরুষ প্রকৃতির দেব চরিত্রের দৃঢ়চেতাগণ, স্বেচ্ছাচারী শত্রুর অত্যাচার হইতে দেশকে রক্ষা করিবার জ্ঞাত, সমস্ত কার্য্য পরিত্যাগ করিয়া, সর্ব্বতোভাবে তাহার বিরুদ্ধাচরণ করিয়া আত্মশক্তি অক্ষুণ্ণ রাখিবার চেষ্টা করিয়া থাকেন। অত্যাচারীর আচরণ যতই উগ্রতর হয়, তাঁহাদিগের বাধা দিবার দুর্দমনীয় শক্তি ততই বৃদ্ধি পাইয়া থাকে। তাঁহারা সর্ব্বোভাবে উৎপীড়িত হইলেও, আত্যাচারীর বিরুদ্ধে হস্তোত্তলন করিতে কোন ক্রমেই বিরত হন না। সকল সময় বাধাপ্রদান করিতে সমর্থ না হইলে, সকলপ্রকারে তাহার সংশ্রব পরিত্যাগ করিয়া দূরতর প্রদেশে অবস্থান করেন। এবং উপযুক্ত সুযোগ প্রাপ্ত হইলেই ভীম পরাক্রমে, শত্রুর উপর আপতিত হইয়া তাহাকে সমূলে ধ্বংস করিতে চেষ্টা করিয়া থাকেন। আমাদের স্বদেশবাসীরা অধিকাংশ স্থলে ঐশ্বের প্রকৃতি অবলম্বন করিয়া-ছিলেন।

পটলের নিকটে, সিন্ধু দুইভাগে বিভক্ত হইয়া, সমুদ্রাভিমুখে প্রবাহিত হইয়াছে। অলিকসন্দর, সিন্ধুর গতি এবং কতদূরে সমুদ্রে মিলিত হইয়াছেন, ইহা স্বচক্ষে দেখিবার জ্ঞাত, দক্ষিণ প্রবাহ অবলম্বন করিয়া নৌকাযোগে গমন করেন। সেনানী লিওনেটস্ কিছু সৈন্য লইয়া স্থলপথে এই নৌবাহিনীকে অনুগমন করিতে আদিষ্ট হইল। জলপথ না জানার জ্ঞাত তাঁহাদিগকে বড়

কম ক্লেশভোগ করিতে হয় নাই । স্থানীয় লোক, সকল বৈদে-  
শিকদিগের আগমনের পূর্বেই, স্থান ত্যাগ করিয়া গমন করিয়া-  
ছিল । সুতরাং তাঁহারা এই অজ্ঞাত পথে বিপন্ন হইয়াছিলেন ।  
পটল পরিত্যাগের দ্বিতীয় দিবসে, প্রবল ঝড়বৃষ্টিতে তাহাদের  
ক্লেশের মাত্রাকে অধিকতর বৃদ্ধি করিয়াছিল । ইহার প্রকোপে  
অলিকসন্দরের কতগুলি নৌকা চূর্ণ বিচূর্ণ, আর কতকগুলি  
ভাঙ্গিয়া যায় । এই বিপদের উপর আর একটি অচিস্তনীয়  
ঘটনায় মাসিদিনগণকে বিষয়ে অভিভূত করিয়াছিল । সমুদ্র  
জলের হ্রাস বৃদ্ধি, ভূমধ্যসাগরে পরিলক্ষিত হয় না । সুতরাং  
জোয়ার ভাঁটার বিষয় গ্রীকদিগের সম্পূর্ণ অজ্ঞাত ছিল । সিঙ্কু-  
নদেরপ্রবল জোয়ারে অলিকসন্দরের নৌবাহিনী ইতস্ততঃ বিক্ষিপ্ত  
হইয়াছিল, পরস্পরের ঘাতপ্রতিঘাতে ভাঙ্গিয়া গিয়াছিল । জোয়া-  
রের জল বৃদ্ধি দেখিয়া আশ্চর্য্যান্বিত হইয়াছিল । অলিকসন্দর  
ভগ্ন নৌকা মেরামত করিয়া অগ্রসর হইয়াছিলেন । সিঙ্কুর  
মোহনাতে কিলোতা নামক একটা দ্বীপ তাহারা দেখিতে  
পাইয়াছিল । সেই দ্বীপে সুবিস্তৃত অনেকগুলি পোতাশ্রয় স্থল  
ছিল, অলিকসন্দর তাঁহার নৌকা সকল তথায় রক্ষা করিতে  
• অজ্ঞা দিয়া স্বয়ং দ্রুতগামী কয়েক খানি নৌকা লইয়া বাহির  
সমুদ্র দেখিতে অগ্রসর হন । আর একটা দ্বীপ তাঁহারা দেখিতে  
পাইয়াছিলেন । এখানে অলিকসন্দর যাহাতে নির্বিঘ্নে তাঁহার  
নৌবাহিনী পারশ্ব উপকূলে পৌঁছিতে সমর্থ হয়, সেই অভিপ্রায়ে  
পূজা ও দেবোদ্দেশে বযোৎসর্গ করিয়া স্বর্ণপাত্র সহ তাহা সমুদ্রে  
নিষ্ক্ষেপ করেন ।

সমুদ্রের উপকূলবর্তী প্রদেশ পর্যবেক্ষণ করিয়া অলিকসন্দর

আবার পটলে প্রত্যাগমন করিলেন। প্রত্যাগমন করিয়া দেখিলেন পোতাশ্রয় এবং পোত নির্মাণ স্থলের নির্মাণ কার্য্য, অনেকদূর অগ্রসর হইয়াছে, পিখনও সদলবলে দেশের আভ্যন্তরিক অবস্থা পরিদর্শন করিয়া প্রত্যাগমন করিয়াছেন। সিদ্ধুর যে প্রবাহ বামদিকে সমুদ্রাভিমুখে প্রবাহিত হইয়াছে, অলিকসন্দর সেই প্রবাহ অবলম্বন করিয়া সমুদ্রাভিমুখে গমন করেন। এরিয়ান বলেন, এদিকের রাস্তা অপেক্ষাকৃত সুগম। সিদ্ধু সঙ্গমের নিকট, একটা বৃহৎ হ্রদ অলিকসন্দর দেখিতে পাইয়াছিলেন। এখানকার সমুদ্রে তাঁহারা অদৃষ্টপূর্ব্ব বৃহৎ বৃহৎ মৎস্য দেখিতে পাইয়াছিলেন। অলিকসন্দর, লিওনিটসকে সমুদ্রের তট দিয়া গমন করিতে আদেশ দিয়া স্বয়ং নৌকাযোগে গমন করিয়া জলপথ সকল পরিদর্শন করেন। জলপথের সুগমতা দেখিয়া অলিকসন্দর যথেষ্ট প্রীত হইয়াছিলেন। লিওনিটস, তিন দিনের পথ অতিক্রমণ করিয়া নৌবাহিনীর পেরজলের জন্ত স্থানে স্থানে কূপ খনন করিতে আদিষ্ট হইয়াছিলেন। এ সকল কথা কতদূর সত্য সে বিষয় যথেষ্ট সন্দেহ উপস্থিত হইয়া থাকে। যাহারা এপ্রদেশের অবস্থা পরিজ্ঞাত আছেন, তাঁহারাই জানেন, ইহা কিরূপ দুর্গম ও ক্লেষণপ্রদ স্থান। বর্ষাকালে এই সকল জলপ্রবাহে, বহুল প্রদেশ জলে পরিপূর্ণ হইয়া থাকে ; সে সময় এ প্রদেশে অগ্নারোহণ করিয়া গমন করা সম্পূর্ণ অসম্ভব। আর এক কথা, এ সকল প্রদেশে তাহারা যে কূপ খনন করাইয়াছিলেন, এ কথার উপর বিশ্বাস স্থাপন করা যাইতে পারে না। এ সকল প্রদেশ সমুদ্র অপেক্ষাও কিছু নিচু, জোয়ার হইলেই সমস্ত ভূমি ডুবিয়া গিয়া থাকে। কতিপয় বৎসর পূর্বে এ প্রদেশে লবণ প্রস্তুত করিবার

জল উত্তোলন করা হইয়াছিল। শ্রমজীবীদের পানের জল এক বিন্দু পরিমিত জল ও এখানে প্রাপ্ত হওয়া যায় নাই। দূরতর স্থান হইতে নৌকা করিয়া জল আনিতে হইত। এরূপ কত মিথ্যা কথা লিপিবদ্ধ করিয়া, তাঁহারা স্বদেশবাসীর গৌরববৃদ্ধি করিয়াছেন তাহা নির্ণয় করা অত্যন্ত কঠিন।

অলিকসন্দর, পটলে প্রত্যাগমন করিয়া, পূর্ব কথিত হ্রদের তটে, একটি পোতাশ্রয় এবং সমুদ্রের তীরে আরো অধিক সংখ্যক কূপ খনন করিবার জল, কতকগুলি লোক প্রেরণ করেন। ইহা অসম্ভব মিথ্যা বলিয়া এ স্থলে উল্লেখ করা গেল।

অলিকসন্দর পটলে উপস্থিত হইয়া, স্বদেশে প্রত্যাগমনের জল উত্তোলন করিতে লাগিলেন। তাঁহার বাল্যসহচর নিয়ার্কসের অধ্যক্ষতায় নৌকা সকল সমুদ্রপথে পারশ্ব উপসাগরে পাঠাইবার আয়োজন করিলেন। এ পথের কথা গ্রীকদের সম্পূর্ণ অজ্ঞাত হইলেও, আমাদের দেশের নাবিকদের অজ্ঞাত ছিল বলিয়া বোধ হয় না। আমাদের দেশবাসীর কুপায় যে তাঁহারা, স্বদেশে গমন করিতে সমর্থ হইয়াছিলেন, এ কথা সম্ভবতঃ তাঁহারা ইচ্ছা করিয়া উল্লেখ করেন নাই। পাঠকের বোধ হয় স্মরণ আছে যে, অলিকসন্দর ইতিপূর্বে যে সময় সিন্ধুর মেহনায় গমন করিয়া যে দ্বীপ দেখিয়াছিলেন, তাহাতে অনেকগুলি পোতাশ্রয় দেখিতে পান এবং সে সকল স্থলে নিজেদের জাহাজ রাখিয়া দিয়াছিলেন। দূর সমুদ্রে গমনাগমন না করিলে কখন এরূপ স্থলে পোতাশ্রয় নির্মিত হয় না; ইহা ব্যতীত অলিকসন্দরের পায় এক শত বৎসর পরে, একজন গ্রীক ভ্রমণকারী (Agatharchides) বলেন, আরবের বন্দর সমূহে এ সমস্ত যত্ন লাইয়া

জ্ঞান আগমন 'করে। তাহার মধ্যে, অলিকসন্দরের সংস্থাপিত পোটানা ( Potana ) নামক বন্দর হইতে অধিকাংশ জাহাজই আগমন করিয়া থাকে। এই উক্তিতে যৎসামান্য ভ্রম পরিলক্ষিত হইলেও, এই পোটানা আমাদের পটল ব্যতীত অন্য কোন স্থান হইতে পারে না। এই সমুদ্রপথ আমাদের নাবিকদের সুপরিজ্ঞাত ছিল। বিদেশী শত্রুরা কখনই অজ্ঞাত পথ অনুসরণ করিয়া, অজ্ঞাত প্রদেশে গমন করিত না। তাই বোধ হয় যে নিয়ার্কস, আমাদের দেশের নাবিকের সাহায্যে স্বদেশাভিমুখে গমন করিতে সমর্থ হইয়া, এই ইয়ুরোপীয়দের অজ্ঞাত প্রদেশ আবিষ্কার করিয়া—এখনও পর্যন্ত তিনি স্বদেশবাসী ইয়ুরোপ-খণ্ডের লোকের কাছে ধন্যবাদ প্রাপ্ত হইতেছেন। আর আমরা যে অন্ধকারে সেই অন্ধকারেই মৃতের ন্যায় নিশ্চেষ্ট ভাবে অবস্থান করিতেছি।

অলিকসন্দর, যে সময় স্বদেশে প্রত্যাগমনের উদ্যোগ করিতে-ছিলেন, সে সময় তাঁহার কিরূপ অর্থ-কষ্ট উপস্থিত হইয়াছিল, তাহা নিয়ের ঘটনায় বেশ বুঝিতে পারা যায়। ভারতবর্ষ লুট করিতে আসিয়া অর্থ-কষ্টের কথা বড়ই অসম্ভব। জানি না কোন অসম্ভবকে ভারতবাসীরা সম্ভবে পরিণত করিয়া অলিকসন্দরের এই দারুণ অভাবকে আনয়ন করিয়াছিলেন। তাহা বিদেশীরা কিছুমাত্র উল্লেখ করেন নাই, সুতরাং আমাদের কাছেও এ বিষয় নিরবে অবস্থান করিতে বাধ্য হইতে হইয়াছে। নায়কের গৌরব স্মান হইবে বলিয়া, নিয়ের ঘটনাটি অলিকসন্দরের কোন চরিত্র লেখক লিপিবদ্ধ করেন নাই। প্লুতার্ক তাঁহার ইউমিনিসের চরিত্রে ইহা উল্লেখ করিয়াছেন। অলিকসন্দর, অর্থ-

কষ্ট দূর করিবার জন্ত তাঁহার সহচরদের নিকট কিছু কিছু টাকা লইয়াছিলেন, সেক্রেটারী ইউনিমসের নিকট তিন শত টালাণ্ট চাহিয়াছিলেন, ইউনিমস অত টাকা তাঁহার নাই বলিয়া, একশত টালাণ্ট দিতে প্রস্তুত হইয়াছিলেন। অলিকসন্দর সে টাকা লন নাই, ফিদ্ধাইয়া দিয়াছিলেন, বুঝিলেন তাঁহাকে ইউনিমস প্রতারণা করিয়াছে। অলিকসন্দর, অল্পগতের এ অপরাধ উপেক্ষা করিবার পাত্র নহেন। তিনি গোপনভাবে ভৃত্যকে দিয়া ইউনিমসের শিবিরে অগ্নি প্রদান করিলেন, দেখিতে দেখিতে সকলের সম্মুখে, ইউনিমসের শিবির ভস্মীভূত হইয়া গেল অলিকসন্দরের যে সকল কাগজ পত্র ছিল, তাহাও ইহার সহিত পুড়িয়া গেল। সমস্ত পুড়িয়া গেলে দেখা গেল প্রায় এক সহস্র টালাণ্ট মূল্যের স্বর্ণ, রোপা, গলিয়া তাল বাঁধিয়া গিয়াছে। অলিকসন্দর নাকি দয়া করিয়া ইউনিমসের নিকট হইতে আর কিছুই চাহেন নাই। যে সকল কাগজ পত্র পুড়িয়া গিয়াছিল, সে সকল পূরণ করিবার জন্ত অলিকসন্দর কর্মচারীগণকে তাহাদের পত্রের অহুলিপি পাঠাইতে আদেশ করিয়া ইহার পূরণ করিয়াছিলেন। এই ঘটনাতে অলিকসন্দরের অবস্থা বেশ ভাল করিয়া বুঝিতে পারা যায়। ক্রোধন অলিকসন্দরের, অভাবজনিত ক্রোধের মাত্রা সীমা অতিক্রম করিয়া বর্দ্ধিত হইয়াছিল, তাই তিনি কর্তব্য অকর্তব্য বিচার না করিয়া অনুজীবীর শিবিরে অগ্নিপ্রদান করিয়াছিলেন। ইহাতে বেশ বুঝিতে পারা যায় যে, ভারতবাসীর হস্তে তিনি বেশ লাঞ্চিত হইয়াছিলেন, ইহাদিগের উৎপীড়নে তিনি কর্তব্য বুদ্ধি হারাইয়াছিলেন, বিপাশার তটে তিনি যেরূপ অতি রুহৎ

শয়ন-শয্যা প্রভৃতি নির্মাণ করাইয়া প্রবঞ্চনা করিয়াছিলেন. সেইরূপ বোধ হয় সমুদ্র তটে পেয় জল প্রাপ্তির জন্ত কূপ খনন প্রভৃতি মিথ্যাকথা লিপিবদ্ধ করাইয়া অসাধারণরূপে লাভ করিয়াছিলেন।

অলিকসন্দর, বিতস্তার তটে, তাঁহার বিজয়ক্ষেত্রে যে নগর স্থাপন করিয়াছিলেন, সেইস্থান হইতে পটলে আসিতে, এরিষ্টো-বুলস বলেন, দশমাস সময় অতিবাহিত হইয়াছিল। যদি কোন বাধা প্রাপ্ত না হওয়া যায়, তাহা হইলে এই পথ ১৫।২০ দিনের মধ্যে অবলীলাক্রমে অতিক্রম করা যাইতে পারে। এই ১৫।২০ দিনের রাস্তা অতিক্রম করিতে, অলিকসন্দরের ত্রায় মহাবীরকে সুদীর্ঘ দশমাস অতিবাহিত করিতে হইয়াছিল। এই দশমাসের মধ্যে তাঁহাদিগের দুর্দশা সীমা অতিক্রম করিয়া বৃদ্ধি পাইয়া ছিল। এই দশমাসে ভারতবাসী, ব্রাহ্মণ, ক্ষত্রিয়, বৈশ্য ও শূদ্রের ভুক্তবলের দারুণপ্রভাব তাঁহারা ভালরূপেই অবগত হইয়াছিলেন। এই দশমাস ক্রেশ ভোগের পর, কোনরূপ সুফল প্রাপ্ত হইয়াছিল কিনা, তাহা আমরা অবগত নহি, কিন্তু তাঁহাদিগের লুপ্তিত ধনের ভাণ্ডার, নিঃশেষ প্রায় হইয়াছিল, তাহা আমরা সুবিদিত আছি। অলিকসন্দর কার্তিক মাসে বিতস্তা তট পরিত্যাগ করিয়া শ্রাবণ মাসে পটলে উপস্থিত হইয়াছিলেন। সিন্ধু প্রদেশের দুঃসহ উত্তাপ, ভারতবাসীর মর্মান্তিক তীক্ষ্ণরূপে অপেক্ষাও যে, তাঁহা দিগকে প্রপীড়িত করিয়াছিল সে বিষয় সন্দেহ নাই।

অলিকসন্দর পটল প্রদেশে প্রায় ২।০ মাসকাল অবস্থান করিয়া আশ্বিনের শেষভাগে পুনরায় গমন করিতে আরম্ভ করিয়াছিলেন। বায়ু অমুকুল না থাকাতে নিয়ার্কস জলপথে যাত্রা



করিতে সমর্থ হন নাই । অলিকসন্দের গমনের পর আমাদের ভারতবাসীরা নিয়ার্কস প্রমুখ ইয়ুরোপীয়গণকে ঘোরতর পরাক্রমে আক্রমণ করেন । ইতিপূর্বে যাহারা কোনরূপে যুদ্ধস্থলে ভারতবাসীর সম্মুখীন হইতে সমর্থ হইয়াছিল, তাহারা এক্ষণে ভারতবাসীর কাছে বিতাড়িত হইয়া পলায়নে প্রবৃত্ত হইল । নিয়ার্কসের এই পলায়ন কথা, এরিয়ান, কুর্তিস্ প্রভৃতি অলিকসন্দের চরিত্র লেখকগণ কেহই কোনরূপ উল্লেখ না করিয়া চাপা দিয়া গিয়াছেন । খৃষ্টের সমকালের, সুবিখ্যাত লেখক ষ্ট্রাবো যদি এ কথা প্রকাশ না করিতেন, তাহা হইলে আমরা, বৈদেশিকগণকে আমাদের ভারতভূমি হইতে বিতাড়িত করিবার জন্ত আমাদের স্বদেশবাসীরা যে ঘোরতর পরাক্রম প্রকাশ করিয়াছিলেন, তাহা অবগত হইতাম না । নিয়ার্কস মনে করিয়াছিলেন, বায়ু একটু অনুকূল হইলে সমুদ্রযাত্রা করিবেন ; কিন্তু তাহা হইল না, তাঁহাকে বাধ্য হইয়া কিছুদিন আগেই যাত্রা করিতে হইয়াছিল । যাত্রার প্রথমভাগে তাঁহাকে জলঝড়ের জন্ত বিপদগ্রস্ত হইতে হইয়াছিল । বর্তান করাচির কাছে তাঁহাকে ২৪ দিন অবস্থান করিতে হইয়াছিল । যে স্থানে অবস্থান করিয়াছিলেন, তাহাকে তিনি অলিকসন্দের বন্দর নামে অভিহিত করিয়াছিলেন ।

অলিকসন্দের দল বাঁধিয়া লুটপাট করিতে করিতে, গ্রীকদিগের আরবিয়স্ ( Arbios ) বর্তমান পুরালীনদী অতিক্রম করিয়া বেলুচিস্থানের ভিতর দিয়া অগ্রসর হইতে লাগিলেন । এ সকল প্রদেশের হিন্দু অধিবাসীরা, আপনাদিগের স্বাধীনতা রক্ষার জন্ত প্রচণ্ড পরাক্রম প্রকাশ করিয়া যুদ্ধ করিয়াছিলেন । স্বাধীন প্রকৃতির অরিইতাইরা ( Arritai ) অলিকসন্দের আগমন সংবাদ অব-

গত হইয়া, তাঁহাদের বা সেনাদলের কোনরূপ সাহায্য প্রদান করেন নাই। এই অপরাধে সহস্র সহস্র অরিইতাই সম্মুখসমরে প্রাণ-ত্যাগ করিতে বাধ্য হইয়াছিল। বর্তমান লাসবেলা, অরিইতাই রাজ্য। এস্থান দিয়া গমনকালে রামবাক(Rambakia) বারামবাগ (বর্তমান খাইরো কোট, লিয়ারির উঃ পঃ অবস্থিত।) নামক স্থানে অবস্থান করেন। \* এস্থান দেখিয়া অলিকসন্দর প্রীত হইয়াছিলেন। এখানে একটি উপনিবেশ সংস্থাপন করিবার জন্ত হিপান্তিয়নকে আদেশ করিয়াছিলেন। এস্থান হইতে অলিকসন্দর হিঙ্গল নদেরতটে অবস্থান করিয়াছিলেন ; ইহারই নিকটে আমাদের সুপ্রসিদ্ধ হিংলাজ তীর্থ। এ স্থানের দেবতা ইউরোপীয় ইতিহাসের অতীতকাল হইতে সকলজাতি কর্তৃক পূজিত হইয়া ছিলেন। বর্তমানকালেও হিন্দু, মুসলমান, উভয়ের কাছেই ইনি সমানভাবে পূজিত হইয়া থাকেন।

\* এই রামবাগ দেবিয়া ইউরোপীয় পণ্ডিত মহাশয়েণ। বড়ই বিচলিত হইয়া পড়েন। অলিকসন্দরের পূর্বে যখন বেলুচিস্থানে রামবাগ স্থাপিত হইয়াছে। তখন অযোধ্যার রাম বে বহু শত বৎসর পূর্বে আবিভূত হইয়াছিলেন, সেই কথা ভাবিয়া তাঁহারা আক্লিত হন। বলা বাহুল্য যে পরম্ব দিবস বাহারা মানু্য হইয়াছে, তাহারা বনিদি ঘরকে ছোট করিবারজন্ত বড়ই ব্যতিব্যস্ত হইয়া থাকে।

## ষষ্ঠ অধ্যায় ।

অধ্যবসায়ের অবতারণা ; অদ্ভুত বিক্রম অলিকসন্দর ভারত-বিজয় বিষয়ে স্বীয় আশাঅনুরূপ ফললাভে অসমর্থ হইলেও, তাঁহার দুঃসহ তেজ, অলৌকিক কার্য্য সম্পন্ন করিবার জন্ত দুরাগ্রহ, দুঃক্লেশ শত্রুকুল পরিবেষ্টিত হইয়া ও স্থিরভাবে কার্য্য করিবার অদ্ভুত শক্তি, চিরকাল বিশ্বয়ের সহিত আলোচিত হইবে । অলিকসন্দরের, ভারতবর্ষে পদার্পণের সহিত ক্ষত্রিয়াদি বর্ণত্রয় যে, প্রবল বাধা প্রদান করিয়াছিলেন, তাহাতে কিছুমাত্র আশ্চর্য্যের বিষয় নাই । কিন্তু তপস্যা ও স্বাধ্যায় নিরত নিরীহ প্রকৃতির ব্রাহ্মণগণ, যাহারা শত্রু ও মিত্র উভয়কেই সমানভাবে দর্শন করিয়া থাকেন ; যাহারা স্ত্রী, পুত্র, পরিজন, পরিত্যাগ করিয়া অরণ্য মধ্যে জৈষ্ঠ্য উপাসনায় জীবন অতিবাহিত করেন, যাহারা স্তুতি ও নিন্দ-লাভ ও অলাভ, অর্থ ও অনর্থ প্রভৃতি সাংসারিক বিষয়কে বিষবৎ পরিত্যাগ করিয়া নিম্পৃহভাবে অবস্থান করিয়া থাকেন ; সন্দ্ৰি সম্পন্ন হইবার ইচ্ছা, যাহারা দূরে পরিত্যাগ করিয়া ভিক্ষাকেই একমাত্র উপজীবিকা করিয়া কোনরূপে জীবন যাত্রা নির্বাহ করেন ; সেই সকল নগ্ন প্রায় ব্রাহ্মণগণ, কি জন্য সর্বাপেক্ষা শ্রেষ্ঠদান হৃদয়ের শোণিতদান করিয়া জন্মভূমির পূজা করিয়াছিলেন ? কি জন্য তাঁহারা বৈদেশিক আক্রমণ হইতে স্বদেশ রক্ষা করিবার জন্য দলে দলে এই পরম প্রিয়তম শরীরকে যুদ্ধযজ্ঞে অর্হতি প্রদান করিয়াছিলেন ? সে বিষয়ের কারণ অনুসন্ধান না করিলে আমাদের প্রস্তাব অসম্পূর্ণ অকথায় রহিয়া যায়,

এজন্য আমরা সাধ্যানুসারে তাহার কারণ নির্ণয় করিতে যত্নশীল হইব।

ব্রাহ্মণ দরিদ্র হইলেও ভারতীয় প্রজাবর্গের নিয়ন্তা ও প্রভু, জগতের জ্ঞান রাজ্যের সমানিহ আদি গুরু, সূত্রাং ব্রাহ্মণ নিজের সর্বশ্রেষ্ঠ মর্যাদা সম্যক্ প্রচারে রক্ষা করিবার জন্য সর্বাগ্রে অভিনয়ক্ষেত্রে আবির্ভূত হইয়াছিলেন। ব্রাহ্মণ বুঝিয়া ছিলেন, বৈদেশিক অধীনতা পাশ হইতে স্বদেশ বাসীকে রক্ষা না করিলে, বিদেশীর সংসর্গে দেশের অধঃপতন হইবে, সকল বিষয়েই সাক্ষর্য উপস্থিত হইবে, সঙ্করই সর্ব প্রথমে বিনাশকে প্রাপ্ত হইয়া থাকে ; তাই ব্রাহ্মণেরা নিজের প্রজা রক্ষা করিবার জন্য, অস্ত্র গ্রহণ করিয়াছিলেন। পরাধীন জাতি সমৃদ্ধি সম্পন্ন হইলেও, ধীরে ধীরে সে কঠোর দারিদ্র্য প্রাপ্ত হইয়া থাকে ; যে “আনন্দ হইতে জগতের উৎপত্তি,” মানুষ সেই আনন্দ বিহীন হইলে, বিনাশকে প্রাপ্ত হইয়া থাকে, তাই আনন্দকে ব্রাহ্মের ঋণ ষাঁহারা উপাসনা করেন, সেই জগদগুরু ব্রাহ্মগণ, দেশ বাসীকে নিরানন্দ হইতে, মৃত্যু মুখ হইতে, রক্ষা করিবার জন্য, সর্বপ্রথমে অস্ত্র গ্রহণ করিয়া স্বদেশ বাসীকে রক্ষা করিবার জন্য, দ্রুতবেগে সর্বাগ্রে গমন করিয়াছিলেন। ব্রাহ্মগণ বুঝিয়াছিলেন, সিংহ, ব্যাঘ্র, প্রভৃতি অরণ্যচর জন্তুগণও, পিঞ্জর মধ্যে বন্দী হইলে, তাহাদিগের সে বন্য স্বাধীনতা অপহৃত হইলে, তাহারা যথেষ্ট পরিমাণে আহাৰ্য্য পাইলেও, তাহাদিগের জনন শক্তি হ্রাস হইয়া যায়, শৈশব মৃত্যু বৃদ্ধি পায়। তাই কারুণিক ব্রাহ্মগণ, পুত্র কন্যা প্রতিপালন না করিলেও, আপনার যুগযজ্ঞে এক হস্তের ব্যবহার করিলেও, স্বদেশবাসীকে রক্ষা করিবার জন্য, এই স্বাধীনতা

সংরক্ষণ যজ্ঞে, হস্ত দ্বায়ের ব্যবহার করিয়াছিলেন। “পরাদীন বস্তু নিত্য অশুচি”, (১) অপবিত্রের দ্বারা কোন কার্য হইতে পারে না, তাই স্বার্থপর রাজন্যবর্গ অলিকসন্দরের শরণাপন্ন হইলেও, ব্রাহ্মণগণ দেশবাসীকে পবিত্রকরিবার জন্য শাগিত অস্ত্রগ্রহণ করিয়াছিলেন। তাঁহারা জানিতেন, “নায়মাত্মা বলহীনেন লভ্যঃ” (বেদ) তাই তাঁহারা, যাহাতে স্বদেশবাসী কার্যকালে ক্লীবের ন্যায় অবস্থান না করে, সেই জন্য তাঁহারা সর্বপ্রথমে অস্ত্র লইয়া স্বদেশবাসীকে উৎসাহিত করিয়াছিলেন। শ্রাদ্ধাদি পবিত্র কার্য পরের ভূমিতে অনুষ্ঠিত হইলে, সে সমস্ত বিফল হইয়া যায়, (২) তাই তাঁহারা আপনাদের দেশ রক্ষা করিবার জন্য রূপাণপাণি হইয়া সর্বাগ্রে গমন করিয়াছিলেন। দেশবাসীকে আপদ হইতে ব্রাহ্মণই উদ্ধার করিয়া থাকেন (৩) যিনি ইহা হইতে বিমুখ তিনি কখন “ব্রাহ্মণ” এই পবিত্র নাম গ্রহণের যোগ্য নহেন

(১) যে দেশ পরাদীন, সে দেশের অধিবাসী নানাকারণে দিরোপী, সর্বদা ঋণগ্রস্ত, ধর্মকার্য্য বিবজ্রিত মূর্থ হইয়া থাকে। ভগবান অত্রি, এই সকল অপবিত্র সোকের মাথ উল্লেখ কালে পরাদীন ব্যক্তিরও নাম ইহার মধ্যে পরিগণিত করিয়াছেন। বলা বাহুল্য, স্বাধীন ব্যক্তির কাছে, গোলাম সবই সমান—ইহাতে ছোট বড় ভেদ নাই।

ব্যাবিতস্য কদর্য্যস্য ঋণগ্রস্তস্য সর্বদা।

ত্রিগাহীনস্য মূর্খস্য স্ত্রীজিতস্য বিশেষতঃ ॥

• বাসনাসক্ত চিত্তস্য পরাদীনস্য নিত্যশঃ।

• স্বাধ্যায় ব্রতহীনস্য সততং স্মৃতকং ভবেৎ ॥ অত্রিসংহিতা ॥

(২) ভগবান বিষ্ণুবলেন, “ন য্নেচ্ছ বিষয়ে শ্রাদ্ধং কুর্য্যাৎ”।

উপনস্ বলেন। “পরস্য ভূমি ভাগে তু পিতৃণাং বৈন স্মির্কপেৎ” ॥

(৩) ভগবান বশিষ্ঠ বলেন, ব্রাহ্মণ আপদ উদ্ধরতি।

তাই নিজেদের নাম অক্ষুন্ন রাখিবার জন্য ব্রাহ্মণগণ দলে দলে অলিকসন্দরের গতিরোধ করিবার লন্য অস্ত্রপাণি হইয়া গমন করিয়াছিলেন ।

যাঁহারা দেশবাসী কর্তৃক সর্বতোভাবে পূজিত হইয়া থাকেন, দেশবাসী যাঁহাদিগকে সকল প্রকারে রক্ষা করিয়া থাকেন, যাঁহাদিগকে কোনরূপ রাজস্ব প্রদান করিতে হয় না, ( ৪ ) তাঁহারা দেশবাসীর বিপদে কোনরূপেই নিশ্চেষ্ট ভাবে অবস্থান করিতে পারেন না । তাই তাঁহারা প্রত্যাশার বশবর্তী হইয়া, স্বদেশবাসীকে রক্ষা করিবার জন্ত অস্ত্রপাণি হইয়াছিলেন ।

ব্রাহ্মণগণ, আপনার প্রজা, বা অঙ্গ-স্বরূপ বিবেচনা করিয়া ক্ষত্রিয়, বৈশ্য ও শূদ্রগণকে রক্ষা করিবার জন্ত, আপনাদিগের সুখ স্বচ্ছন্দতা দূরে পরিত্যাগ করিয়া, মাতা যেরূপ শিশুপুত্রকে রক্ষা করিবার জন্ত সর্বাগ্রে অগ্রসর হন, সেইরূপ তাঁহারা গিরিগুহা, কানন, হইতে বহির্গত হইয়া ধাবিত হইয়াছিলেন ।

( ৪ ) এই সে দিন, মুসলমান রাষ্ট্রের অস্তিম কালেও, একমাত্র বাঙ্গলার ব্রাহ্মণাদি ব্রহ্মোত্তর প্রতীকরূপে ৮০ লক্ষ বিঘা ভূমি নিষ্কর অধিকার করিয়াছিলেন । একজন মনসী ইংরেজ দুঃখ করিয়া বলিয়াছিলেন, “It is incredible that should have allowed eight million of beeghas of land to be permanently alienated from the State.”

সাহেব যে ভাবেই বলুন না কেন, আমরাও বলি যাঁহারা এই প্রহর ভূমি ভোগ করিতেছে, তাঁহারা সুদীর্ঘকালের মধ্যে দেশের বা দেশের কি উপকার করিয়াছেন ? যাঁহারা দেশবাসী কর্তৃক পরিপুষ্ট হইয়াও, স্বদেশবাসীর হিতকর কার্য করিবার সময় আলস্য প্রকাশ বা বিরুদ্ধাচরণ করিয়া থাকে ; তাঁহাদিগের এই সম্মান ভোগ কালে লজ্জিত হওয়া উচিত ।

ব্রাহ্মণগণ জ্ঞান বিষয়ে সর্বাপেক্ষা শ্রেষ্ঠ লাভ করিলেও, বাহ্য-  
বলেও তাঁহারা কাহারো অপেক্ষা ন্যূন ছিলেন না। ব্রহ্মবল ও  
ক্ষত্রিয়বল উভয় বলে তাঁহারা অসাধারণ হইলেও, সমাজের  
হিতকল্পেই তাঁহাদের শক্তি ব্যয়িত হইত, সমাজ ধ্বংস  
করিবার জন্ত তাহা প্রযুক্ত না হইয়া, আমাদের এই বর্ণাশ্রম  
সংযুক্ত ভারতীয় সমাজকে রক্ষা করিবার জন্ত, তাঁহাদের অসীম  
শক্তি প্রযুক্ত হইত। বর্ণচতুষ্টয় পরস্পর যেন একটী আত্মীয়তা  
স্থত্রে আবদ্ধ ছিলেন।

পাশ্চাত্য শিক্ষার সহিত আমাদের দেশে দুইটা কথা  
আসিয়াছে যে. শূদ্রেরা এদেশের আদিম নিবাসী, আর ব্রাহ্মণ  
প্রভৃতি ভারতের বহির্ভাগ হইতে আগমন করিয়া এদেশ  
অধিকার করিয়াছেন। ইয়ুরোপীয়েরা এবিষয়ে যাহাই বলুন  
না কেন, সে সকল যুক্তির মূল্য খুবই কম। তাঁহারা বলেন,  
বেদে ইহা উক্ত হইয়াছে, তাঁহারা বেদের মুখ দিয়া যাই বলুন  
না কেন, আমাদের বেদ পুরাণ কিম্ব, ইহার প্রতিকূলে প্রমাণ  
প্রয়োগ করিয়া থাকেন। অনাদিকাল হইতে আমরা এই  
আর্য্যভূমি, আর্য্যাবর্তে উৎপন্ন হইতেছি, এবং পুরাকালে এই  
স্থান হইতে দূরতর প্রদেশে গমন করিয়া, আমাদের পূর্বজগণ  
উপনিবেশ সংস্থাপন করিয়াছেন। খৃষ্টের ১৪ শত বৎসর পূর্বে  
আমাদের ভারতীয় সভ্যতা ভূমধ্যসাগরের উপকূল প্রদেশে  
বিস্তার লাভ করিয়াছিল, তাহা আমরা অভিনব আবিষ্কৃত শিলা-  
লিপিতে অবগত হই।

শূদ্র সম্বন্ধে এইটুকু বলিলেই যথেষ্ট হইবে যে, যে বিরাট  
পুরুষের অঙ্গ হইতে ব্রাহ্মণাদি বর্ণত্রয় উৎপন্ন হইয়াছেন ; সেই

বিরাট পুরুষেরই অঙ্গ হইতে শূদ্রেরা জন্মগ্রহণ করিয়াছেন। একটা শরীর কল্পনা করিতে হইলে, তাহার মস্তকের যেরূপ প্রয়োজন, পদবয়ের তাহা অপেক্ষা কম প্রয়োজন নহে। মস্তক না থাকিলে শরীর পূর্ণতাকে প্রাপ্ত হইতে পারে না; পা, না থাকিলে শরীরের সেইরূপ অবস্থা হইয়া থাকে। তাই সমাজ—শরীরের মস্তক ও চরণ উভয়েরই প্রয়োজন আছে। একটি না থাকিলে, আর একটি কখনই থাকিতে পারে না। আমাদের সমাজ, পৃথিবীর সকল সমাজের আদর্শ স্থানীয়, পৃথিবীর সকল সমাজ অপেক্ষা শক্তিশালী, এবং সকল সমাজ অপেক্ষা প্রাচীন। পৃথিবীর অগাধ দেশের দুই দিনের নূতন নূতন সমাজ মধ্যে, কত বিপ্লব কত মারামারি, কত কাটাকাটি অশুষ্টি হইয়া দুই দিনের মধ্যেই কত বিনষ্ট হইয়া গিয়াছে, তাহার সংখ্যা করা সুকঠিন। কিন্তু আমাদের সমাজ, অনন্তকাল হইতে পরস্পর কেমন সুন্দররূপে মিলিত হইয়া, এই সমাজ শরীরকে রক্ষা করিতেছে; তাহা অভ্যস্তরে প্রবেশ করিয়া অধ্যয়ন করিলে বিশ্বয়াপন্ন হইতে হয়। এখানে ধনবান, দরিদ্রে মারামারি কাটাকাটি নাই, বিদ্বান মুখে, বিদ্বেষ নাই, সকলেই নিজের নিজের অবস্থায় প্রসন্নচিত্ত হইয়া সমাজ সেবার যত্নশীল। গ্রীকরা, এদেশে আসিয়া দেখিলেন, তাঁহাদের দেশে দাসদের যেরূপ ঘোরতর দুরবস্থা, এদেশে তদ্রূপ কিছুই নাই, ইহা দেখিতে না পাইয়া তাঁহারা বিস্মিত হইলেন। “একটি গৃহস্থের বাটীতে সকলেই কর্তা হইলে যেরূপচলে না, কাহাকে কাট কাটিতে হয়, কাহাকে উপার্জন করিতে হয়; কাহাকে বিদ্যানুশীলন করিতে হয়; সেইরূপ সকালে আমাদের সমাজের



ব্যক্তিগণ স্বতন্ত্রতার সহিত আপন আপন কার্য্য নির্বাহ করিতেন। আমাদের এই অনাদিকালের সামাজিক ইতিহাসে, ব্রাহ্মণ শূদ্র, বা জাতিতে জাতিতে, মারামারি, কাটাকাটি, হইতে কখন দেখি নাই। দুই একবার কোন এক ব্রাহ্মণের সহিত, কোন একরাজা বা রাজবংশের সহিত বিরোধ হইয়াছিল। তাহা জাতিতে জাতিতে বিরোধ নহে, সে বিরোধ ব্যক্তিগত ভাবে। পশ্চিমে একটা কথা আছে যে, “বিতর্ক করিয়া শাসন কর, এই নীতি গ্রহণ করিয়া, তাঁহারা বলেন, “স্বার্থপর ব্রাহ্মণগণ শূদ্রদের প্রতি বড়ই অসদ্যবহার করিতেন,—সমাজে তাহাদের স্থান অনেক নিম্নে, ইত্যাদি ইত্যাদি দোষারোপ করিয়া আমাদের দেশের অজ্ঞদের বুদ্ধিভেদ উৎপন্ন করিতে চেষ্টা করিয়া থাকেন। আমাদের দেশের একশ্রেণীর লেখক, তাঁহাদের গুরুদের কথার ভিতর প্রবেশ না করিয়া, অমনি তাহারাও ধূয়া তোলেন যে, ব্রাহ্মণগণের মতন দুষ্টজাতি জগতে আর নাই, হিন্দুর যাহা কিছু সর্ব্বনাশ এই ব্রাহ্মণদের দ্বারা সাধিত হইয়াছে। এই সকল প্রলাপ উক্তির সম্বন্ধে এইটুকু বলিলে যথেষ্ট হইবে যে, উপযুক্ত ব্যক্তির শ্রেষ্ঠত্ব, কেহই কখন অপলাপ করিতে সমর্থ হয় না। আর অল্পযুক্ত সহস্র চেষ্টা তেও গুরুস্থানে সমাসীন হইতে পারে না, তাহার পদচ্যুতি হইবেই হইবে। যে দেশে ব্যাধের নিকট ও ব্রাহ্মণ ধর্ম্ম কথা শ্রবণ করিতেন, যে দেশে নিষাদরাজের মিত্রতা সাদরে গৃহীত হইত, সে দেশে জাতি বিদ্বেষের কথা উঠা কোনরূপে উচিত নহে। জাতিভেদ সকল দেশেই আছে, ইহার সহিত বিদ্বেষও আছে।, ভারতে জাতিভেদ থাকিয়াও বিদ্বেষ নাই, ইহাই ইহার

বিশেষত্ব। আমাদের পরাধীনতার সহিত, আমাদের উদারবৃত্তি সকল সঙ্কুচিত হইয়াছে, আমাদের মনুষ্যত্ব আত্মাদিগকে পরিত্যাগ করিয়া দূরে চলিয়া গিয়াছেন। আমরা উদার না হইলে, আমরা মানুষ না হইলে, আমাদের সমাজ সুরক্ষিত হইবে না। আত্মাদিগকে ধ্বংস করিবার জন্ত যাহারা প্রস্তুত ; অথচ যাহাদিগের সমাজ মধ্যে, স্ত্রী পুরুষ, ধনী নির্ধন পরস্পর কলহে প্রবৃত্ত, আমরা আত্ম রক্ষার জন্ত তাহাদিগের নিকট গমন করিতেছি, তাহাদিগের অনুকরণ করিতেছি, তাহাদিগকে আদর্শ করিতেছি। ঘোরতর উন্মাদ ও একরূপ কার্যে অগ্রসর হয় কি না, সে বিষয় সন্দেহ হইয়া থাকে। যদি বাঁচিয়া থাকিতে চাও, তাহা হইলে আমাদের নিজের প্রাচীন আদর্শকে অনুসরণ কর, তাহা হইলে রক্ষিত হইবে।

অলিকসন্দরকে বাধা দিবারজন্ত, শূদ্র রাজগণ, যথেষ্ট পরিমাণে চেষ্টা করিয়াছিলেন—অকাতরে শরীর বিসর্জন দিতেও তাঁহারা পশ্চাদপদ হন নাই। ইহা আমাদের স্বাধীন ভারতবর্ষের কথা। ইহারা কি সে কালে দাস বলিয়া ঘৃণিত হইতেন ? বর্তমান কালে বরোদার অধিশ্বর শ্রীমান্ সয়াজীরাও, বেকরূপ প্রশংসিত হইয়া থাকেন, সেকালেও শূদ্র রাজেরাও, সেইরূপ উপযুক্ত হইলে প্রশংসাতাজন হইতেন।

বিনি মর্যাদা দানে অকুণ্ঠ, তিনিই মর্যাদালাভের অধিকারী। পরাধীন প্রাণ খুলিয়া প্রশংসা, বা ভদ্রভাবে নিন্দা করিতে সমর্থ হয় না, তাহাতেও যেন তাহার অধীনতার কথা ব্যক্ত হইয়া পড়ে। অমোধ্যাধিপতি মহারাজ রামচন্দ্রের, বনে গমন করিবার পূর্বেই, নিষাদাধিপতি তাঁহার “অঙ্গসম”

সম্মিতকে লাভ করিয়াছিলেন। বনে গমনকালে গুহক নানাবিধ  
অন্নব্যঞ্জনাদি ভোজ্যদ্রব্য ও অর্ঘ্যাদি দিয়া তাহার পূজা করিয়া-  
ছিলেন। ইত্যাদি কথা বর্তমান কালে কবি কল্পনাগ্রহত  
বলিয়া কি বিবেচিত হইবে? বর্তমান কালে, কোন শক্তিশালী  
নৃপতির রাজ্যের সীমান্ত প্রদেশে, কোন দুর্বল বা বিভিন্ন  
প্রকৃতির নরপতির রাজ্য করা, যে রূপ সর্বদাই বিপদপূর্ণ; সে  
কালে সেরূপ ছিল না বলিয়া বিবেচিত হইয়া থাকে। প্রবল  
পরাক্রান্ত অযোধ্যাপতির রাজ্যের সীমান্ত প্রদেশে, একজন  
নিষাদপতিকে অবস্থান করিতে দেওয়া সামান্য উদার রাজনীতির  
ফল নহে।

জাতি যখন স্বাধীন থাকে, তখন আবশ্যিক অনুসারে সমাজ  
শরীরের সঙ্কোচন ও সম্প্রসারণ হইয়া থাকে। বল্লালসেনের  
সময় আমরা দেখিতে পাই; নাবিক কৈবর্তের জল, রাজ আজ্ঞায়  
চল হইয়াছিল। আবার তাঁহারই আজ্ঞায়, উচ্চবর্ণজ সুবর্ণ  
বণিকগণের জল অচল হইয়াছিল! মহারাজ কৃষ্ণচন্দ্রের আজ্ঞায়  
কাহারও জল অচল হইয়াছিল কি না, তাহা আমাদের স্বরণ  
হয় না, কিন্তু গোয়ালাদিগের জল প্রচলন হয়, সে কথা আমরা  
অবগত আছি। সমাজ বিষয়ে আমরা সম্পূর্ণ স্বাধীন, এ সকল  
বিষয়ে, আমরা যদি প্রাচীনকালের উদারতা অনুসরণ না করি,  
তাহা হইলে সমাজ দুর্বল হইবে, নষ্ট হইয়া যাইবে, আমাদের  
অস্তিত্ব রক্ষা করা কঠিন হইয়া উঠিবে।

মহু প্রভৃতি ধর্মশাস্ত্রের প্রবর্তকগণ, শূদ্রের সহিত কোথায়  
যাইবে না, শূদ্রকে বিশ্বাস করিবে না, শূদ্রকে উপদেশ দিবে না,  
ইত্যাদি যে কথকগুলি বিধান প্রণয়ন করিয়াছেন; তাহা কখন

যে কার্যে পরিণত হইয়াছিল বলিয়া বোধ হয় না। অথচ সাং-  
সারিক বিষয়ে তাহার, সম্পূর্ণ বিপরীত দেখিতে পাওয়া যায়।  
পুরাকালে আমাদের দেশের সমস্ত শিল্পদ্রব্য প্রায়ই শূদ্রগণ-  
কর্তৃক নিৰ্ম্মিত হইত; সুতরাং শূদ্র ও বণিকগণ যে বিশেষরূপে  
অর্থশীলী হইত, তাহাতে কিছুমাত্র সন্দেহ নাই। শূদ্রগণ কত  
প্রকার কারুকার্য করিয়া সমাজের সেবা করিতেন, তাহা রামা-  
য়ণ পাঠে অবগত হওয়া যায়। রাম বনে গমন করিলে, অযো-  
ধ্যার মণিকার, সুদক্ষ কুম্ভকার, তন্তুবায়, অস্ত্র নিৰ্ম্মাণ কারক,  
মায়ুরকে ( ময়ূর পুচ্ছের নানাবিধ দ্রব্য প্রস্তুতকারক ) ক্রাকচিক  
( করাতী ) মুক্তাদি বেধক, দস্তকার, রোচক ? সুধাকর, ( চূণ  
ব্যবসায়ী ) গন্ধোপজীবী, ( সুগন্ধদ্রব্য বাহারা প্রস্তুত করে )  
সুবর্ণকার, কঙ্কলকার, স্নাপক, অঙ্গমদাঁক, ধূপক ( বাহারা ধূপ  
করে ) শৌণ্ডিক, রজক, তুলুবায় ( দজ্জা ) গ্রাম ঘোষ \* প্রভৃতি  
নাগরিকগণ, ভরতের অনুগমন করিয়াছিল। ভরতের বাইবার  
পূর্বে, ভূমি প্রদেশজ্ঞ, সূত্রকৰ্ম্ম বিশারদ, খনক, যন্ত্রক, স্থপতি,  
যন্ত্রকোবিৎ, মার্গিণ, বৃক্ষতক্ষক + প্রভৃতি গমন করিয়া, শিবির

- \* মণিকারঃ যে কেচিৎ কুম্ভকারাঃ শোভনাঃ  
সূত্র কৰ্ম্ম-বিশেষজ্ঞা যে চ শস্ত্রোপা জীবিনঃ ।  
মায়ুকা ক্রাকচিকা বেধকা রোচকা স্তথা ।  
দস্তকারাঃ সুধাকরা যে চ গন্ধোপ জীবিনঃ ॥  
সুবর্ণকারা প্রথাতা স্তথা কঙ্কল কারকাঃ ।  
স্নাপকোষদকা বৈদ্যা ধূপিকা শৌণ্ডিকা স্তথা ।  
রজকা স্তন্ববাণাঃ গ্রাম ঘোষমহন্তরা ॥ রামায়ণ, অযো, ৮৩ অ ।

- + অথ ভূমি প্রদেশজ্ঞাঃ সূত্রকৰ্ম্ম বিশারদাঃ ।  
( স্বকৰ্ম্মাভিরতাঃ শূরাঃ খনকা যন্ত্রকা স্তথা ॥  
কৰ্ম্মান্তিকা স্থপত্যঃ পুরুষা যন্ত্রকোবিদাঃ ।

সকল সংস্থাপন, রাস্তাঘাট প্রস্তুত করিয়াছিল। এই সকল শিল্পী-ও ব্যবসায়ী যে সমাজে অবস্থান করে, তাহাদিগের সভ্যতা সম্বন্ধে বেশী বলা বাহুল্য। বর্তমানকালে আমরা এরূপ অধঃপতিত হইয়াছি যে, আমাদের স্বদেশী ভাষায় এই সকল ব্যবসায়ীর নাম কথিত হওয়াতে অনেকের মনে সেরূপ সম্মান বুদ্ধি উপস্থিত হয় না। যখন ইঞ্জিনিয়ার, মেক্যানিক ইঞ্জিনিয়ার, ওভারসিয়ার, জুয়েলার, গোণ্ডশ্বিথ, পার্ফিউমার, ট্যানার, প্রভৃতি শব্দ প্রযুক্ত হয়, তখনই যেন মনে একটা কেমন কেমন ভাবআসিয়া উপস্থিত হইয়া থাকে।

আমাদের দেশের নমঃশূদ্রও কৈবর্তরা, চিরকালই সুপ্রসিদ্ধ নাবিক। খৃষ্টের জন্ম গ্রহণের বহুপূর্ব হইতে, নৌ-চালন বিষয়ে ইহার। যথেষ্ট দক্ষতা দেখাইয়াছে। ঋক্ বেদের “নাব সমুদ্রীয়” এবং মনুস্মৃতি, রামায়ণ প্রভৃতি গ্রন্থ হইতে ভূরি ভূরি উদাহরণ উদ্ধৃত করিয়া, অতি প্রাচীনকালে আমাদের সমুদ্র-গমনেরও সামুদ্রিক বাণিজ্যের কথা কহিয়া, পাঠকগণকে ভাষা-ক্রান্ত করিতে ইচ্ছা করিনা। পাঠকের বোধ হয় অরণ আছে, নিয়ার্কস, বাস্ত্যা প্রপীড়িত হইয়া বর্তমান করাচির কাছে সুবিস্তৃত পোতাশ্রয়ে আশ্রয় গ্রহণ করিয়াছিলেন। ইহার প্রশস্ততা দেখিয়া তিনি তাহাকে “অলিকসন্দেরের পোতাশ্রয়” নাম প্রদান করেন। ইহাতেও আমরা আমাদের পূর্বকালের নৌ-শক্তির কথা অবগত হইয়া থাকি। অলিকসন্দেরের মৃত্যুর অল্পকাল পরে

তথা বার্ককয়শ্চৈব মার্গিণো বৃক্ষতক্ষকাঃ ॥

সুশকারা সুধাকারা বংশচন্দ্রকৃতস্তথা ॥

সমর্থা যে চ ক্রষ্টারঃ পূর্ববংশ প্রতস্থিরে ॥ অমো, ৮২ অঃ।

আমাদের ভারতীয় নাবিকগণ, একবার ঝড়ের বেগে জর্য়গীর উপকূলে নিক্ষিপ্ত হইয়াছিলেন। ভারতীয় সাংসারিকগণ, সে দেশের রাজাকে আমাদের ভারতীয় অপূর্ব পণ্যদ্রব্য উপহার দিয়াছিলেন। যে গ্রন্থে এই ঘটনা লিপিবদ্ধ হইয়াছিল, তাহা নষ্ট হইয়া গিয়াছে। খৃষ্টের প্রায় সমসাময়িক সুপ্রসিদ্ধ রোমক গ্রন্থকার প্লিনি, এ কথা তাঁহার গ্রন্থে লিখিয়া গিয়াছেন। সুতরাং এ বিষয় অবিশ্বাসের কোন কারণ নাই। এখন কথা হইতেছে যে, যে সময়, বর্তমানকালের নৌ-শক্তিশালী ইয়ুরোপীয়দিগের পূর্বপুরুষগণ, বাস্তবিকই উলঙ্গভাবে বনমধ্যে বিচরণ করিত, কোনরূপে ডোঙ্গা, ভেলা, প্রস্তুত করিয়া নদীর পারে গমনাগমন করিত, তাহাদিগের, ঐতিহাসিক যুগের অতীতকালে, ভারত-বাসীরা নানা প্রকার বিপদ সঙ্কুল জলধিজল অতিক্রম করিয়া ইয়ুরোপের উত্তর সমুদ্রে গমন করিয়াছিলেন, এক কথা কি বর্তমান ভারতবাসী বিশ্বাস করিবেন? দিগ্‌মুঢ় ব্যক্তিকে দিকের কথা যথার্থ কহিয়া দিলেও, তাহার ঘেরূপ সন্দেহ দূর হয় না; সেইরূপ উপরের কথায় যে, আমাদের মূঢ়তা বিদূরিত হইবে বলিয়া বোধ হয়না। অধ্যবসায়ের অবতার সেইসকল ভারতবাসী, কেমন করিয়া জর্য়গীর উপকূলে জাহাজ লইয়া গমন করিয়াছিলেন, তাহা এক্ষণে আমাদের কাছে অদ্ভুত বিষয় বলিয়া বিবেচিত হইতে থাকিবে। খুব সম্ভবতঃ তাঁহারা আফ্রিকা প্রদক্ষিণ করিয়া গমন করিয়া থাকিবেন। কেহ কেহ কষ্ট কল্পনা করিতে পারেন যে, চির তুষারার্ত উত্তর মেরুপ্রদেশ অতিক্রম করিয়া তাঁহারা গমন করিয়াছিলেন! খৃষ্টজন্মের বহুপূর্বে আমাদের ভারতবাসীরা, অসান্ত মহাসাগরের ভটবর্তী ভূভাগে গমন করিয়া

হিন্দু উপনিবেশ সংস্থাপন, এবং হিন্দু সভ্যতা বিস্তার করিয়া  
 'অধ্যবসায়, ক্লেণ সহিষ্ণুতা, এবং নৌ-চালন বিষয়ক  
 পাণ্ডিত্য, যথেষ্টরূপে প্রকাশ করিয়াছেন। কলম্বাস, ইয়ুরোপীয়-  
 দিগের নিকট, আমেরিকা আবিষ্কার করিয়া ধন্য ধন্য হইয়াছেন।  
 ভারতবাসীরা কিন্তু, তাঁহার বহুশত শতাব্দী পূর্বে আমেরিকা  
 মহাদেশে গমন করিয়াছিলেন। বর্তমানকালেও, তথায় ভারত-  
 বাসীর গমনের বহু নিদর্শন, ভগ্নস্তূপ প্রভৃতি হইতে আবিষ্কৃত  
 হইতেছে। রামায়ণের এক স্থানে উক্ত হইয়াছে, “উত্তর, পশ্চিম  
 এবং দক্ষিণদিকস্থ দ্বীপবাসী এবং সামুদ্রিক বণিকগণ কোটি  
 কোটি রত্ন উপহার প্রদান করুক। \* যাহারা নানাদেশে গমন  
 করিতেন, সে দেশবাসী বণিকগণ নানাপ্রকার রত্ন আনয়ন  
 করিয়া দেশকে সমৃদ্ধি সম্পন্ন করিবে ইহা কিছু আশ্চর্যের বিষয়  
 নহে। হে সুবর্ণ বণিক, গন্ধবণিক, প্রভৃতি বঙ্গীয় বণিকগণ !  
 তোমরা কি এখন সুদ গিয়া, অথবা গোলামী করিয়া জীবন  
 অতিবাহিত করিবে। তোমরা এক সময় পৃথিবীর নানাস্থান  
 হইতে, নানাবিধ ধনবস্তু আনয়ন করিয়া স্বদেশকে সমৃদ্ধি সম্পন্ন  
 করিয়াছিলে। তোমরা এক সময় পৃথিবীর নানাস্থানে ভারতীয়  
 সভ্যতার পতাকা উড্ডীন করিয়া, দেশের গৌরব বর্দ্ধন করিয়া-  
 ছিলে। তোমরা এক সময় অত্যাচ সাধারণ অধ্যবসায় দেখাইয়া  
 জগৎকে স্তম্ভিত করিয়াছিলে। একবার মোহনিদ্রা পরিত্যাগ  
 করিয়া জাগরিত হও। একবার পূর্বের অবস্থা স্মরণ করিয়া  
 বর্তমান অবস্থাকে তুলনা কর ! একবার আত্মশক্তি অনুসারে

\* উদীচ্যুশ্চ প্রতীচ্যুশ্চ দক্ষিণাত্যাশ্চ কেবলা ।

কোটি্যাপরাস্তাঃ সামুদ্রা রত্নাভ্যাং হরন্ততে ॥ অবোধ্যা ৮২ অধ্যায় ।

পৌরুষ প্রকাশ কর, দেখিবে অনতিকাল মধ্যেই তোমরা দেশে বাণিজ্য বিষয়ক যুগান্তর আনয়ন করিতে সমর্থ হইবে ।

ক্ষত্রিয়েরাই আমাদের ভারতে রাজার জাতি; এইজন্য ইহারাজ্য নামে অভিহিত হইয়া থাকেন । সে কাল চোর ডাকাতের কোনরূপ ভয়ের কারণ না থাকিলেও, গ্রামবাসী ক্ষত্রিয়গণ, সর্বদাই গোব্রাহ্মণ এবং বৈশ্য শূদ্র প্রভৃতি সকলকে রক্ষা করিবার জন্য সর্বতোভাবে চেষ্টা করিতেন । প্রজার ধন-ধাত্ত্ব অপহৃত হইলে, চোর ধরিতে না পারিলে রাজাকে নির্জের ধনাগার হইতে ক্ষতিপূরণ করিতে হইত । ইহাতে ব্রাহ্মণ শূদ্র ভেদ কোন রূপ লক্ষিত হইত না । এরূপ ভাবে রাজ্য পরিপালন ভারতেই সম্ভবে । গ্রীক মেগাস্থিনিস বলেন, আমাদের দেশ প্রচুর পরিমাণে ধন ধান্য, ও ফল মূলে পরিপূর্ণ ছিল; সুতরাং ভূভিক্ষ কখনও আমাদের দেশে পদার্পণ করিতে সমর্থ হইত না ।

সে কালের রাজারা পরস্পর যোঁরতর যুদ্ধ করিলেও তাঁহারা হিন্দুর আয় যুদ্ধ করিতেন । তাই যুদ্ধকালে ক্ষেত্র সকল কর্ষিত হইত । শস্য সকল বিধ্বস্ত হইত না । প্রজা যদি ভূভিক্ষে অথবা মহামারীতে পীড়িত হইত, তাহা হইলে সে রাজার নিন্দার সীমা থাকিত না । তিনি কুনৃপতি নামে অভিহিত হইতেন । সমদর্শী বিজ্ঞ ব্রাহ্মণেরা রাজ্যের বিচার কার্য নির্বাহ করিতেন । গ্রীক দূত বলেন, এদেশের লোকেরা চুক্তি ভঙ্গ, বা বিশ্বাস ঘাতকতাদি সম্বন্ধে কোন মর্কদ্দমা করেনা । সুতরাং ব্রাহ্মণ বিচারপতিগণকে বিচারাসনে উপবেশন করিতে হইত না । ভারতবাসীর গৃহে, সম্পত্তি প্রভৃতি অরক্ষিত অবস্থায় পড়িয়া থাকে, কোন দ্রব্য অপহৃত হয় না



বিদেশী, রাজ্য মধ্যে উপস্থিত হইলে, যাহাতে তাহার কোন রূপ অশ্রুবিধা না হয়, সে জন্য কর্মচারী সকল নিযুক্ত হইত । রাজ্যের দূরতর প্রদেশে, অভ্যন্তর ভাগে কোথায় কি হইল, সেই সমস্ত সংবাদ, রাজ্যেশ্বর যথাযথ রূপে অবগত হইতেন । সংবাদ সংগ্রহ করা ভারতীয় রাজত্ববর্ণের অতিপ্রাচীনতম পদ্ধতি । রামায়ণে ও অগ্নিরা সংহিতাতে একথা আমরা অবগত হইয়া থাকি । অশোকের সময় যে কর্মচারী সংবাদ সংগ্রহ করিত, তিনি “প্রতিবেদক” নামে পরিচিত হইতেন । এরিয়ান ও এরূপ কর্মচারীর কথা উল্লেখ করিয়াছেন ।

পাঠশালা, চিকিৎসালয় প্রভৃতি সংস্থাপন করা, অতিপ্রাচীন কাল হইতে আমাদের দেশে চলিয়া আসিতেছে । পৃথিবীর অন্য প্রদেশ যখন ঘোরতর অজ্ঞান অন্ধকারে আচ্ছন্নছিল, তখন আমাদের দেশে এইরূপ সাধারণের হিতজনক কার্য্য অনুষ্ঠিত হইত । প্রজাদিগের জলকষ্ট দূর, এবং শস্য জননের সুবিধার জন্ত, খালাদি খনন কার্য্য অতি প্রাচীন কাল হইতে আমাদের দেশের রাজারা অতি যত্নের সহিত সম্পন্ন করিতেন । অশোকের অনুশাসন, এবং রামায়ণ, মহাভারত, প্রভৃতি গ্রন্থে এবিষয়ের ভূরি ভূরি প্রমাণ প্রাপ্ত হওয়া যায় ।

অলিক সন্দর ও তাঁহার সহচর বিজ্ঞ গ্রীকগণ, আমাদের রাজ্যশাসন ব্যবস্থা দেখিয়া প্রশংসা হইয়াছিলেন । তাঁহারা আমাদের দেশে রাজতন্ত্র ও প্রজাতন্ত্র উভয় প্রকার শাসন প্রণালী দেখিয়াছিলেন । আমাদের দেশের রাজারা যেক্রপ ভাবে শিক্ষিত হইতেন, তাহাতে তাঁহারা যথেষ্টাচারী হইতে পারিতেন না । তাঁহারা জাগতিক সুখ দুঃখে মুগ্ধ না হইয়া, ন্যায়ানুসারে প্রজা

পালন না করিলে পতিত হইতে হইবে, ভাবিয়া কর্তব্য পালন করিতেন। যে দেশের নরপতিরা বার্ষিক্যে রাজঐশ্বর্য পরিত্যাগ করিয়া ঈশ্বর উপাসনায় জীবন অতিবাহিত করিতেন; সে দেশের রাজার, অন্নদিনের জ্ঞাত যথেষ্টাচারী হওয়া সম্ভবপর নহে। বেণাদির ঞায় যে সকল মহাপতি, প্রজাপীড়ন করিয়া সকলের বিরাগ ভাজন হইতেন, বলাবাহুল্য তাঁহাদিগের পরিণাম ও অত্যন্ত শোচনীয় হইত! যে দেশের জন সাধারণ যে হস্তে রাজাকে দেবতার ঞায় পূজা করিত, আশ্চর্যের বিষয় এই যে, সেদেশে অত্যাচারী নরপতিকে দণ্ডপ্রদান করিবারজ্ঞ, তাহারাই আবার সেই হস্তে, অস্ত্রগ্রহণ করিয়া ভৈরব মূর্তি ধারণ করিত।

গ্রীকেরা আমাদের দেশে প্রজাতন্ত্রের রাজ্য দেখিয়াছিলেন। বর্তমান কালে আমাদের অনেকের কাছে ইহা অত্যন্ত অদ্ভুত বলিয়া বিবেচিত হইয়া থাকে। পঞ্চায়ৎ প্রথার জন্মভূমিই আমাদের দেশ। দেশে রাজা থাকুন আর নাই থাকুন, উভয়-স্থলেই, সংসারে যাহাদিগের কোনরূপ বাধ্য বাধকতা নাই; এরূপ অনাসক্ত চিত্ত ব্রাহ্মণ সভা কর্তৃক রাজকার্য্য সকল নির্বাহিত হইত। সুতরাং সে দেশে অত্যাচার বা অবিচার হওয়া সম্ভবপর নহে। বর্তমান কালে আমরা বিদেশী, নির্বাচন প্রথার নামে আত্মহারা হইয়া পড়ি। জন সাধারণ কর্তৃক যাহারা নির্বাচিত হয়, তাহাদের সহিত জন সাধারণের কিরূপ সম্বন্ধ, এই সকল সভ্যের সহিত, ইহাদের নির্বাচিত মন্ত্রি সভার সহিত বা কিরূপ সম্বন্ধ, তাহা একটু ভাল করিয়া দেখিলে, ইহার প্রতি অপ্রক্টা উপস্থিত হইয়া থাকে। জন সাধারণ কর্তৃক যাহারা নির্বাচিত হয়, তাহাদের বিশেষ কোন গুণের আবশ্যক হয় না।

যে ব্যক্তি বেশী করিয়া ভ্রমরের মত ভ্যান্ ভ্যান্ করিতে পারে,— বেশী করিয়া আকাশের চাঁদের মতন অনেক দ্রব্য দিতে পারিবে বলিয়া জন সাধারণকে প্রতারণা করিতে পারে, যে ব্যক্তির দলের লোক, যাচ্ছেতাই, যাহার মাতা নাই মুণ্ড নাই, একরূপ প্রলাপ বক্তৃতা করিয়া জন সাধারণ রূপ ভ্যাড়ার দলের মনের ভিতর স্থান অধিকার করিতে সমর্থ হয়, সেই ভাগ্যবান ব্যক্তি “মাতবর” বিশেষণে সম্মানিত হইতে পারেন। তার পর ইহঁরা যাহাকে তাঁহাদের নেতা নির্বাচন করেন ; সেই সেই দলপতির ইচ্ছা অনুসারে সমস্ত দেশ পরিচালিত হইয়া থাকে। এখানেও সেই এক জনের উপর সমস্ত শক্তি অর্পিত হইয়া থাকে। তিনি যদি কর্তব্য ভুলিয়া যান ; তাহা হইলে তিনি নিজেদের স্বার্থ সিদ্ধির জন্ত, কোন জাতির সহিত যুদ্ধ বাধাইয়া সমস্ত দেশ শোণিতসিক্ত করিতে কিছুমাত্র কুণ্ঠাবোধ করেন না, দেশের স্বার্থের প্রতি ভ্রক্ষেপ না করিয়া নিজের উদর পূর্ণ করিতে কিছুমাত্র ইতস্ততঃ প্রকাশ করেন না। একরূপ পদ্ধতির লীলাভূমি, ইয়ুরোপের প্রতি দৃষ্টিপাত করিলে, এবিষয়ে যথেষ্ট উদাহরণ দেখিতে পাওয়া যায়। আমাদের দেশের প্রজতন্ত্র, একরূপ নির্বাচন ভিত্তির উপর স্থাপিত না হইলেও, দেশের লোকের যাহার উপর আস্থা আছে, আর দেশের উপর যাহার আস্থা আছে ; অথচ যিনি সাংসারিক স্বার্থে বিজড়িত নহেন— যিনি এক হস্তে চন্দন চর্চিত, বা অপর হস্তে অগ্নি দগ্ধ হইলেও, উভয়েই যিনি নির্বিকার চিত্ত, সেইরূপ পুরুষ প্রবরের উপর রাজশক্তি আরোপিত হইত, তিনি প্রজার স্বার্থ সন্মতপ্রকারে সংরক্ষণ করিয়া থাকেন। আমাদের দেশে, রাজ্য শাসন করি-

বার জ্ঞা একটি জাতি প্রস্তুত করা হইয়াছিল। আবার যাহাতে তাহারা বিপর্যয়গামী না হন, এজ্ঞা আমাদের সে কালের লোকেরা বলিতেন যে, ক্ষত্রভেদের সহিত ব্রহ্মভেজ মিলিত হইলে, সেই সম্মিলিত শক্তি দেশের অভ্যুদয়ের কারণ স্বরূপ হইয়া থাকে। এরূপ রাজশক্তির, অথবা রাজ্যের বিপত্তিতে দেশের লোক সে কালে উপবাস করিয়া সহানুভূতি প্রকাশ করিতেন \* ।

আমাদের দেশ, চিরকালই সমৃদ্ধি সম্পন্ন ছিল। অর্থের সমতা সংরক্ষণ জ্ঞা, দেশের ভিতর একটা আনন্দের উৎস স্থায়ী রূপে প্রবহমান রাখিবার জ্ঞা, সে কালে বড় বড় যাগ যজ্ঞ সর্বদাই অনুষ্ঠিত হইত। বড় বড় রাজারা, সে কালে বিখ্যাজিৎ যজ্ঞের অনুষ্ঠান করিয়া সর্বস্ব দান করিয়া ইচ্ছাপূর্বক নিঃস্ব হইতেন। একজনের অগাধ ধন, সাধারণের কল্যাণ কল্পে সমস্ত দেশের মধ্যে বিতরিত হয়। পৃথিবীর ইতিহাসে, এরূপ ব্যাপার এক ভারতবর্ষ ব্যতীত অপর স্থানে কখন লিখিত হয় নাই। অলিকসন্দরের প্রায় সহস্র বৎসরের পর, আমাদের কাণ্ড-কুজের অধিশ্বর মহাবাহু হর্ষ বর্দ্ধন ( শ্রীহর্ষ ) যাহা করিয়াছেন, তাহাও পৃথিবীর অপর দেশের ইতিহাসে অদ্ব্যুত ব্যাপার। প্রতি পঞ্চমবর্ষে প্রয়াগক্ষেত্রে, ৭৫ দিনে তাঁহার অতুল ঐশ্বর্য্য ব্রাহ্মণ, শ্রমণ এবং দরিদ্র প্রজাগণ মধ্যে বিতরিত হইত। শেষের দিনে মহারাজ আপনার বহুমূল্যের পরিচ্ছদ ও আভরণ দান করিয়া অপরের নিকট হইতে সার্বাণ্য বস্ত্রগ্রহণ করিয়া বলিতেন, “আজ

---

\* রাজ্যব্যসনেলাগ্নীয়াৎ। ৬৮ অধ্যায়, বিষ্ণুসংহিতা।

আমি সম্পাত রক্ষার চিন্তা হইতে নিশ্চিন্ত হইলাম ।” সেই ভারতীয়দানবীরের কথা শ্রবণে শরীর পুলকিত হয় । বৈদেশিক পর্য্যটক যদি ইহার উল্লেখ না করিতেন, তাহা হইলে ইহাও অগাধ শত শত অলিখিত ঘটনারসহিত বিশ্বতিসাগরে নিমজ্জিত হইত । আজকাল পুত্র পৌত্রাদি, কি খাইবে এই ভাবনায় আকুলিত হইয়া, ধনবানেরা যেরূপ অর্থ সঞ্চয় করিয়া থাকে, সে কালের ধনবানেরা যে এরূপ প্রথা অবলম্বন করিতেন না ; তাহা আমরা বিশ্বজিৎ যজ্ঞ প্রভৃতিতে অনুমান করিতে পারি । ঈশ্বরের রাজ্যে, কোন পণ্ড, পক্ষী, পুত্র পৌত্রাদির জ্ঞা কখন কোনরূপ সঞ্চয় করেনা, তাহারা সন্তানগণকে কার্য্যক্ষম করিয়া পরিত্যাগ করিয়া থাকে । বলা বাহুল্য তাহাদের সে সকল সন্তান, দৃঢ়, বলবান ও কার্য্যক্ষম হইয়া থাকে । আমাদের সে কালের ধনবানেরা স্বভাবের অনুমোদিত পন্থা অবলম্বন করিয়া, তাহারা সর্ব্বস্ব প্রদান করিয়া দেশের আনন্দবর্দ্ধন করিতেন, দেশকে পরিপুষ্ট করিতেন, আর সন্তান সন্ততিগণকে রুগ্ন, ভীকু এবং অলসের পরিবর্তে কার্য্য পটু শ্রমশীল, সাহসী, এবং নীরোগ ও দীর্ঘজীবী করিতেন । আমাদের দেশের লোক কার্য্যে বাহা করিয়া গিয়াছেন, পৃথিবীর অন্যত্র কেহ ইহা কল্পনা করিতে ও সমর্থ নহে ।

ভারতীয় প্রজা সৃষ্টি, অগ্ন্যদেশের মরুট ভাবাপন্ন মনুষ্য হইতে সম্পূর্ণ বিভিন্ন, সেই সকল অচিন্ত্য পূর্ব্ব সৃষ্টি, আপনা আপনি স্বভাবের সঙ্কিত উৎপন্ন হইয়া বিলীন হইয়া যাইতেছে । আমরা যখন, আমাদের উৎপত্তি প্রকরণ দেখি, তখন আমরা সেই অতীত যুগের গোত্র প্রবর্ত্তক ঋষিদিগের প্রজাগণের কর্ম্মাণ জ্ঞা অনন্ত

সাধারণ তপস্যা, কঠোরতা, অধ্যবসায় দেখিয়া, বিমুগ্ধ হইয়া পড়ি \* । বে'সমাজ সংঘম মিতাচার ও দীর্ঘকালের সূচিন্তার পরিণাম ; সে সমাজ, পৃথিবীর অগ্ৰাণ্ড উচ্ছৃঙ্খল সমাজ অপেক্ষা দীর্ঘজীবী, নানাপ্রকার বিপ্লব তরঙ্গের আঘাত সহনে সুপটু হইবে ইহা কিছু আশ্চর্য্যের বিষয় নহে । আমাদের সম্মুখে, মিশ্র, এসিরিয়ান, চ্যালডিয়ান, প্রভৃতি কত সমাজের উত্থান ও পতন হইল, তাহার ইয়ত্তা নাই, কিন্তু আমরা এখনও দাঁড়াইয়া আছি । কিন্তু আর আমরা কত দূর সমর্থ হইব, সেই ভয়ঙ্করী চিন্তা আসিয়া আমাদেরকে ধোরতর আকুলিত করিয়া তোলে । আমাদের সমাজ যেরূপ ভাবে উচ্ছৃঙ্খল হইতেছে, যেরূপ ভাবে অসংযত, যেরূপ ভাবে স্বার্থপর হইতেছে, তাহাতে ইহা কি-প্রকারে প্রাচীন গৌরব রক্ষা করিতে সমর্থ হইবে, সে বিষয় ধোরতর সন্দেহ উপস্থিত হইয়া থাকে ।

সেকালের হিন্দু বিশেষতঃ ব্রাহ্মণগণ কিরূপভাবে শিক্ষিত ও দীক্ষিত হইতেন কিরূপভাবে জীবনযাত্রা নির্বাহ করিতেন এই সকল প্রাচীন কথা । আলোচনা করিতে প্রবৃত্ত হইলে, সর্ব প্রথমে আমাদের দৃষ্টি আহারের উপর আপতিত হয় । একটা কথা আছে, যে যেরূপ ভোজন করে, সে সেইরূপ চিন্তা করে, আর যে যেরূপ চিন্তা করে, সে সেইরূপ কথা কহিয়া থাকে । কথাটি সারগর্ভ, ভোজনের উপর সমস্ত নির্ভর করিয়া থাকে । পেট খারাপ হইলে, সমস্ত

---

\* কাণ্ডপোহথ বাশিষ্ঠঃ প্রাণশ্চ প্রাণপুত্রকঃ ।

\* \* \* \* \*

অহরং স তপস্তীত্রং পুত্রার্থে বহুবাহিকম্ ॥

পুত্রং লেভ্যৈঃ ধর্মিষ্ঠং যশসা ব্রহ্মণা সমম্ ॥ ব্যাসদেব ॥

শরীর খারাপ হইয়া থাকে ; পান ভোজনে অমিতাচারী হইলে, কিং গৃহের কি বাহিরের সকল কার্যেই বিশৃঙ্খল হইয়া সমাজ দুর্বল হইয়া পড়ে, এবং বিনাশের দিকে অগ্রসর হইতে থাকে । প্রাচীন ও বর্তমানকালে যেসকল সমাজ, যথেষ্ট পরিমাণে পার্থিব উন্নতিলাভ করিয়াছিলেন, ও করিয়াছেন ; তাঁহাদিগের প্রতি চাহিলে আমরা দেখিতে পাই ; যতদিন পর্য্যন্ত তাঁহারা ভোজন বিষয়ে সংযত ছিলেন, ততদিন তাঁহারা নানাদেশ জয় করিয়া অদ্ভুত পরাক্রম দেখাইতে সমর্থ হইয়া ছিলেন । তারপর যখন, তাঁহারা নানাপ্রকার গুরুপাক দ্রব্য ব্যবহার করিয়া রুগ্নপ্রায় হইলেন, ইহার সহিত তাঁহাদের বিলাসের পরিণাম বৃদ্ধি পাইতে লাগিল । অনন্তর, চিররুগ্ন বিলাসীর যে দশা উপস্থিত হয়, সেই অবস্থা প্রাপ্ত হইয়া সমূলে জগৎ হইতে অন্তর্হিত হইয়াছে ।

আমাদের বাড়ীর পার্শ্বের, একবার প্রাচীন পারস্ত সাম্রাজ্যের কথা স্মরণ করুন । সম্রাট কাইরসের সময় তাঁহারা যথেষ্ট উন্নতি লাভ করিয়াছিলেন । তাঁহারা যথেষ্ট মিতাচারী ছিলেন বলিয়া, সেই উন্নতি লাভে সমর্থ হইয়াছিলেন । এ বিষয় আমরা নিজের কথা কিছু না বলিয়া একজন বিজ্ঞ গ্রন্থকারের মর্ম্ম কথা অনুবাদ করিলাম । ( Rollin's Ancient History )

“কাইরস, অতি সামান্ত অবস্থা হইতে, পারস্তকে যেরূপ সমৃদ্ধিশালী, দের্দগুপ্রতাপ সাম্রাজ্যে পরিণত করিয়াছিলেন, সেরূপ, পৃথিবী আর দেখে নাই । তিনি অনেক অধিক যুদ্ধ যাত্রা করিয়াছিলেন ; বহুসংখ্যক যুদ্ধে অদ্ভুত বিক্রম প্রকাশ করিয়া যুদ্ধে জয়লাভ করিয়াছিলেন ; তিনি ক্রেশ সহিষ্ণুতা, যুদ্ধে প্রচণ্ডতা এবং শারীরিক দৃঢ়তা যেরূপ দেখাইয়াছিলেন, সেরূপ আর এ

পর্যন্ত কোন সেনানী দেখাইতে সমর্থ হয় নাই। তিনি অতি বাল্যকাল হইতে লঘুপাক, খুব সাদা-সিদে শাক-সবজি খাইয়া, ও কেবল জলমাত্র পান করিয়া ক্ষুৎ-পিপাসা দূর করিতেন। তাঁহার সহিত যে সকল পারসিক সৈন্য অবস্থান করিত, তাহারাও এই-রূপ লঘুপাক শাক-সবজি ভোজন করিয়া যুদ্ধস্থলে অদ্ভুত কার্য সম্পাদন করিয়াছিল।

পারসীকদের সেই সূদিনে, গ্রীক হিরোডোটস বলেন, তাহারা বিস বৎসর পর্যন্ত অল্প সকল শিক্ষা অপেক্ষা, অথৈ আরোহণ—অস্ত্রধারণ এবং সত্যভাষণ, এই তিনটি বিষয়ে, যাহাতে বালক পটুতা লাভ করে, সে বিষয় পারসীকেরা বিশেষরূপে দৃষ্টি প্রদান করিতেন। সেই উন্নতিরকালে পারসীকেরা দিবাতে একবারমাত্র ভোজন করিয়া, রাত্রিতে কিছু জলযোগ করিয়া শরীর ধারণ করিতেন। তাৎপর্য যখন পারসীকেরা বিলাসী হইল, তাহাদের গুরুপাক ভোজনের মাত্রা যখন বৃদ্ধি পাইল, তখন তাহারা ধীরে ধীরে পৃথিবী হইতে অগৃহীত হইয়া গেল।

গ্রীস যখন বাহুবলে প্রাধান্য লাভ করেন, সে সময় তাঁহারা দুইবার মাত্র ভোজন করিতেন, দ্বিপ্রহরে একবার, রাত্রিকালে একবার। তাঁহাদের খাদ্যদ্রব্যের মধ্যে শাক সবজিই বেশী থাকিত, ইহাতে তৈল ব্যবহার করিতেন। মাছ মাংস বেশী ব্যবহার করিতেন না।

সুপ্রসিদ্ধ রোমকগণ, তাহাদিগের অভ্যুদয়েরকালে, নিরামিষ ভোজী ছিলেন। তাৎপর্য তাঁহাদিগের ধনবৃদ্ধির সহিত, তাঁহাদিগের আমিষ ভোজন বৃদ্ধি পাইয়াছিল। রোমক পণ্ডিত সেনাকা বলেন, ভোজনোৎসব তাঁহারা সূচাক্রমে সম্পন্ন করিতে



শিক্ষিত না হইলেও, শত্রুজয়ে তাঁহারা সিদ্ধ হস্ত এবং প্রজা-  
পালনে সুনিপুণ ছিলেন। ঐশ্বর্য্য যেরূপ সদৃশ্যের বিরোধী  
এরূপ আর কিছুই নহে। রোমের জগৎজয়ের পর, অর্থই  
রোমকে পরাজয় করিয়াছিল। ইহার যে দ্বার দিয়া নির্ধনতা  
বাহিরে গমন করিয়াছিলেন, সেই দ্বার দিয়া বিজাতীয় বিদেশী  
পাপ সকল নগর মধ্যে প্রবেশ করিয়াছিল। তারপর সেই  
অদ্ভুত পরাক্রম পরিমিতাচারী রোমকদিগের বংশধরগণ ভোজন  
বিষয়ে এরূপ উচ্ছৃঙ্খল হইল, এরূপ কদাচারী হইল, তখন তাহা  
দিগের বিলোপ সাধন প্রকৃতির বাঞ্ছনীয় হইয়া উঠিল।

বেশী উদাহরণ দিয়া আমরা আর বিষয় বাড়াইতে ইচ্ছা  
করি না, অল্পদিনের কথা স্মরণ করুন, মুসলমানেরা সামান্য সম-  
য়ের মধ্যে কি অপূর্ব প্রভাব দেখাইয়াছিলেন। তাহাও জাগতিক  
ইতিহাসে স্মরণীয় বিষয়। যে সময় মুসলমানগণ জগৎজয়ে প্রবৃত্ত  
হন, সে সময়ে তাঁহারা খুব পরিমিতাচারী ছিলেন। সে সময়  
মুসলমান সৈন্তগণের উদকই প্রধান পেষ, দুগ্ধ ফল মূল এবং অন্ত্র  
তাহাদিগের প্রধান খাদ্য পরিকল্পিত হইয়াছিল। মহাপ্রাণ  
ওমর, যবের রুটি আর জল খাইয়া শরীর পোষণ করিয়াছিলেন।  
তারপর, মুসলমানদের বিলাসীতা যেন পৃথিবীর সকল জাতি  
অপেক্ষা সীমা অতিক্রম করিয়া বৃদ্ধি পাইয়াছিল। তাহাদের  
রাজবাটির দৈনিক ব্যয় আড়াই লক্ষ টাকার বেশী, তাঁহাদের  
রন্ধনের ইন্ধনের জন্ত, দালচিনি, চন্দনকাষ্ঠ ব্যবহৃত হইত।  
বলাবাহুল্য, ইহার ফলও অল্প সময়ের মধ্যে ফলিয়া ছিল।  
মানুষ যেমন অতিভোজন করিয়া কালগ্রাসে পতিত হয়। সেইরূপ  
সমাজও অমিত ভোজন করিয়া, ধ্বংস মুখে পতিত হইয়াছে, তাহা

আমরা দেখিতে পাই। ভোজন বিশৃঙ্খলাতে নানাপ্রকার নূতন নূতন রোগের সৃষ্টি হইতেছে, এ কথা বেশী করিয়া বলা বাহুল্য ; যেহেতু আমরা চক্ষের উপর তাহা দেখিতে পাইতেছি। এই জন্যই সমাজ রক্ষকেরা, আমাদের সমাজ রক্ষা করিবার জন্ত, অধাদ্য ভোজীকে নিগৃহীত করিতেন, তেমন তেমন হইলে, তাহাকে সমাজ হইতে বিদূরিত করিয়া দিতেন। এরূপ রোগের ইহাই বিজ্ঞান অনুমোদিত চিকিৎসা। আজকাল অতিভোজী ইয়ুরোপীয়দের যাহারা অশুভকরণ করেন, তাঁহাদের কাছে এই সকল চিকিৎসকেরা ; অজ্ঞ, স্বার্থপর, প্রভৃতি বিশেষণে বিভূষিত হইয়া থাকেন।

সেকালের গ্রীকেরা আমাদের পূর্বজগণকে পরিমিত ভোজী দেখিয়াছিলেন। সেকালে তণ্ডুলের ব্যবহার বেশী ছিল, মটর, মাংস ও মৎসের একেবারে প্রচার ছিল না এরূপ নহে। বর্তমান কালের ণায় অধিকাংশ ভারতবাসী ইহা ব্যবহার করিতেন না, যাহারা ইহা ব্যবহার করিতেন না, তাঁহারা প্রশংসিত হইতেন। আমাদের বালকগণ যাহাতে বাল্যকাল হইতে খাড়াখাড়া বুঝিয়া পথ্য, সুপাচ্য, দ্রব্য খাইতে শিক্ষিত হয়, সে বিষয় আমাদের জাতীয় শিক্ষাপরিষদের দৃষ্টি পড়া উচিত।

সেকালে সকলেই আপন আপন বর্ণ অনুসারে শিক্ষা প্রাপ্ত হইতেন। যাহাতে না বংশ মধ্যে ব্রহ্মবন্ধু জন্মগ্রহণ করে, সে জন্ত ব্রাহ্মণেরা ভগবানের কাছে সর্বদা প্রার্থনা করিতেন। ইহাতেই বুঝা যায় সেকালে আমাদের দেশে ক্রুরপ লেখাপড়ার প্রচার ছিল। লেখা সম্বন্ধে ইয়ুরোপীয় পণ্ডিত এবং আমাদের দেশী তাঁহাদের শিষ্যগণ বলেন, বিদেশীদের নিকট হইতে

আমরা লিখন প্রণালী অবগত হইয়াছি ! গ্রীক মেগাস্থিনিস, "চন্দ্রশুপ্তের সৈনিকগণ মধ্যে লিখিত নিয়ম কিছু নাই," এই কথা উল্লেখ করিয়াছেন। এইরূপ কথার উপর নির্ভর করিয়া, অনেকে বলেন, আমাদের সেকালে লিপিজ্ঞান ছিল না, ইহা আমরা অণু জ্ঞতির কাছে শিক্ষা করিয়াছি। এ কথার উপর বিশ্বাস স্থাপন করিতে আমাদের প্রবৃত্তি হয় না। অলিকসন্দরের অণুতম সেনানী নিয়ার্কস, কাপড়ের উপর লেখার কথা উল্লেখ করিয়াছেন; মেগাস্থিনিস ও ক্রোশ জাপক শিলালিপির কথা প্রকাশ করিয়াছেন। এ সকল ব্যতীত আমাদের মনু, যাজ্ঞবল্ক, প্রভৃতি তাঁহাদের সংহিতায়, লিখার কথা বহুবার উল্লেখ করিয়াছেন। ভগবান বিষ্ণু স্বীয় সংহিতায়, পুস্তক অবিভাজ্য, এ কথা স্পষ্ট করিয়া নির্দেশ করিয়াছেন। বেদ মন্ত্রাত্মক, ইহা গুরুমুখ হইতে অনুশ্রুত হইত বলিয়া ইহা শ্রুতিনামে অভিহিত হয়। ইয়ুরোপীয় পণ্ডিত মহাশয়েরা, এই শ্রুতি শব্দ দেখিয়া স্থির করিলেন, আমরা লিখিতে জামিতাম না। ব্যাকরণ, জ্যোতিষ, প্রভৃতি বেদের অঙ্গ কখন শ্রুতিনামে অভিহিত হয় নাই। এ সকল বিষয় খৃষ্টজন্মের বহুসহস্র শতাব্দীপূর্বে আমাদের ভারতবর্ষে উৎকর্ষতালাভ করিয়া ছিল। ব্রহ্মা, আয়ুর্বেদ সম্বন্ধে লক্ষ শ্লোকাত্মক একখানি গ্রন্থ রচনা করেন। লিখার প্রচলন না থাকিলে গ্রন্থ রচনা সম্পূর্ণ অসম্ভব। অনেকে, মুখে মুখে রাশী রাশী গ্রন্থ রক্ষা করা কল্পনা করিয়া থাকেন, তথাসি ও লিপি কল্পনা করিতে তাঁহাদের কষ্ট বোধ হইয়া থাকে !

ব্রাহ্মণ, যাহাতে গোলাম না হইয়া ব্রাহ্মণ হুন, সে বিষয় সমাজ, সাধ্যানুসারে চেষ্টা করিতেন, ব্রাহ্মণ; ব্রাহ্মণ হইলে

সমাজের দুর্গতি দূর হইয়া থাকে । ব্রাহ্মণ নিঃস্বার্থভাবে সমাজের দুঃখ দূর করিয়া থাকেন । এবিষয় গ্রীকগণও সাক্ষ্য প্রদান করিয়াছেন ; এবং আমাদের ইতিহাসও সাক্ষ্য প্রদান করেন । কাশ্মীর মণ্ডলে যে সময় ভিক্ষু ( বৌদ্ধ ) বিপ্লব উপস্থিত হইয়াছিল, সে সময় কাশ্মপ চন্দ্রদেব, তাহা দূর করিয়া দেশে শান্তি আনয়ন করিয়াছিলেন । আবার যখন যক্ষ ( মধ্য এসিয়া-বাসী ) বিপ্লব উপস্থিত হয়, সে সময় অপর চন্দ্রদেব, তাহাদিগকে দূর করিয়া দেশ মধ্যে শান্তি সংস্থাপন করেন ( ১ ) । শিশুর জন্মকাল হইতেই, যাহাতে সে মানুষ হয়, যাহাতে সে সমাজের হিতকারী বঙ্গরূপে পরিণত হয়, সে বিষয় অতি শৈশবকাল হইতেই তাহাকে ভাবনা দেওয়া হইত । “হে পুত্র ভূমি গোষানে আরোহণ করিয়া শত্রু সংহার কর” ( ২ ) । “ব্রাহ্মণ কখন নিষ্ক্রয় থাকিতে পারেন না” ( ৩ ) । “যে ব্যক্তি নিজের স্বর্গে গমন করিতে অসমর্থ, সে কিরূপে পিতৃগণকে উদ্ধার করিতে সমর্থ হইবে” ( ৪ ) । ইত্যাদি ইত্যাদি ভাবনায় ভাবিত

( ১ ) কাশ্মপ শচন্দ্রদেবাব্যস্তপ্তপ্তোপে ততো দ্বিজঃ । ১৮২ ।

\* \* \*

আদ্যেন চন্দ্রদেবেন শমিতো যক্ষবিপ্লবঃ ।

দ্বিতীয়েন তু দেশেশ্বিন্ দুঃসহো ভিক্ষুবিপ্লবঃ ॥ ১৮৪ ॥ রাজতরঙ্গিণী ॥

( ২ ) আরোহ প্রোষ্ঠং বিষহম্বশক্রন্ । বৌধায়ন গৃহসূত্র ।

( ৩ ) ক্রিয়াময়ং হি ব্রহ্মেণ্যং নাক্রিয়ং ব্রহ্মোচ্যতে না ক্রিয়ং ব্রহ্মোচ্যতে । অপর স্থলে, না ক্রিয়ো ব্রাহ্মণো, না সংস্কারো দ্বিজো, না বিদ্বান্ বিপ্রো । ( ৩ )

( ৪ ) ন মাংসু পেশলঃ পুত্রো না বিদ্বান্ নাপ্যকর্মকুৎ ।

স্বয়ং ন যচ্ছতি বঃ স্বর্গং কিং পুনঃ পিতরং তরেৎ ॥ ( ৩ )

ব্রাহ্মণগণ জগতের মঙ্গলের জন্ত আত্মৎসর্গ করিতেন । জড়ের  
 ঋণ ক্রিয়াশূন্য হইয়া যে ব্যক্তি গৃহে অবস্থান করে, সে ব্যক্তি  
 অনতিবিলম্বে রুগ্ন হইয়া ধীরে ধীরে মৃত্যুমুখে উপনীত হয় ।  
 তাই ভগবান ব্যাসদেব বলিয়াছেন, অপ্রবাসী ব্রাহ্মণ, আর  
 যুদ্ধ বিমুখ রাজা, এই উভয়কে পৃথিবী গ্রাস করিয়া থাকেন (৫) ।  
 তাই সে কালের ব্রাহ্মণ, সমস্ত পৃথিবী প্রদক্ষিণ করিয়া, সমস্ত  
 পৃথিবীর মানবগণকে জ্ঞানালোকে উদ্ভাষিত করিয়াছিলেন \* ।  
 হে ব্রাহ্মণাদি বর্ণচতুষ্টয় ! আপনারা পৃথিবীর অগাধ সকল  
 জাতির অগ্রে জন্মগ্রহণ করিয়াছেন, আপনারা জগতের জ্ঞান-  
 গুরু, আপনাদিগের শিষ্যানুশিষ্যাগণ, আপনাদিগের সুদীর্ঘ  
 নিদ্রিত কালের মধ্যে, কতদূরে অগ্রসর হইয়া গিয়াছে দেখুন !  
 আর কি মৃতের ঋণ নিদ্রিত অবস্থায় অবস্থান করা ভাল দেখায় ।  
 উঠুন ! স্বাশ্রয়শক্তি অনুসারে পৌরুষ প্রদর্শন করুন । তাহা  
 হইলে আপনারা, আপনাদিগের সেই অনাদিকালের জগতের  
 শিক্ষকত্ব লাভে সমর্থ হইবেন এ বিষয় অনুমাত্র সন্দেহ নাই ।

( ৫ ) ঋগ্বেদে গ্রসতে ভূমিঃ সর্পো বিলশয়া নিব ।

রাজানিং চাপ্য যোদ্ধারং ব্রাহ্মণং চাপ্রবাসিনম্ ॥

মহাভারত, উদ্যোগ, প্রজাগর পর্ব ।

\* এতদেশ প্রসূতস্য সকাশাদব্রজন্মনঃ ।

স্বং স্বং চরিত্রং শিক্ষেরন্ পৃথিব্যাং সর্ব মানবাঃ ॥ শ্লোক ২০ । ২ অ

## উপসংহার

অলিকসন্দর, অতি কষ্টে মরুভূমি উত্তীর্ণ হইয়া কোনরূপে গোডরোসিয়া'র রাজধানী পুরা নামক স্থানে উপস্থিত হইতে সক্ষম হইয়াছিলেন। দুঃখের সময় পুরুষ উত্তমরূপে পরীক্ষিত হইয়া থাকে। অলিকসন্দর এই কঠোর পরীক্ষা প্রশংসার সহিত উত্তীর্ণ হইয়াছিলেন। অস্বাভাবে ও জলাভাবে সৈন্যগণের ক্লেশের সীমা ছিল না। ভারবাহী ষোটকাদি পশুহত্যা করিয়া বুদ্ধিস্থিত সৈন্যগণ কর্তৃক ভুক্ত হইয়াছিল। এক সময় একটি পার্কত্যা নদীর ধারে সৈন্যগণ অবস্থান করে, বৃষ্টি হওয়াতে সেই নদী অকস্মাৎ প্রবল বেগে স্ফীত হইয়া, তটস্থিত সৈন্যগণকে বহিয়া লইয়া যায়, ইহাতেও অনেকে মৃত্যুমুখে নিপতিত হইয়াছিল। রাত্রিকালে সৈন্যগণ গমন করিত, ইহাতেও অনেক সৈন্য নিদ্রাভিভূত হইয়া রাস্তার ধারে পড়িয়া থাকিত, অনেকে এইরূপে রাস্তা হারাইয়া পথ ভুলিয়া বিষম বিপাকে পড়িয়া প্রাণ হারাইয়াছে। অলিকসন্দর, প্রকৃত নেতার জ্ঞান সামান্য সৈনিকের মত অবস্থান করিয়া, সাধারণ দুঃখ সমান ভাবে ভোগ করিয়াছিলেন। ইহাতে সৈন্যগণ আপনাদের দুঃখের কথা ভুলিয়া গিয়া তাঁহার প্রতি আরো অহুরাগ প্রকাশ করিত।

পারস্যের উর্বর ভূমিতে উপস্থিত হইলে, আবার সকল দ্রব্য তাঁহার প্রচুর পরিমাণে প্রাপ্ত হইলেন, সৈন্যগণসহ অলিকসন্দরের অমিতাচার যথেষ্টরূপে বর্দ্ধিত হইল। যে সকল ব্যক্তি তাঁহার অবর্ত্তমানে অত্যাচার অবিচার করিয়াছিল, তাহাদিগকে যথাযোগ্য দণ্ডপ্রদান করিয়াছিলেন।

সুসাতে অবস্থান কালে পারস্যীদের সহিত নৈকট্য সম্বন্ধ

সংস্থাপন করিবার জন্ত, দাঁরার কণ্ঠা স্তাতিয়ার পানিপীড়ন করেন, ইহার উদাহরণে তাঁহার আশি জন সেনানী, পারসীক সম্রাট বংশীয় কণ্ঠার সহিত পরিণীত হইয়াছিলেন। দশ হাজার মাসিদিন সৈনিক পুরুষও, পারসীক কণ্ঠাকে বিবাহ করিয়াছিল। এই সকল বিজাতীয় বিবাহ ব্যাপার দেখিয়া সম্রাট মাসিদিনগণ অত্যন্ত বিরক্ত হন। অবশেষে তাহার অলিকসন্দরকে পরিত্যাগ করিয়া স্বদেশে প্রত্যাগমন করেন। এই সময় তাঁহার প্রিয়তম বন্ধু হিপাস্টিয়ন, মৃত্যুমুখে পতিত হন। ইহাতে অলিকসন্দর অত্যন্ত ভগ্নহৃদয় হইয়া পড়েন। অলিকসন্দরের অমিতাচার যথেষ্টরূপে বর্দ্ধিত হইয়াছিল, ইহাতে তাঁহার শরীর জর্জরিত হয়। হিপাস্টিয়ান বিয়োগে, তিনি যেন শক্তিশূন্য হইয়া পড়িয়াছিলেন; ব্যাবিলনে তাঁহার জ্বর হয়, ইহার উপর মত্ত পানের তাঁহার বিরাম ছিল না, ব্যাবিলনে আসিতে নিষিদ্ধ হইয়াছিলেন, জ্বরের সময় এই কথায় তিনি সম্ভবতঃ অভিভূত হইয়া পড়েন, তাঁহার জর্জরিত শরীর আর জরবেগ সহ্য করিতে পারিল না। খৃ পূ ৩২৯ অব্দে জুন মাসে প্রায় ৩৩ বৎসর বয়স্ক্রে এবং ১৩৬৭সর রাজ্য ভোগ করিয়া এই নখর শরীর পরিত্যাগ করেন।

অলিকসন্দরের ভারত পরিত্যাগের পর, ভারতবাসীর সম্মোহ দূর হইল, ধীরে ধীরে তাঁহার নিজেদের অবস্থা বুঝিতে পারিলেন; আত্মজ্ঞানের সহিত তাঁহাদের প্রচ্ছন্নশক্তির আবির্ভাব হইল। অলিকসন্দরের প্রধান কর্মচারী ফিলিপো মৃত্যুক হস্তে নিহত হইলেন। বৈদেশিকদিগের নাম মাত্র অধীনতা পাশ তাঁহাদিগের ঐল লাগিল না, তাহা ছিন্ন করিবার

জন্ম সকলে একত্র হইয়া চেষ্টা করিলেন। ইত্যবসরে অলিকসন্দরের মৃত্যু সংবাদ ভারতবর্ষে উপস্থিত হয়। তাহার একটু ইতস্ততঃ করিতেছিল তাহারাত এই সংবাদে নির্ভয় হইয়া অস্ত্রধারণ করেন। এই সময় আর একটি ঘটনায় বৈদেশিকদের উপর ভারতবাসীর যথেষ্ট ঘৃণা উপস্থিত হয়। ইউডেমস, নামক মেসিডন কর্মচারী, একজন রাজাকে, সম্ভবত বীরবর পুরুকে, বিধাস্বাতকতা পূর্বক হত্যা করিয়া তাঁহার হস্তী সকল অধিকার করিয়া স্বদেশের যুদ্ধে যোগদিবার জন্ত গমন করেন। এই ঘটনায়, ভারতবাসীরা, বিদেশীদের উপর খড়্গ হস্ত হন। যে যুবক বিদেশীদিগকে ভারতবর্ষ হইতে বিদূরিত করিবার জন্ত বদ্ধ পরিকর হইয়াছিলেন, যিনি মাসিডনদিগের আগমন চিহ্নও ভারতবর্ষ হইতে উৎখাত করিয়া দেশের পবিত্রতা সাধন করিয়াছিলেন, যিনি বিপুল অক্ষৌহিনীর অধিপতি হইয়া, আফগানিস্থান, বেলুচিস্থান প্রভৃতি প্রদেশও আপনার দোদীপ্ত প্রতাপের অধীনে আনয়ন করিয়াছিলেন, ব্রাহ্মণ চাণক্য পরিচালিত, সেই মহাবল পরাক্রান্ত যুবকের নাম মহারাজ চক্রবর্তী চন্দ্রগুপ্ত। অলিকসন্দরের মৃত্যু, ইনিও অতি সামান্য অবস্থা হইতে, পাণ্ডিচ উন্নতির চরমসীমায় উপনীত হইয়াছিলেন। ইহার বন্ধুত্ব গ্রীকগণ আগ্রহের সহিত কামনা করিতেন। ইহারই সভায় মেগাস্থিনিস, পাটলি পুত্রনগরে দূতরূপে অবস্থান করিয়া ছিলেন। ইহারই পৌত্র ধর্মবুদ্ধি অশোক প্রজাপণকে পুত্র নির্বিশেষে পরিপালন করিয়া এবং বৌদ্ধধর্মের প্রচার কল্পে তদন্ততা দেখাইয়া সর্বিশেষ প্রসিদ্ধি লাভ করিয়াছেন।







